




De gg = B - B - D -

Oa¹² 7 - 2,543

Ex Biblioth. Gaspr. fromentij. iber





EMBLEMATA

AN. TERRARIA
ACADEMIE

ANTHROPOLITICA

STUDIORUM
EXERCITIA
INSTITUTIONES
ORATIONES

1757
NOLLA BERGA

EMBLEMATA ANTIQVA

RECTOR ACADEMIAE ALTORFINAE
LECTORI BENEVOLO
S.



T maximorum fluviorum parva admodum & contempta sunt capita & fontes: ita scientiarum quoq^{ue} omniumq^{ue} adeo studiorum nostrorum, incredibile est, quàm exilia & neglecta sint prima principia. Verùm in illis quidem affluxu rivorum, multorumq^{ue} fluviorum, augmenta tandem expectare licet: in his vero, certi tantum ordinis & institutionis ratio, incrementa & exoptatam ubertatem, promittere potest. Est autem omnis recte institutionis laus in eo precipuè sita, ut, postquam domi bonis moribus, tanquam usui dextra manus, assuefacti sumus, & ut ait Plato, didicimus rectè gaudere & odire, cæcus adhuc animus noster, & ad rerum perspicientiam nunc primum exsurgens, pedetentim à facilioribus &

dulcioribus, ad graviora & austeriora, deducatur. Quemadmodum enim oculus è tenebris, non potest subito clarissimam aspicere lucem, sed gradatim umbris quibusdam utens, ad solis radios, tutò progreditur: ita animus quoq; humanus (divinam illustrationem semper excipio) à summa ignorantia & caca caligine, ad opiniones primùm & dubitationes, inde sensim & latenter, ad veritatis clarum intuitum provehitur. Quodnam autem tenus illud & non insuave institutionis initium sit, si animum advertere velimus, natura ipsa, tacito quodam voluptatis sensu, satis nobis commonstrat. Videmus enim ipsi, & clarè idem etià docet, gravis in primis auctor, Dionysius Halicarnassensis, postquàm animi nostri sensa proloqui possumus, vehementer nos verborum ornatu & frequentia, omniq; orationis comenda ac polienda artificio, duci & delectari, immò in hoc studio impetu quodam animi, mirificè lascivire & deliciari. Et sanè lingue ista cura, quæ sitaq; lenocinia apparent his annis, in
sum-

summorum etiam virorum scriptis, si qua forte, vernante adhuc ætate, ediderunt: ita ut facile perspicui possit, majorem tunc, aut certe non minorem, illis verborum fuisse curam, quàm rerum. Neq³ mirum: ut enim nobis canescentibus, unà quoq³ canescit oratio: ita florentibus, floret. Cùm igitur primis studiorum annis, ab ipsa natura commendetur eloquendi facultas, quid nò in ea excolenda, primos quoq³ labores, voluptate præsertim conditos, impendamus? Verùm, quia exercitatio ista non potest suscipi, nisi res etiam aliquæ ei sint subjectæ (graviorum autem rerum summa adhuc imperitia est:) observarunt etiam illud sapientientissimi homines, fabularum tractatione, maxime ætatem ineuntem, capi. Alexander enim Aphrodisiensis, qui solus dignitatem philosophiæ Aristotelicæ olim sustinuit, eos pueros cæteris omnibus anteposuit, qui fabulis delectabantur: quòd eæ admirabilibus constet: in admiratione autem insit discendi quedam cupiditas. Atqui eadem hæc Alexan-

drearatio,convenit in Emblematicū etiā usum.
Ut enim fabulis, sic etiam Emblematis, ru-
dis adhuc animus, ab rebus evidentibus, si vè
in natura expressis, si vè ab arte factis, ad salu-
bria vite instituta, non sine insigni voluptate,
traducitur. Hæc igitur prima illa exercita-
tio est, in qua adolescentia, nostro quidem judi-
cio, omni studio est continenda: quæ ubi jam sa-
tis eam perpoliit, jam ad rationes aliquas pro-
babiles videndas, & ad argumentandū, men-
tis oculi attolli solent. Quamobrem aliud nunc
laboris genus subeundum, & orationibus in
partes contrarias, inventrix humani animi
vis excitanda & exacuenda est. Rhetorica
enim & Topica rationes, quæ persuadentes à
Seneca vocantur, & splendidibus vitris sunt
similes, quia exoterica sunt, & popularem in-
telligentiam vix superant, non ita difficilem
nunc habebunt inventionem: cū præsertim
ad eliciendum, quid in quaq; re veri simile vi-
deri possit, certis præceptis & locis, à philosophis
quoq; adjuvemur. Atq; hanc quidem exer-
cita-


citationis consuetudinem, Aristoteles etiam, ut
auctor est Cicero, vehementer comprobavit.
Adolescentes enim in thesi, non ad philosopho-
rum morem tenuiter differendi, sed ad copiam
rhetorum, in utramq; partem exercuit: quod
Strabo vocavit δέσεις ἀκινδύειν. Et habent om-
ninò hujusmodi ancipites disputationes, in
quibus de universo genere utrinq; copiosè disse-
ritur, suum quoq; naturale voluptatis condi-
mentum. In hoc igitur altero exercitationis
stadio, postquam jam quoq; quantum est satis,
desudatum erit, tùm demum maturitas esse in-
cipit, ad eam rerum doctrinam animum trans-
ferendi, quæ rationibus cogentibus & adamā-
tinis, ac principiis artis cujusq; propriis, inniti-
tur. Hæc vero magna quadam studiorum
mutatio & conversio jam est. In prioribus e-
nim tantùm rhetoricamur: in hac, sua quisq;
in arte, philosophamur: in illis prima fere ver-
borum, secunda rerum cura est: in hac contrà,
prima rerum, posterior est verborum: in illis
suavitas quadam dulcis est atq; decocta: in
hac

hac, austeram illam & solidam. Itaque etiam atque etiam videndum, ne immaturum adhuc animum, & erudiora studia, ad principes illas & graviores artes, ipsamque earum omnium matrem philosophiam, temerè propellamus. A qua quidem prepropera festinatione (certissimo multorum adolescentum naufragio) clara voce olim juvenutem revocavit Arcesilaus, inclamans, Non esse vellus portandum ad fullo-nem. Revocare etiam nos potest, egregia illa animi & corporis comparatio, quae est apud Themistium. Simile quid, inquit, animo accidit, quod corpori. Nam parvuli primò sic jacent, ut neque flectere se, neque ingredi valeat. Deinde ut quadrupedes reptant. Tum erigunt se & incedunt ut bipedes, nec indigent comite qui manum praebeat. Adeò vero promovent processu, ut jam & ad cursum vegeti, & ad omnes usus corporis firmi robustique sint: Eodem modo animus primum res tantum nominare potest, & intelligere quae nominat. Tum componere & meditari. Postremò universalia quae-

quædam iudicia & notiones scrutatur, quas simulatq; elicit, in seipso deponit atq; consignat. Hac autem omnia eò pertinent, primum quidem, ut qui apud nos, istam quam ostendimus, studiorum viam ingressi sunt, latentur rectam se esse ingressos, laudatam ab laudatissimis viris, & ab ipsa natura, certa voluptate commendatam: deinde, ut absentibus etiam Academia nostra instituta comprobemus. Triplicem enim illam quam diximus, exercitationem, perpetuò apud nos urgeri volumus: & offerimus ex primo genere nunc classica adolescentum nostrorum progymnasmata, quorum partem aliquam superioribus annis publicè quoq; spectandam proposuimus. Exercitationes enim Aristoteleæ próthesi & contra thesin ^{ἐν τοῖς μὲν} differendi, quas secundo loco suprà laudavimus, itemq; disputationes de artibus didascalica, quæ tertiam laboris Academici partem occupant, ad publicos jam professores propriè pertinent: & certum est nobis, summo
(quo-


quoq. studio ibi laborari, ut officij cuiusq. ratio
consuet, ne quid vel negligenter omittatur, vel
perturbatè & sine ordine, committatur. Tu
voluntatem nostram optimam, faustis
acclamationibus pro-
sequere.





Eidem Lectori.

CONstitueramus quidem, his Emblematicis ac Symbolicis
explicationibus conjungere doctissimas Orationes quas-
dam in principio ac progressu hujus Academiæ institutæ,
ab anno Christi 1577. usque ad annum 1581. Rectore Clariss.
viro D. Thoma Fregio P.M. habitas: sed cum illæ alio consilio,
ac, ut plurimum argumento diverso fuerint compositæ ac recita-
tæ, ac præterea jam pridem typis elegantibus in hac urbe impres-
sæ, supervacaneum esse putavimus, eas rursus huc transferre,
cum præsertim hoc modo noster liber facilè in nimiam molem
excrefcere potuisset. Quod si forte eam editionem aliqui non-
dum viderint, ad eam quæ ex officina Gerlaciana typographica
prodit, candidum lectorem remittimus. Vale.







VI.

PANEGYRIS ANNI 1582.
 SVB RECTORATV D.D. EDO-
 NIS HILDERICI
Theologi.

*Oratio primæ classis recitata à Phi-
 lippo Rietero Noriberg.*



U*N* ea schola nostra classe in qua ego
 studiorum causa versor, scio multos esse adolescen-
 tes, q̄ me ut atate, ita ingenio, doctrinâ, memoriâ
 & dicendi exercitatione longe superant. Proindeq̄
 id, quod mihi nunc à Magnifico Domino Rectore imponitur,
 majori laude & felicitate prestare potuissent.

A

veor &

veor & mandato praeceptorum meorum, quibus reverentèr
adolescentes decet obedire, & insigni humanitate auditorum
omnium ordinum, Comitum, Baronum, nobilium, hospitum,
professorum & studiosorum adolescentum, ut tanto facilius
sim passus mihi has dicendi partes imponi. Quare veniam me
facile consecuturum spero: & ne longiori Exordio vobis sim
molestus, è vestigio conferam me ad explicationem symboli quod
in pulcherrimo numismate praeij loco ab Amplissimo Senatu
Noribergensi & Dominis Scholarchis ijs datur scholasticis, qui
ex suprema classe praeceptorum iudicio ad publicas auscultatio-
nes promoventur. Insculptum est numismati nobis donato
pulvinar, cum libro aperto & pugione. Qua imago haud dubiè
sumta est ex historia Alexandri Magni. Hic enim ad eò di-
citur delectatus lectione Homeri, ut cum cubitum se conferret,
ejus poema cum pugione suo cervicali subjiceret, ut cum exper-
gisceretur (somnia autem parcissimus fuit) semper ad manum
haberet praestantissimum autorem, cujus etiam nocturna lectio-
ne multarum virtutum praecepta & exempla cognosceret. Ima-
ginis insculpta usum indicat hac sententia addita: Virtutem
doctrina parit. Quo symbolo prudentissimus & amplissimus
Senatus Noribergensis sapienter nostrum ordinem scholasti-
cum monere voluit, ut cogitaret excellentem virtutem sine a-
cerrimo literarum studio & eximia eruditione comparari non
posse. Quod verissimum esse, & ipsa ratio docet, & autoritas
cum divina tum humana comprobatur, & exempla quam pluri-
morum laudatissimorum principum testantur. Ad ipsam
enim rationem quod attinet, quis non videt tantum differre
hominem doctum ab indocto, quantum differt dies à nocte,
lux à tenebris, visus à cecitate? Mentis enim est per do-
ctrinam lucem monstrare voluntati ea, quae sunt expetenda &
fugienda

fugienda: Voluntas est, per virtutem ea facere, quae praecipit mens, & fugere quae ea dem prohibet. Recte enim Poëta inquit: Quod later ignotum est: Ignori nulla cupido. Quae de re plura non dicam. Amor enim virtutum, & odium vitiorum in voluntate non possunt existere sine intellectu virtutum & vitiorum in mente. Hoc enim prorsus esset contra humana naturae conditionem. Idem ostendit divina autoritas. DEVS enim Deuter 17. capite per Moysen sic inquit: Describet sibi repetitione huius legis Rex in libro, ut sit cum eo, & legat in eo cunctis diebus vitae suae quo discat timere Dominum DEVM suum, & observare cuncta verba legis. Postea Iosua cap. 1. ad Iosua dicit Dominus: Non recedet ab ore tuo liber legis huius, sed in eo die ac nocte meditaberis, ut custodias & facias secundum omnia quae in eo sunt scripta. Divina igitur autoritas testatur, actiones cum omnium hominum, tum maxime principum certis notitijs & praeceptis regendas esse. Ideo & Sapientia apud Salomonem in proverbjs. 8. cap. inquit: Per me Reges regnant & iudices iusta decernunt. Quod si quis hac de re humana etiam autoritatis testimonium requirat, is hoc Platonis testimonio sit contentus, qui dicit: Eas demum Respublicas fore beatas, in quibus aut Reges philosopharentur aut Philosophi regnarent. In quo dicto Plato sapientissime vult cum potentia conjungi sapientiam. Recte enim apud Gracos dicitur: Τὸ ἰσχυρὸν αὐτὸ καὶ τὸ ἐμψυχὸν αὐτὸ καὶ τὸ ἐμψυχὸν αὐτὸ καὶ τὸ ἐμψυχὸν αὐτὸ. Id est: Robur expers est intelligentia, intelligentia potentia. Sed quanta doctрина & disciplina vis sit, in natura vel malis corrigendis vel bonis augendis, id maxime in exēplis doctissimorum principum cernere licet. Historia enim ostēdunt eos reges, principes & gubernatores, qui literarū studia coluerūt, indoctis principibus virtutis laude longē antecelluisse. Quanta enī virtus fuit in Davide

Rege Israëlitarum, propter acerrimum sacrarum literarum studium? Idem Rex, si statuisset doctrinam, piam assuefactionem & disciplinam nihil prodesse ad comparandam virtutem, non tradidisset summo & eruditissimo Propheta Nathan in disciplinam suam filium Salomonem. Cyrus primus Persarum Monarcha, & optima disciplina Persica ad virtutem institutus fuit, & à sapientissimo Propheta Daniele veram de DEO doctrinam didicit. Alexander Magnus, qui Persarum Monarchiam ad Græcos transtulit, in omnibus Philosophiæ partibus à summo Philosopho Aristotele eruditus fuit. In Romana Monarchia, quanta eruditione præditus fuerit Iulius Cæsar, id ejus ostendunt commentarij sapientissimè scripti. De quibus audite, si placet, judicium Ciceronis. Commentarios quosdam scripsit rerum suarum valdè quidem inquam probandos, nudi enim sunt, recti & venusti, omni ornatu orationis tanquam veste detracta. Sed dum voluit alios habere parata, unde sumerent, qui vellent scribere historiam, ineptis gratum fortasse fecit, qui volunt illa calami stris inurere; sanos quidem homines à scribendo deterruit. De eodem scribitur, quod cum Pompeio interfecto, Alexandriam venisset, more scholastici in turba lectiones doctorum virorum audiverit. Augustus Cæsar & literarum & literatorum hominum maximus fuit fautor. De M. Antonino Philosopho Romanorum Imperatore expresse scribit Dion, multum eum doctrina adjutum fuisse ad exercendam virtutem, cum inquit: ΑΥΘΟΥ Δ' ΗΥ, ΚΑΙ ΣΕΥ ΠΡΟΣΠΟΙΗ ΤΩΝ ΕΙΧΕΝ: ΠΑΜΠΟΛΙΤΕ ΚΑΙ ΤΩ ΠΑΙΔΕΙΑΣ ΩΦΕΛΗΘΗ. Hic etiam cum esset Imperator, egressus annum quinquagesimum accessit ad auditoria Philosophorum. Constantinus Magnus tanta eruditione fuit præditus, ut ipse potuerit regere Synodum Nicenam, & in ea de summis articulis fidei inter alios

Episco-

Episcopos & eruditissimos viros sententias dicere, Theodosius secundus sua manu descripsit libros novi testamenti, & in eis quotidie aliquid legit, cui mos dicitur fuisse mane precationes dicere & Psalmos canere cum conjuge & sororibus. Sed ut de alijs principibus doctis, quos alia regna habuerunt, nihil dicam: An non inter Imperatores Germanicos hi clarissimi sunt, qui studia literarum coluerunt, & scholas publicas fundarunt? Quales sunt Carolus Magnus Gracarum & Latinarum literarum peritissimus, qui à Graeco Imperij Romani ad Germanos transtulit: Fridericus Secundus, earundem linguarum & aliarum maxime callens, Mathematicorum, Physicorum & Medicorum studiorum instaurator felicissimus, & dignissimus qui summis heroibus annumetur, qui excellentem in omnigenere doctrinarum eruditionem cum virtute & gloria bellica conjunxerunt: Maximilianus, Carolus, Quintus Ferdinandus, & Maximilianus secundus, qui Imperatores omnes & ipsi excellenti bonarum artium cognitione exculsi fuerunt, & viros doctos in magno precio habuerunt: Quidam etiam libros scripserunt: Ut Maximilianus primus, cujus sylvam experientiarum non vulgarium citat alicubi Iac: Spiegelius: Ut Fridericus secundus, cujus extat liber de arte venandi cum avibus, cui praescripta ab ipso verba sunt memorabilia, & vobis ut spero non ingrata futura si etiam hic à me recitentur: Nos profecto, qui divina largitione populis praesidemus, generali, qua omnes homines naturaliter scire desiderant, & specie aliqua gaudent aliqui utilitate proficere, ante suscepta regiminis nostri onera semper à juventute nostra quasi vimus scientiam, formam ejus indefinenter amavimus, & in odore unguentorum suorum semper aspiravimus indesse. Post regni v. nostri curas assumptas, quamquā operosa frequenter negotiorum turba

nos distrahas, & civilis sibi ratio vendices sollicitudinis nostrae
 partes, quidquid tamen temporis de rerum familiarium occu-
 patione decerpimus, transire non patimur otiosum, sed totum
 in lectionis exercitatione gratuitè libenter expendimus, ut ani-
 ma clarius vigeat instrumentum in acquisitione scientiae, sine
 qua mortalium vita non regitur liberaliter. Satis ne magnum
 hoc vobis, Auditores optimi, videatur cognitionis & scientiae
 studium in Imperatore? Sed brevitatis temporis jam obstat, ut
 ne nominare quidem mihi liceat principes eos, qui in historijs
 clari sunt propterea, quod cum belli pacisq; artibus solida eru-
 ditionis laudem conjunxerunt: Qui certè in cognoscendis
 bonis artibus nihil temporis, nihil opera, nihil studij posuissent,
 si earum cognitionem ad virtutem & gloriam comparandam
 nihil prodesse censuissent. Sed sicut ante dixi, & ipsam naturae
 humanae conditionem & auctoritatem cum divinam, tum hu-
 manam, & exempla doctissimorum principum omnium tempo-
 rum diligenter consideraverimus, reperiemus verissimum esse
 hoc symbolum: Virtutem doctrina parit. Quare hanc sapien-
 tem communes actionem in pulcherrimo argenteo numismate
 nobis propositam grato animo amplectamur, eamq; ipso opere
 implere annitamur. Quo nihil gratius erit, Amplissimo &
 Prudentissimo Senatui Noribergensi, qui nullis sumptibus parcat,
 ut nos adolescentes ad studium literarum & virtutis excites.

D I X I,

ORA-

ORATIO SECVNDÆ CLASSIS,
RECITATA A GENEROSO DOMINO
BARONE GEORGIO ERASMO
à Tschernembl Austriaco.



Cum Iunioribus apud sapientes, graves
& eruditos viros, quales jam hic Convēsus multos
habet, faciēda sunt verba, nihil eos magis decere
arbitror quam brevitatē orationis. Quare & ego cum
praeceptoribus in hoc eruditissimorum virorum consessu aliquid
dicere jubear, odiosam sermonis prolixitatem fugiens, statim
me cōvertam ad qualemcūq; explicationem pulcherrimi sym-
boli, quod ab Amplissimo Senatu Noribergensi in argenteo nu-
mismate nobis adolescentibus proponitur, qui ex secunda classe
in primam promovemur. Imago igitur, quae in numismate
nobis attributo insculpitur, haec est: Rhinoceros cornu, quod
in naribus habet, exacuit & limat ad petram. Quod hoc a-
nimal facere dicitur, cū pugnam initurum est cū Elephan-
te, cujus alvum, quam scit se acuto cornu penetrare posse,
pugnans

pugnans precipue petit, & in hac corporis parte Elephantem
vulneratum occidit. Quod si Rhinoceros in pugnando ab al-
vo Elephantis aberrat, ejus proboscide feritur, & dentibus di-
laniatur. Anno Christi 1515. Albertus Dürerus Noriber-
gensis pictor nobilissimus Regi Lusitaniae Emanueli pictura ele-
gantissima expressit vivum Rhinocerotem, quem Rex è Cam-
baria India regione acceperat. Ex illa Dureri pictura suspicor
desumptam imaginem Rhinocerotis, quæ in nostro numismate
conspicitur. Idem Lusitania Rex, ut horum animalium discor-
diâ & pugnam experiretur, ea aliquando inter se commisit: sed
Elephas conspectum Rhinocerotem dicitur fugisse. Unde colli-
gitur Rhinocerotem animal esse animosum, & quamquam mi-
nus est Elephantæ, tamen fiducia sui cornu cum eo audere con-
gredi, & sepè victorem Elephantis existere. Atq; hæc bre-
viter sint nobis dicta de imagine Rhinocerotis, qui se non teme-
re committit pugna cum robustissimo & fortissimo hoste in-
eunda, sed se ad futurum certamen exacuendo cornu ad saxum
diligenter preparat, ut victoriâ potiatur. In numismate ima-
gini Rhinocerotis suum cornu ad petram acuentis addita sunt
hæc verba, ex Catulli carmine desumpta: Amat victoria cu-
ram. Cujus symboli haud dubiè hæc est sententia: Nullam
victoriam ab ullo hoste unquam reportari sine ingenti curâ, sine
labore & sine aliquo periculo. Quæ sententia multis exem-
plis præstantissimorum regum, principum & ducum ex historia
desumptis illustrari posset, si temporis brevitatis eorum commemo-
rationem admitteret. Quid enim? An recens tot præ-
claras victorias ab hoste bellicosissimo & sevisimo Moscho-
vita Stephanus Polonorum Rex sapientissimus, fortissimus &
felicissimus, sine immensa cura, assiduo labore & maximo peri-
culo reportare potuisset? Cui Regi secundum DEVM immor-
tales

sales gratia debentur, quod multas Ecclesias Christi in Livonia
& vicinis locis à tyrannide Moschovitica liberavit. Sed
pratermissis bellicis victoriis paucis attingamus scholasticam
militiam. Nobis enim scholasticis de nostra militia inclytus
Noribergensis Reip. Senatus in hoc symbolo commonefactionem
proponere voluit. Habet noster ordo hostes non paucos, qui
nobis obstant, quo minus ad bonorum artium cognitionem &
virtutis possessionem perveniamus. Quorum è numero hi
quoq; sunt, quos Hermolaus Barbarus Venetus, vir de studijs
literarum optimè meritis, in hoc versu nominat:

Venter, pluma, venus laudem fugienda sequenti.

Eosdem & Pithagoras in aureo suo carmine nominat, cum
inquit.

Κατὰν δ' εἰδίζεο τῶνδ' ἐ: γαστρος μὲν πρῶτισα,
καὶ ὕπνος, λαγνείης τε.

Qui igitur in castris Musarum versantur, ante omnia
studeant temperantiae & sobrietati, ne à ventre, gula & cra-
pula turpiter vincantur, ut Sardanapalus & Bonosus Impera-
tor victi sunt. Verus enim est hic senarius: πᾶχ' αὖ γαστήρ,
λεπτὸν δ' πίπτει νόον. Deinde Musarum tirones odisse debent
nimium somnum, alterum illum sui ordinis hostem, ne ejus mi-
serrima fiant mancipia. Cogitent exempla: Demosthenis pri-
mum, qui antelucanas operas fabrorum solitus est antever-
tere. Et item Alexandri Magni, qui minorem partem no-
ctis somno, majorem vigilijs & meditationibus, tribuere con-
suevit. Iulianus quoq; Imperator, aliàs malus & impius, no-
ctes dispartitus fuit in triplicia officia: Quietis, Reipublicae &
Musarum. Quare & Plinius rectè nobis vigiliam commen-
dat, cum inquit: Vigilia in ijs, in quibus animus inquiet, ope-
re pascitur. Et idem Plinius in praefatione historiae suae natura-

lis ad Imp. Vespasianum exclamat: Profecto visa vigilia est.
Ut significet, quantum quisq. temporis somno tribuat, tantum
vitæ suæ detrahere. Verissimè certè, nam & Plato ait in 7. de
legibus eum qui nimio somno deditus sit, nullius pretij hominem
esse, nec plus valere mortuo: quod somnus & corpori & animo
nostro & utriusq. functionibus impedimentum adferat. Nec
aliter Aristoteles: qui potius vigiliis quam somnum vitæ cau-
sam esse pronunciat. Τὸ ἐγρηγορεῖν, inquit, τῷ ζῆν ἄριστον
ἐστίν, ἢ τὸ καθεύδειν. Ex quibus mihi videtur Ovidius suos hos-
ce versiculos expressisse, qui in omnium ore sunt:

Stulte quid est somnus, gelidæ nisi mortis imago?
Longa quiscendi tempora fata dabunt.

Tertius scholastici ordinis hostis est fædus amor prohibita
veneris, DEVM & homines gravissimè offendens. De quo
hoste extant versiculi Bacchylidis veteris Poetæ Græci, quos
Philippus Melanchthon latinè sic reddidit.

Vt cum destatua facies formosa remota est,
Non decus in toto corpore truncus habet:
Sic reliqui mores spreti sine honore iacebunt,
Ni sint ornati laude pudicitia

Pretonius Arbiter quoq. de eo sic inquit:

Fæda est in coitu & brevis voluptas:
Et tædet Veneris statim peractæ.

Hic tres quos dixi hostes primum vincendi sunt tironibus
Musarum, & postea in alios multos domesticos hostes fortiter
impetus faciendus est, ut feliciter superentur, expellendæ mul-
tiplices tenebræ è nostris mentibus, ejicienda ex voluntatibus
innumerabilia vitia, domandi multi pravi affectus in cordibus
nostris

*nostris, ambitionis, superbia, emulationis, invidia, avaritia.
Rectè Prosper inquit:*

Nunquam bella bonis, nunquam certamina desunt,
Et quo cum certet mens pia semper habet.

*De his tot & tantis hostibus sine cura, sine diligentia, sine
labore, ut symbolum nobis datum nos monet, noster ordo nullas
obtinebit victorias. Preparemus igitur nos magna cum cura
ad omnis generis certamina, ut necessaria eruditione, & me-
diocri discendi facultate instructi, cum acerrimis adversarijs ve-
ritatis, legum & honestarum artium aliquando feliciter &
gloriosè pugnare, & per tales victorias Ecclesie Christi ac Reip.
magnò usui esse possimus.*


D I X I.



B 2

ORA-

ORATIO TERTIAE
CLASSIS, RECITATA à VIL-
HELMO THEODORICO
Marschalck ab Ebner.



*Uadam Germania civitas ad Ca-
rolum Quintum Imperatorem legatum miserat,
adjuncto comite adolescente pulcherrimo, primarij
ejus civitatis viri filio. Cumq; legatus Imperatori
sua Reipub. negotium exposuisset, interrogat eum Imperator de
comite adolescente, cujas esset & cujus filius? Respondit lega-
tus, esse eum cujusdam primarij in sua Rep. viri filium, & unà
secum missum, ut quadam digna memoria & videret & audi-
ret. Imperator igitur hoc audiens, adolescentem colloquio
dignatur, eumq; de quibusdam rebus interrogat, quas ingenu-
um adolescentem scire oportet, ut domum is reversus gloriarì
posset, se cum Imperatore esse collocutum. Sed cum adolescens
piscè magis mutus esset, nec Imperatori ad interrogatoria quic-
quam respondere posset; Imperator legato, Tuus, inquit, comes
pulchra!*

pulchra est statua, significans pulchritudinem corporis & nobilitatem generis sine doctrina & virtute parum prodesse hominibus. Hujus dicti Caroli Quinti Imperatoris mihi venit in mentem, cum considero in numismate hoc symbolum: Nobilitatis virtus non stemma character. De quo symbolo, omisso longiori Exordio pauca dicam.

Numisma, quod pramij loco munificentia inclyti Senatus Noribergensis tribuit ijs scholasticis, qui ex tertia tribu in secundam evehuntur, harum rerum, ut videmus, habet imagines: Grandior aquila unguibus suis arreptum pullum tenet, eumq; rectà intueri cogit aduersum solem, cujus fulgentes radios si ferre oculus potest, agnoscit eum pro legitima prole & in nido retinet, atq; educat. Sin præ imbecillitate visus oculos à solis radijs avertit, pro spurio eundem habet, suaq; educatione indignum judicat, atq; è nido precipitat. Inter alias enim virtutes aquilarum etiam hæc est, quod visu maxime valeant, quodq; illæis oculis sine lachrymis non conniventes, & ut Græci loquuntur, αὐτὸν ὄψαντι, fulgorem radiorum solarium aspiciere possint. Ex hac aquilarum natura & virtute hæc similitudo ducitur: Vt pullo aquilino ad aquilinam nobilitatem probandam non satis est, ab aquilis generosis progeneratum esse, sed hoc etiam in eodem necessarium est, ut virtutem aquilis dignam habeat, sine qua à parentibus pro legitima sobole non agnosceretur: Ita in genere humano, si quis pro verè nobili haberi velit, ei non satis est jactare nobilitatem generis majorum suorum, quod nobilitatis argumentum est levisimum: sed maxime hoc necessarium est, ut majorum suorum eximiam virtutem referat ac possideat: sine qua ne suorum quidem parentum iudicio ullus verè nobilis est, nec pro nobili habendus. Quapropter imaginibus numismatis nostri hæc inscriptio rectè

additur: Nobilitatis virtus, non stemma, character. Id est, magis vereas, quam genus nobilitatem efficit, vel potius sola virtus non majorum sanguis vera nobilitatis firmum est argumentum. Atque sapientiam & utilitatem continet hoc syncholum. Primum eos quibus generis nobilitas contigit, quæ ἐὺγενεὶς Græci dicitur, sapienter monet, ut cum ea vera virtutis studium conjungant. Deinde eos, qui genere ignobiles sunt, hortatur, ut per acerrimum sapientie ac virtutis studiū veram nobilitatem sibi comparent, quam Græci φιλοσοφίᾳ ἐὺγενεὶς vocant, quæ tanto tū ἐὺγενεὶς antistat, quanto propria virtus aliena virtute nobis utilior est. Tertiis docet Ignobilitatem generis hominibus novis, qui nullis majorum imaginibus, sed virtute propria clari sunt facti, nihil obesse quo minus & sint & habeantur verè nobiles. Postremo significat nobilitatem generis propriè inutilem esse iis, nec quicquam prodesse, qui mali & improbi sunt, & a virtute majorum suorum turpiter degenerant. Imò hos Aristoteles 4. de ortu animal: cap. 3. non dubitat monstra appellare. De hac postrema parte extat elegans Epigramma, gravissimæ Theologi GREGORII NAZIANZENI, in quo multis rationibus demonstrat, τὸς ἐὺγενεὺς δὲ κακοῖς, id est, nobiles malis moribus præditos frustra gloriari de nobilitate sui generis. E quibus tanti viri rationibus hic aliquas proferre operæ pretium est. Si, inquit, corpore admodum esses deformis, & tetrὰ laborares graveolentiâ, ut tuius halitus oris nemo circumstantium ferre posset, & hæc mala tibi aliquis objiceret, an prociesset tibi dicere: patrem habui formosum, patrem habui benè clientem? Item, si tibi quis objiceret muliebrem timiditatem & mollitiem, an satisfaceres contumacienti, si diceres, majores mei multas coronas Olympicas sua virtute obtinuerunt? Ita si te aliquis rudem & ma-

& malum hominem appellaverit, nihil te juvabit, si respondeas, majores tuos & parentes viros sapientes & bonos fuisse. Item, uter Musicorum est melior, illene qui inaurata cithara optimè canit? nimirum, qui vulgari cithara optimè. Similiter, ut laudi rosa nihil decedit, etiamsi ea ex aspero frutice nascitur, & ut spina et tuperatio non minuitur, etiamsi ea ex tenera proveniat terra: Ita qui bonus est, licet obscuros habeat aut malos parentes, tamen merito præferendus est ei, qui nobilissimum & optimum genus suum malis moribus dedecorat. Hac & plura alia GREGORIUS NAZIANZENSIS in Epigrammate, in nobilem degenerem scripto, sapienter & eruditè monet.

Quæ cum ita se habeant, & judicia sapientum virorum magni nobis sint facienda, eaq; vera comprobent cum historiarum quotidiana experientia, sapè multumq; ut nos ad virtutis studium ex citemus, de hoc symbolo cogitemus: Nobilitatis virtus, non stemma, character. Qui ex claris majoribus orti sumus, non cōfidamus eorum virtutibus & meritis, nec alios præ nobis contemnamus, sed ipsi quoq; majorum nostrorum exemplis sapientia, pietatis & virtutis studium colamus, & benè de Repub. de Ecclesiâ DEI, de tota societate humana mererî studeamus, memores versuum Iuvenalis:

Tota licet veteres exornent undiq; ceræ
 Attria nobilitas sola est atq; unica virtus.

Et versus Gregorij Nazianzeni, in dicto Epigrammate.

Δελαῖ ἐμοὶ τὰς σκαλὸς ἐλπίδας οὐκ ἔστι.

Qui vero ex parentibus Ignobilioribus minusq; laudatis procreati sumus, aut patriâ minus claram habemus, aut opibus non ita magnis abundamus, aut corporis dotibus destituimur: tamè propterea non desperemus, sed tanto magis studio literarû,

*pietatis & virtutis incumbamus, ut per hac media DEVS nos
 pro sua immensa bonitate ita crebat, ut fiamus salutaria orga-
 na Reipublicæ & Ecclesiæ DEI. Nam Psalmus 113. bonita-
 tem DEI his verbis celebrat: Quis sicut Dominus DEVS
 noster, qui in altis habitat? Humilia respicit in calo & ter-
 ra, erigens è pulvere inopem, & de stercore erigens pauperem,
 ut collocet eum cum principibus, cum principibus populi sui.
 Quid quod etiam Ethnici obscuro loco natos, cum virtuti stu-
 dent, præferunt ijs, qui sine propria virtute, stemmata maio-
 rum suorum tantummodo jactant? Ideo Iuvenalis Satyra 8.
 sic inquit:*

Malo pater tibi sit Therſites, dummodo tu sis
 Acacida similis, vulcaniaq; arma capeſſas,
 Quàm te Therſitæ ſimilem producat Achilles.

Et Ovidius: 13. Metamorph,

Nam genus & præavos, & quæ non fecimus ipſi,
 Vix ea noſtropo.

D I X I.



O R A-

ORATIO QUARTAE
CLASSIS RECITATA A HIERO-
NIMO HOLTSCHVHERO.
Noriberg.



Ne o numismate, quo Ampliſſimus

Noribergensis Senatus nos donat, qui ex infima classe ad proximè superiorem ascendimus, hac inscriptione legitur: Vivitur Ingenio. Quam inscriptionem legens, timidus ad dicendū accedo. Quid enim nos adolescentes, qui vix in hanc vitā ingreſſi sumus, de vita afferemus dignum auribus eruditissimorum virorum & juvenum, qui in hoc conventu conspiciuntur? Quid item praclari de ingenio, re maximè abdita minimeq; in sensus incurrente diceremus nos pueri minimè ingeniosi, qui vix de rebus quotidianis, & ante oculos positis tria verba proloqui possumus? Ego vero pra alijs adolescentibus puerili etiam quadam timi-

C

ditate

ditate impediōr, quo minus ea, quae utcumq; didici, proferre queā. Augēt hanc meam timiditatem & ingenij mei tenuitas, & imperitia rerum, quae cum puerili aetate conjuncta est. Sed quia Magnifico Domino Rectori modeste obicini erandum est, qui me jubet specimen aliquod edere mei in studijs profectus, pauca in medium adducam de Symbolo, quod ab inclito Senatu Noribergensi scholasticis nostri ordinis benignè attributum est. Videmus igitur nostrum hoc numisma in uno latere continere insculptum monumentum seu sepulchrum quoddam, cui species quadam hominis insistit, habens geminas in dorso alas, & geminas in manibus tubas ori admotas. Imago sepulchri haud dubiè nos monet, omnibus aliquando moriendum esse, atq; idcirco omnem superbiam, arrogantiam & fastum mature deponendum, omnia humana & terrena, quamvis splendida, tamen, utpote morti obnoxia, contemnenda calcandaq; esse, sicut vulgares hi rythmi idem nos monent:

Cum tumulum cernis, cur non mortalia spernis?

Tali namq; domo clauditur omnis homo.

Extat apud Gracos in libello Epigrammatum Distichon, quod de eadem re piè, & sacris literis convenienter nos commo-
æfacit, quod tale est:

Γῆς ἐπέβην γυμνός, γυμνόςθ' ὑπὸ γαῖαν ἄπειμι.

Καὶ τί μάρτην μοχθῶ γυμνὸν ὄρων τὸ τέλος;

id est:

Nudus in hanc veni terram nudusq; redibo,

Quid crucier frustra? clausula nuda datur.

Species tamen quae sepulchro insistit, monet, aliquid esse quod cum homine non moriatur, videlicet excellens ingenium, quod comprehendit eximiam doctrinam, singularem virtutem, & insignem gloriam, quae omnia certa quadam ratione
inter

inter se coherent ut causa & effectus, eademq; mortem effugiant. Ingenium enim parit doctrinam, doctrina virtutem, virtus gloriam, gloria immortalitatem. Ala igitur Imagini addita significant gloriam virtuti debitam, per totum orbem terrarum, & sursum in celum volare, nec sepulchro posse capi. Adducuntur & tubæ geminae, ut significetur, virtutes magnorum, & de genere humano benè meritorum virorum pleno ore solere cani, & passim predicari. Ac fieri potest, ut altera geminarum tubarum, poëtas, altera historicos aliosq; soluta orationis scriptores denotet, quorum tubæ tam sunt sonora, tamque in canendo durabiles, ut ab ortu usq; ad occasum, & ab occasu usq; ad ortum, per omnia secula audiantur. Ac de poëtica tuba Ovidius sic inquit :

*Carmine fit vivax virtus, expersq; sepulchri,
Notitiâ feræ posteritatis habet.*

Item Horatius :

Dignum laude virum Musa vetat mōri.

Qualis & quanta sit tuba illa altera in celebrandis claris viris, quæ soluta oratione utitur, quæq; oratoria dici potest, satis ostendit epistola Ciceronis ad Lucium Luceium Quinti filium, in qua inter cetera summus orator sic inquit : Ardeo cupiditate incredibili, neq; ut ego arbitror, reprehendenda, nomen ut nostrum scriptis illustretur, & celebretur tuis. Per has igitur tubas, cum poëticam tum oratoriam, multi præstantissimi viri celebrati immortale nomen sunt consecuti, ut non minus per bonam famam apud posteros vivere videantur, quam olim suis ipsorum temporibus vixerunt. Commemorationem exemplorum, quæ sunt apud scriptores innumerabilia, brevitatis causa omitto. Nec verò solum illa persona quæ tuba vel poëtica vel oratoria celebrantur, immortales fiunt, sed

ipsa etiam persona, quæ hujusmodi tubis canunt, facile inclarescunt. Non minus enim immortalis factus est Homerus, quam ipsi illi Heroës quos divino suo carmine celebravit. Eodem modo judicandum est, de omnibus bonis scriptoribus, qui vel res cognitione dignas, vel personas virtute præstantes monimentis literarum commendarunt. Quicumq; igitur cupidus est immortalis vel nominis, vel gloriæ, (omnes autem cupidi esse debemus) hic aut præclare agendo & vivendo materiam præbeat tubæ poëticae & oratoriae, aut alterutra harum tubarum discat ipse præclare canere. Ad utrumq; comparandum, ingenium est necessarium. Sine ingenio enim nec laudabilis materia ad canendum suppeditari, nec hæc quas dixi, tubæ præclare possunt inflari atq; usurpari.

D I X I.



PANEGYRIS, ANNI 1683.

SVB R E C T O R A T V

D. D. IOHANNIS BYSENREVTI
IVRECONSULTI.*Emblema Primacuria, explicatum per
Joh: Andream Geuderum.*

*TSI me pudor, quem mihi natura
tribuit, satis commonere poterat, ne in hunc lo-
cum, qui eloquentissimis ac eruditissimis omni
tempore patuit, omnino descenderem: Viri omnium*

*Ampliss: ac Nobiliss: Scholarcha digniss: ac prudentiss: vos
deniq; ceteri Aud: ac hospites gratiss: ac ornatiss: quia tamen
à Magnifico Domino Praeceptore iussus sum, ut in hac Am-*

plurimorum virorum corona, specimen ingenioli mei edam:
ne forte id, quod in presenti accepi premium indignè accepisse
videar, hanc provinciam nullo modo detrectare possum. Quæ-
nam igitur huius præmij sit imago: quodq; problema, dicam Aud:
paucis. Sed antequam dicam, quæso obtestorq; vos, tribua-
tis mihi hoc beneficium, ut dum hac summatim persequar, ora-
tionis meæ cursus, aura lenitatis ac facilitatis vestræ adjuve-
tur. Naturalis hystoriæ scriptor Plinius refert, quod etsi ser-
pentes hominem odio naturali & sempiterno prosequuntur, &
quibuscunq; possunt modis ledunt, inficiunt, interimunt: ho-
mini tamen contra serpentes, natura venenum concesserit præ-
sentissimū. jejuni scilicet humani oris salivā. quæ serpentes ita,
velut aquæ ferventis, contactum fugiant, quæq; si in fauces
penetraverit, etiam moriantur. Hoc ut natura erga huma-
num genus singulare est beneficium: ita sobrietatis & veneris
luxusq; præclarum est simulachrum. Quid enim venere est
venenatius? quid luxu nocentius? quid immoderatā vitā pe-
stilentius? hæc bonarum literum est venenum: hæc artium &
disciplinarum perniciēs, hæc omnis honestæ vitæ morumq; pe-
stis & corruptela: Hæc mentis usum pervertit: omnem hu-
manæ vitæ dignitatem commaculat: DEI in homine scul-
ptam imaginem debilitat: quin imò mente penitus & omnis
veræ artis usura spoliatur, & quasi Circes poculo in putidissimas
bestias transformat. Quid porro corporis robur perdit? in-
temperantia: quid morborum iliada gignit? intemperantia:
quid deniq; omnium vitiorum gurgēs, & sentina est malorum?
Intemperantia. Non est, quod quis vestrum sine exemplorum
appositione lentius hæc à nobis dici miretur: vitæ atq; factis
omnium penè hominum abundè satis hoc comprobari potest.
Vultis igitur exemplis præscorum populorum apud vos utamur?
vultis

vultis ex antiquissimis historijs regia dignitate viros illustres, his verò vitijs infectos repetamus? Alexandrum, cui ex rebus actis & auctis Magni nomen est inditum, Alexandrum inquam hâc luxuriâ, & immoderato voluptatum usu, còprolapsum esse accepimus, ut optimos etiam amicos, inter quos Clytū sua nutricis fratrem, in convivio occiderit. Quò impietatis & crudelitatis insatiabilis Nero impurissimus non prosiliit? cum vino guleq; tam deditus esset, ut mutato nomine pro Claudius Tiberius Nero, Caldius Biberius Mero dici meruerit. Sed quid ego te Alexander, quid te Nero, ex tanta antiquitate repetō? quasi vero nobis magno numero non sint in omnib; provincijs nepotes, qui sua vitâ perditissima sibi morbos attrahant, periculis se exponant, & in mille vitâ discrimina conjiciant. Hujus ergo Veneris victrix est sobrietas. Hujus veneni antidotum est temperantia: Horum malorum medela est vita moderata. Sobrietas enim ebrietatem pellit, ebrietate pulsa animorum perturbationes & omnis generis mala pelluntur. Quanta sit hujus virtutis præstantia, ex Græcis etiam cognosci nullo negotio potest. Hi enim insigni vocabulo σωφροσύνη nuncuparunt, dictamq; voluerunt, teste Aristotele, quasi σώζουσαν τὴν φρόνησιν, quod mentem illibatam conservet, prudentiam, omniumq; virtutum officia pariat, atq; tueatur. Nihil itaq; per DEVM immortalem honestius, nihil præclarius, nihil præstantius, diviniusq; est temperantiâ, & omnis vitâ moderatione.

Sed de problemate satis, vel etiam plura quàm cogitasset. Nunc tandem, quod unum restare videtur, DEVM oremus sobrietatis & autorem & fautorem, ut suo nobis Spiritu adsit, qui mentem nostram ac sensus ita regat

atq; gubernet, ut in tota vita nostra sobriè pieq; degamus, & hac corporis mole tandem exuti & liberati, sempiternà cum ipso lætitiâ perfruamur.

D I X I.

E M B L E M A S E C V N D A E
CYRIAE, EXPLICATVM PER ILLVSTREM
& Generosum D. Comitem Philippum
Otingensem.



Non minus sapienter quàm utiliter, ab hujus inclytæ Academia Proceribus constitutum est Mag: Dom: Prorektor, ut, qui in inferioribus censibus, ingenuis artibus operam dedere, prius cùm privatim, tuxi publicè suæ industria specimen aliquod darent suis præceptoribus, quàm ad alias tribus transferrentur. Non solum igitur non caruissẽm justâ inobediẽtia reprehẽ-

reprehensione, sed ignavia simul & negligentia nomine suspectus fuisset, nisi, quod à tua Magnif. mihi mandatum est munus, suscepissem.

Quaquam autem non ignorem, non posse me satis commodè & politè ostendere, qui sit propositi mihi Emblematis sensus: ideoq; præceptum fuisse in suscipiendis hisce dicendi partibus videri possim; tamen ne temeritatis vitium fugiendo in aliud gravius delabar, Emblemata paucis explicabo. Pingitur in hoc argenteo numo leo robustus, & vir: qui dum compedibus constringere leonem conatur: lintheo caput ejus obvolvit: Huic pictura hoc symbolum est additum: Ingenium superat vires: quoniam aliquid arbitror innui, quàm non tam viribus, velocitate aut celeritate corporis res magnas geri, quàm consilio, autoritate atq; sententia. Nam quis non persuadeat sibi, ea quæ summis difficultatibus obstructa, obscuritate tecta, acipiti dubiaq; cōditione involuta sunt, acri cōsilio, mentisq; acie potius pervestiganda, enodanda, peragrandæ esse, quàm corporearum viriū molem adversus ea comparandam? Vis enim humani ingenij tanta est, ut quod manuum nostrarum tela non pervenerint, eodem acutum consilium penetret. Potentia vero consilij expers, quoniam inconsultè & temerè agit, imprudenter & fortuito fertur, nec moram solum sibi, & impedimentum in agendo infert, sed mole sua ruit, rotaq; destructa vanescit: adeo ut rectissimè dixerit Q. Curtius 7. lib. de gestis Alexandri, Consilio, non impetu opus est. Et Pericles judicabat, magis decere Imperatorem consilio & astu, quàm gladio multoq; sanguine fuso, potiri victoria. Compertum enim habeat, nihil non difficultatibus circumseptum, angustis circumvallatum esse: ideoq; non tam in copias, magnasq; vires, quàm in acrem mentis industriam ad agendum intentam, spem esse desigendam. Hujus vestigia persecutus est Tarquinius junior,

D

qui tum

qui tum demum nullo negotio civitates à bellorum ducibus
vinci posse censebat : siè medio Primates patrum prudentia
pollentes, sublatis essent. Sic Cicerone teste, Homerus non
Ajacem, non Achillem, sed Vlyssē appellavit πολίτοργον,
quod extrema belli Trojani consilio & prudentiā prosecutus
esset. Vnde liquet verissimum esse, quod nostrum symbolum
ait: Ingenium superat vires. Harum enim firmitas parit fi-
duciam: qua nonnulli nixi, non raro in periculum ac discrimen
adducti sunt. Nam Pompeio Thessalico pralio (ut ait Florus)
nihil magis exitio fuit, quàm ipsa exercitus magnitudo: In
magnam scilicet virium fiduciam, magnis viribus accingitur
fortuna (ut inquit ille.) Non igitur potentiā, non fastu belli-
coso, non vi tumultuosa: sed vigilantī animo, sed acuto consi-
lio, sed prudenti & cautamente ad negotia tractanda acceden-
dum, res difficiles aggredienda, adorienda, conficienda sunt.
Quae cum ita sint, par est, ut, qui parum cauti & providi, ali-
quando tamen alios gubernaturi sunt, illis se adjungant, qui sui
ingenij aciem, longo rerum usu, ad bona deligenda, & rejici-
enda contraria exacerunt: hos, inquam, sectentur puerorum
Prætextatorum more, qui olim Romæ, cum patribus Senatori-
bus boni exempli causa, in senatum ventitabant, ut eos qui-
bus præfecti fuerint, prudentiā feliciter regant, non evertant
temeritate: ut deniq; civitas seu Respub. non inanimum: sed
vivum corpus sit. Civitas enim sinè consilio est corpus sinè
animo.

D I X I.




EMBLE-

EMBLEMA TERTIAE

CYRIAE, EXPLICATVM PER IOACHIMVM

MVM&VVERNSTET.



QUemadmodum antehac nihil unquam magis in votis habueram, quàm ut à toto studiosorum grege, non tam statutis Academicis, quàm fidelissimis preceptorum nostrorum monitis studiosè satis fiat: sic nunc quoq; illud summa mihi esset iucunditati, si tua iussa exequi liceret, atq; ad problema mihi propositum suaviter & ornatè daretur respondendi facultas. Sed cum hanc mihi demandatam provinciam ingenij mei vires longè exuperare videam, neq; ea me sermonis venustate mentisq; acumine instructum esse noverim, ut quasvis quaestiones abstrusas indagare verbisq; politis dilucidare reddere possim: difficilimum sanè esse judicavi, hunc ipsum publici

suggesti locum conscendere, atq; meo meorumq; commilitonum nomine in celeberrimo virorum clarissimorum confessu progressus nostri specimen proferre. Licet autem hoc arduum atq; difficile mihi fuerit visum: volui tamen hoc potius obire munus, tuæq; voluntati morem gerere, quàm detrectando temerarij & ingrati hominis notam contrahere. Spero etiam fore, ut ego quàm brevissimè, & quidem pro ætatis meæ ratione Symbolum hoc explicans, non minori quàm cæteri à vobis omnibus & singulis presentibus audiar benevolentia. Figura hujusce Congiarij nostri exhibet nobis globum quendam incendiarium, qui pro materia sua qua constat, sulphure videlicet, nitro atq; pulvere tormentario, in aqua supernatans lucentes edit flammæ. Qui licet interdum procellis aqua prematur, atq; ita submergatur, ut flammæ prorsus videantur extinctæ, omnisq; spectantibus spes aliquando emergendi sit adempta, subito tamen illasus ex undis exurgit, suarumq; flammarum fulgorem non minus quàm antea coruscantem magna cum admiratione profert. Atq; hic globus etsi millies supprimatur, semper tamen emergit, nullog; modo potest opprimi, neq; flammæ ejus ulla ratione suffocari, quàm diu flagrandi materia non penitus sit absunta. Hoc Emblema rectissimè, quatenus ego quidem puerili ætate rem intelligo, veritatis dignitatem & præstantiam mihi videtur innuere. Vt enim globus nunquam potest opprimi, licet interdum prematur: sic etiam veritas non prorsus obliteratur, neq; splendor ejus extinguitur, quamvis nonnunquam pessimis & caliginosissimis obruatur & obscuratur mendacijs nubibus: Ea siquidem semper ita solent extenuari & evanescere, ut veritatis radij integrè queant resurgere. Vnde etiam pulchrè & verè admodum Sophocles dixisse perhibetur: nullum mendacium senescere: Et Theophrastus: Ex
calumniæ


calumnia & invidia conflatum mendacium ad exiguum tempus durare, & paulatim flaccescere atq; interire. Proinde ex repentino & precipiti mendacij interitu luce clarius est, quàm solida sit veritatis constantia, ut videlicet nullo unquam tempore, quantumvis aliquandiu obscurata, penitus possit aboleri, sed relucere semper ac revelari soleat, non secus, ac sol omnium totius mundi luminum moderator ac princeps, tametsi fuerit aliquantulum obumbratus aut tenebris obductus, perpetuò tamen obscurari non potest: sed quasvis nubes tenebrosas tandem dispellit, suos clarissimos radios spargit, atq; hoc amplissimum mundi amphitheatrum illustrat. Videant nunc y, qui veritatem temerè solent oppugnare, eamq; omnibus quibus possunt viribus conantur opprimere, an non irritam & inanem sumant operam; an non cum larvis (quod dici solet) luctentur; an non D E O bellum velut Gigantes inferant. Cum veritatis tanta sit vis, ut praestantissima hac, & admiranda cœli & terræ machina potius peritura sit, quàm veritas possit exterminari. Hujus rei exempla, quorum aliquot myriades nobis, si id agere vellemus, historia suppeditarent, omnia brevitati serviens, ut etiam post me dicturo tempus supersit, prater eo unico saltem prius commemorato. Puto omnibus constare, laudabilem & memoriâ dignissimam Iosephi veritatem (cujus vita uberius descripta eris è sacra historia Geneseos petenda) varijs jam mendacijs oppressam, admirabili tandem D E I ter Opt. Max: consilio manifestatam fuisse. Licet fratres ejus parenti mastissimo impietatis suæ factum occultare, eidemq; veste sanguine conspersa exhibenda, filium à feris dilanatum esse, persuadere conati sint: Licet etiam sceleratissima Potipharis uxor Iosephum veracissimum & castissimum pudicitia violata accusare non dubitavit: Horum tamen conatus steriles

D 3 fuerunt:

faerunt & irriti. Quapropter ne prolixior sim, Studiosi ad-
 lescentes, nostrum erit, qui jam ex insigni Reipub. Noribergen-
 sis liberalitate his præmijs honorificè donamur, ut quotiescung,
 symbolum illud intuemur, de veritate alacriter, constanter &
 sincere tuenda & propaganda sedulo cogitemus.

D I X I.

EMBLEMA QUARTAE
 CVRIAE, EXPLICATVM PER GENE-
 ROSVM D. HEINRICVM BARONEM
 à Tschernembl.



T HOC quidem certe est è pumice
 aquam petere: à me adolescentulo ac in literis ty-
 rone ejus argumenti explicationem poscere:
 quod vel maturis atate, ac bene exercitatis viris
 facessat

*faceffat negotium. Verùm quia constat, hìc non tam artem
 à me requiri: quàm obedientiam: age annitar & ego meo loco,
 ne peccè in ea parte, in qua peccanti, venia dari nō potest. Video
 hìc navim, in fluctibus jactatā: video columbam volantem cum
 ramo oleagino: video deniq, oleam in littore eminentem.
 Ex diluvij historia sumta sunt nī fallor ha icōnes. In hujus
 historia (quam sapē equidem tacitus admiror) maximarum re-
 rum inesse mysteria, certum est: sive ad spiritualis illius vitæ
 rationes eam reseras (quia Ecclesia Christi in hoc seculo vivere
 incipit: fruitura illā cum DEO in aternitate) sive externa
 vitæ rationes spectes. Ego qui de spiritualibus illis & abstrusis,
 non satis possum vel cogitare, vel loqui, in eo resistam, quod est
 facilius. Navis ista in fluctibus jactata Ecclesia est: cum uni-
 versa, tum pars ejus qualibet: Respublica scilicet DEO servi-
 ens: Schola pia: Oeconomia honesta. Nam totius & partis
 hìc quidem est una eademq, ratio. Columba civem Ecclesia re-
 fert: Olea pacis signum est: quæ hìc in ipso littore maris loca-
 ta, id notat, quod res est: dat DEVS, etsi saeviente mari &
 fluctu, aliquid tranquillitatis: quemadmodum oleam illam, de
 quarum suum decerpfit columba Noa, in universali illa re-
 rum omnium internectione, vel conservavit, vel certè novam
 repente produxit: Ita scilicet hodiè etiam concedit pijs aliqua
 halcyonia in saevissima hieme: ac velut in Medæ sinu, colum-
 bula suæ nidulum suspendit, ac defendit. Cujus columbe hoc
 debet esse studium, ut cum cetera operetur, quæ in avis hujus
 natura pinguntur, tum discendo & agendo, ea quæ sunt pia,
 sancta, honesta: (quæ verè sunt ramus oleæ, ac virgula divina:
 omnibus turbis hujus vitæ componēdis idonea) His ergo discen-
 dis agendiq, ut prodesse studeat tota vita sua, optimè de se meri-
 ta nutricula: atq, ita ramum oleæ ad naviculam Noa, nutricij*

sui deferat. Nusquam ô commilitones, nusquam apparet, in
 hoc nostro numismate corvus: is dico corvus, qui ab Noa nu-
 tricio emissus, libero mox volatu auferiebatur: oblitus sui nu-
 tricij: oblitus arca illius, in qua fuerat conservatus: in qua
 fortasse etiam invitus, toto illo anno, fuerat detentus: Perinde
 ut solent barbara ingenia, scholas & disciplinam omnem odisse
 ac detestari. Absint ô commilitones, à mentibus nostris mores
 isti, & ἀσέπεια ista corvina: Simus semper memores navicu-
 la nostra, in qua benignè alimur ac fovemur: ei, studeamus
 tota vita, quæ debemus θεοπνεΐα reddere. Hoc si agerent, si
 huc incumbere à primis annis mortales: rectè constaturum
 erat id, quod habet brachii nostri ἐπιγραφὴ: Pax aurea sæcli:
 ut scilicet & Ecclesia (quæ est Νῶε κιβωτὸς & vel potius Christi
 cymba) Et Reipublica illud sartum tectum esset, quod hodie in
 rebus humanis nihil esse videtur, nisi inane nomen, Pax &
 concordia & tranquillitas: absutura vero erant lites mala, &
 turba infelices, quibus hodie inter se colliditur orbis terrarum.
 Sed ut, quid aliq̃ agant, prestare nos non possumus: ita illud no-
 bis ô commilitones, omnibus & singulis convenit, ut nobis
 semper hanc legem dicamus, ut Ecclesie, ut patriæ, ut Reipub.
 ut schola in cuius sinum, tanquam navim, recepti sumus: hujus
 inquam veluti atq; altricis nostræ, paci atq; incolumitati ut
 pro virili nostra, ita uti jam monui, consulamus: Et cum ta-
 lis nutricula omnibus nobis hoc tempore, sit Noribergensis Res-
 publica, cum alijs rebus, tum eo ipso, quod tam constanter, tam
 benigne hanc Academiam, hanc navim nostram fovet: Nos
 officij nostri memores semper ad illius honorem atq; commoda
 nos adjungamus: & cum alijs rebus quibus possumus, tum pre-
 cibus pijs semper ei salutem ac faustitatem omnem à DEO eter-
 no optimo maximo, exoptemus. D I X I,

PANE.


V I I I.
P A N E G Y R I S, A N N I
1 5 8 4.

S V B R E C T O R A T V
D. D. T A V R E L L I M E D I C I.

Oratio primæ clāssis, recitata

à

C A R O L O S C H E V R L
Noriberg.



GVM à dicendo A. pueritiam meam
revocare solet, rerum inscitia & pudor ingenuus, qui
maximè ornat hanc etatem: tum in hac publica actio-
ne, ita me multa perturbant, ut quantum leges, tuas, autori-
E tas M. D.

rus. M. D. Rector spei mihi afferunt, ad explicationem hujus Emblematis suscipiendam, tantum timoris rei difficultas incutiat.

Primum dico de Emblemate explicatione, ejus, quod ipsum etsi satis laudatum, majus tamen mihi dicendi onus impositum sentio, quàm in humeris meis coharere possit. Deinde id Emblemata, cujus animal non dicam à me, sed vix unquam in Germania visum est, cogor illustrare. Accedit ut rationis, quæ huic reclamat firmitate, & classicorum autorum, in hujus descriptione dissensione perturber. Perturbat me A. etiam illud, quod tamen cum vos penitus recognovi, timere desino. Re enim temerarium est, sed v. patientia fit æquissimum. Nam puerū dicere apud Mag. Nobiliss. Clariss. & doctissimos viros, quorum auditor esse debebat, si per se ipsum consideretis, nefarium est: pueros enim in consessu seniorum & doctiorum tacere decet. Sed vestra A. præstans singularisq. benevolentia, hunc mihi metum minuit. Non enim tam timeo, quid me deceat, quàm intelligo, quid de cæterisq. meis commilitonibus expectetis. Moveor etiam loci ipsius magnificentia, quod ego classicus auditor, & in hoc genere nunquam exercitatus, hoc Emblemata, quod à nullo unquam inveni tractatum, illustrare cogor. Dico enim in tanto conventu & frequentia literatorum virorum, in quo nihil nisi certum & eruditum proferri debet. Hac me cura, hac difficultas circumstat. Quare quoniam actio maximè debilitatur loco & rei perplexitate, vestrum est A. quid ego puer in hac actionis difficultate præstare possim, ad limatum prudentia vestra judicium vocare, quo facilius æquitas vestra, tum consuetæ audiendi benevolentia minuatur hanc perturbationem meam.

Primum

Primum autem de Basilisco, quæ gravissimis sunt certissimisq; monumentis testata dicam: deinde de Emblemate pauca subiiciam.

Ad Basiliscum quod attinet, quem nonnulli, quod rex serpentum sit, regulum vocant, nomine notius, quàm visu animal est: & varietas scriptorum, quod plurima de hac fabulosa narrârunt, historiam in dubium incertumq; vocârunt.

Galenus lib. 10. de med. simpl. Basiliscum se nunquam videri fatetur: & P. Aegineta lib. 5. c. 20. scribit: hanc questionem raro oculis hominum occurrere, & propterea in hujus curatione nihil se expertum. Quid ergo, in rerum natura Basiliscum esse negabimus? Historia temporum reclamat, opposita Medicorum huic malo remedia contrarium ostendunt. Nicander enim in Theriacis hujus meminit. Erasistratus, ut Diosc. l. 6. c. 38. notat, signa hujus morsus notat, & auxilia præscribit, ut & Galenus & Aëtius. Solinus c. 30. scribit: Pergamenenses magnam pecunie summam pro Basilisci cadavere numerasse, quod reticulo aureo suspensum in Apollinis ade locarunt, ne vel aranea intexerent, nec alites involarent. Plinius lib. 8. c. 2. in solitudinibus Africa inhabitare scripsit, in Cyrenaica potissimum provincia. Scaliger exercitat. 24. h. d. 4. scribit: Leone Pontifice Maximo ad eadem Lucia sub fornice stabulatum Basiliscum: cujus afflatu magna lue affecta Roma fuerit, eumq; illius precibus extinctum. Mercurialis lib. 1. c. 21. de venenis, se apud Imperatorem Maximilianum Basilisci cadaver videri affirmat, quod in thesaurus sit servatû. Esse igitur constat: qui autem esse dixerunt: tanta sunt in varietate & dissensione constituti, ut quò me verâ nesciam: in hoc tamen summi conveniunt auctores, Quod Basiliscus sit serpens duodecim non amplius digitorum, sive trium palmarum longitudine, ut

Plinio placet: Solino veropenè ad semipedem longitudinis est: corpore flavo è nigredine in cinereum vergente, capite acutissimo, in quo tres habeat eminentias, maculis subalbidis insignitas, ad diadematis formam: Vel ut Solinus loquitur, alba quasi mitrula lineatus caput: oculos habet rubentes: non ut reliqui serpentes corpus impellit, sed dum progreditur, anteriorem corporis partem in altum tollit & erectus incedit, & in eundo posteriori tantum parte adiuvatur. Huic error pedes affinxit. Hunc ex antiqui galli ovo in vitam venire qui dicunt, licet tota ferè Europa falsa hac opinione imbuta sit, non solum cum ratione naturali pugnant, veramplius quàm res & veritas concedat, dicunt: ut Albertus Magnus demonstrabit, & ob id Nicander quoq, nullam hujus generationis mentionem facit. Miror itaq, doctissimum alioquin Lemnium eò dementia venisse, ut nugas has rationibus suffulcire conatus fuerit. Non enim alium quàm reliqua serpentes ortum habet. Serpentum vero omnium venenatissimus, Solo enim halitu, urit, corrumpit, & interficit ob via quæq,: Ita ut Lucanus, lib. 9. scribat per telum aut baculum, quo quis hunc serpentem ladat, ad manusq, decurrere virus.

*Quid prodest miseri Basiliscus cuspidè Mauri
Transactus? velox currit per tela venenum
Invaditq; manum.*

Addunt alij, si Basiliscus equum tangat, non solum equum, sed eum qui insidet mori. Nec hominis tantum, vel aliorum animantium exitio datus est: sed terra quoq, ipsius, quam polluit & exurit: rumpit quoq, saxa. Deniq, extinguit herbas, necat arbores, ipsas etiam corrumpit auras, ut aërem nulla alitum impunè transvolet infectum spiritu pestilenti.
Sibillum

Sibulum ejus serpentes alia perhorrescunt, & ex eo de presentia ipsius certiores, etiam pastum in quo versantur fugiunt, eiq; locum relinquunt: ut Lucanus testatur.

*Sibilaq; offundens cunctas terrentia pestes,
Ante venena nocens, latè sibi submovet omne
Vulgus, & in vacua regnat Basiliscus arena.*

Sic in Diana templo Basilisci corium appensum fuisse scribunt, propter quod nulla hirundo introvolare auderet. Quicquid morsu ejus occiditur, non attingit fera, non attrectat ales: si quid gustat, statim moritur: atq; ita ne defuncto quidem vis deest. Ex dictis pestem hujus maximam esse videmus, minus tamen perniciosam quàm vulgus credit. Licet enim Gal. l. de theriaca scribat, Basiliscum oculorum radio & sibilo simplici, eos, qui audiunt vel vident interficere: non possum tamen ut credam adduci. Si enim vel emittendo vel recipiendo veneno suo videntes, vel à se visos interficit, à quo potuit id literis mandari? mortui certè non loquuntur. Credibilius ergo, vel è morsu, vel venenato ipsius halitu mortuos.

Signa quæ ejus ictum sequuntur sunt: Primum totius corporis inflammatio, idq; ob vehementem calorem, per omnes venas & arterias sparsum: ita ut caro etiam corrumpatur, putrescat, & frustulatim decidat. Secundo quod Erasistratus notavit, plaga subaureo tingitur colore, ob sanguinem mutatum in flavam bilem tenuiore parte putrescente.

Tertio Actio lib. 3. c. 33. teste, pilorum defluvium sequitur. Nam veneni qualitas intra cutem & carnem radices pilorum exedit.

Ad hujus morsum Erasistratus, ut Dioscor. l. 6. c. 40. auctor est, castorej drachmam in vino potam, & papaveris suc-

cum exhibuit. Aëtius vero propter veneni vehementiam & repentinam virium solutionem, nullum medicina locum relinqui affirmat.

Tanto monstro mustelarum virus exitio est, quos illic homines inferunt cavernas, in quibus deliteſcunt. Vſus hujus beſtia nullus reperitur, niſi quod Plinius lib. 29. c. 24. ſcribit: Magos ſanguinem ejus miris laudibus celebrare. Nam tribuunt ei, ſucceſſus petitionum à poteſtatibus & à Dijs etiam precum, morborum remedia, veneficiorum amuleta.

Qua ſit natura & hiſtoria beſtia in noſtro nummo depiſta, audiſtis: jam paucis etiam quid inſcriptio, qua talis eſt: Improbitas ſui ipſius pœna: ſibi velit, mecum conſiderate.

Quid vitiiſ ſeu improbitate in hominum ſocietate pernicioſius? nam licet in terra bonorum conſortio deſerta habitet: (nam vitia nullo virtutum conſinſio aut commercio mixta) tamen tanquam ſerpens è latibulis emergit, caputq; attollit, cuncta percuſſat, ut quàm longè datur virus ſuum ejaculari poſſit. Per oculos & aures venenoſam ſuam qualitatem immittit, imò per extremos corporis artus ad cor vite ſontem rep. t. illudq; id omne bonum inutile red. lit. Nam ut ignis aridam materiam totam abſumit, præſertim ſi ventus accedat qui flammam exci- tet & deducat: ita vitium ſi hominem invaſerit, omnia pervadit viſcera, ſpiritibus malignis iſ ſum accendentibus. Qui omnes conatus bonos infringunt, virtutes fugant, hominemq; ita inſatuant, ut divino deſtitutus auxilio eterna mortis ſe- vitiam effugere non poſſit. Flexibiles enim homines quamcunq; in partem ducuntur ab improbitate: eòq; obſequij continuatio- ne perveniunt, donec illius moribus vivant. Adco vitium & igne eſt, & ferro violentius.

Signa

*Signa tanti mali sunt pietatis fuga, mendaciorum & sal-
forum dogmatum cupiditas: bonorum odium, conjuratio ma-
lorum: virtutum eversio, voluptatum studia: lucis & verita-
tis expulsio, tenebrarum amor.*

*Et nisi quis initio statim occurrat, de hominis salute a-
ctum est. Nam quod merito suspicere homo debebat, id tanti
mali perversio attendere non patitur. Sed ut acerbitas dentib.
stuporem infert, & sumus oculorum visum hebetat: ita impro-
bitas & malitia maximum sibi ipsi infert damnum. Rectè igitur
Epictetus monet: κόλαζε τὰ πάθη, ἵνα μὴ ὑπὸ αὐτῶν πιωρῇς.
Coërce affectus ne ipsis des pœnas.*

*In visa autem nobis fiunt vitia, cum ratione perspicimus,
qua damna ea dent, quam adferant turpitudinem. Deinde
rationes sunt subducenda eorum, qua à contraria virtute eve-
niunt, bonorum.*

*Vsus hujus mali nullus est nisi ad maleficia & voluptates.
Qua melius est tacere, quàm vel leviter attingere. Nihil
enim pulchri à turpitudine expectandum.*

*Hunc igitur Basiliscum commilitones optimi fugite, &
quicunq; virtutem bonorum patriam intuemini: terram vitij
squalidam prætervehite: auresq; vestras ad hujus serpentis si-
bilum firmiore quàm Ulysses spissamento claudite: Quia non ex
uno scopulo, sed ex omni terrarum parte circumsonat: Suo ta-
men malo, ut Basiliscus tandem perit, seq; ipsum conficit. Nam
ut vetustas, efficit species & expressas imagines conficit &
consumit: ita nihil ex improbitate ad posteros, nisi infamia,
nominisq; ruina redit.*

D I X I.


E 4

ORA-

ORATIO SECVNDAE

CLASSIS, RECITATA AB
ANTONIO A SIGERS.

H O F F M.



R*Rudenter certè virtus vitio opponitur. Nam contraria contrarijs optimè illustrantur. Optandum ergo, ut me aliquis doctior, virtutis studium suis proprijs coloribus adumbrare jussus esset. Agnosco enim quantum ad hoc præstandum mihi desit. Attamen onus hoc laboris & officij, à M. T. mihi impositum, feram ut potero. parendum namq; legibus. Spero A. consideraturos, non tam quid aures ipsorum expectent, quàm quid viribus meis conveniat.*

Emblema nostrum: Virtus post fata superstes: quod quidum Rosa commune habeat, attendite. Rosa per se mollis, odore & colore

& colore suavis, & hinc Plutarcho l. 3 sympos: q. 1. ὅτι ῥ' εὐμα
πολὺ τῆς ὀσμῆς ἀφίησι, quòd largum odoris effluuium emittat,
dicta: è spinosa tamen nascitur stirpe, & mordacibus aculeis
horrenti. Ita etiam virtus, qua nihil elegantius, nihil suavius,
nihil praestantius, nascitur quidem in corrupto & vitioso homi-
nis corde: sed tamen ipsa per se nec laedit, nec vulnerat consci-
entiam, sed multo magis hominem eximie ornat, & omnib. ju-
cundum reddit. Aspera quidem est, & acclivis ad eam via,
ut nemo eam absq. multo sudore & labore sibi comparare possit.
Quis enim unquam dormiens trophaeum statuit? quis indul-
gens delicijs & tibiae concentui, continentiae coronis redi-
mitus est? nullus sine cursu meruit praebejum. Labores
gignunt gloriam, & certamina coronas acquirunt. Ut tamen
omnia alia, quae pulcherrima sunt, maximeq. necessaria, perni-
ciosissima evadunt, nisi quis recte utatur: Ita cautè virtutis
ratio ingredienda, nihilq. temere suscipiendum: ne idem no-
bis quod Satyro dicatur, qui cum ignem è caelis in terram depor-
tatum primùm vidisset, complecti eum voluit & exosculari:
heus, inquit Prometheus, ni caves hirce, profecto dolebit tibi
mentum.

Rosa deinde inter omnes flores, ut facile principem obtinet
locum, omnib. aetatibus gratissima est, juxta illud Anacre-
ontis:

ῥόδον ὧ φέρεισιν ἄνθρωποι,
ῥόδον ἔσρος μέλημα.
ῥόδα καὶ θεοῖσι τερπνά.

Hoc est, interprete Henr. Stephano:

- ” Rosa honor decusq. florum,
- ” Rosa cura amorq. veris,
- ” Rosa calitum voluptas.

F

Ita

Ita etiam virtus corporis & fortuna bonis longè præferenda. Nam omnib. ætatibus, senibus & juvenibus, viris & mulieribus, omni loco & tempore convenientissima. Et quicquid supra & infraterram est auri, si Platoni credimus, cum hic comparari non meretur. Nam ut Chrysippus scripsit, secundum solam virtutem licet feliciter vivere, reliquis nihil ad nos pertinentibus.

Tum ut rosarum aqua cutis delet maculas, illamq; ab omni turpitudinis nota liberat, oculorum fluxiones sedat: folia autem contusa libidini & inflammationibus resistunt: Ita virtus contra vitiorum impetus arx est munitissima: omnes animi navos tollit, libidinis flammam extinguit, impudicos oculos dejicit, impuros sermones reprimat, omniq; aditu vitia cuncta intercludit. Ut enim improbitas studia honestatis excitata dejicit, dejecta exanimat, exanimata funditus extirpat: ita virtus ejusdem studia erigit, exanimata recreat, dilapsa colligit.

Prætereant rosa, quod Plinius notavit, siccis locis quàm humidis odoratior est: ita etiam virtus in temperatis & sobrijs, non in temulentis, & perpetuò madidis cordibus odorem suum fundit.

Rosa recisione & ustione proficit, floremq; melius profert: relicta vero excrescit & sylvescit. Sapius ergo transferenda: sic enim pulchriorem effundi affirmant Theophrastus & Plinius. Ita etiam virtus afflictione & cruce, inedia & siti incrementum sumit, veròq; nitet colore. Nam secunda felicem, adversa verò magnam probant virtutem. Eiq; nil tam utile est, quàm ad usum secundorum per adversa venisse.

Rosarum alia citius, alia seriùs florent: & si autumnus prolixior, denuo rosas erumpere experientia testatur. Ita & virtus

virtus in prima, media & senili floret atate. Nam quemadmodum Aegyptus alendis augendisq; seminibus gloriata est, ut nihil imbris calog; debere videatur: ita virtus propria semper felicitate perfusa, nullo alio externorum bonorum egens omnem atatis sterilitatem arcet.

Tandem rosa non solum viridis, sed arida & mortua quasi, summè utiles, variosq; de se producit effectus. Nam aqua stillaticia cor roborat, spiritus reparat, calida clementer refrigerat. Succus alvum lenit & subducit. Restuata vero rose, cor, hepar, ventriculum, renes, & alia viscera debilia, confirmant: dolores mitigant: fluxiones & sanguinem sistunt: sudores reprimunt. Rhodomeli vulneribus, ulceribus, eruptionibus, (adstringit enim & siccatur) utilissimum. Oleum calores omnes sedat, inflammationes prohibet. Ut autem rosa nihil fugacius, & tamen marcida & demortua maximos de se fundit fructus: ita hominis vita caduca quidem & momentanea, virtus tamen nunquam morti succumbit, sed perpetuò virescit. Ut Euripides canit: ἄ δ' ἀρετὰ καὶ θάνατον λάμπει: id est: virtus etiam morte peremptis lucet. & alibi:

ἀρετὴ δ' ἐκὼν θάνητις, δὲ ἀπόλλυται,
 Ζῆ δ' ἐκ ἐτ' ὄντος σώματι.

Virtus autem etsi moriatur quis, non interit: sed vivis corpore non amplius existente. Hac summus aequat infimos: suosq; cultiores celo dicat. Nam vita defunctis eternam apud posteros conciliat gloriam, Dum facta laude digna in hominum conspectum lucemq; profert: exempla plurima imitanda relinquit: posterisq; honestatis lucem accendit.

Theophrastus ἐκ τοῦ ἀφύλλου sive centifoliam rosam, circa Philippos exire refert. At virtus infinitas de se parit

uilitates. Caliores enim maiores, & clariores, quibus con-
tingit, efficit: & reliqua cuncta bona huic cedunt. Vig, par-
ua & ex lia fydera validiorum exortus obscurat: sic virtutis
aduentu, omnium fortuna & corporis bonorum dignitas in-
umbratur. Ergo

petite hinc iuvenesq; senesq;
Finem animo certum, miserisq; vincta canis,


& erectis cum Antisthene statuis & trophæis: unicam im-
mortalitatis censuram, virtutem statuite. Virtutis namq; lau-
rea nullo temporis intervallo amittit viriditatem, sed digna
gloria perpetuâq; laude florescit quotidie magis. Huic nulla
flamma, nulla aquarum inundatio, nulla senectus, nihil invidi
nocere possunt. Primum ergo, nomen, ut Plato sapienter mo-
nuit, parate, tum perennitatis vobis non deerunt monumenta.

D I X I.



ORA-

ORATIO TERTIAE
CLASSIS, RECITATA À LAZARO
HALLER NORIBERG.



Incongiario nostro Auditores ornatissimi, ardeam cum falcone expressam videmus, infestis unguibus & rostris acerrimè inter se depugnantes, & ex immani suo furore hostisq; prosterndendi atq; interimendi cupiditate, hoc lucri reportantes, quod mutuis tandem ictibus atq; vulneribus confecti, ambo exanimis concidunt, & communi exitio acerbatis atq; immanitatis suae pœnas luunt: pariterq; necant, pariterq; necantur, ut ait bonus in primis poëta Guntherus: vel ut de piscibus suis Oppianus: ἀμύλας ὀλέκουσιν ἀμοιβάισι φόνοισι. Addit r
his inscriptio ista: Nulla salus bello. Quo quidem Emble-

mata omnibus perspicuum est, bellorum nobis tum seditatem &

turpitudinem, tum etiam, qui perpetuò ex illis nasci consueverunt, fructus, ob oculos poni: & ab eorum studio, occuri non minus pestifera & noxia quàm scelerata & impia, omnes sanæ mentis homines revocari. De quorum utroq; de bellorum, inquam, turpitudine & indignitate, tum de tristissimis illis, quibus ea miseros mortales afficere solent malis & calamitatibus, uti mihi paulò quidam explicatius, quàm fieri tamen poterit brevissimè disserenti, aures benevolas prabeatis, reverenter & majorem in modum vos rogo.

Primum ergo, si unamquamq; rem, tanto plus in se continere secleris atq; turpitudinis, tantoq; hominis præstantia indigniorem esse arbitramur, quanto longius à natura illius ipsq; quas à DEO Opt. Max. accepit, vivendi legibus, abhorret: bellum profectò, in rerum omni ratione & modo execrandarum, summoq; ob id studio & contentione fugiendarum numero veluti principatum quendam intelligemus obtinere. Si enim corporis humani, omniumq; adeò partium illius rationem, formam atq; fabricam oculis animaq; perlustrare voluerimus, proptinus intelligemus ipsam naturam omnium parentem, homini ad pugnandi quidem, & immanium belluarum in morem decertandi usum nihil; ad pacem vero, amicitiamq; cum alijs colendam, omne organorum & adjumentorum genus abundè suppeditasse: atq; ita ipsa corporum nostrorum figura, quasi sonora voce testari voluisse videtur, hominem à belligerandi quidem vesania quàm longissimè remotum: amicitie vero colende, salutisq; tum suæ, tum aliorum quoq; procuranda studio totum dicatum, consecratumq; voluisse: adeò ut, quo majore quisq; belligerandi teneatur studio, eo magis à naturæ suæ conditionibus recessisse, magisq; ad fixarum vestiarum dirlitatem & truculentiam degenerasse videatur.

*Vbi vero jam ad egregios scilicet fructus illos, quos de-
restabilis illa bellorum rabies proferre solet, oculos converti-
mus, nihil verius in illam quadrare deprehendimus, quam
quod de commentitio illo monstro suo poeta extulit :*

Tristius haud illis monstrum, nec se vior ulla
Pestis, & ira D. um stygiis sese extulit undis.

*Ita enim profectò res habet ut dico. Quantum pax omni-
bus, quas homini novisse datum est, felicitatibus, omnibusq;
victorijs & triumphis antecellit: tantum etiam omnes omni-
um generum, tam publicas quàm privatas calamitates una bel-
li miseria superat: ut nulla earum sit, quin felicitatis ejusdam
instar obtinere videatur, si cum hac malorum & miseriarum
quasi lerna comparetur. Pests enim contagium (ut in uno
saltem exemplo rem spectemus) quamvis ipsum quoq; luctu o-
mnia complere, domos, urbes, integras regiones funestas deso-
latasq; redæcere negari non possit: illius tamen, vel in loca mali
illius expertia aliquantulum secedendo, vel etiam medicorum,
remediorumq; salutarium ope utendo, devitanda facultas ali-
qua conceditur: aut, si maximè in presidjs istis nihil auxilij
contra malum illud nobis relictum esset, corporibus certè no-
stris solis illud minatur, animis vero, perinde ut & bonis atq;
facultatibus nostris nihil ab illo periculi est; in leges quoq;
inque disciplinam publicam nihil ipsi juris conceditur; Reli-
gio deniq; juventutis mores & institutio, virginum atq; ma-
tronarum decus & pudicitia, extra omnem periculi illius
aleam sunt: Bellorum vero ubi primum ingruit tempe-
stas, quicquid pestilentia calamitas reliquum fecit, uno
quasi ictu, sevisimi fulminis in modum prostermit: moribus
non minorem, atque utinam non multo majorem, quàm*

corporibus perniciem affert : omnes leges, omnia jura, omnem
vitæ honestatem concalcet : divina humanaq; nullo discrimine
habet : sacra prophanaq; omnia miscet : & (quod omnem mali
sensum exsuperat) parentes pios sexumq; imbecilliorē ea suf-
ferre cogit, quorum vel à commemoratione sola piorum homi-
num refugit animus. Ut ne addam ad hæc, agrorum depopu-
lationes, villarum conflagrationes, agriculturæ neglectiōem,
minimè fallacia futura famis *πρωγυσινά*, quæ, ut certissimi
bellorum comites sunt, ita multo etiam tristiorē & misera-
biliorē superstitum quàm Martis impetu peremptorum con-
ditionem faciunt. Ad extremum vero, interfectorum ca-
daveribus repleta via, undantes cruore campi, tincta sangui-
ne humano flumina, quis tam ferreus est, cui diræ ac funestæ sui
recordatione pectus non effodiant? Atq; utinam saltem hu-
jus solummodo vitæ spacijs, tam tetra hæc circumscripta forent
mala, nec post infelicem illam, in medio alios contrucidandi,
aliq; innumera per summum scelus patrandi ardore vitæ pro-
fusionem, miserrimas animas infandis, nullog; sine terminan-
dis cruciatibus & suppliciis objicerent: Cujus tamen rei, heu ni-
mia in militari hominum genere obliuio est : ut mirum sit,
quantum vulgoris hominis illius moveat simplicitas, qui,
ut aliquam ejus rei rationem habeant, suadere illis conetur.
Dicat vero hic aliquis, victis tantummodo hæc tam atrocia,
victoribus vero omnia evenire æquiora & latiora. Nequio-
ra, opinor, dicere te putasti & improbiora : ea enim ferè illi ho-
minem generi latitiâ pariunt, quam equidem plarumq; semper
contingere victoribus fatendum sanè est : ut videlicet, quan-
to quis ex acie felicior, tanto etiam discedat nequior & impro-
bior, ac ad omne immanitatis, libidinis similiumq; flagitiorum
perpetrandum genus audacior atq; efferrator. Ut maximè au-
tem care-

autem careant victoria multa vitij istis : Quanam vero sponſione tibi illam certò promiſſam eſſe dices ? quaſi vero omnis belli Mars communis non ſit, aut unquam minus quàm in bellis fortuna reſpondeat, ac non ſape numero ſalubriſer deſtinata ratione omni potentior fortuna diſcutere ſoleat. Quid quod illorum quoq; malorum, quibus ſibi affeſſiſſe hoſtes ſuos videntur, minime expertes eſſe victores ipſi conſueverunt ? numquid enim non vetuſtas modo, ſed noſtra etiam parentumq; noſtrorum memoria exemplorum plena non eſt, quæ ſibyllinum illud comprobent oraculum :

Κλαίει ὁ νικηθεὶς, ὁ δ' ἐ νικῆσας ἀπώλλεται.

hoc eſt.

Flet victus ; ſed victorem mors atra peremit.

quæ adducere niſi inſtituta id prohiberet brevitās, non magni forte laboris foret. Quamvis vero non omne bellorum genus promiſcuè damnatum velim : tamen unam divina gloria, & Eccleſiæ tranquillitatis propugnationem ſufficientem & idoneam illorum non tam inferendorum, quàm propulſandorum cauſam eſſe debere ſtatuo. Temerè enim, & præter eas, quas modo dixi, cauſas, ſub juriū nescio quorum prætextu cuiquam homini nato bellum inferre, tantum abeſt, ut pium & Chriſtianismi legibus conveniens eſſe putem, ut ne quidem ſimili armorum tumultu atq; apparatu propulſare & vindicare illud ſas eſſe ducam, ubi declinandi illius, vel de jure noſtro aliquatenus cedendo, vel bolum aliquem hoſti obijciendo facultas aliqua conceditur. Quomodo à laudatiſſimis quibusdam Rebus pub. vel iniquam pacem juſtiſſimo bello præferentibus, non minore ſua cum laude, quàm ſubditorum ſalute & proſperitate factum eſſe accepimus.

G

Quare

Quare si tributam nobis ab ipsa rerum natura dignitatem & decus tueri, si contrà summum dedecus & infamiam, ob turpissimam à creationis nostrae lege degenerationem, effugere, si item morum perniciem, facultatum pestem, si deniq; corporum atq; animorum praesentissimum exitium à nostris nostrorumq; capitibus depellere cupimus: age non modo omnes conatus, consiliaq; nostra togæ & pacis, non vero belli & armorum socia esse velimus: sed etiam celebrandum DEV M, pacis & tranquillitatis omnis, omnisq; inde efflorescentis prosperitatis benignissimum datorem ex intimo cordis affectu veneremur, ut concessam adhuc dulcissima patriæ nostræ pacis felicitatem in perpetuum stabilire ac tueri, & vero turbatores illius omnes, propter sanctissimi nominis sui gloriam, potenter refranare & compescere: & deniq;

*Nostrorum oblitus scelerum, meritiq; furoris
in vicinorum quoq; regnorum, sub hujusmodi miseriarum mole
gravissime pressorum finibus,*

*Aurea sublato pacis dare sæcula bello,
clementissime dignetur.*


D I X I,



ORA-

36

ORATIO QVARTÆ
CLASSIS, RECITATA
2
PAVLO ERNESTO
NORIBERG.



BRabeum nostrum, Humanis. Auditores,
ab una quidem anterioris faciei parte lucernam accensam,
& candelabro impositam, lumenq; suum pro quantitatis suae
modo circumquaq; spargentem praefert: ad latus vero illius, so-
lis, latissimo aspectu jubar suum explicantis luminisq; sui radi-
os in omnes partes longè latèq; diffundentis, ipsq; sparsum à lu-
cerna lumen veluti offuscantis effigiem representat: hoc addi-
to Elogio: Coelestilumine vincor. Candela sive lucerna hujus
lumen, duarum rerum significationem includit, quarum una,
rationis sive mentis humana lumen est, Altera vero lumi-
nis hujus

nis hujus perfectio, Philosophia omniq; humanitatis & mundanę sapientię studia: quibus duobus (si unum illud de quo brevi post sequetur, excipias) sub universo celi complexu nihil datum est homini præstantius aut divinius. Etenim quidnam aliud perhiberi possit ratio (ut de priore prius agamus) quam ipsius divinę sapientię in nos transfusus radius atq; igniculus quidam? quàm ipsamet illa celebrandi DEI in prima nostri creatione nobis impressa effigies atq; imago? in qua, ut omnis natura nostrę supra ceteras animatas præstantia atq; eminentia fundata est, ita etiam per unam illam ad DEI summi opificis similitudinem, ceu verissima & germana illius soboles, quàm quidem in exilio hoc nostro fieri potest, proximè accedimus: quęq; adeo ex homine quasi DEVM quendam terrenum efficit, qui, quale DEVS ipse in tota rerũ universitate, tale ipse quoq; hic in terris, creaturarumq; rerum ordine quasi regnum obtineat. Philosophiam vero & artium honestissimarum studia, quis nescit, homines eos quę earũ sibi compararunt notitiam, tantum quidem supra ceterorum mortalium dignitatem evehere, quantum illi antea mentis & rationis beneficio omne animantium genus excelebant? Quanto enim ager aliquis diligenti agricolarum subactus atq; excultus cura, latissimāq; optimarum frugum copia cultorem sibi inde suum ditans atq; exhilarans, altero aliquo, frugibus horrea non usq; adeo distendente potior est: quanto lux tenebris venerabilior: quanto item circumcuratus aliquis & ad officia obsequiaq; omnis generis inseßori præstanda condoceratus equus, indomito atq; inertī aliquo cespitate generosior & melior habetur: quanto deniq; cuiuslibet rei perfectio, illā quę longiusculo etiam ab eo intervallo abest, altiorē dignitatis gradum, meritisimo jure obtinere censetur: tanto profecto, Philosophiæ artiumq; laudandarum studijs

rum studijs excolta ratio communem caterorum hominum ra-
 tionem, hujus veluti pretiosissima purpura tinctura non imbu-
 tum dignitate praestantiq̃ superabit. Philosophiam enim il-
 lam animi culturam, vita lucem, ingenij domituram, ferocia,
 ut & caterorum animi morborum expultricem, summam de-
 niq̃ hominis (qua quidem in hac vita contingere ipsi potest)
 perfectionem esse, nemo qui non plane hospes in ea fuerit, ne-
 gavit. Hoc vero, tam illustre atq̃ amabile licet, candelae hu-
 jus lumen, solis ex adversa parte e thalamo suo (ut Propheta
 vocabulo utar) procedentis fulgor mirum in modum diluit atq̃
 dissipat : adeo, ut lucidissimarum stellarum, ante naturalis hu-
 jusce exortum solis, amabili specie passim in cali fornice scintil-
 lantium, exorto vero eo, paulatim ex oculis sese subducentium
 more, nullum penè indicium relinquat sui. Qui quidem sol
 aliud nihil quam ipsam aeterni DEI sapientiam, in sacrarum
 literarum tabulis (quantum quidem nostra intererat) expres-
 sam atq̃ revelatam nobis significat : in cujus sensibus intelli-
 gentiaq̃ vera investiganda, sana ac piè erudita Theologia oc-
 cupatus est labor. Theologia inquam, si splendorem exter-
 num honorum ac premiorum mundanorum amplitudinem ex-
 cipias, omnium haud dubiè facultatum & scientiarum (pace il-
 larum dixerim) regina ac domina. Neq̃ enim quisquam
 scientiam eam hoc à me nomine appellari indignabitur, qua
 DEI nobis cognitionem tradit, hoc est, omnes omnis scientia
 & sapientiae fontes atq̃ thesauros aperit : qua ad veram & syn-
 ceram, nullaq̃ aegritudinis aut molestiae permistione contami-
 natam, nullis item exigui angustiq̃ temporis limitibus circum-
 scriptam, sed caelestem ac sempiternam beatitudinem, nobis lu-
 cem praefert. Cetera quidem ingenij humani sagacitate ac
 solertia inventa scientia ut de natura fortè rerum, ortus, inter

itusq; earum causis, de mirandis corporum celestium motibus, de regnorum publicarumq; rerum constitutionibus, earumq; gubernandiratione multa preclare ac divinè nos doceant: de DEO tamen, parternaq; illius erga humanum genus affectione, aut omnino silent, aut certè obscuram quandam duntaxat illius umbram, horrore magis & formidine mortalium animos concutientem, quàm amore DEI, salutariq; erga illum fiducia eos perfundentem, tradunt. In felicitatis vero humane descriptione, ultra hanc vitam non ascendunt, id est ejusmodi quandam felicitatem nobis vel tradunt, vel promittunt, quæ si cum celesti illa in comparationem veniat, cujusvis rei potius, quàm felicitatis vocabulum mereri videatur. Multa me omittere brevitatis cogit, quæ, si me persequi res pateretur, aptissime demonstratura essent, in sacris scripturis, Theologia sacra ad interpretandum propositis, rerum omnium cognitione dignarum florem, in cæteris vero humanitus inventis artibus & scientiis, meras earundem facies & σκῆλα, secundum Apostolum, contineri. Neg, illorum vel errori vel ignavia fenestram hæc aperire debet oratio, qui ita demum pulchrè sibi instituere rationes videntur, si omni philosophia & rationis sanæ, itemq; liberalium doctrinarum luce spreta contemptaq; ceu equi & muli, contra expressum divinarum literarum interdictum, ac manibus simul & pedibus (quod aiunt) illotis, in sacratissima Theologia mysteria tractanda irruunt: qui sanè perinde faciunt, ac si lanam fortè, nullis antea vel lotionibus idoneis mundatam, vel cæteris illis ex artis fullonia præscripto infectionibus subactam præparatamq; prætiosissimo statim purpura colore, irritò atq; inani labore, tingere contentur. Sicut enim solis splendor, hominis ex opaco & profundo aliquo specu in locum aliquem solaribus radijs illustratum prodeuntis oculos,

oculos, tantum abest, ut quicquam juvet, ut potius occidet magis, visumque eorum obtundat: quippe qui crassa tantummodo assueti caligini, nec modico prius diei lumine perfusi erant: ita profecto celestis huius ignis, à vero Prometheo, Christo Domino, in terras allati majestas, hominem nulla prius humaniorum disciplinarum imbutum luce, crassis tamen atque impolitae sensibus suis comprehendere conantem obruet citius, quam quicquam vera ac solida sui intelligentia ipsi communicabit. Neg, enim si beatis Apostolis, earum, de quibus agimus, disciplinarum ferè expertibus, certa quasi extra ordinem, sacrorum mysteriorum concessa fuit scientia, idcirco nostro quoque aeo, cessante atque sublato jam, post illustratam satis Evangelica doctrinae veritatem, miraculorum usu, nobis quoque idem privilegium debemus polliceri. Hoc enim qui ausit, non modo stolidam $\kappa\alpha\tau\omicron\lambda\lambda\omicron\upsilon$ suam prodat (non minus, quam si vel mortuos in vitam revocare, vel morbos humana ope incurabiles, verbo solo curare instituat) sed etiam plerorumque sanctissimorum Ecclesiae patrum exemplo atque auctoritati adversetur, qui multo inimiciorem DEO & veritati superbam ignorantiam, quam piam & modestam artium laudandarum scientiam judicarunt. Quorum vestigijs nos quoque, si sapimus, insistentes, ad eruendos divinatorum oraculorum sensus, artium disciplinarumque liberalium subsidia, veluti corticem quendam, ad tranandum divina sapientiae abyssum nobis comparemus: donec confecto tandem veluti natationis huius nostrae labore, in optatissimum celestis beatitudinis portum delati, ipsum iustitiae solem Christum Dominum avidissimis animarum nostrorum ulnis amplexi, sacratissimamque sapientiae & divinitatis ipsius luce perfusi, aeternorum pramiorum gaudijs per omnes saeculorum aeternitates perfruamur.

D I X I.

G 4

PANE.


IX.
PANEGYRIS, ANNI
1585.

S V B R E C T O R A T V

D. M. IOHANNIS PRAETORII
MATHEMATICI.

Oratio prima classis, recitata

^a
IOHANNE KAUFMANNO
NORIBERGENSEI.



*Q*uam turpis atq; exitiosa sit effrenata
libidinis intemperantia, docet imago affabrè in
nostris congiarijs expressa: in qua due vipera ve-
nerio complexu implicata: & vero scemella maris
caput

caput morſu præciciens , conſpicitur : cum hoc Emblemate :
 Mentis venus improba clades. De viperis Plinius libro 10 capi.
 62. Viperæ (inquit) mas caput inferit in os , quod illa abrodie
 voluptatis dulcedine. Sed hac de re nunc quidem dicendi lo-
 cus non eſt. Emblemæ potius noſtrum aſpiciamus & attenda-
 mus : quo edocemur , nihil flagitioſius , niſq; nocentius eſſe ,
 quàm impuras fædasq; corporum libidines : eaſq; idcirco non
 aliter ac peſtiferum venenum cavendas ac fugiendas. Quam-
 admodum enim viperæ maris caput ore complexa , morſu
 truncat : ſic venerea libido corpus libefaſtat , omneq; animi
 robur & lumen exinguit. Nam & omnes nervos , omnia
 membra , omneſq; ſenſus , & in primis cerebrum debilitat : fa-
 citq; , ut ſubtiliſſimi ſpiritus , quibus vitalis vis maximè ineſt , ex-
 halent ac diſſipentur : & vero ingenium , atq; in primis memo-
 riam , eruditionis theſaurum graviter lædit & imminuit : ut
 non ſolum Phyſicorum conſenſus , ſed ipſa quoq; experientia te-
 ſtatur. Verum non ſolum ſanitatē affligit , & corporis atq;
 animi vires ſolvit atq; diſperdit : ſed etiam fortunas & facul-
 tates exhaurit & peſſundat : & per ſepe homines libidinoſos in
 extrema pericula , ſummasq; miſerias & calamitates præcipitat.
 Quot paſſim adoleſcentes fædiſſimis morbis , qui honeſtè ne no-
 minari quidem poſſunt , miſere conſciuntur , fædeq; intereunt ?
 Quàm multi in ganeis & luſtris in extrema vitæ pericula in-
 cidunt ? & ferro ſepe numero ſubito è medio tolluntur ? Quot
 amatores à lupa deglubuntur ? Quot philtris in rabiem &
 exitium aguntur ? ut interim taceam de re familiari , cujus
 naufragium multi non minus turpi amore , quàm luxu & alea
 faciunt. Ad hæc libidinis turpitudine etiam ſaræ & exiſti-
 mationi nocet , eiq; ſempiternas maculas inurit. Quæ enim
 A infamia

infamia possit esse major, quod dedecus gravius, quàm non tantum honestis laudatisq; viris, sed etiam ipsi DEO castissimo & sanctissimo numini invisum & odiosum esse? Tantum enim abest, ut DEVS approbet libidines, ut gravissimis etiam pœnis eas persequatur atq; coërceat. Apertissima enim illa sacrarum literarum vox est: Scortatores & adulteros DEVS iudicabit. Et certè, quæ libidinum sint præmia, omnium ætatum historia satis superq; testantur. Quam aliam ob causam mundus aquarum inundatione deletus: itemq; Sodoma & vicina urbes, sulphureo imbre calitus immisso, exusta fuerunt, quàm ob vagas tetrasq; libidines? Nonne duodecim principes (ut Numerorum 25. cap. legitur) ob incestas libidines suspensi, & circiter 24000. hominum casa & trucidata sunt? An non tota fere Beniaminea tribus (ut ex Iudicum historia constat) ob nefaria supra extirpata atq; deleta est? Quis vel mediocriter rerum humanarum peritus ignoret, sceleratas libidines mutationi Imperiorum, eversioni populorum, vastationi agrorum, conflagrationi civitatum, & infinitis privatorum cadibus occasionem præbuisse? Quid regnum Trojanum olim florentissimum evertit? libido. Quid Thebis exitio fuit? Oedipi libido. Quid Rempub. Romanam aliasq; complures & nationes & civitates turbavit, labefactavit, dissipavit? libido. Quanam etiam nunc plerorumq; malorum & calamitatum origo existit? Nefaria libido. Hænim mirum turpissimarum libidinum pœna sunt: hic incontinentia finis: hæc ultionis exempla: quæ certè tanta sunt, ut nos ab impuris atq; obscœnis cupiditatibus ad castitatis & pudicitie studium meritò excitare atq; inflammare debeant. Verum fallaces, insidiosas, oculisq; jucundas turpium voluptatum tendiculas haud difficulter animadvertet & evitabit, quicumq; ab

incunsa

ineunte aetate verecundia operam navarit, seq̃ totum paris honestisq̃ cogitationibus & sermonibus & actionibus dediderit. Namut Cicero ait : verecundia virtutum omnium custos est, dedecus fugiens laudemq̃ maximè consequens. Quacum ita sint, Auditores Optimi, constetq̃ inter omnes, nihil nec tetrius, nec fadius, nec nocentius, nec DEO laudatissimisq̃ viris odiosius esse, Libidinis intemperantia: contrag̃, nil præclarius, nil pulchrius, nil melius, nil DEO bonisq̃ viris acceptius esse castitate & pudicitia: pro viribus sanè eniti ac elaborare debemus, ut illam tanquam capitalem pestem, omniumq̃ flagitiorum lernam detestemur ac fugiamus: hanc autem veluti salutare remedium, omniumq̃ virtutum limpidissimum fontem expetamus & sequamur: admoniti Emblemate nostro: Mentis venus improba clades, .

D I X I.




H : ORA-

ORATIO SECVNDÆ CLASSIS, RECITATA

4

GEORGIO LINDNER
NORIBERGENSEI.



IN numismate nostro Auditores Nobilissi-
mi & Prestantissimi, Narcissi in lymphâ se contemplantis
imago cernitur, cum adjuncto hoc Emblemate: Stultus amor
nostri Narcissum autem amnis Cephisi & Nympha Liriope
filium fuisse ex Ovidio liquet, qui lib. 3. Metamorphoseon ad
hunc modum canit:

Primi fide vocisq; rata tentamina sumpsit
Catula Liriope: quam quondam flumine curvo
Implicuit

Implicuit, clausæq; suis Cephissus in undis
 Vix tulit, emixa est utero pulcherrima pleno
 Infantem, Nymphæ jam tuto qui posset amari;
 Narcissumq; vocat, de quo consultos, an esset
 Tempora maturæ vilitas longa senectæ,
 Fatidicus vates, si se non noverit, inquit.

Fabulantur enim Poëta, Narcissum ad fontem purissimum labore venationis fatigatum venisse, suamq; imaginem in fonte inspexisse. Amore autem sui ipsius captum, cum nullam potiunda talis formæ sibi spem reliquam intelligeret, sui ipsius desiderio contabuisse, ac deorum misericordiâ in florem sui nominis conversum fuisse. Quæ fabulâ quid aliud veteres sapientes monere voluerunt, quàm ne nimis maturè, & antè tempus sperere incipiamus, neve nos aut nostra nimis amemus atq; admiremur? Quod quidem vitium Græci Φιλαυτιδία nominant, qui morbus, ut perniciosissimus est, ita in omni aetate odiosus, tum vero in adolescentia prorsus intolerabilis. Hinc enim fit, ut, quorum animos hæc pestis occupavit, ut ut alioquin ingenta sint, in medio tamen studiorum cursu corrumpantur, ac velut in herba enecentur, dum sibi jam nimis placentes tantâ ambitione turgent, ut nudi amplius præceptores, nulli propemodum libri, aut scriptores præ fastidio & contemptu tam emunctæ navis iudicio satisfaciant. Quod quidem milum, quanta damna Ecclesiæ & rebus pub. afferat, experientia testatur: in p. n. si auctoritate publica supercilium illud arrogans munitum fuerit & stabilitum. Refert Aelianus, Tigridem usq; adeo Φιλότιμον animal esse, ut ad naves usq; prosequatur venatores, eosq; coquat catulos interceptos abjicere. At longè atrocius & infestius nostri illi nasutuli pro suis erroribus depugnant,

quos in prima etate, spretis & abjectis fidelium praeceptorum
 placitis, imbibebunt: Hinc digladiationes illa omnibus tempori-
 bus in omni artium & facultatum genere tantas dissensiones
 pepererunt, ut quod de Cyclopiibus olim dicebatur, ὅς τις οὐδὲν
 ὀφείλει ἀνθεῖν. Galeni certe testimonio pestis hac nusquam
 immedicabilior est, quàm in dogmatibus, quorum persuasione
 semel sumus imbuti. Sic enim gravissimus ille scriptor:
 οὕτως ἄρα, inquit, συσπότεριπτόν τι κακὸν ἔστιν περὶ τὰς διέσεις
 φιλοτιμίας, καὶ δυσέκνιστον ἐν τοῖς μάλιστα, καὶ ἴσως ἀπώσας
 δυσπώτερον. Hoc est: Adeo defectus contentio malum est, ut
 agrè excutiat, & cum primis incluibile, deniq; quavis scabie
 sit insanabilius. Quae quidem dissidia vel maximè alit scri-
 bendi illud Cacoëthes, quo passim hodiè scripturiente hoc secu-
 lo laboratur, adèò, ut quicquid inter pocula, in itineribus, pene
 in somnis fortè in mentem venit, continuo exeat, necesse sit,
 propterea quod singula nostra cogitata aq; opinata pro singulis
 haberi velimus oraculis. Longè alia ratio veterum fuit, qui
 non nisi sobriè cogitata, & crastini diei iudicio limata, nonumq;
 in annum pressa, in publicum emisère. Sic Isocrates Panegy-
 ricum suum integrum decennium componendo consumpsit.
 Sic Plato dialogos suos ad octuagesimum usq; aetatis annum re-
 cognovit & refinxit. Sic deniq; Demosthenes sculpta se di-
 cturum potius, si posset, quàm scripta professus est. Quid quod
 infelices illi scioli plerumq; in congressibus & colloquiis docto-
 rum virorum arrogantiam suam indoctissimè simul & stolidis-
 simè produnt? Id quod Christophoro Cardinali Eboracensi, ut
 indoctissimo, ita ambitiosissimo accidisse legimus. Is enim,
 cum Reginaldo Polo Cardinale & Thoma Moro presentibus
 aliquando versum Homericum adducere laboraret, quem me-
 moria sibi excidisse diceret: Morus ad Reginaldum conversus,

ὅδ' ἐν πρὸς ἑ' ὧς, inquit. Tum Christophorus: Et ipse hic est, dixit: verum exciderat. Hinc igitur patet, quàm verè Plato malum illud φιλαυτίας omnium malorum fontem esse dixerit, tam nimirum olim detestabile, ut Aristotele teste, hac φιλαυτίας probrosa appellatio, ceu proverbialis olim jactata fuerit, quando homines sui supra modum amantes à multitudine malè audidivisse scribit, quippe qui fado infamiq; cognomine vocati fuerint φίλαυτοι. Quod cum ita sit, commilitones optimi, vitium illud teterrimum, quod Emblemate nostro taxari intelligimus, totis animis aversemur, neq; nobis ipsis nimium blandientes, pennas, ut ajunt, ultra nidum extendamus: sed errata nostra, sicubi inpingimus, nobis ostendi, eaq; redargui & corrigi patiamur, ut sic assuesfacti, tanto felicius aliquando DE I gloriam propagare, Ecclesia & Reipublica salutem provehere, patriæ commodis inservire, parentibus deniq; nostris & præceptoribus pro fideli institutione debitas gratias persolvere possimus.

D I X I.




H 4 ORA-

ORATIO TERTIAE
CLASSIS, RECITATA

À

IOHANNES IACOBO
Pömer Noriberg.



IN nostro brabeo, *Audit: Humanissimi, ma-*
nus maturo flosculo admota, ac velut ad decerpendum para-
ta cernitur. Estq; ei adjunctum Emblemata: Tolle moras.
Quo, ut puto, adolescentes admonentur, ut discendi occasio-
nem & commoditatem avidè & alacriter amplectantur atq;
usurpent. Nam si oblatam temerè negligent, aut pratermit-
tent: ablatam frustra requirent, ac desiderabunt. Quemad-
modum enim flosculus nisi maturè decerpatur, flaccescit ac de-
cidit: sic opportunitas, nisi tempestive, veluti manu prehen-
datur,

datur, subito prateruolat, nec ulla unquam ratione revocari potest. Id quod etiam Poëta perquam ingeniosè nobis ob oculos constituerunt. Finxerunt enim Occasionem esse DEAM, rotæ volubili, motuq; incitatissimo huc illucq; sese versanti insistentem: pedibus alatam: anteriore capitis parte pilosam, ideoq; prehensu facilem: occipitio caluam, dextraq; manu in tergum reflexa novaculam tenentem: quam è vestigio comitetur puer, masto ac turbulento vultu: cui nomen μετὰνοια. Varro μετὰμελον vocat, eumq; Pœnitentia filium facit. Quo figmento, occasionis vis atq; natura egregie effingitur & exprimitur. Nam rota volubilis, varietatem illius & inconstantiam: talaria, subitam conversionem, multa commoda secum auferentem significant. Capilli deinde anteriores, & apprehensuris sese quasi porrigentes, indicio sunt, datam occasionem nullâ interpositâ nō rā arripiendam & retinendam esse: quippe qua semel elapsa, deinceps nunquam capi possit: id quod calvisio quoq; indicatur. Novacula deniq; innuit, opportunitatem prætermissam, nec retrahi, nec tetardari posse: utpote qua cultro suo acutissimo omnis generis moras & impedimenta resecet atq; dimoveat. Hæc pulcherrima imago adolescentibus semper ob oculos esse debet, ad colendum virtutis doctrinæq; studium, ne aliquando frustra ingemiscant, illudq; Poëta exoptent:

O mihi præteritos referat si Iupiter annos? (dire potest.

Nam id quidem fieri nequit, nec quæ præterijt hora rem. Multis molesta est pecunia jactura ipsorum culpâ amissa: at multo molestior atq; acerbior est temporis malè transacti recordatio. Itaq; prudenter Poëta:


Vtendum (inquit) est ætate, cito pede labitur ætas, “

Nec bona tam sequitur quàm bona prima fuit. “

I Quod

Quod si agricola arationis & sationis tempus diligenter observant, agrosq; suos multo labore ac sudore colunt, ut exoptata messe recreentur: quanto magis adolescentes florentissimam aetatis suae partem attendere, beneq; collocare, & animum doctrinâ, linguam eloquentiâ, vitam virtute excolere decet, ut uberes aliquando & salutare industriae suae fructus demerere atq; percipere queant? Haec namq; aetas ad virtutes literasq; cognoscendas percipiendasq; in primis est idonea, tum propter ingenij, animi & corporis vigorem: tum quia nullis ferè curis & sollicitudinibus (nisi quas ipsa sibi temeritate sua accersit) distringitur, & nullis, aut certè exiguis negociis distinetur: nec deniq; reliquis studiorum adjumentis (modo ipsa sibi ne desit) facile deficitur. Quapropter commilitones suavisimi, etiam atq; etiam providendum atq; annitendum nobis est, ut flosculos adhuc vigentes carpamus, h. e. discendi occasionem divino munere nobis oblatam ne negligamus, sed obvius (quod ajunt) ulnis eam amplectamur: & omne tempus aetatis nostrae florentis, omne ocium, omnemq; vitam ingenij in virtutibus sapientiaq; studijs consumamus, dum aliquando illucescat illa dies, quo parentibus & patriae ornameto & emolumento esse possimus.

D I X I.




ORA-

34

O R A T I O Q V A R T A E
C L A S S I S, R E C I T A T A

ab

ERNESTO à MVNSTER,



Cum Sylla certamen sacrum equestre puero-
rum, quam Trojam nominant, esset editurus, contractis
nobilibus pueris duos eorū duces designavit, quorū pueri alterū
matris causa acceperunt (nam Metella erat uxoris Sylla filius)
alterū non admiserūt, quamvis Pompeij fratris filius esset, Sex-
tus nomine, neq. exercere se sub eo, neq. sequi eū sustinuerunt.
Percunēt ante Sylla, quē vellent: omnes alta voce Catonem po-
stularunt, submitte nsq. se ipse Sextus, Catoni id decus, ut prae-
stantiori, concessit. Ita nimirum Mag. D. Rector, ipse quoq.
Catonem aliquem ex meis contribulibus vellem elegisses, qui

I 2


provinciam

provinciam hanc majori cum dexteritate & industria, quàm ego minimè omnium ad hanc rem idoneus, in hac nobilissimorum & Amplissimorum virorum coronâ sustinere potuisset. Sic enim accidisset, ut quia in hisce solennitatibus ad gloriam splendoremq; omnia revocanda sunt, & huic festivitati major amplitudo & dignitas conciliata fuisset, & auditores jucundiorum ex hoc nostro quasi literario certamine voluptatem percipissent. Sed quia ætas mea non fert, ut Magnificentia tua intempestivè reluctando negotium ulterius facerem, spartam hanc lubens in me recipio: quam si, ut par fuerit, ornare non potero, spero tamen fore ut ipsa brevitate oratiunculam meam præstantissima huic coronæ sim commendaturus.

Intuenti autem mihi Brabeum nostrum, Navis in eo expressa occurrit cum inscriptione: Ars regula vitæ. Quo quid tacitè significetur, ex præceptoribus meis aliquando intellexisse videor. Ut enim navis tempestatum procellis fluctuumq; agitatione jactata, naufragio proxima est, nisi Navarchi cujusdam periti arte regatur inq; tranquillum portum subducatur: Sic vita nostra tot tantisq; difficultatibus objecta, incerta hinc inde fluctuat, si non Ingenium literarum studijs excultum viam nobis & semitam quâ sit eundum, præmonstret. Sunt enim studia in utraq; fortuna, plane, quod Græco proverbio dicitur, Myrtili clypeus, qui cum esset ingentis animi miles, cumq; ad maritimam quandam expeditionem navigasset, submersa fortè navi, clypeo suo innixus in tutum portum delatus est: Sic literarum studia, nusquam non opportuna, nusquam non jucunda sunt, quib. non modo ab adversariorum telis & hominum injurijs tuti sumus, & tanquam opposito clypeo munimur, sed & eorum ministerio usq; è medijs vita hujus fluctibus ad tranquillum ocij portum recipimur. Plæte vitam nostram

παρεπίδημῶν τινὰ nominat, & peregrinationem, in qua, ut
 Pindarus ait, nisi DEVS initium monstraverit, οὐκ εὐθεῖα δὲ
 κέλευθός ἐστιν τὸ προσκελευμενον, hoc est, perdifficilis est semita ad
 inveniendum id, quod est propositum. Quemadmodum enim
 qui rectam viam nescit, ubi, ut sit, in plures una diffinditur,
 heret auxius, nec singulas audet eligere, nec universas probare:
 Sic cui non est veri stabile iudicium, quod bonis artibus acqui-
 ritur, per omnes aetatis gradus dubius pendet, nec quo se vertat,
 quid approbet, quid verepudiet, certo secam constituere potest.
 Verè igitur, quod Cicero inquit, studia adolescentiam alunt:
 senectutem oblectant: secundas res ornant: adversis perfugi-
 um ac solatium praebeant: delectant domi: non impediunt foris:
 pernoctant nobiscum: peregrinantur: rusticantur. Quamob-
 rem, Commilitones optimi, totamente in hanc curam & co-
 gitationem incumbamus, ut quantum alij tribuunt intempe-
 stivis convivij, quantum alea, quantum pile: tantum nos ad
 studia continuanda sumamus. Sic enim fiet, ut inter periculo-
 sissimas vitae huius agitationes & incommoda fluctuantes, nau-
 fragium tamen evitemus, tandemq; ad exoptatum studiorum
 nostrorum portum, magna cum parentum & propinquorum vo-
 luptate quàm felicissime deferamur.

D I X I.



I;

PANE.

X.
PANEGYRIS, ANNI
1586.


S V B R E C T O R A T V

D. D. EDONIS HILDERICI
THEOLOGI.

Oratio prima classis, recitata

à

IOHANNE CHRISTOPHORO
à Tauffkirchen.



*Apientissimus philosophus Plato,
cum ejus amicus Antisthenes vir doctissimus in
schola aliquando orationem justo longiorem habuisset,
Ignoras, ei dixit, orationis mensuram & modum esse.*

dum esse, non eum, qui dicite, sed eos, qui audiunt? Voluit nimirum innuere, oratores ad auditores potius, quàm ad se ipsos respicere debere. Cum itaq; & ego sciam, omnibus sapientibus orationis prolixitatem molestam esse, utar quanta possum brevitate, nec abutar patientiâ & humanitate summorum virorû, qui hanc scholasticam solennitatem suâ præsentia ornare voluerunt. Itaq; ad rem ipsam mox accedens, Magnifici Domini Rectoris mandato reverenter obtemperabo.

Symbolum igitur nostrum est tale: Noctua conspicitur insidens coronæ. Intra coronam conspicitur freni imago. His adduntur ista verba: Vigilijs & moderatione. Cum autem avis Noctua, quàm Greci *γλαύκη* vocant, nocturno tempore vigilet, canat, volet & venietur, & quo majores sunt tenebre noctis, hoc clarius videat, atq; eadem avis sit sacra sapientissima Dea Minervæ, arbitror ab Ampliſſ. Dominis Scholarchis hanc avem nobis, ut Symbolum vigiliarum proponi. Præterea, cum apud veteres, laudabilem certaminum victores usitatum fuerit coronari, procul dubio corona argenteo nostro nummo insculpta, symbolum est cujusdam victoriæ: frenum vero, quod intra coronam conspicitur, imago est moderationis, cum indomiti equi freno regantur, atq; in gyrum ducantur. Arbitror igitur per hæc symbola significari, ad omnia bona comparanda & conservanda, atq; ad omnia mala cavenda ac declinanda, vigilijs & moderatione nobis omnino utendum esse. Nulla enim est vite humana pars, in qua hujus commonefactionis necessarius usus non conspiciatur. Sapientissimus Rex Salomon Proverb. 6. & 24. affirmat, in Oeconomia paupertatem comitem esse somnolentia, cum inquit: Væ quò piger jacebis? Quando surges de somno tuo? pauxillum

I 4

somnia-

somniorum, pauxillum dormitationum, pauxillum complica-
tionis manuum ad dormiendum. Et veniet quasi viator ege-
stas tua, & penuria tua sicut vir armatus. Hac Salomon: qui-
bis docet patres familias vigilantes esse debere, si rem familia-
rem augere, paupertatem vero declinare cupiant. Sed quia
Noctua dicitur sacra Sapientia antistiti Minervæ, alijs homi-
nium generibus omiſſis, breviter attingam in præſentia eas
commonefactiones, quæ ad nos qui in bonarum artium & ſa-
pientiæ ſtudijs verſamur, propriè pertinent. Certiſſimum eſt,
ſine magnis vigilijs, ſine aſſidujs laboribus, ſine ſudoribus atq;
exercitationibus nullas artes liberales, nullasq; virtutes mo-
rales comparari, & conſervari poſſe. Quantis vigilijs ſum-
mo Oratori Demotheſeni ſua conſtitit Eloquentia? Somni fuerat,
parcusq; Lyæi, ut de Orpheo canit Caſſius Parmenſis. Quan-
ta fuerunt vigiliæ philoſophi Cleanthis & Ariſtophanis Gram-
matici? Nam ſiquid valde eſt elaboratum, id proverbialiter
ad lucernam Cleanthis & Ariſtophanis dicitur factum eſſe. Et
Demoſthenis Enthymemata dicebantur ἐλνυχίων ὄζαν, id eſt,
lucernam redolere, propter lucubrationes in ijs excogitandis
conſumptas. Vtiliter igitur ordo ſcholæſticus per certas ima-
gines in oculos incurrentes monetur, ut artium bonarum co-
gnitionem, & virtutum poſſeſſionem per maximam vigilan-
tiam ſibi comparandam, atq; aſſidua exercitatione conſervan-
dam ſtatuat, ſicut & veterum & recentium quorundam bono-
rum autorum dicta monent. Apud Ariſtophanem in Ne-
bulis Socrates Strepsiaden ad philoſophiæ ſtudium adhortans ait:
ὑπνος δ' ἀπὲς ὧ γλυκύθυμ' ὁμμάτων: Id eſt: Dulcis ſomnus
abſit ab oculis.

Ac noti ſunt pueris hi vulgares verſiculi:

Non

Non jacet in molli veneranda scientia lecto,
 Ipsa sed assiduo parta labore venit.

*Ac Siracides cap. 6. adolescentibus precipit, ut mane ad preceptores audiendos accedant, cum inquit: Εὐνιδὺς ἀνδρῶν συνητὸν, ὁρῶντιζε πρὸς αὐτὸν, καὶ βαθμὸς τῶν θυγῶν αὐτῷ ἐκτρίβε- τω ὁ πρὸς σθ, Id est, si videris virum sapientem, mane accedas ad eum, & gradus ostiorum ejus conterat pes tuus. Dixi breviter de vigilijs, quas scholasticus ordo perferre jubetur; dicam brevius de Moderatione. Veteris Poëta Lini est versus non indignus memoriâ: ἡ ἐπιθυμία ἡνιοχῇ μαργασί χαλινού. id est: Concupiscentia aurigatur laxis habenis. Cum concupiscentia agit aurigam, non ratio, tùm laxa habena & freni conceduntur cupiditatibus & indomitis affectibus. Mone- mur igitur imagine freni, ut freno rationis appetitus nostros regamus & moderemur, ut ipse Dominus Gen. 4. ad Cain in- quit: Appetitus tuus sit sub te, & tu domineris ei. Freno igitur rationis moderandus est appetitus cibi & potus, cum CHRISTVS dicat: Cavete ne corda vestra graventur cra- pulâ & ebrietate. Freno rationis moderandus somnus, sicut Paulus inquit 1. Theß. 5. Vigilemus & sobrij simus. Freno ra- tionis & cogitatione divini judicij moderanda libidines. Le- vit: 18. Omnis anima quæ fecerit has abominationes, eradica- bitur. Et Socrates inquit: Δὲ ὥσπερ σειρήνας τὰς ἡδονὰς πα- ρελαθὲν τὸν σωεὺς ὄντα τὴν ἀρετὴν ἰδεῖν ὥσπερ πατρίδα. Id est, voluptates tanquam Sirenes effugienda sunt ei, qui ad virtutis velut patriæ conspectum contendit. Nisi enim hos & similes malos affectus adolescentes ratione coercere & moderari di- scant, nunquam ad solida eruditionis, & vera virtutis lau- dem pervenient: nunquam earundem optatam coronam adi-
 K piscantur,*

*piscentur. Vtiliter igitur in proposito Symbolo adolescentes
 bonarum artium studiosi monentur, ut moderatione cum in
 affectibus regendis, tum in omnibus alijs vita partibus utan-
 tur, memores dicti Aristotelis: Ανδρείότερον εἶναι μοι δοκῇ
 ὁ τῶν ἐπιθυμιῶν ἢ τῶν πολεμίων κρατῶν. Καὶ γὰρ χαλεπώτατον
 ἐστὶ τὸ ἐαυτὸν νικῆσαι. Quod reliquum est, pro his & similibus
 commonesactionibus, quas Amplissimi Domini Scholarchæ
 nobis adolescentibus proponunt, eorum Amplitudini im-
 mortales agimus gratias. Nos harum commonesactionum
 erimus memores, usq; quantum erit in nobis, per totam vitam,
 reverenter obtemperare conabimur.*

D I X I.




O R A-

38

O R A T I O S E C V N D A E

C L A S S I S, R E C I T A T A

I O H A N N E I A C O B O
P Ö M E R N O R I B E R G.



IN hoc numismate, quod Amplissimi Domini Scholarcha Academia Altorphiana discipulis secundae classis praemij loco dederunt, conspicitur figura alitis, quae uni pedi insistit, & altero erecto lapillum sustinet. Omnino statuo hanc imaginem alitis de Grue intelligendam esse. Nam Plinius lib. 10. cap. 23. de gruibus expresse sic inquit: Excubias habent nocturnis temporibus, lapillum pede sustinentes, qui laxatus somno, & decidens indiligentiam coarguat. Ex quo dicto intelligimus, grues hoc labore sustinendi lapillum occupatas facilius

K 2 pellere

pellere somnum, & cum somno victa obdormiscunt, lapsu stre-
pituq; lapilli iterum à somno excitari ad vigilandum. Quam
diligentiam & vigilantiam eas natura docuit. Unde in nu-
mismate huic imagini alitis hæc verba adduntur: Officium
natura docet. Etsi autem hoc symbolum gruis utile est omni-
bus hominibus, in quocunq; vita genere versentur, ut sese de
diligentia & vigilantia & moderando somno in omnibus ope-
ribus sui officij admoneant: tamen nunc tantum breviter osten-
dam, quàm utile sit nobis scholasticis, ut hoc symbolum gruis
aspiciamus, & nos de imitanda gruum vigilantia subinde ad-
moneamus. Vt enim hoc faciamus, id per donationem hujus
premiij, Amplissimi Domini Scholarcha non obscure nobis praci-
pere videntur. Quorum precepto, ut modestius pareamus, &
ut premium eorum tanto sit nobis gratius, duo in hac oratiun-
cula præstare conabor. Primum recitabo pauca de natura gru-
um, ut melius intelligamus quam ea sint, quæ eas natura do-
cet. Deinde afferam etiam pauca exempla magnorum viro-
rum, qui sibi admirabilem doctrinæ & virtutis copiam, per
eximiam vigilantiam & singularem moderationem somni
compararant. Hæc dum breviter præsto, amanter & reveren-
ter peto, ut benigne audiar.

Hæc igitur sunt, quæ de natura earum breviter affero:
Primum grues dicuntur valde amantes societatis. Non enim
separatim aut seorsim, sed simul in magno numero & agmine
volant gregatim & pascuntur. Deinde accuratè etiam in-
ter se quendam politicum ordinem observant. Nam cum de
profectione suscipienda quodam modo inter se consenserunt, eli-
gunt ducem, quem in volando omnes sequuntur. Tum & hoc
est signum prudentiæ earum, quod aliè volent, ut tanto longius
possint propicere & pericula declinare. Conficitur præterea
in ijs

in ijs non parvus amor cuiusdam justitie & aequitatis. Cum enim illae grues, quae in volando sequuntur, sua colla & capita in tergo praevolantium reponant, atq; ita in volando non nihil adjuvantur, aut releventur: tandem etiam dux, diu praevolando defatigatus, revolat, ut suum collum & caput in tergo alicujus praevolantis reponat: & quae ducem proximè sequitur, ea duci succedit, ut ejus onus, seu gravamen aliquandiu ferat. Idem onus subeunt etiam ordine ceterae grues, si id diuturnitas volatus earum requirat. Cumq; grex earum sine acclamatione & voce sonora in volando contineri non possit, servant ipsa hac in parte etiam vices, ne omnes simul acclamare necesse habeant. Nec praetereunda est in hac brevi commemoratione fortitudo & virtus quadam bellica gruum. Multum enim negotij facessunt Pygmæis, eosq; in quadam India regione infestant, qui sine bello eas ex ea regione salubri & semper vernante depellere non possunt. Qua de re legatur Plinius lib. 7. cap. 2. Postremo grues inter se hoc quoq; gravamen per vices sustinent, ut aliae nocturnis temporibus vigilent, uni pedi insistentes, altero lapillum sustinentes: aliae vero dormiant, capite sub alam condito, alternis pedibus insistentes. Ex his quae breviter recitavi de natura gruum, facile potest colligi, in illis esse multarum virtutum simulacra. Sed nunc satis est, si diligentiam & vigilantiam earum studiosè consideremus, & sedulo imitari conemur.

Nunc, quod secundo loco promisi, recitabo pauca exempla magnorum virorum, qui per lucubrationes atq; exercitationes nocturnas, maximam doctrinae, sapientiae & virtutis laudem sunt consecuti. Demosthenes summus orator, quanta vigilantia, somniq; moderatione ad Eloquentiae laudem compa-

randam sit usus, inde facile colligitur, quod ejus Enthymemata dicta sint olere lucernam, & quod ipse dictus sit plus olei, quam vini consumsisse. Fuit enim Demosthenes abstemius, & ὁ δὲ σωφρων, qui etiam ad lucernulam illam suam in extrema sua senectute exercebatur. Deinde quanta diligentia & vigilantia fuerit Aristophanis Grammatici in persequendis studiis suis, etiam per nocturna tempora, ostendit proverbium: Aristophanis lucerna. Idem colligitur de Philosopho Cleanthe ex proverbio: Cleanthis lucerna. Nam qui horum virorum lucubrations imitantur, hi proverbialiter ad Aristophanis & Cleanthis lucernam lucubrare dicuntur. Postremo legimus stertilem lucernulam Epicteti philosophi post mortem ejusdem, maximo precio, videlicet tribus Drachmarum millibus venditam fuisse. Unde colligimus hunc virum ob acerrima studia nocturna, ad tantam doctrinae & sapientiae opinionem & admirationem apud omnes pervenisse, ut qui vel lucernam ejus possideret, beatus & tanti Philosophi imitator futurus crederetur. Plura exempla diligentiae & vigilantiae magnorum virorum brevitatis causa non affero. Haec quae modo attuli Symbolo gravis adjungamus, eaque ad solidam eruditionem nobis comparandam qua possumus imitatione, exprimamus, praesertim cum sciamus, non tantum studiosis literarum seu scholasticis, sed etiam omnibus alijs hominibus, quocumque in vita genere versentur, siue magno, siue parvo, hanc vigilantiam & somni moderationem necessariam esse. Nam qui principes & gubernatores Republica, qui bellicae duces, & milites somno dediti, suum officium laudabiliter facere possunt? Homerus inquit: ὃ καὶ πάντων ἰον εὐδαν βέλιν-
φόρον ἄνδρα, ὃ λαοὶ τ' ἐπιτετράφαται, καὶ τόσσα μέμλε, Id est, non oportet per totam noctem dormire virum Republica consulentem

49

*fulentem, cui tot populi & tanta negotia concredita sunt. Et
 Plato in Principe maximè requirit vigilantiam, cum in quo-
 dam legum libro sic dicat, ὁ ὕπνιος ὁ βασιλεὺς ἀπὸ τοῦ
 Id est: Dormiens enim nullus, (scilicet princeps) est aliquo
 precio dignus. Quod quidem egregiè observavit Alexander
 Magnus, qui etiam noctes ad officia tripartita dividebat:
 quietis, Reipub. & Musarum. Solebat autem ne somno diu-
 tius fortè indulgeret, anea concha supposita, brachio extra cu-
 bile protento pilam tenere argenteam, ut cum nervorum rigo-
 rem sopor laxasset infusus, gestaminis lapsi tinnitus somnum
 abrumperet. Ut de ipso Ammianus Marcellinus testatur
 lib. 16. Vbi Iulianum Imperatorem cum eodem conferens, ait
 etiam multò fortius idem prestitisse, nam absq. instrumento ta-
 li pila & pelvis, quoties voluerit evigilasse: & nocte dimidia-
 ta semper exurgentem Mercurio occulte supplicasse, ut à quo
 motum mentis suscitari persuasum habuerit. Quanto nos ad
 veri DEI cultum & venerationem aequius est, mane stratis
 nostris excitari, cum ille Apostata tam vigilans fuerit in falso
 & commentitio suo numine adorando? Quam quidem ad-
 rem religiosissimus & sapientissimus Rex David suo exemplo
 nobis praeivit: qui ut multa in Psalmis ejus loca ostendunt, de
 nocte ad divinas laudes decantandas consurgere & hymnis suis
 aurora exortum praevenire solebat. Sic de Friderico Aenobar-
 bo testantur historici, hunc Imperatorem in more habuisse*

primo lucis in ortu
 Ad matutinos divinae laudis honores
 Strenua neglecto protollere membra cubili,
 Omnibus in castris pingues efflantibus auras
 Et matutinae praesens torpore quietis.

K 4


Sic

*Sic enim scribit ejus præco laudum Guntherus, poëta suæ
 ætatis princeps, lib. 9 Ligurini. Deinde nec agricola nec opifi-
 ces, nec mercatores, nec ulli Oeconomi somno nimium indul-
 gentes paupertatem effugere possunt, multo minus divites fieri.
 Ideo Salomon Proverbiorum 20. sapienter inquit: Noli dilige-
 re somnum, ne te egestas opprimat: Aperi oculos & saturaberis
 panibus. Hec sunt, quæ pro mei ingenii tenuitate ad explican-
 dum propositum symbolum de excubijs gruum afferre potui,
 quæ ut omnes quotquot adsint boni consultant, ex animo precor.*

D I X I.

ORATIO TERTIÆ CLASSIS, RECITATA

DANIELE & CORALECK BOHEMO.



Sunt

*S*unt in tertia classe inter meos jucundissimos commilitones non pauci adolescentes, qui me & ingenij acumine, & eruditionis copiâ, & memoria felicitate, & orationis suavitate longè superant, quibus hæ dicendi partes rectius quàm mihi à præceptoribus potuissent commendari. Sed quia Magnifico Rectori, & reliquis Dominis præceptoribus ita visum est, ut ego in hac corona eruditissimorum virorum, atq; ingeniosissimorum adolescentum audirer, eorum paterno mandato modeste parebo, siue ab eis iudicio hic honor mihi sit delatus, siue benevolentia, siue quod magis credo, favore quodam patriæ meæ dulcissima Bohemia. Sed ne Exordij prolixitate huic splendidissimo auditorio sim molestus, ad explicationem Symboli propositi propero. Aristoteles, Plinius, aliiq; non contemnendi auctores scribunt, Mustelam, quæ Græcis est γάλην, herbam rutam comedere, antequam pugnam incat cum serpente naturali suo hoste, eumq; victum & occisum devoret. Odorem enim rutæ esse infestum serpenti, & simul esse remedium ad depellendum venenum devorati serpentis, atq; ita mustelam non temerè ad periculosum certamen accedere, sed se ad id prius magnâ curâ præparare. Genus igitur animalis, cujus imaginem insculptam habet hoc argenteum premium, quo ab Ampliis. Dominis Scholarchis discipuli tertiæ classis honorantur ac donantur, puto esse mustelam; id vero quod hoc animal ore tenet ac comedit, esse ramulum rutæ, præsertim cum his imaginibus hæc verba ascribantur, Amat victoria curam. Hujus igitur numismatis & imaginibus & verbis Amplissimi Domini Scholarchæ pro sua summa prudentia, totū cætum scholasticum monere volunt, sine curâ & vigilantia, sine laboribus & sudoribus,

ribus, sine molestijs & difficultatibus nemini mortalium gloriosam victoriam contingere. Nam etsi DEVS principalis causæ est omnium victoriarum, ut Proverbiorum 21. dicitur: Equus paratur ad diem belli, sed à Domino est victoria: tamen idem ad victoriam comparandam etiam vult humanam diligentiam accedere, ut antiqui Poëta Æschyli dictum testatur:

Δὴν ὁτ' αὖ

Σπένδῃ τις αὐτὸς, καὶ θεὸς συνάσπεται.

Sed cum aliquis ipse festinauerit, etiam DEVS simul manus admovent. Eiusdem poëta est & hoc:

Φιλαῖ δὲ τῶν ἀμυνόντων σὺς σπένδῃν θεῶ.

Solet autem unà cum eo, qui laborat, festinare DEVS. Vt alia exempla quæ sunt innumerabilia omittam, quantis vigilijs, quantis laboribus & periculis victorias adeptus est Alexander Magnus? de quo Q. Curtius lib. 4. sic inquit: Sed nec somnum capere, nec quietem pati poterat. Modo è iugo montis aciem in dextrum Persarum cornu dimittere agitabat, modo recta fronte concurrere hosti, interdum hesitare, an potius latum torqueret agmen. Ibidem ipse Alexander ad ducem suum Parmenionem inquit: Credis ne me prius somnum capere posse quàm exonerarim animum solitudine qua quietem morabatur? Sed omisissis his victorijs bellicis, & cruentis, qua nullis victoribus sine summa cura contingunt, dicamus breuiter de victorijs philosophicis seu scholasticis. Nam & nostrum genus vite militia est quadam, in qua nemo sine cura, sine vigilantia, sine laboribus, victoriam adipiscetur. Occupant mentes humanas maxima tenebra, innumerabilesq; errores illam tanquam hostes obsident. Hæ ingentes tenebra, hi errores, jici non possunt, neq; notitia & scientia introduci sine maximis vigilijs &

gilijs & studijs. Quis enim unquam unam, vel de minoribus disciplinis, sine labore didicit? Quis sine acerrimo studio è sermone hostes Barbarissimos, & Solæcismos ejicit, sibiq; proprietatem & puritatem orationis comparat? Quis sine maxima exercitatione tenebras Ævumyias ex animo suo expellit, in eòq; lumen rectè ratiocinandi accendit? Quis sine summis laboribus abjecta puerili infantia, vel mediocrem dicendi facultatem potest comparare? Iam ut reliquas liberales artes taceam, quarum finis præcipuus est actio, quantum malarum inclinationum, cupiditatum & vitiorum hæret in animis humanis? Quàm multi pravi affectus occupant humana corda? Quis verum odium horum multiplicium vitiorum, & ardentem amorem contrariarum virtutum induere sine perpetua vigilantia potest? Certe seipsum vincere longè difficilior est, quam superare externos hostes. Nam Alexander Magnus armis quàm plurimas gentes domare potuit: hostes domesticos, qui animum ejus possidebant, vincere non potuit, sed ab eis victus est turpissimè, eorumq; mancipium fuit miserrimum. Intemperantia enim, libidinibus, ira & superbia, inhonestissimè succubuit. Quare Proverbiorum capite 16. sapientissimus Rex Salomon rectè inquit: Melior est tardus ad iram, quàm fortis, & qui dominatur spiritui, quàm qui capit civitatem. Quod dictum etiam ad alias pravæ animorum cupiditates transferri potest.


Quoties igitur jucundissimi commilitones, hoc argenteum numisma in manus sumemus, in eòq; expressam imaginem mustela cum ruta aspiciemus, & verba addita Amat victoria curam, legemus: toties ab hujus donativi auctoribus, viris sapientissimis, nos moneri cogitemus, ut nos omni genere philosophicorum armorum præparemus, atq; in st uamus

ad sustinenda quotidiana certamina cum densissimis mentium tenebris, cum indomitis animorum cupiditatibus, cum pravis cordium affectibus, ut cum his domesticis hostibus fortiter pugnantes superiores evadamus, & optatam victoriam cum laude obtineamus.

D I X I.

ORATIO QVARTAE
CLASSIS, RECITATA
à

IOHANNE CHRISTOPHORO
HERDESIANO NORIBERGENSI



NOs adolescentes qui ex Quarta classe, ad
superiorem transferimur, spectamus cum voluptate atq;
admiratione imagines cervi & serpentis, insculptas argenteo
numis-

numismati, quod nobis ad puerilia nostra studia excitanda Ampliſſ. Domini Scholarcha liberaliter donarunt. Imaginibus legimus hac verba addita: Nullis fraus tuta latebris. Non eſt dubium, quin graviſſimam de moribus admonitionem contineant hæ imagines, & ipſum hemiſtichium, Nullis fraus tuta latebris. De hoc igitur ſymbolo juffu Mag. Domini Rectoris in hoc ſplendidiffimo atq; ornatiffimo conſeſſu ſummorum virorum, præceptorum, hoſpitum & commilitonum, pauca afferam, & quidem vulgaria. Nam ætas puerilis, ingenium inexercitatum, infirma memoria, mihi obſtant, quo minus multa, & eruditorum auribus digna afferere queam.

Cervus, ſecundum Plinium, animaleſt valdè ſimplex, & omnium rerum miraculo ſtupens, in tantum, ut equo aut bucula propius accedente, hominem juxta venantem non cernat: aut ſi cernit, arcum ipſum ſagittasq; miretur, atq; in hac admiratione rerum oblatarum, propriam ſalutem quodammodo negligat. Habet tamen idem animal in hac ſimplicitate ſuam quandam prudentiam. Nam ita aſſueſcieri poteſt, ut ſermonem hominum intelligat, ut in hiſtorijs proditur, & ſuorum morborum & periculorum novit & querit idonea remedia & auxilia.


Contrà vero ſerpens animal eſt callidiſſimum, ſicut notum eſt ex hiſtoria lapſus primorum parentũ. Et CHRISTVS ipſe ſerpentum calliditatem celebrat, cum inquit: Eſtote ſimplices ut columba, & callidi, ut ſerpentes. Iam inter cervum feram ſimplicem, & ſerpentem animal callidiſſimum, nativum & implacabile eſt quoddam odium, ſicut ex diametro ſecum pugnant ſimplicitas & calliditas, ſalubritas & venenum. Fit ex hoc nativo odio, ut Cervus, cum id naturali inſtinctu opus eſſe ſentit, ſerpentem magnâ curâ venetur. Nam cum cervus

sentit vel obscuracionem visus, vel abundantiam humorum, vel infirmitatem quandam ex senectute, vel morsum vermium, qui in ventre suo nascuntur, & ad fauces ascendunt: intelligit se ex his malis liberari posse esu venenati serpentis. Itaq; non quiescit sed circumcurrit, querens serpentem. Cujus vestigia cum videt, per ea latus ducitur ad latebras serpentis: ad quas cum pervenit, spiritum narium ex cubili suo extrahit serpentem, eumq; frustra secum pugnantem dilacerat ac devorat, esuq; ejus suis malis medetur:

Atq; ita Simplicitas fit videtrix Calliditatis,
 Naturæq; venenatæ natura salubris.

Ex hoc igitur mutuo ceruorum & serpentum odio & pugna procul dubio sumte sunt imagines numismati nostro impressæ, quas explicant verba addita: Nullis fraus tuta latebris. Quo dicto monemur, ut ab incunte atate nos ad simplicem veritatem assuesciamus, ab omni fraude proximo noxia abstinemus, cum certo sciamus, DEVM & videre fraudem, etiamsi infinitis latebris occultetur, & eam in lucem protractam tandem severe punire: juxta dicta: Cernit DEVS omnia vindex. Et Psal: 57. Utiq; est DEVS, judicans homines in terra. Et Psal. 61. Tu reddis unicuiq; juxta opera sua.

D I X I.



PANE-

XL.

PANEGYRIS, ANNI

1587.

SVB RECTORATV

IOHANNIS BVSEREIT.


I. V. D.

Oratio prima classis, recitata

4

MICHAELE PICCARTO

NORIBERG.



Uanquam Et mihi rem tam arduam atq; difficilem Rector Magnifice mandaveris, ut ob ingenij doctrinaq; mea tenuitatem satis commodè à me explicari non queat: tamen ne au-

L 4

toritati

toritati tuae refragari videar: quid de illa sentiam, quàm brevissimè licebit dicere, conabor. Rogo Auditores, ut, qui cum autoritate adsunt, bonâ cum veniâ etiam me audiant: qui verò discipuli mei sunt, eam mihi hoc tempore benevolentiam præstent, quàm ijs qui ante me dixerunt, alijs temporibus præstiterunt: quàmquàm me sibi exhiberi volent, cum in hunc locum ad dicendum aliquando pervenerint. In brabeo ad explicandum mihi tributo, expressa est imago serpentis, caudam orifici inscraentis ut circulum representet. Huic adjuncta est corona varijs floribus & fructibus exornata. In ejus ambitu inscriptum est hoc Emblemata: In se contexta recurrit. Quod attinet ad serpentem: Hieroglyphici ejus imagine annum pingere solebant. Testis est Horapollon lib. 1. de sacris Ægyptiorum literis. Sol enim qui anni mensura est, à primo puncto Arietis per reliqua signa progressus, ad idem punctum redit: ac priore anno confecto novum inchoat. Hinc apud Latinos annus (ut Grammatici docent) quasi annulus dictus est: quod in se redeat. Vnde & illud:

Quiq; in se sua per vestigia volvitur annus. Ab Homero περιωλόμεν & ἐνιχυτός appellatur, quasi ἰὼν εἰς ἑαυτόν. Id est, revolutis vicibus in se incurrens. Deinde hanc causam addunt, quod quemadmodum anguis tacitè proserpit absq; strepitu: ita annus quoq; tacitè, & nobis vix animadvertentibus, præterlabitur. Vnde illud Poëta:

Tempora labuntur tacitisq; senescimus annis.

Item

Labitur occultè fallitq; volubilis ætas,

Et nihil est annis velocius. Consimili ratione, corona quoq; intextiq; flosculi, fruges fructusq; annum ejusq; partes,
continua

*continua quadam ac perpetua successione copulatas, notas atq;
designat. Nam ut Poëta canit :*

Ver placidum vario nequit de flore coronas,
Spicea ferta gerit calidissima solibus æstas,
Temporaq; autumnus cingunt tua Bacche racemis,
Tristis hiems montes niveo velamine vestit.

*Verum hoc Emblemata non ad annum duntaxat, quem Sol
metitur, verum etiam ad res quasvis corporatas, scitè referri
& accommodari potest. Etenim si oculis sublatis mundum
athereum contempleris, non Solis tantum, sed reliquarum et-
iam stellarum atq; adeo totius cœli, certas statasq; conversio-
nes animadvertes : atq; idcirco, ut Solaris, sic Lunaris, Mer-
curialis, Venerew, Martius, Dialis, Saturnius, stelliferi orbis
annus, non ineptè appellari possit. Si deinde oculis dejectis,
hunc telluris globum contueamur : nonne ubiq; miras vicissi-
tudines, commutationesq; notare ac deprehendere licet ? nihil
fidum, firmum ac stabile permanet : omnia sunt mutationibus
obnoxia. Et qualia Plato in Timæo scripsit, semper fieri esse
nunquam. Habet hoc materia illa, unde res omnes constant,
quam veluti magnam rerum matrem, celestis vis ad conti-
nuos partus excitat. Inde quatuor illa corporum elementa
sursum ac deorsum commeant, & constanti vicissitudine ge-
nerantur & generant. Inde omnis generis animantes, homi-
nes, quadrupedes, aves, pisces, stirpes, metalla, cateraq; res,
quas benignissima terra ex sese fundit. Quarum omnium cer-
te veluti ætates sunt constitutæ, ut nascantur, adolescant, con-
senescant, tandemq; certis temporum intervallis intereant.
Mars in terras, terraq; vicissim in maria commutantur.*

Vidi ego quod fuerat quondam solidissima tellus
Esse fretum; vidi factas ex æquore terras.

OK

Hinc

Hinc aridi alvei, quæ flumina fuerant: hinc perennes fluvij, quæ cultæ fuerunt arataq; terræ. Hinc quemadmodum annus in quatuor partes naturali vicissitudine distinctus est: ita universus mundus Elementaris, suas quoq; hiemes & astates habet: quarum illa aquarum inundationes & colluviones efficiant: hæ vero contra suscitent exustiones, & incendia terrarum. Sic quoq; primus ille generis humani propagator Adamus (ut Iosephus in antiquitatum libris testatur) prædixerat duplicem labem terrarum, vastitatemq; venturam: alteram inundationibus aquarum: alteram ignium flammarumq; ardoribus. Quod idem sacris literis testatum consignatumq; est. Rectè igitur ac summatim Ovidius hanc rerum naturalium vicissitudinem perstringit ac concludit, ad hunc modum.

27 Nec species sua cuiq; manet, rerumq; novatrix
 28 Ex aliis alias reddit natura figuras,
 29 Nec perit in toto quicquam, mihi credite, mundo:
 30 Sed variat, faciemq; novat: nasciq; vocatur,
 31 Incipere esse aliud, quam quod fuit ante: moriq;
 32 Desinere illud idem, cum sint huc forsitan illa,
 33 Hæc translata illuc, summa tamen omnia constant.

Neq; vero ad res naturales tantum hæc conditio pertinet: sed hominum quoq; opera attingit, mores, consuetudines, leges, artes, linguas, aliasq; res cunctas: quæ ab arte naturam imitante, ortum duxerunt: Cum oriantur aliæ: aliæ vero occidunt: quæq; modo floruerunt, nunc obsolescant: atq; adeo quarum admirabilis est ἀνακύκλωσις, ut Polybii verbo utar.

Hinc rectè Cornelius Tacitus scripsit, rebus cunctis inesse quendam velut orbem: quemadmodum temporum vices: ita morum verti. Quin etiam imperia & Respublica suas habens periodos, ut divinus philosophus Plato, & natura genius Aristoteles testantur.


Quem

Quemadmodum enim hominum corpora alia externa vi deficiuntur & pervertuntur : alia intestina humorum dissensione intereunt : alia naturali confecta senio contabescunt : Ita Rerump. alia hostilibus armis afflicta concidunt : alia domestico seditionis morbo consumuntur : alia vetustatis vitio dilabuntur. Id quod tum alia multa, tum inprimis Atheniensium & Romanorum Republica olim florentissima testantur.

Quæ cum se ita habeant, nemo est qui non intelligat atq; perspiciat, omnibus rebus corporatis vicissitudinem, id est, metamorphosin quandam vicissim recurrentem inesse. Caterum in hac omnium corporatarum conversio ac vicissitudo rerum non temerè ac fortuito evenit : sed divino numine regitur : Et quandiu æterna mens, quæ sola immobilis est, illam consistere vult, conservatur. Itaq; in numismate nostro, manus serpentem & coronam complexa inest : quæ summi opificis vis præpotens & infinita providentia, res universas, summas & imas, longè lateq; fovens atq; gubernans, significatur.

Hæc habui Audit. Optimi, quæ ad Emblematis nostri explicationem succurrebant. Quod cum admoneamur, non modo singulorum hominum, sed universi hominum generis, itemq; cæli & terrarum certos interitus & occasus, ratis temporum spaciis definitos esse : Omnino nobis elaborandum est, ut prudenter, justè, fortiter, moderateq; vivamus : donec tandem accitu summi, maximiq; Principis, ex hac mortali miseraq; vita evocati, ad cælestium animorum cœtum aggregemur, atq; corona contexta sempiternisq; seculorum ætatibus in se recurrente donemur.


D I X I.



M 2

ORA-

ORATIO SECVNDÆ
CLASSIS, RECITATA
⁴
IOHANNÉ VVELSERO
NORIBERG.



IN voluntate & jussu Magnifici Domini Re-
ctoris penitus acquiescere, legibus cum jubeamur omnes: me-
um etiam est illius nequaquam detrectare imperium. Ordine
igitur jussus dicere, cum ea, quam atas hac mea fert, cogitatio-
ne & modestia quod sentio in medium proferam, certa spe fre-
sus, probatum iri hanc meam obedientiam, & conatum tenu-
em bonis omnibus. Quibus utiq; constat, in universum hu-
jus quam nunc ago atatis, cogitationem exquisitam esse nul-
lam. In altera numismatis nostri facie expressa continetur
imago Ciconia, quæ ex pastu reversa corpus in aëre librans, in-
sidentis nido pulli rostro hianti serpentem indit: cum hac ἐπι-
πράξις Pietas tutissima virtus. Habes hac avis ex testimonio
gravissi-

gravissimorum scriptorum, multarum virtutum in se simulacra plurima. Castitatis namq; amantissimam in violentem conjugij leges severissimè animadvertere exemplis probat ex veteribus Aelianus: ex neotericis Aventinus & alij. Quod nidos eosdem repetant, & stato tempore abeant atq; revertantur, certo constantie signo, asserit Plinius. Vita vero innocentiam tantum honoris conciliaſſe olim in Theſſalia ciconijs ſcribit idem Plinius, ut eadem pœna in eum qui hominem & qui ciconiam interfeciſſet, fuerit conſtituta. Quid dicam de gratitudine in hospites ſuos? quid de parentum in ſobolem amore, cura & proſpectione? quorum inſignia exempla recenſet Aelianus, libro de animalibus octavo. Atqui horum aliqua cum aliis volucribus Ciconia forſan habent communia: aliqua uni-
us autoris ſuffulta teſtimonio, vel ſabuloſa vel ſaltem totæ Ciconiarum generi minus propria videri poſſunt. De pietate in parentes audiamus: quæ in hac ave veteribus eò usq; placuiſſe ſcribitur, ut in ſcep-
tris regis Juſtitia ſymbolum Ciconia ſculpi ſolita fuerit. Hanc pietatem Ariſtophanes in avibus his verbis protulit.

ΑΜ' ἔστιν ἡμῖν τοῖσιν ὄρνισιν νόμος
 Παλῆος ἐν τοῖς τῶν πελαργῶν κύρβειν:
 Ἐπὴν ὁ πατὴρ ὁ πελαργὸς ἐκπετησίμῃς
 Πάντας ποιήσῃ τὰς πελαργιδῆς τρέφων,
 Δὲ τὰς νεοτῆρας τὸν πατέρα πάλιν τρέφειν.

Rei veritatem, non tantum à prophanis dependere, ſed Lingua ſanctæ affirmant approbari Etymo: quæ ut audio Ciconiam Chaſidhah appellat, à pietate, & eximia in parentes miſericordia, ut qua ſenio conſectis, infantia ſuæ vices re-
 pendens θρεπτήρια exhibeat, non nutritione & deſenſione ſola, ſed etiam ſubvolatum geſtione in propriis humeris. Græci
 M 3 eam,

eam, quam de nobis optimè meritù tempestivè referimus gratiam, τὴν ἀντιπελαργίαν voce per similitudinem à Ciconiis, quæ ipsis sunt πέλαιργαι, sumpta, expresserunt: actum ipsum ἀντιπελαργεῖν nominantes. Et quis quod jam dixi in controversiam vocabit, unanimi consensu à veracissimis rerum naturalium scriptoribus consignatum, ab Amplissimis & Clarissimis Dominis Scholarchis, nostris nutritiis, ad cogitandum propositum? Hi commonefacturi de officio nostro nos atatis paulò provecioris, Pietatem nobis ante oculos ponunt, quæ est secundum Cornelium Severum tutissima virtus. Et verè tutissima virtus, quæ ut reliquarum virtutum genitrix, in sacris literis severissimè mandata, sola promissiones habet, tam præsentis quàm futuri seculi. Et propter eventus felicissimos, in toto terrarum orbe, maximè una predicatur. Hæc est illa pietas, quæ Philonomū & Calliā, adolescentes coætaneos servavit tū, cum uterq; relictis omnibus opibus, parentes suos effætos humeris asportarunt illesi, cedentibus flammis, ex Aetna monte eruptione facta, omnia loca complentibus. Hæc est illa virtus, cui Pop. Romanus templum pietatis exstruxit, quod miraculo quodam, puerpera ignobilis, matrem, fame necandam, proprijs uberibus alere fuerat deprehensa. Hæc est virtus, cujus violatores, non ciconiæ sed cuculi, apud omnes populos pro infamibus, sceleratis, execrandis, semper habiti fuere. Quod ipsum exemplis Chaami, Noë patri illudentis: Orestis Clytemnestram matrem, Neronis, matrem & præceptorem Senecam interficientis: Catilinæ patriam convellentis: & infinitis alijs non difficulter probari posses. Ad pietatem igitur virtutem tutissimam invitamur, in Ciconijs inter bestias maximè adumbratam, illarum similes ut simus, castitate, constantiâ, vitæ innocentia & iusticia: quæ sub uno pietatis vocabulo comprehenduntur. Nulla in homine atas facilius voluptatum & libidinum illecebris & lenociniis capitur, quàm hæc nostra à puer-

tate pro-

tate proxima. Sed nec ulla vicissim tanta sentit, corporis, animi, vita & fortunarum detrimenta ac jacturas, quanta voluptates fadas sectantium conditio. At quid DEVM ipsum mentem castam & in puritatis amantes, sapientia sua effundentem dona, gravius offendit, quàm morum pravitas & vita turpitudine? Non tam sumus apes: non tam fœtor columbas, quàm animus libidinosus DEVM fugat.

Ab omni igitur scurrilitate alieni, ô mei commilitones, Ciconiarum imitatores facti: munditiâ, probitate, pudore, & temperantiâ, quibus universis adolescentum mores contineri didicimus, nihil amabilius, nihil pulchrius arbitrabimur. Vt autem intra verecundia metas adolescentibus nobis consistendum est: ita quod in ciconiis umbra virtutis, predicari audimus: constantia laudem non modo non affectabimus, sed mordicus arreptam, fideliter retinendo tuebimur. Quod suo fit tempore, suo loco, justo ordine, nec intempestivè, turbulentè, confusè, laudem meretur, nunquam infrugiferum, nunquam molestum. Tantùm enim abest, ut qui ita agit cuiquam offundat molestiam, ut dedisse potius, quàm beneficium accepisse ab omnibus judicetur. Verum ad hac accedat, necesse est, Pietas tutissima virtus, quæ socrum quovis stimulos subjiciente, in hoc tota incubat, ut in nostros omnino tales non videri sed esse velim: quales nostros quandoq; in nos futuros speramus, erga nos vero dñi gigneremur, nostros fuisse, proprio scimus testimonio. Quantum amoris, quantum reverentiæ debeamus patriæ & parentibus, ingenua mentes facillè vident, profitentur libenter. Patria certè divinum quoddam nascentibus nobis præbuit hospitium: in quo florentibus pietatis sincera exercitiis, honestissimarum legum constitutionibus, laudatissimis in omni disciplinarum genere studiis, in pace & rerum summâ tranquillitate viveremus, educaremur, aleremur. Maximis beneficijs devincti sumus ijs, à

M 4 quibus

quibus homines procreati & enutriti vivere capimus, quique innumerabiles casus, pericula, tedia atque molestias nostra causa sustinuerunt. His etiam qui, ut recte, ut honeste vivamus, impense curant, de qua nostra salute & incremento, noctes atque dies solliciti sunt, parem cum parentibus deberi gratiam, Alexander ille Magnus affirmabat, utrumque vero parem referri posse Aristoteles negabat. Hinc, quid singulis debeamus, quoties in nostro numismate Ciconiam intuebimur (intuebimur autem quotidie) pie & diligenter cogitabimus, & pietati in omnes studebimus. Sed in primis erga Amplissimum Senatuum Noricum, & Dominos Scholarchas, Dominos nostros benignissimos, qui non ficta sed viva imagine Ecclesie matri senescentis suis humeris excepta grata simul praestant ἀντιθεσπτηρία: & simul pullos suos, id est, scholas, & praecipue hanc Academiam Altorphinam, assidua pietate fovent & mirifice tuentur. In unum vero nos omnes cavebimus, ne in nos merito illud Theocriteum dici possit: ἴδ' αὖ χαλεπὲς πτοδὲσται. Θέρψαι καὶ λυκιδᾶς, θέρψαι κύνες, ὥς τῷ φάγωντι.

D I X I.



ORA-


49

ORATIO TERTIAE

CLASSIS, RECITATA

ab

ELIA BOHEMO
NORIBERG.



VIDE quid exigas, Magnifice Domine
 Rector, & à quo? atq; ita vide, ne aquam è pumice po-
 stulare videare. Idem enim ego, quod commilito meo excusatio-
 nis loco attulit, afferre commodè possum. Sculpturam ac Em-
 blema numismatis hujus (quod nos pridiani Musarum tyrun-
 culi congiarij nomine beneficio D D. Amplissimorum Scho-
 larcharum à te accepimus) enodare me jubes. Atq; hoc est ab
 asino lanam, à me explicationem Symboli istius poscere. Putas
 me in sacris Aegyptiorum scholis Hieroglyphicis imbutum esse
 literis? minimè verò. Existimas me Apollinis mentem tene-
 re? nullatenus. Proinde Davus sum, non Oedipus, atq; gryphis
 N & anigma-

& enigmatibus hujuscemodi minimè laceffendus. Quid igitur faciam? Donativum hoc, insigne fedulitatis atq; diligentie mee testimonium abjiciam? non faciam. Quin potius mysterij hujus divinationem, diligentia quantà potero aggrediar: ut si non vatem, Saulum inter vates saltem egisse videar. Video Congium angustissimo praditum osculo (liceat mihi hanc vocē pace Grammaticorum in germana ipsius significatione ponere) video aquam ex ipso, non impetu, ruentem, sed modicè stillantem, cum tamen liquoris plenissimum sit. Video herbula nunc primum nata, tenerimos flosculos huic leni stillicidio, ne ardore Phœbi, quem eminus radios suos huc projectantem conspicio, macescant atq; in nihilum reducantur, subjectos. Video deniq; circulum, quo hæc omnia includuntur, è majusculis litterularum notis concinnatum. Quarum nisi me lumina fallunt, sententia hæc est: Adde parum parvo. Quis mihi jam acumen mentis ad hæc penitus perspicienda suppeditabit? quis ingenium atq; judicium ad hæc rectè enucleanda sufficiet? Certè ducis hic maximè indigeo: Tentemus tamen: audentes quippe adjuvat ipse DEVS. Libet hic paulum cornicari, Rhetoricari inquam, atq; per ὑσέγον πρὸς τέγον ab extremo initium facere. Inscriptionem inquam aggredi placet, atq; in hunc modum complere.

Adde parum parvo, parvo superadde pusillum:

Fiet & hoc magnum, sic crescit copia rerum.

Nihil minus sanè, non rectè collineavi. Quid si sic:

Adde parum parvo, quàm plurima confer in unum

E parvo tandem magnus acervus erit.

Nequicquam: nondum scopum attigi. Quid si sic.

Adde parum parvo: teneras non obrue mentes:

Parva doce parvum, pro modulo ingenij.

Videor me jam rem acu tetigisse atq; verum sententia sensum eliciuisse? ipse quidem certè affirmare non possum: Quinti-

liano ta-

hano tamen duce hac in parte usus sum: Sic enim ille: (qui sane locus non solum hoc Emblemata, sed & picturam ipsius adunguē enodare videtur.) Sicut vascula, inquit, angusti orificij, superfusam humoris copiam, respuunt & effundunt: sensim autem paulatimq; influentem & instillatum liquorem recipiunt, receptumq; fideliter continent: Ita animi puerorum angusti, & majorum adhuc incapaces, nimia doctrinarum præceptionumq; copia fatigantur & obruuntur: paucis autem & brevibus præceptis sensim paulatimq; implentur. Hactenus Fabius. Invertamus jam licet hanc clarissimi oratoris similitudinem, atq; ad hoc nostrum accommodemus negotium. Planta nuperimē enata, quæq; demum germen suum emittit, si largifluis imbre irrigetur, aut nimio ab hortulano suffundatur humore, celerrimē certē intermoriētur: Terra namq; copioso humore affluens, radicem deserit, unde planta primum germinans, succo & fulcro externo simul destituta, ante atatem concidit: At si eadem leni & exiguo modicē humectetur liquore, subinde irrigata atq; vivificata, in altissimum excrescet fruticem, ad summam devenies perfectionem. Ita profectō comparatum est, cum animis puerorum: si enim pari ac non absimili instillandis animis eorum præceptis, utatur præceptor ratione, nonne parum parvo actū nullo ingenio addendo id efficiet, ut cum ingenij & ætatis vigore, eruditio atq; prudentia vigeat, atq; magis magisq; roboretur? Et quemadmodum herba nunc primum nata, assiduīs solis fervoribus uīta, nec ullo latice vivida reddita, ē vestigio flaccescit atq; interit: Sic adolescens surpi atq; ignavo ocio astuans torpescensq; omnem vim ingenij, totam mentis aciem, universum animi vigorem, intra breve tempus sensim deficere, miserrimē extingui, fedissimē enecari sentiet.

D I X I.


N

ORA

ORATIO QUARTAE
CLASSIS, RECITATA

A

IOHANNES CHRISTOPHORO OLHAFEN
NORIBERG,



GRAVE est admodum & perdifficile R. Mag.
quod demandatur mihi : mihi inquam adulescentulo re-
rum adhuc imperito , inq. Musarum castra vix ingresso.
Huiusmodi enim antiquorum praeclara inventa, ut Emblemata
& alia ingeniosè excogitata, dextrè explicare, & quò decet
rectè accommodare, non est cuiusvis : sed eorum tantum, qui
& ingenio valent, & rerum usu in vita sunt instructi. Ve-
rum ne petitioni Magnificentiae tuae ad me delata adversari
ineptè videar : adferam paucis ea ex suggestionibus aliorum non
prorsus contemnenda, quae in mentem veniunt. Quò dum
facio, benignè me audiri reverenter peto. In numismate nostro
Adamus conspicitur ignis flamma ardenti impositus : sed inte-
ger, illaesus

ger, illasus atq; inviolatus. Mallei item duo, de super iētum
 minantes, & per vices quasi eundem iterantes, cum Epigram-
 mate: Perfer & obdura. Quae pictura procul dubio haud te-
 merè conficta, si divinare licet, hoc potissimum innuere vide-
 tur: Quod ut Adamas lapis omnium pretiosissimus, nec igni,
 nec ferro, nec ulli violentia cedit, nisi sanguis hircinus recens
 adhuc & calidus adhibeatur, quo tandem mirando modo, fran-
 gi atq; atteri paulatim scribitur, autore Plinio: Ita ingenium
 humanum, praecellens quidem, ac multiplici rerum cognitione
 ab opifice initio instructum, per lapsum demum adeo stupidum,
 distortum, indomitum, atq; intractabile evasit: ut nisi doctri-
 na & institutionis liberalioris, quasi succo, ejusq; vi admirabi-
 li, per praeceptores tanquam malleos, novo operi subinde instan-
 tes, recens adhuc subigatur, dometur & comprimatur, haud
 unquam mitescat, vel ad frugem aliquam perveniat: sed quod
 dolendum, in deterius potius quotidie vergat ac prolabatur.
 Qua dere, cum in sacris tum prophanis literis, extant permul-
 ta, quae hujus mali magnitudinem, contumaciam nimirum &
 duritiem ingenij nostris innatam, vehementissimè deplorant.

Verum cum in hoc ipso morbo, propemodum insanabili, cu-
 rando mira prudentia, tolerantia & constantia requiratur,
 ut & ipsa inscriptio notat: Perfer & obdura: facile inde ani-
 madverti potest, quantum onus sustineant ij, qui ingeniis pue-
 rilibus adeo depravatis, corruptis, & infinitis ignorantia tene-
 bris immersis, denuo instaurandis, excitandis, & illustrandis
 incumbunt. Quas item difficultates & molestias experiri
 atq; exhaurire necesse sit eos, qui doctrinae & disciplina succum
 instillari sibi, eoq; interveniente immutari, atq; ita à feritate,
 ad humanitatem traduci volunt & cupiunt.

Non enim hac ingeniorum nostrorum Palingenesia ita se
 habet, ut uno quasi momento & sinè ullo negotio statim absol-

vatur & perficiatur, quemadmodum aliàs vasa inania, infundibulorum beneficio ad summum citra moram, adimplentur: sed longius exposcit temporis spacium, industriam & laborem, ut felix & salutaris tandem existat. Ac licet non habeam, quod dicam de ijs, quæ institutoribus permultum successunt negotij, mirificeq; eos exercent: de quibus etiam quotidie conqueruntur, ut de ingeniorum nostrorum pravitate, stupore, tarditate, cum quibus omnibus pijs, tanquam cum hostibus immanissimis, perpetuò conflictandum est, ut aliquo saltem modo, hoc genus mali tollant atq; emendent: Hoc tamen affirmare non dubito, multis in hac militia constitutis, labores, vigilias & difficultates obvias videri planè adamantinas, invictas atq; inexpugnabiles. Unde non raro consequitur, ut hanc omnium præclarissimam, maximeq; necessariam, & utilem ingenij sui culturam negligant & respuant, eaq; prorsus deserta, ad alia ingenuis hominibus indigna, desperabundi se convertant. Sed male, imò turpissimè: ipsius Emblematis nostri judicio, quod dicit: Perfer & obdura. Constantia hîc, firmoq; animi proposito opus est ei, qui velit emergere, & amissum ingenij decus cum laude recuperare. Nullus hic mollitiæ aut desidia locus: quod & Poëta Horatius venustè exprimit, dicens:

Qui cupit optatam, studiis contingere metam

Multa tulit fecitq; puer, sudavit & alsit.

Abstinuit Venere & Baccho, qui Pythia cantat,

Verum quidem est, offerri multa novis literarum Tyronibus satis molesta & aspera: Quæ tamen omnia ita sunt comparata, ut si accedat animi æquitas, studij alacritas, & docentis dexteritas, facile vinci & superari queant. Non itaq; statim desperamus, aut fugam abjectis armis meditemur, sed subsistamus potius fortiter, & constanter pugnemus, spe nimirum victo-
ria tam-

ria tandem obtinenda: imitantes male affectos, qui saepe sanitatis, tanquam omnium pretiosissimi boni, recuperanda causa, pharmaca etiam amarulentiora à Medicis porrecta assumere non recusant. Socrates ipse hac in parte non parum difficultatis sensit, utpotè qui naturâ tardus & stupidus fuit: nihilominus tamen per assiduitatem studij & laboris diligentiam ingenium ejus ita subactum, compressum atq; edomitum fuit, ut sapientissimus etiam oraculi testimonio evaderet. Sic de aliis compluribus scribitur, quos brevitatis causa omitto. Hoc itaq; statuamus, omnia, adhibitâ curâ animiq; contentione sedula, absolvi atq; perfici: studio & labore indefesso, nihil non obtineri, nec quemquam repertum unquam fuisse, qui absq; aliquo conatu, praclarum quid sit assecutus, maxime in studiis, quæ ingenijs nostris refingendis destinata sunt, quorum radices, ut dicitur, amara, fructus vero dulces. Quod dum Proceres Academici optime intelligunt, non modo per praeceptores laborantes & sudantes, nobiscum agunt, ut in capto & laborioso studiorum curriculo subinde pergamus, nec ullo nos pacto ab instituto dimoveri patiamur, Verum ipsi quoq; pro sua singulari prudentia, per ipsa Emblemata, officij nos tacite commonent, ad diligentem ingenij morumq; cultum capeffendum, paternè excitant, ad laborum tolerantiam & perpeffionem, premiis quoq; propositis, atq; aliis benevolentia signis augustissimis, discentes nos invitant: Haud dubiè cogitantes, non satis esse benè capisse, sed & perseverantiâ opus esse, ut habet numismatis ἐπιγρηγορή: Perfer & obdura. Quæ cum ita se habeant, & omnia ad pietatis & literaturæ propagationē ac conservationem, in primis verò ad ingeniorum nostrorum accuratam informationē faciant, decet nos hac & alia de quibus extremo hujus actus loco dicitur, gratis animis agnoscere. Et quia nobis potissimum

seritur & metitur, omni studio ac conatu eò contendere debemus, ut ipsorum monitis paternis obsequamur, otium omnium vitiorum fontem fugiamus, labores ad ingenij eruditionem susceptos urgeamus, ne nobis ipsi defuisse aliquando videamur: aut male utendo hoc insigni & precioso bono, ad ingenij culturam & virtutis studium præclarè comparato, alijs improbè nocuisse perhibeamur: præsertim cum rebus necessariis abunde instructi simus. Quibus certè omnibus, si rectè & legitimè utamur, nihil est, quod inclyto Senatui Noricæ Reip. atq; ipsis Dominis Scholarchis, viris Amplissimis, nobisq; summè colendis accidere possit gratius. Horum expectationi de schola & nobis hic studiorum gratia commorantibus conceptæ satisfacere: horum voluntati obtemperare, nosq; totos ad eandem accommodare: hisce deniq; placere, maxime æquum, pium & laudabile est, juxta illud, quod in versu dicitur,

Principibus placuisse viris, non ultima laus est,

D I X I.



GRA-

GRATIARVM ACTIO,⁵³
RECITATA

A

MARCO CHRISTOPHORO IVLIO
NORIBERG.

NISI patientia vestra atq; humanitas tanta esset, Amplissimi Domini Scholarcha, dignissime domine Procancellarie, prudentissimi Senatores, clarissimi Domini Doctores & Professores : nisi inquam patientia vestra tanta esset, quanta multis jam annis ab omnibus, qui ex hoc loco dixerunt, perspecta fuit ac celebrata, Vererer sanè cum tanta pueritia, hujus loci autoritatem contingere, & in vestrum dicendi causa conspectum venire ornatissimum. At quia ipse in hoc actu, vestram perspexi virtutem, animumq; cognovi attentissimum : ita me confirmo, ut non dubitem etiam ea, quae

O à Magni-

à Magnifico Domino Rectore mihi imposita sunt, in vestra fide religioneq. deponere. Ille enim pro ea, qua hoc tempore valet, autoritate mihi demandavit; ut pro laudabili hujus Academia consuetudine vobis omnibus & singulis, nomine totius Scholæ, gratias agerem, non tantum pro honorifica hac vestra præsentia, sed etiam fide, amore ac beneficentia, qua multis annis hanc vestram Academiam complexi estis, & adhuc complectimini quotidie. Quod licet me omnibus modis vobis debere fatear, & fatear libenter, quia tamen ob beneficiorum vestrorum magnitudinem, id grave mihi futurum prævideo: Vos oro atq. obtestor, ut me hac in parte pro vestra patientia benignè sublevetis, meq. pauca de vestris in hanc adolescentiam promeritis, ad scholasticos hosce, verba facere patiamini. Non enim vos immodicâ orationis longitudine detinebo, sed operam dabo, ut paucis utrumq. intelligant adolescentes, cum quanta à vobis accipiant beneficia quotidie, tum quanta ab illis requiratur erga vos observantia meritorumq. grata memoria.

Quid igitur est adolescentes optimi, quo beneficia hujus Magistratus, vel satis à nobis agnoscî, vel commemorari posse existimem? Equidem quò me veritam nescio: unde incipiam, aut ubi desinam, vix habeo.

Tanta Dominorum Scholarum in vos extat beneficiorum multitudo & copia, ut diffi.ilius sit hujus orationis exitum invenire, quàm principium. Non enim fieri potest, non potest inquam fieri, ut ea quæ tot annis, tot sumptibus, tot curis, in hanc scholam collata sunt, & ad huc conferuntur quotidie, uno momento, una hora, uno die percenseri possint omnia. Aristoteles quidem, in libris Rhetoricis autumat, omnia beneficia qua in nos proficiſcuntur ab alijs, vel pertinere ad vitæ salutem, vel ad divitias comparandas, vel ad ejusmodi bonum cujus omnino difficilis sit acquisitio. Quam sententiam si ad Scholarchas conferre libet, nihil sanè eris ex tribus, quod non grihuatur vobis cumulatiſimè.

Etenim

Etenim quid est, quod ad vitam nostram tuendam conservandamq; majus contingere possit beneficium, quam literarum communicatio? quam virtutis doctrinaq; in vos propagatio? sine qua nec Respub. stare, nec Ecclesia gubernari, nec societas hominum conjungi potest. Quis enim quaso leges conderet? quis jura prescriberet? aut quis de virtutibus, de officijs, de DEO, DEIQ; numine, nos doceret? nisi literarum essent cultores, nisi sapientia Magistri, & natura indagatores diligentissimi, sine quibus nec vitam servari, nec rectè institui posse, manifestius opinor est, quam ut demonstrari opera pretium videatur. Imò quod majus est, nec vita ipsa absq; doctrina vitare rectè dici aut nominari potest. Id quod vel summus Philosophus affirmare non dubitavit, cum interrogatus esset, quid doctus ab indocto differret: praeclare sanè ac prudenter respondit, quod vivus à mortuo, Vitam scilicet absq; doctrina nec suavem, nec beatam esse posse innuens: sed morti potius quam vita similem esse ducendam.

Quid ergo? inquires, Nemo nisi literatus vivit? ceteriq; omnes, qui ea, quam tu praedicas doctrina destituti sunt, videntur tibi mortui? Equidem non nego, plurimos vivere, etiam non literatos, non doctos, non eruditos, neq; vivere eos tantum dico, sed etiam ad honores & dignitates saepe evehi amplissimas: Veruntamen eos, absq; aliorum doctrina, unquam vel rectè vivere, vel ad honores ascendere potuisse: id sanè pernego. Si enim nunquam vel à parentibus suis, vel ab alijs, quicquid, quam disputo, doctrina antecelluerunt, à pueris essent imbuti ac educati, quid putas ipsorum vitam distare à beluina aut cyclopica victitandi ratione? Nemo profectò nascitur prudens, nemo gignitur doctus, nemo à parentibus in hanc lucem editur sapiens, sed opus est disciplinâ, educatione doctrinaq; elementis. Quae si non à teneris nobis instillantur

annis, non vivere tantum nihil juvat, sed nunquam natum fuisse praeftabilius censetur. Quamobrem nullum sanè majus in mundo nobis praestari posse videtur τὸ σωτηρίας beneficium, quam liberalis institutio, quàm disciplina conservatio, doctrina, communio. Quaecumque etiam in hac schola, beneficio Senatus Amplissimi Norici, auxilio Amplissimorum dominorum Scholarcharum, fidelitate praeceptorum, in omni prope disciplinarum genere, vobis impertiantur quotidie: quis obsecro, eos non vita vestra propugnatores existimet? quis non parentum loco eos honorandos arbitretur? Illi certè nos parvos in hanc lucem procrearunt; Hi nos doctrina magnos efficere student. Illi nos rudes, barbaros, ac planè elingues prodiderunt; Hi nos doctrinam expolire, moribus informare, eloquentiam facundos reddere laborant; hi nos nobilitate literarum ac rerum peritiâ illustres & claros efficere conantur. Quae si considerare volumus: quemadmodum nos considerare omnino decet, quis est obsecro? qui non cum Alexandro Magno fateatur atque exclamet, se plus debere his vita ducibus, quàm vel suis parentibus, quoniam ab illis τὸ εἶναι, ut simus, accepimus: ab his vero τὸ εὖ εἶναι, ut bene simus, assequimur quotidie.

Quod si vero quis esset adolescens, quem natura ita barbarum ac ingratum finxisset, ut hac parva aestimaret, magisque ad alterum genus, quod in fortunis augendis ab Aristotele proponitur, aspiraret, is sic statuatur velim: nihil vobis etiam in hoc genere denegari à Scholarchis Amplissimis. Quae enim quaeso fortuna, quae opes aut possessiones, non profisciscuntur ex literarum studiis? Nonne ex his sequuntur honores, divitiae, dignitates, Magistratus amplissimi? Quid Plato? quid Aristoteles? quid Theophrastus? ceterique philosophi, non affecuti leguntur, apud sui temporis homines praestantissimos? Quid Demosthenes, Lysias, Aeschines, oratores apud Graecos non adepti sunt liberalissimè? Isocrates pro una oratione à Nicocle

Rege

Rege centum talenta accepisse legitur. Oppianus pro uno quoque suorum de Venatione, Piscatu & Aucupio poematum versu, singulos aureos stateres dono accepit ab Imperatore Antonino, ut summa ad aureorum duas myriades ascenderit. Quid Cato, Gracchus, Lælius, Galba, Antonius, Cicero, non obtinuerunt apud Romanos? nonne facultatibus abundarunt? nonne gloriâ apud omnes populos vixerunt? nonne ex obscuris plerique facti sunt clarissimi & locupletissimi? At quid ego exempla longinqua commemoro? Intuemini quæso eos, quos plures videtis præsentibus viros clarissimos. Intuemini Professores vestros, qui profecto nunquam ad tantum honoris fastigium ascendissent, nisi literarum studia coluissent, nisi virtutem amassent plurimum, nisi artes & disciplinas perdidicissent constanti animo. Quid igitur putatis de vobis ipsis futurum, si diligenter studueritis, si præceptores vestros diligenter colueritis, si virtutes literarumque studia magni feceritis. Nonne post paucos annos hic cõspicietur in aulis principum, ille in comitiis populi, hic in senatu, ille in consessu virorum prudentium, hic in suggestu, ille in lyceo, hic in foro, ille in cathedra fulgebit clarissimus? Quæ omnia dum vobis contingere possunt, per hunc Magistratum, per hosce Scholarchas, quis dubitabit, eos non quotidie in vos ea largiri, per quæ, & acquiri possint facultates & amplificari copiosissime?

Nec vero necessarium duco Adolescentes, ut de tertio beneficiorum genere disseram pluribus: quod in ijs positum videtur rebus, quarum haud facilis est acquisitio. Quid enim difficilius, quàm veritatis ac sana doctrinæ communicatio? quid rarius, quàm fidelis literarum institutio? Testantur superiora tempora, quanta difficultas, quanta barbaries fuerit in tradendis artibus, ubi omnia ita fædè, inquinatè ac sordidè fuerunt tradita, ut jam uno anno, plus addiscere liceat adolescentibus,

quàm olim tota Olympiade, ut jam sapè plus sciat puer septennis
quàm olim senex grandævus. Quorsum igitur ista, Adolescentes?
quorsum recitantur tam copiose? nimirum ut intelligatis,
quantum vicissim à vobis requiratur pro tantis meritis. Qui-
bus licet nunquam satis respondere possimus factis, tamen in-
primis requiritur gratus animus, grata memoria, grata obser-
vantia. Immane vitium est, ac cum scelere conjunctum, in-
gratitudo. Monstruosum animal est ac dirum portentum ho-
mo ingratus, qui non solum mortalibus est molestus, sed ipsi
DEO odiosus. Nihil est, quod DEVS magis averseatur, quod
magis puniat, quàm ingratum animum, beneficiorumq; obli-
vionem. Testantur id sacra litera, omnium gentium historia,
testatur etiam nostra experientia. Quid enim putatis adole-
scentes, aliud fuisse causse, quamobrem DEVS superioribus an-
nis, tot nobis ex Senatu Norico eripuerit Scholarchas, viros li-
teratissimos, Scholæq; hujus patronos summos, quàm multorum
nefandam ingratitude. Quamobrem adolescentes expe-
riscimini tandem, excutite veterum ingratum, excitate ani-
mos vestros alacres, agnoscite beneficia, qua in vos cumulan-
tur indies, amplectimini senatum, reveremini Scholarchas, co-
lite preceptores, obsecundate legibus, & quod maximum est,
consurgite ad preces, vestrag, ex animo sic meīs vota jungite.

Tibi Eterne DEVS, Pater Domini nostri IESU CHRISTI,
peccavimus, tibi ingrati fuimus, tibi pœnas aternas debemus.
At quia tu, pro immensa tua misericordia, non solum conser-
vas nos adolescentes ingratos: sed das etiam Magistratum
clementissimum, das Doctores, das Professores, das preceptores
classium, qui sint vitæ nostræ duces, qui erudiant nos in omni-
bus artibus, qui prohibeant à cunctis vitijs: Tibi uno omnes ore
gratias agimus immortales, pro immensa tua hac clementia, teq;
rogamus supplices, ut foveas hunc Magistratum, conserves
Scholarchas, gubernes Doctores, ut in vera tui agnitione, non
solum

solum nos, sed etiam post nos nati erudiri possint, per Dominum
 IESUM Filium tuum, Amen.

Vobis autem Amplissimi Domini Scholarchæ, dignissime
 Domine Procancellarie, quibus secundum DEUM non minus
 debemus, quàm parentibus nostris: cateriq; qui ex senatu ade-
 stis, viri prudentissimi, Generosi Barones, Nobiles, & quot-
 quot in hac corona adestis, viri religione, doctrina, virtute ex-
 cellentissimi: vobis inquam, gratias agimus omnes, quod non
 solum honorifica presentia hunc actum Scholasticum decorastis
 benevoli, sed etiam vestra autoritate & amplitudine exorna-
 stis plurimum. Rogamus vos Dominos Scholarchas, ceterosq;
 Academia patronos, ut hanc scholam nunquam deserere veli-
 tis, sed vestra ope, consilio, prudentia, animiq; magnitudine,
 eam munire fortissimè, ab omni ruina & interitu
 vindicare sedulo, Leges à vobis latas, promulgatas, sanctissi-
 meq; juratas, acriter propugnare, hancq; juventutem in ve-
 stram fidem, clientelam ac patrocinium, suscipere clementer.
 Hac vestra erit laus, hac vestra trophæa, hac ornamenta Reipu-
 blica vestra pulcherrima, hac seges erit sempiterna vestra glo-
 ria. Si hac seminaria Ecclesiæ Reipub. fovebitis, quemad-
 modum fovistis hætenus paternè: habebitis semper Pratores
 fortissimos, gravissimos consules, prudentissimos senatores,
 verbi DEI pracones peritissimos, & civitatem optimam, &
 sempiternam gloriam apud exteros. A nobis autem omnem
 reverentiam, pietatem, studium, animumq; gratissimum: Et
 quod maximum est, à DEO ipso expectabitis aterna premia,
 aternam salutem, vitæq; immortalitatis beatitudinem.

D I X I.

O 4 PANE-

XII.
PANEGYRIS, ANNI
1588.

S V B R E C T O R E
D.D. PHILIPPO SCHERBIO
MEDICO.

Oratio quarta clāsis, recitata

À
PHILIPPO CAMERARIO
NORIBERG.



T FILIOLI *adhuc balbutientes, libenter audiuntur à patribus, suntq; eorum etiam ipsi errores eis voluptati: sic spero, patres Amplissimi, meam quoq; infantiam vobis, si non jucundam, at non tamen planè ingratam fore. Puto igitur & libro*
& Circi

& Circini circumductione, studiorum nostrorum labores nobis ob oculos propent. Liber clausus aperiendus est, reconditaq; doctrina labore inde eruenda: non expectandum semper, dum alij nobis praeausum cibum in os ingerant. Nam & gallinas ajunt melius pasci, si grana ipsa è terra eruant, aut hinc inde dispensa quaritent, quàm si copiosè eis projiciantur. Quod idem diligens etiam & solers circini circumductio nobis confirmat. Nam alter pes circini immobili centro ita infigitur, ut perpetuò ei hæreat, loco nunquam moveatur: quæ est maxima laus laborum & constantia in rebus honestis: alter vero pes circumactione in se ipsum, ut principium medium & finis sint idem. Hac ad laborum assiduitatem & revolutionem pertinent. Labores enim debent esse concatenati ac circulares, & ut est in veteri tragædia, Labor labori laborem afferat. Id quod eleganter quoq; manus è cælesti corpore protensa nobis subjicit. Corporum enim illorum sempiternus & perennis motus, significat perpetuam quoq; nostram in laboribus subeundis agitationem. Non enim nobis modo quiescendum, modo ad alia decurrendum, sed usq; & usq; mens in honestis laboribus motu circulari versanda est. Gratulor igitur mihi ex hoc loco nunc primum balbutienti ejusmodi argumentum oblatum esse, cujus imagine & recordatione, studiosi adolescentes, Ignaviam nobis valde dulcem, discimus fugere, & ad vigilantiam, assiduitatem, attentionemq; animi exacuimur. Scribunt hoc docti viri, quatuor omnino esse quibus impediamur pleriq; à magnarum præclararumq; rerum adeptione. Vel enim judicio labimur, idq; dupliciter, in fine, & in ijs quæ ad finem pertinent: vel constantiam perseverantiamq; non retinemus, sed cum & ad ea, quæ bona sunt, initio animum adjecimus, & eas ingressi sumus vias, quæ quò tendimus ferant, postea tamen aut difficultate rerum deterriti, aut levitate quadam distracti, convertimus aliò,

mus aliò, & ignavia nos damus: vel deniq; cum & verè judi-
cavimus, & satis constanter in eo quod constituimus, perten-
dimus: virium tamen imbecillitate & inopia consequi ea qua
volumus non possumus. Cum vero abunde nobis suppetant
praesidia, quibus iudicium excolatur, ac magistri constituti, qui
consilijs praeceptiq; optima nobis itinera commonstrent; viri-
um quoq; satis plerisque natura tribuerit: unum illud nobis
cavendum, ne quod Ciceronis filio dicunt contigisse, nobis quoq;
contingat, id est, nobismetipsis defuisse videamur. Id quod
effugiemus, si, qua nobis premio nostro adumbrata sunt, urgere
nunquam desistamus, rectam scilicet viam à magistris nobis
ostensam sedulo persequentes: nec languori nos dantes, neq;
mutabilitate quadam aliò conversi. Ego quidem certè hoc
mihi posthac tanquam pratorium edictum proponam, ut nulla
dies (quod ab Apelle & dictum & observatum accepimus)
mihi abeat sine linea.

D I X I.



ORA-

38

ORATIO TERTIAE

CLASSIS, RECITATA

a
GEORGIO PAVLO NVZELIO
NORIBERG.



P + SCHERBIVS. *Te nunc Georgi Paule Nuzeli voco. NIZELIVS. Mene? Sch. Te ipsum volo, si modo Nizelii minores? N. Sum equidem, sed vetus est M. D. Rector, sine pennis volare haud facile est. mea ale pennas non habent; sunt alij, qui aetate & ingenio longè me superant. Didi hoc nuper ex officijs Ciceronis nostri: Non solum videndum esse, quàm praeclarum sit illud quod suscipere cogitamus, sed etiam an habeamus efficiendi facultatem. S. Ne vereris: te enim pro aetate tua expectationi mea satisfacere posse spero. N. Credo sanè, puerilia tantum à me expectari, eaq; spe fretus jam nunc obtemperarem; sed metuo etiam nunc, ne mihi fortè idem usu veniat, quod adolescenti illi in Comœdia*

nostra Terentiana, qui ubi ad ludices ventum erat, nihil potuit proloqui, ita cum tum timidum obstupescit pudor. S. Tu vero dimitte tandem subrusticum istum pudorem, civilem retine. N. Quando igitur ita vis: obtempero. Atq; hoc unicum sanè verbum sit oratiuncula mea principium, quo nullum melius & atati mea convenientius puto à me posse inveniri. S. Rectè quidem dicis. accede ergo, & hanc cathedram ascende, & specimen exhibe ingenij tui.

SEQUITVR IAM ORATIO.

Umgitur omnia animalia, suas quasdam habeant proprietates, in easq; tacito natura impulsu ferantur (alia enim naturà sunt rapacia, alia insidiosa, alia crudelia, alia timida & ad fugam parata) homo quoq; ipse plurimas à provida & sagaci natura accepit, quæ ipsum ad certas quasdam actiones impellunt. In ijs vero facile primum locum habet illa rerum cognoscendarum cupiditas, quæ ita omnibus est innata, ut quo insignior & illustrior in quoq; est, eo expressius humana natura vis in eo eluceat. Hoc quoq; didici ex aureis officiis Ciceronis nostri. Ita enim ait: Imprimis hominis est propria veri inquisitio atq; investigatio. Itaq; cum sumus necessarijs negotijs curisq; vacui, tum avemus aliquid videre, audire ac discere, cognitionemq; rerum aut occultarum aut admirabilium ad benè beatèq; vivendum necessariam ducimus. Et si autem contra ipsius natura iudicium nos pueri videmur à discendo refugere, revera tamen non tam à cognitione abhorremus, quàm laborem nobis amarum esse ducimus. Crebra enim nostra percunètationes de rebus varijs, delectatio fabellarum, in quibus aliud dicitur, aliud significatur, certè non aliunde proficiuntur, quàm à naturali illa cognitionis cupiditate. Naturale etiam nobis est, ut sedium mutatione & peregrinatione gaudeamus. Cujus quidem rei

dem rei audiui causam esse nullam aliam, nisi quia peregrinando identidem nova aliqua, nunquam antea vel visa; vel audita obiciuntur. Nunc videntur nova flumina, nunc montes, nunc castella, nunc thermæ, palatia, templa, amphitheatra, bibliotheca, statuae, sepulchra, fontes, ceteraq; innumera. Nunc audiuntur nova cuiusq; Reipublica instituta, novæ leges, novæ consuetudines, in victu, in vestitu, in publicis solennitatibus cognoscuntur, ut propè assiduè peregrinando videamur aliquid novi discere. Peregrinas vero linguas ubi addicimus, DEVS bonæ, quanta voluptate afficimur, ut nobis placeamus, ut nos ostentamus, ut omnes hoc novisse gestimus! Hæc igitur satis pervincunt etiam nobis pueris nullum esse animorum pabulum jucundius, quam admirari, discere, scire, si nobis modo cor rectum sit, hoc est, si à natura hominis non descivimus. Iam cum quodq; animal eo perfectius in suo genere sit, quo ad naturæ suæ congruentes actiones est propensius (ut canis quo est sagacior, equus, quo ad pugnam animosior, eo censetur melior & generosior) homo etiam is omnium optimè animum habebit à natura informatum, qui discendi aviditate reliquos superaverit. Cor igitur rectum à natura accepit alas, quibus toto impetu contendit ad libros, id est ad organa sciendi, in quibus quæ vel ad naturæ obscuritatem pertinent, vel exquisitissima subtilitate à Mathematicis sunt inventa, vel optimè à maioribus nostris aut constituta aut gesta, comprehenduntur. Quamobrem optimi condiscipuli, ne videamur degeneres, corde nati non satis recto, sed distorto & depravato, devotemur sanè eruditionis & scientiæ primas radices, quæ amara nobis videntur. Superemus peregrinorum verborum, ut Latine & Græcæ lingua fastidium, videamusq; quæ deinde secutura sit, non modo utilitas, sed etiam voluptas. Cogitemus Græcam Latinamq; linguam fores esse eruditionis. Deinde si per eas in ipsas ades

ingressi fuerimus, nos suavissimos fructus inventuros esse. Conferamus etiam inter se duos pueros, alterum nugatorem & ociosum, alterum studiosum & occupatum, exactoq; anno putemus rationes, & ad calculum vocemus, quid uterq; è suo vite genere fructus percoperit. Intelligemus profectò, si non planè sensibus caremus, puerum studiosum primùm vitijs multis caruisse propter discendi occupationem. Deinde multo & doctiorem & meliorem esse factum, sine ullo detrimento suo, & maxima cum approbatione omnium: Alterius vero ludos & jocos evanuisse, si nullo cum dedecore & damno (qua tamen vix caveri possunt) at sine fructu & laude. Ego quidem certè non committam posthac, quin pleno gradu ad libros meos properem, ne cujus rei symbolum mihi hodie datum est, eam unquam ingrata oblivione ipse abjecisse videar,

D I X I.



ORA-

60

O R A T I O S E C V N D A E

C L A S S I S, R E C I T A T A

A

IOHANNE IOACHIMO GVVAND.
SCHNEIDER NORIBERG.



MVLTVM *assecutus est, qui benè didicit lo-*
qui: non minus assecutus est, qui benè tacere. Itaq; me-
lius fortassis esset, si ut olim Romani sedendo vicerunt, ita ego
benè tacendo conarer existimariunculam, si quam de me habe-
tis, tueri. Et si enim negare non possum, jucundissimum mihi
esse, ea considerare, quibus imitatio aliqua aut tacita insinua-
tio continetur, ut in hisce Emblematis: loci tamen hujus
amplitudo valdè me naturâ timidiores debilitat. Veruntamen
si Camerarijs & NyZelijs licuit esse disertis, crescat in ipsis
periculis mihi quoq; animus. Cum igitur videam testudinem
istam tardigradam & sanguine cassam, repentè supra librum

P 4

consecr-

conscendisse, eiꝫ incubando tandem alas adnatas esse, quibus se libret & in sublime efferat : quid aliud censeam vobis adumbrari, quàm quod sine ulla verborum circuitione nobis quotidè inculcatur : Nos naturâ esse tanquam testudines, terra filios, crassos, rudes, hebetes : at librorum assidua tractatione, & quasi incubatione, ita expoliri & exacui, ut nihil sit tam reconditum, quò non ingenij acie penetremus; nihil tam sublime, quò non pervadamus; nihil tam arduum, quod alis sapientia & virtutis instructi non superemus. Longissimo intervallo absunt à nobis caelestia corpora; at librorum usu efferimur, perpetuamq; eorum vertiginem & celeritatem conversionis intuemur. Observamus multiplices orbium circulos, septemq; erraticas & reliquas inerrantes stellas dimetimur, ortumq; & occasum siderum, & varias modò in Austrum modò in Aquilonem commutationes admiramur. Intuemur etiam quæ densissimis natura tenebris involuta sunt, sive subterraneis in specubus lateant, sive in profunditate maris (magna & arcana naturæ parte) sensus nostros fugiant, sive in aëre suspensa stupidam plebem hiantem ore ad sese invitent.

Tardæ quidem sunt nostræ ad virtutem & sapientiam progressionēs, ut hujusce animalis : progressionēs tamen : tarda est alarum accretio : accretio tamen. Vbi vero semel accreverunt, tum humi non amplius repimus, pudet abjecta hæc & terrea tractare, in ipsam arcem omnis honestatis, omnis gloriæ, sine ullis impedimentis evolumus. Sine libris igitur eorumq; fructu, imperfecta, obscura, humilis est omnis nostra vita : at virtute & honestate, rerumq; admirabilium cognitione animi nostri de calo demissi, & in hunc ostreaceum carcerem conjecti, ad veritatem, omnemq; honestatem rursus informantur, ad originem scilicet suam viam sibi iterum munientes. Ajunt philosophos Platonicos triplex vehiculum animis adscripsisse, Celeste, Spirituosum, & Crassum hoc corpus, quod à Platone dicitur ostrea-

citur ostreaceum, & ab alijs Sepulchrum anima. Quod si quis virtutibus purgatricibus sese liberet, ne extremo vehiculo, magnajam ei ad summa quæq; parata sunt subsidia. Vnde Zoroaster præcepisse dicitur: Ne fades spiritum, neq; in profundum exaugeas, quod est planum. Plena sunt omnia fabulis, plena sapientum vocibus, quibus vita nostra imperfectio sine fructu librorum, id est, sapientiâ & virtute, adumbratur. Præclare profecto philosophus ille, quicumq; fuit, qui cum in suam disciplinam puerum quendam suscepisset, & pater ejus interrogaret, quid ex eo effecturus esset, respondit: Si nihil aliud, at illud duntaxat, ne theatrum ingressus, saxum super saxo sedeat. Quo dicto significare voluit, nihil inter indoctum & saxum interesse. Alijs addendis nolo ego vobis fastidium augere. Tantum intelligere potui de Emblemate isto. Cui si quid subest magis reconditum, ad id ego ingenui candidiq; animi verbum hoc profiteor, Nescio: discere tamen studebo.

D I X I.




Q

ORA-

ORATIO PRIMAE
CLASSIS, RECITATA

4

LEONHARDO DVRNHOFFERO
NORIBERG.



EGO quoq, mirificè afficior, non tam munere
& honore ipso, quàm ejus tacita significatione, cujus jã per
atatem & auscultationem quotidianam videor mihi esse ca-
pax. Didici enim hoc ego quoq, ex officiis Ciceronis nostri, par-
va esse foris arma, nisi sit consilium domi. Armis igitur &
consilio, qua gladio & libro depinguntur, omnis civilis socie-
tas & terrarum orbis conservatur & defenditur. Etsi autem
politici philosophi, qui architecti dicuntur beata hujusce vita,
tres faciant, ut in homine, ita in Repub. principes partes, Agri-
culturam, rem bellicam, & sapientia studium, qua hepati, cordi,
& cerebro respondeant: tamen iidem illi haud in viti fatentur,
ex solis

ex solis posterioribus duabus tum veram nobilitatem & dignitatem parari, tum summa etiam adjumenta volubili huic orbi adferri. Εἰς τὸ αὐτὸ enim facultas, quæ dedita est alimentis, quæq; ad agriculturam in hominum cœtu refertur, longiori intervallo à principibus partibus abest, idcirco ab eisdem illis sapientibus, bestis istis dicitur similis quæ nullam rationis imaginem præferunt. At vero τὸ θυμὸς ἐν τῇ καρδίᾳ, quæ animosa pars in corde locatur, & gladio hic adumbratur, non solum paratior est ad rationem, summam reginam, audiendam, sed etiam non raro pro ea adversus τὸν θυμὸν ἐκ τῆς ἀντιθέσεως estum & libidinem depugnat. Deniq; (si possem paulo altius rem excutere) Notum est hominis perfectionem duobus consumi, contemplatione & actione. Actio ea quæ sese foras dat, insigniter in hominum oculos incurrit, rerum gerendarum facultate & scientia; ea nobis eximie gladio videtur adumbrari: at vero contemplatio, libro. Sic duplex constituitur Philosophia, quæ est perfectio hominis: theoretica & practica, quarum illa contemplatur divitias sive rerum substantias, hæc ad eorum imitationem omnia moderatur. Vnde humana duplex virtus, dianoëtica & ethica; duplex mens, alia ad contemplandas res apta, alia ad agendas; duplex deniq; beatitudinis gradus huic omnibus respondens. Ea re etiam prudentissimus Virgilius, cum AEneam omnibus numeris vellet perfectum instituere, facit eum cunctis virtutibus Ethicis cumulatum: in armis omnibusq; rebus gerendis acrem & industrium: Quo

• nec pietate fuit, nec bello major & armis.

Alteram partem perfectionis, quæ in contemplatione rerum occultarum & admirabilium sita est, non potuit poeta sine ineptiis declarare, nisi voluisset quasi in scholis ostentare Sophistam de rerum natura disputantem.

Quoad igitur fieri decuit, parcè ac sobriè suo more attigit id quod magni viri suis commentarijs diligenter docuerunt. Mibi quidem una satis sit, quod confragosam illam & maxime omnium controversam questionem, fecit Aeneas liquidissimam quippe de anima cum tot tantiq; philosophi, multa quaesierunt, ille neq; pauciora neq; obscuriora scivit, quàm quæ ab Aegyptijs, Chaldeis, Indis sapientibus prodita sunt. In sexto enim libro quæ ignorabat, ita didicit, ut ea postea docere potuerit. A libris igitur oportet petamus primum multarum magnarum rerum cognitionem, deinde consilium, etiam sæpè ordinem, magna quoq; ex parte prudentiam, oculum illum mentis. A scientia vero rei bellicæ exequendi facultatem, ut si cætus legitimè sociatus injurijs laceffatur, & tranquillitas à tyrannis violetur, ocium armis restituatur. Ex hac istorum duorum conjunctione facile perspiciemus, iis in nationibus, quæ bellicæ gloria claruerunt, etiam viguisse studia doctrinæ, ut doctissimi homines prodierunt, quemadmodum omnibus constat, in Græcia, quæ Persarum innumerabiles exercitus non modo sustinuit, verum fregit quoq; & prosligavit. Romana etiam gens & belligerendi scientiâ ac fortitudine fuit præstantissima, & iis literis, quæ rudes animos humanitate informant, deditissima. Macedonum quoq; tot victoriæ primum ab Alexandro duce fluxerunt. Is enim Asiam perdomuit universam, & ad intimos etiam Oceani recessus penetrasse fertur. Deinde à Phalange quoq;, quæ fuit acies in exercitu firmissima. At vero hæc laus ad libros & consilium magnam partem etiam pertinet. Nam Alexandrum à primis annis disciplina erudit Aristoteles, & ad eam tum animi tum ingenij præstantiam præceptis Philosophiæ pulcherrimis extulit, ut etiam minus a quo animo tulisse dicatur acroamaticorum librorum, id est, reconditiore doctrinæ, divulgationem. Phalangem vero ejusq; artem instruendæ, ab uno primum Homeri poëta versu manasse

63

*manasse doctissimi homines affirmare non dubitant. Ergo his
duobus ita nititur orbis, ut à literis adjuventur arma, & ab
armis literæ sustineantur: ὅπως ἔδει δέξαι, ut ajunt, in pulvere
suo erudito, Geometra.*

D I X I.

GRATIARVM ACTIO,

RECITATA

A

IACOBO GEVDERO

NORIBERG.

REM arduam quidem, mihi adulescentulo
prorsus difficilem, laudabilem tamen, ac in primis necessu-
riam à me exigis M. D. Rector. Quid enim tam deceat, cum
omnem aetatem, tum imprimis adolescentiam, quam in bene de
23 se meritos

se meritos animum gratum beneficij, memorem declarare? Etenim ut præclare ait Cicero: Nihil tam proprium hominis est, quàm non modo beneficiis, sed etiam benevolentia significatione se alligatum fateri. Nos adolescentes quidem ingenuè fatemur atq; etiam profitemur, nos & DEO Opt. Max. & Magistratui, & Academia, & hospitibus, summorum beneficiorum vinculis obstrictos teneri. Quapropter etsi gratia quanta debetur, à nobis referri non potest; habenda tamen & agenda omnino est, quantam maximam animi nostri capere possunt. Primum itaq; O Æterne DEVS, principium principiorum, causa causarum, finis finium, tibi gratias agimus & habemus immortales, quod his miserandis temporibus agrum Noricum, inclytum Magistratum nostrum, & hanc Academiam, tam clementer tueris atq; conservas, nobisq; benignè supeditas quæcunq; ad rectè commodeq; vivendum requiruntur. Imploramus & obtestamur te, ut in posterum quoq; nostra salutis & commodis consulas atq; provideas: Et tum hanc doctrinarum sedem ac domicilium, tum universam regionem Noricam à bellorum, incendiolorum, morborum ac tempestatum calamitatibus tutam & incolumem præstes atq; conserves: ut tibi grata & facere & dicere tamdiu possimus, dum tandem in domum illam ræam celestem, omnibus bonis affluentem evocati, tecum ævo fruamur sempiterno.

Deinde vobis Amplissimi prudentissimiq; D.D. Scholarchæ, ceteriq; inclytæ Reip. Noribergensis Patres conscripti, vobis inquam gratias agimus maximas, tum pro ceteris immensis beneficiis, quibus Academiam vestram hæcenus ornastis & locupletastis, tum pro vestra honorifica præsentia, qua hodiernam nostram panegyrim partim eximie condecorastis, partim etiam liberaliter ac munificè prosecuti estis. Et quoniam hoc jam pridem vestre tribuistis prudentiæ & humanitati, ut neglectas hoc tempore Musas susceperitis: Tribuite quæso idem
constantia

constantia, ut susceptas, & adhuc liberaliter sustentatas, post-
hac quoq; foveatis, & quibuscunq; rebus poteritis (potestis au-
tem plurimis) augeatis & amplificetis : planeq; vobis persua-
deatis, quantumcunq; eruditionis atq; doctrina studiosa ju-
ventus in hoc Musarum Emporio sibi comparaverit, id omne
ad nominis vestri celebritatem & illustrationem, atq; ad ditio-
nis vestra utilitatem ac dignitatem conversum iri.

Gratias etiam habemus & agimus vobis, M. D. Rector;
vosq; ceteri Professores clarissimi & doctissimi, preceptores
observandi, pro vestra fide, opera & diligentia assiduitate,
quam in nobis erudiendis, atq; ad omnem virtutem & huma-
nitatem informandis adhibuistis. Pollicemur sanctè, nos non
solum sempiternam vestrorum meritorum memoriam invio-
latè pieq; servaturos esse, ut & vos perspiciatis, & ceteri intel-
ligant, nos, si in referenda gratia, id quod volumus non fueri-
mus assecuti, saltem quod debemus maximopere conatos fuisse.

Ad extremum, generosis D. D. Baronibus, & liberalium
artium Magistris ac studiosis, itemq; hospitibus ornatissimis,
qui spectandi audiendiq; causa huc venerunt, gratias agimus
singulares, quod suo jucundissimo conspectu hanc publicam ce-
lebritatem exornare voluerunt. Rogamus universos, ut
quam benevolentiam erga Academiam nostram nunc decla-
rarunt, eam in posterum constanter retineant. Nos vicissim
conabimur, ut singulis & universis, eam quam debemus obser-
vantiam, ubicunq; opportunitas & facultas feret, cumulatè
præstemus.

D I X I

Q 4

PANE-

XIII.

PANEGYRIS, ANNI

1589.

SVB RECTORATV


M. MATTHIAE BERGII

ETHICI.

Oratio primæ clāssis, recitata

à

IOACHIMO à DOLAVV.



TINAM vero, quemadmodum orationis tue argumento optimè convenire video symbolum hujus nostri donativi, & sculptura, quæ in eo cernitur, argumentum: ita possem etiam ego aliquid dignum loco hoc & ipso isto argumento proferre. Sanè videris

videris mihi quemadmodum Atlas olim Herculem, oneri perquam gravi subdere. Veruntamen quia sic est jacta alea, cogitabo equidem, laudabile interdum haberi, magna succipere, etiamsi non satis respondeat eventus. ΕΠΙΥΡΑΦΗ ergo donativi mei satis perspicuum est ex poetarum de Hercule narrationibus depromptam esse. Id enim ostendit Hercules clava elevata ictum intendens draconi longo & tortuoso, arborem pomiferam, malisq; eleganter resplendentem circumplicanti. Ut Hesperidum hortos ab Hercule spoliatos, & mala illa aurea, poetis multum decantata, ab eodem Hercule ex his hortis ablata, nobis hic indicari non sit dubium.

Horti igitur Hesperidum quares fuerint, si mihi est disendum, omne genus boni est, quod est homini propositum, & ad quod consequendum ille contendere sedulo debet. Hercules hominem refert eum, qui vere homo esse, & dignitatem hujus nominis tueri eiq; satisfacere cupiat. Huic homini scilicet symbolum hoc nostrum prescribit aliquid, ipsi apprimè necessarium observatu: Nimirum (ut Lemma, seu ΕΠΙΥΡΑΦΗ refert) virtutem & ejus merces sudore parari. Cantatissima inquam omnium scriptorum bonorum literis admonitio hic nobis proponitur de eo, Quod labore sit ad virtutem & bonas res omnes via querenda. Quod cum plurima passim verè & graviter à sapientibus scripta sint, audite quaso me equis animis pauca, ut possum per ætatem, de eadem balbutientem. Hominem constat ad duas res natum esse, ad intelligendum & ad agendum: idq; ex Aristotele retulit Cicero, qui idem hoc explicat: virtutem hominis, quâ præstat ille cæteris animantibus, vel scientiâ vel actione cerni. Ut ita virtus homini propria duplex deprehendatur esse: Moralis, & intellectiva sive dianoëtica. Ex his intellectiva, tametsi è natura emanat, potissimum doctrinâ tamen excolitur & augetur. Rursumq; moralis à

R consuetu-

consuetudine atq; usu potissimum proficiscitur, ac tametsi ad hanc virtutem natura apti sumus: insita tamen ipsa nobis à natura non est: verum à consuetudine agendi perficitur. Quomodo id autem? Altius etiam paulo hic mihi assurgendum videtur. Non eodem modo nobiscum, quo cum aliis animantibus egit natura: sed cum illis rationem & mentem non concessisset, certum tamen ac decentem, quem ferè semper consequerentur, finem constituit: Nos tanto tamq; excellenti munere, id est, diligentia ipsa donatos èo adegit, primum ut in fine deligendo facile decipi possimus, deinde ut in vero proprioq; sine adsequendo plurimum laboris, plurimum diligentia adhibere cogeremur, nisi à nostra conditione recedere, atq; in aliam, & quidem multo viliorē naturam converti vellemus. Non enim voluit D E V S hominem ita condere, ut mox esset in summo suae felicitatis gradu constitutus: Sed ita, ut ad eum gradum debitis progressibus produceretur ac procederet. Quamobrem verissimè dixit Prodicus Chius: Tot tantorumq; bonorum, quae nobis sunt collata, non aliam à nobis Deos immortales mercedem exigere, quàm laborem ac studium. Poëta quoq; viam ad virtutem ducentem, per quam virtutem homines verè sunt homines, asperam & saxis ac vepribus impeditam finxerunt. Et praclarissimè, ut omnia, illud quoq; Aristoteles dixit, ἡ ἀρετὴ τὸ χαλεπὸν καὶ ἀρετὴ ἔστι καὶ τέχνη. Et virtus & ars omnis circa ea versatur, quae difficultatem habent. Neq; est mala Plutarchi sententia, quae dicit: Numen vult suam munerem ad nos per nostram venire industriam, ne stultum videatur, si faveat doni sui contemplatoribus. Atq; hac commemoratio quid nos moneat, perspicuum est: Nimirum, cum ab ipsius naturae constitutione hoc sit decretum, laborem nobis non esse detrectandum, sed capeffendum, amandum, sustinendum: mollitiem contrà modis omnibus vitandam, si bonarum rerum participes esse, si finem eum, qui est hominis proprius, &

prius, & à quo ille perficitur, consequi volumus. Sed & alia
 causse sunt, prater modo commemoratam, cur labori sit in-
 cumbendum, nimirum fructus & utilitates ex eo maxima.
 Quae illa vero utilitates? Respondeo: emolumenta vitae huic
 praeclare traducenda maxima: Laus, gloria, honor, denique
 suavitas vera: atque adeo, ut Epicharmus paucis rem con-
 ficit: omnia Deo dona. Ita enim ille inquit: Pro labore, sua Deum
 cuncta vendunt hominibus bona. Labor enim & voluptas secun-
 dum Platonem, societate quadam admirabili inter se devincta
 sunt divinitus, non ita tantum, ut voluptates improbas labor
 & dolor excipiat infelix: sed & è converso, ut laborem ho-
 nestum jucunditas honestissima & verissima consequatur.
 Hoc nostris animis sedulo insideat: hoc nos excitet ad constan-
 tiam in studiis, ad patientiam, ad tolerantiam in compa-
 randis, per varios casus discrimina multaque rerum, opibus pra-
 stantissimis eruditionis & prudentia, virtutis ac probita-
 tis. Certè omnes sani homines natura ipsius impulsione ita
 sentiunt, eas res à quibus praeclarissima bona promittuntur,
 omnibus modis esse persequendas.

Hoc igitur fac sedulo cogites, quisquis hac sacra tra-
 ctas, quae aliter non constant: & hac cogitatione te confir-
 ma ad patientiam molestiarum, quas studiorum ratio af-
 fert. Onerat te labor: atqui onus illud non debet dici, aut
 molestia, quod te accumulet omni felicitate, fructu, emolu-
 mento.

Grave est noctes ac dies consumere in opere literario.
 Atqui gravitatem laboris huius infinitis partibus super-
 ans immensi laboris ejusdem fructus. Gravis res est con-
 tinuus labor. Atqui ut minima mala quodammodo bona
 sunt: ita illa mala etiam multo magis, quibus maxima

bona parantur. Hac igitur altera consideratio nos extimulet & acuat, ut labores necessarios promptè subeamus. Cum præsertim etiam illud accedat, quod $\mu\iota\sigma\theta\omega\upsilon\omicron\iota$ illi, id est, laboris detractatores molliculi, quorum omnis sapientia illa est, quod laboris incommoda & molestiam exaggerant, ejusq; detractandi occasiones exquirunt: hi ergo quod illud fateri coguntur, Fugam laboris ipsis ad vitam nihil addere, siquidem in longa vita felicitas ponatur: cum illud & ratio ipsa doceat, & vita usus exemplis probet, Desidiam & otium inq; voluptatibus omnibus perfrueudis assiduitatem, multo magis accelerare mortē, quàm moderatos, & natura convenientes labores: verissimeq; apud Gellium à Catone esse dictum: vitam humanam esse uti ferrum, quod exercendo conteritur, sed cum splendore pulcro. Si non exerceas, tamen interit, sed cum turpitudine: rubigine videlicet illud interficiente. Item homines exercendo videmus contereri, sed cum gloria. Si nihil exerceas, inertia ac torpedio plus detrimenti affert, quàm exercitatio. Atq; hac omnia si nobis sedulo inculcaverimus, optimè certe nobis consulemus: Tanto quidem certe magis id fieri decet, quanto est, cum omnis ætas, tum præcipuè nostra à labore ad voluptatem proclivior: quanto item verius illud Bionis: Facilis est ad inferos via: clausis enim oculis illuc à nimium multis pervenitur. Ad quod malum corrigendum nihil est certè efficacius aut valentius, quàm laborem ita spectare, ut jam fecimus, Et voluptates item eo modo, ut olim Aristoteles monebat faciendum: ut scilicet eas spectemus abeuntes, hoc est, illud sedulo nobis proponamus quod res est: voluptates per illecebras & blanditias ducere ad precipitium: labores honestos per difficultates ac sudores ad immortalitatem. Itaq; quantumvis arduum ac difficile est iter ad virtutem, prònum ac proclive ad voluptatem: nos cum Hercule & puero & adulto potius laboriosam virtutem atq; amœnissimos Hesperidum hortos sequamur, quàm per prona & facilis deli-

*cilia deliciosam & ad interitum ducentem voluptatem. Atque
ita statuamus : cum omni etate honesto labore ad virtutem
contendendum, tum in primis nostra.*


D I X I.

ORATIO SECVNDÆ
CLASSIS, RECITATA

4

IACOBO GEVDERO

NORIBERG,



QUANTQVAM nihil mihi debet esse antiquius
M. D. Rector, quam ut mandatis tuis paream, utq; ea,
quæ mihi tuo jussu imponuntur, summa voluntate exequar: ta-
men non possum non animo cohorrescere, intuens in hunc tam
angustum & venerandum confessum, in quo jubeor puer ac pe-
nè infans, loqui: Dicere enim quid dicam? Quod si maximus
R 3 ille apud

ille apud Græcos orator Demosthenes, apud Philippum Macedonum regem orationem habiturus, sic expavit, & animo commotus est, ut paucis admodum verbis expressis penè mutus discesserit: quid mihi in hoc tali talium & tantorum consessu virorum constantis mentis esse potest? Sed reficit tamen & recreat me tua, o ornatissima corona, consuetudinis pristina atq; humanitatis recordatio: quæ mihi non ignota, facit ut sperem, te, si quid minus ornatè, minus aptè, locoq; ac temporì convenienter dixerim, facile atati veniam concessuram.

Itaq; facessere jussu puerili timore, ad peragendum id opera, quod mihi publica imponit auctoritas, tua cum veniâ me convertam. Donativi nostri sculptura est sanè perquam speciosa ac præclara. Ensis videlicet strictus, & illi circumvolutus ramus sive hederæ, sive oleæ: nihil enim interest: cum inscriptione tali: Pulchrum clarescere utroq;. Quis dubitare potest, quin his duobus symbolicè notentur duo generarum, vitam humanam totam complectentia, Pax & bellum; ac secundum hæc duo genera vita, totidem genera facultatis, sive scientiæ, sive artis: quæ omnem vitam ipsa quoq; complectuntur, sive (ut ait Cicero) quæ possunt locare homines in amplissimo gradu dignitatis: una Imperatoris ars: altera viri politici sive oratoris: Quorum ab altero pacis ornamenta retinentur, ab altero belli pericula depelluntur. His duobus vitæ generibus ut nihil est, omnium sanorum confessione, vel speciosius, vel etiam utilius: Ita illud quoq; est æquè certum, qd utraq; hæc etiam literariam nostram occupationem ac studium pertinere. Sunt enim bona litera, & sapientia illa, quæ ex his paratur, parens ac nutricula utriusq; jam dictæ artis, sine omni dubitatione. Eoq; sensu rectè est à Græco poëta Euripide olim dictum: Sapientiâ flos continetur urbium & familiarum; non cithara atq; cantibus. Qui poëta citha-
ra &

ra & cantus mentione eorum vitam notat, qui voluptati &
 otio inerti indulgent: qui à civium cætu arcendi sunt, perinde
 ut membrum putre medicus à corpore amputat, ne sana par-
 tes inficiantur. Hippocratis quoq; sententia dicuntur felices
 populi, qui intelligunt, viros bonos esse ipsis præsidio ac muni-
 mento, neq; tam turribus ac mœnibus defendi urbes, quàm sa-
 pientium virorum sapienti consilio. Conjugium illud harum
 duarum præstantissimarum rerum, non est opus ut laudetur ora-
 tione mea, per se satis omnium confessione splendidum & com-
 mendatum. Quis enim nescit fortitudine militari præstan-
 tes bellatores tyrannides abolere, latrocinia prohibere, impe-
 ria iusta tueri ac defendere? Togatâ sapientiâ rursum priora
 illa, virtute bellica quasita & parta, tueri atq; conservari, atq;
 id caveri, ne, quem magnus aliquis ac præstans heros virtute &
 armis peperit, in pace alij evertant. Deniq; quis dubitet,
 quin is, qui duo hac conjunxerit, præclarissimum aliquid ad-
 ceptus esse dicendus sit, atq; adeo inter homines versari tan-
 quam mortalis quidam Deus? Caterum hæc ut verissima
 sunt: ita cogitare jam possumus pleriq;: Quid ad me ista? qui
 non sum ita à natura & aliis rebus comparatus, ut huiusmodi
 conjugium sperare mihi liceat. Vsq; eò enim aquis animis
 ac lubentibus homines accipere solent encomia rerum præ-
 stantissimarum, dum se quoq; illas consequi, aut eorum certe
 participes fieri posse putant: hac vero spe ipsis ademptâ, nequic-
 quam laudes ipsis ea, quorum admirandorum atq; capeffendo-
 rum præcipua causa ipsis deest. Imò vero respondebit hic
 vir intelligens, & verus rerum æstimator: omnes qui vi-
 vimus, & habemus jam, & habere etiam deinceps cogita-
 mus, locum aliquem in vita, quæ vita cum tota duobus illis
 temporibus, pacis ac belli, duabusq; item illis, quas dixi-
 mus, siue artibus siue facultatibus coniungatur: æquum est,

ut in qualicunq; etiam cum ingenij modo, tum facultatis ratione, id sibi proponat unusquisq;, Quemadmodum vel in utroq; istorum, vel certe in altero exhibere possit utilem patriæ civem. Qua in parte illud Philippi Melanchthonis apophthegma egregium semper animis nostris propositum esse debet: Si non potes esse magnus leo, sis mediocris, & reipub. tamen utilis catulus. Cumq; Philosophia & litera bona ea res sit, qua potest & solet cum ad omnia alia vitæ munia meliorem aptioremq; reddere hominem, tum nihilo minus etiam fortem in periculis adeundis, & sagacem in providendis avertendisq; iisdem; Summâ, cum philosophia sit verissime vivendi ars, magistra morum & disciplina, dux vitæ, virtutum indagatrix, visiorum expultrix, animi cultura atq; medicina, quâ nihil præstantius, nihil optabilius est homini datum divinitus; deniq; ea res, qua homines in optimo statu collocare novit, sive in hac, sive in illa parte ex duabus modo notatis Reipublicæ operam daturus est: Nos hoc intelligentes etiam atq; etiam in partem incumbamus, ut tantum bonum inter nos conservetur, non amittatur, cum multa exempla doceant, doctrinæ & literarum studia neglecta vel segnius curata etiam, ubi in summum gradum splendoris sui pervenerint, celerius quàm crederetur decidisse: adeoq; cum constet, unâ cum literis bonis virtutem pietatemq; negligenter curata citius extingui, quàm Sol Heracliti, ut est in proverb. Ciceronis. Qua de causâ omnibus modis cavendum nobis statuam, ne quid tale nostrâ culpâ, vel nostræ avariæ, vel posteris nostris metuendum sit: operamq; demus, ut florentibus bonis literis ex earum cultu ac disciplina semper suppedient Reipublica tum togati gubernatores prudentes & boni, tum imperatores item ac bellatores fortes atq; industrii. Atq; hoc pacto si & symbolum ipsum & symboli $\epsilon\pi\iota\chi\alpha\sigma\tau\eta$, & laudes splendidissimæ, quas doctorem omnium judicia tribuunt conjugio harum duarum sive artium sive facultatum, à nobis erunt accepta; ut
scilicet

69

scilicet ab illis ad studia nostra amanda, urgenda, persequenda,
sedulo inflammemur, rectissime illo fuerimus usi.

D I X I.


O R A T I O T E R T I A E

C L A S S I S, R E C I T A T A

A

I O H A N N E V V O L F G A N G O

a b E L R I C H S H A V S E N



NOSTRAM aetatem nihil magis decet, quàm pudor, qui vetat causas quarere, cum nobis ea partes dentur, ut loquamur talis in loco, in quo nihil puerile locum habere potest. Potius ergo in eam partem me componam, ut obediam mandatis eorum, qui plus intelligunt, dum ipse quoque plus intelligam, quàm nunc per aetatem possum. Donativi nostri epigraphae est sanè mirabilis: *Mundus, Pavo, cauda explicata &*
S ad spectu

ad spectu deorsum vergente. Quomodo, quaq̃ consideratione
quaso hac tam diuina conciliavit imaginis sive Emblematis
id vero exprimit addita p̃graphie, Vanitas: Ea vi-
delicet res nobis hic consideranda proponitur. Ille inquam
affectus, quem Parvo refert, superbissima avium, formaq̃ sus
superbiens, quamvis pedum deformitate potius demittere de-
bens cristus, quàm erigere. Illa (ut dicam) in mundo univer-
so usq̃, quaq̃ oculis nostris obversans vanitas, opposita veritati,
rei omnium in mundo praestantissima: de qua veritate ita Pla-
to: Veritas & Diis & hominibus dux est ad omnia bona con-
sequenda: Cujus, quicumq̃ felix beatusq̃, futurus est, statim ab
ineunte aetate particeps esse debet, ut ita quàm diutissime &
verissime vivat. Haec sanctissimae rei contraria est vanitas,
res illa, quàm ut est orbis terrarum usq̃, quaq̃, refertissimus: ita
est eadem à Deorum immortalium choro alienissima, non mi-
nus quàm invidentia, de qua hoc idem modo laudatus auctor
pronunciat: in cuius horrendi mali descriptionem si incum-
bere vellem, rem tentarem longè supra meas vires positam.
Dicendum enim mihi esset de infinitis pestibus, quae ex hac
mala radice expullulant, & quarum plena est universa homi-
nam vita: in quo argumento exitum non inveniret oratio.
Ac mihi quidem videtur mystica Evangelica historia sapi-
entia in verbis Pilati, ut brevissime, ita verissime Mun-
di sensus intimos depinxisse, cum CHRISTO ad ipsius tri-
bunal stanti, & affirmanti se Regem esse, in mundum ad id
missum, ut veritati testimonium perhibeat, homo profanus
& nihil nisi saeculum sapiens respondet: Quid est veritas?
Desipis tu, qui te vera praeter ceteris videre iudicas, cum omnia
sint talia, qualia putant & volunt, qui sunt potentiores, &
qui in sua iura possunt cogere alios: ut nos Romani: aut,
qui magnopere referre putas, quid sentiant homines de Re-
ligione, de Deo & virtute atq̃ probitate: cum sua cuiq̃ genti
sit religio

fit religio, suæ opiniones, mordicus retenta observatæq; à singulis. Dentq; qui etiam certò perspectis veris sententiis speres, te revocaturum esse homines ad studium & amorem veritatis, & vera officia: cum omnium mores sint pleni sucorum, doli & insidiarum, cumq; hæ pessima artes maxima præmia, maximos honores habeant: & cum is, qui ad contraria nitatur, nihilo plus proficiat, quàm in publico incendio proficere potest unius hominis manu aggesta aqua. Hujusmodi videlicet est judicium mundi de veritate. Ut proinde merito dici possit:

Vita hominum nihil est nisi fumus, hypocrisis & fraus.

Tale quid mihi videtur haud absurdè de hoc nostro symbolo cum cogitari, tum dici. Verum quia hoc pelagus argumenti, ut sic loquar, ingredi, non est opera puerilis: desectam ego ab hoc cursu navigationis meæ, & Salomonem, regem sapientissimum, quiq; probè cognitum habeat Mundum, argumentum istud persequi sinam. Cujus illa est vox memorabilis: Vanitas vanitatum & omnia vanitas: nimirum omne id in rebus humanis, unde abest ille, omnis sapientiæ principium & medium & finis & apex & fundamentum, Timor Domini. Atq; hæc, ut dixi, verissima mihi esse videtur symboli explicatio: verum ego hanc expositionem aliis adultioribus meditando relinquens, ad nos pueros illud deinceps accommodabo. Nos ergo, quia ejus quem hic pictum videmus, quemq; sacra litera in maligno inq; vanitate situm esse dicunt, Mundi portio sumus etiam ipsi, in eoq; vivimus, & victuri sumus, quoad volet Deus ævi nostri arbiter: adeoq; quia Mundum intra nos habemus, & vero quia audimus, Mundum vanitati esse subditum totum: attendere hîc summoperè etiam aq; etiam debemus, Quonam modo nos rectè comparemus, ad benè decurrendû spacium in hoc Mundo nostrum. Et alia quidem aliàs docemur:

Nunc quid ista Pavonis explicata cauda, & vero ejusdem deorsum ad pedes respectantis forma considerare nos jubeat, perpendamus. Duobus meo judicio indicantur, pueris precipue necessaria. Vnum, laudis studium, quod ad recte discendum agendumq; calcar & aculeum subdat, secundum illud poeta latini:

Laudatas ostendit avis Iunonia penas.

..


Alterum, pudor sive modestia, quæ in agnitione sui suæq; fortis, suæ infirmitatis, actiones cupiditatesq; regat instar habentæ ac retinaculi: Quod est jam temperamentum φιλοτιμίας ac modestiæ, ætati nostræ æquè necessariū, atq; est universæ vitæ necessaria εὐνομήα & εὐαρμοσία, ut Protagoras dicit apud Platonem, hoc est: AEquabilis quedam & suis numeris scitè congruens constructaq; ratio: ut ne nimis se offerat indoles illa animi humani indomita: sed deprimatur ratione ac pudore liberali, ex agnitione pedum, id est, humana conditionis, orto: qui pudor tanquam custos morum frenet animum, & ad officij curam revocet: ut ne id eis eveniat, quod multis officit, quo minus perveniant ad eruditionem justam, quod prematurè concepta opinione doctrinæ, remittunt de studio, & intellecto uno aliquo argumento aut parte doctrinæ, stolidè putant, se sapientiores esse omnibus præceptoribus suis, omnibusq; ad eò hominibus. Qualis arrogantia cum ipsa per se est digna odio, tum omnibus salutaribus progressibus ita officit ut quod maximè. O multum laudandos, qui hæc duo ita, ut dixi, conjungunt: animi dico elationem cum humilitate ac modestia. Hæc nos isto symbolo moniti faciamus. Cumq; ad discendum nos esse divinitus vocatos sciamus, discamus artes eas, quibus excolitur præstantissimum rationis donum, purgantes per eas sine doctrina facile cecutientem animæ oculum: ut doctrina exculti dignoscere possimus veras sententias & vera bona à falsis, nec quod maxima hominum parti evenit, postquam in hac vita, velati

sa, veluti in specu Platonis, spectra opinionum pro veris sententiis, & umbras inanes pro rebus captaverimus, vanis & infelicibus studiis, tandem in barathrum aeterna miseria & vanitatis abjiciamur. Discamus intelligere Naturæ opus, divinitus conditum ad nostros usus, cum alios, tum præcipuè eum, ut in illo opere Conditorcm admiremur, & ita ad illud Ens Entium, quod unum vere est, & à vanitate omni longissimè distat, adjungamur. Deniq; discamus bonas artes reliquas non ad fumum & fucum, non ad speciem & phantasiam, sed ut verè sapiamus, & ita Deo optimo maximo, rerum omnium Domino, placeamus. ad cuius imaginem facti sumus. Sed jam dudum, puto, Harpocrates mihi digitum tollit, aut potius sustulit. Verbum igitur non addam amplius, nisi ut vos orem, ne huius mea paulo prolixiori commentationi succenseatis.

D I X I.



ORATIO QVARTAE
CLASSIS, RECITATA
à
IOHANNE ERNESTO HALLER
NORIBERG.



IN nostro donativo leonem videmus, rictu
aperto furenti ac minanti similem. In ejus capite manus
conspicitur, calitus protensa, vel quasi mulcentis caput ejus,
quem dico, Leonis: vel quasi pilus correptum eum ducentis.
Puto ego leone significari affectus animi humani: quorum im-
petus rapidos ac vehementes notum est à sapientibus feris belli-
cis, leonibus, lupis, canibus, equis non cicuratis sed infrenibus,
comparari. Ac fortasse etiam adolescentiam, qua præ aliis
ætatibus affectuum quasi procellis ac tempestatibus agitur &
fertur, Leo iste notat. Manus illa è cælo porrecta, & Leonis ca-
put prensans, Ratio est atq; disciplina divinitus affectuum tur-
ba præfecta: ita ut magisterio suo illos regat & compescat, itaq;
in po-

in potestate habeat, nunquam ut ex ea potestate exire possint: Quod absq; hoc magisterio fieri & solet, & oportet, cum magno rerum humanarum incommodo. Est enim in animo hominis naturaliter pugna horum duorum inter se: affectuum dico, & rationis: qua in pugna etsi qd est melius nobiliusq; (videlicet ratio) dominetur deteriori (affectui videlicet:) evenit tamen, ut non semper natura lex in hoc rerum conjugatarum ordine administrando observetur. Equus enim ferox & indomitus interdum sine ullo modo excurrens sefforem quoq;, vel virum imbecillitate, vel artis equestris imperitia succumbentem secum rapit: Quando fertur equis auriga nec audit curtus habenas. Hoc ne fiat, disciplina & institutio efficit, quæ rationi, aliàs imbecilliori, sese adjungens, unà cum illa violentos & rapidos illos spiritus compefcit ac ducit ad optimam partem, atq; præcipitio, in quod alioqui ferrent & ferrentur, avertit. Iaq; facit, jam mulcendo eos opportunè, ac palpis convenientibus illorum ardorem mitigando: jam moderata adversatione, tractione atq; impulsione eos in gyrum rationis ducendo: & ita PAV-
LATIM, ut inscriptio nostri symboli habet, longius ac longius procedit in illorum natura componenda, fingenda, formanda, ad statumq; naturæ hominis convenientem deducenda. Non enim aliter, quàm hoc temperamento severitatis & indulgentiæ, hoc opus, de quo agimus, peragi, aut ad finem optatum res illa deduci potest. Neq; commodi sunt adolescentiæ regenda illi magistri, qui modum hunc in puerili institutione observare tenereq; non didicerunt. Verum de hac peritia, quæ in iis esse debet, qui ingenia fingunt & formant, minus decet, ut ego puer loquar: cum præsertim satis constet, huic rei præesse apud nos viros tales, qui norunt & moderato obsequio, & amabili severitate in ingeniis ducendis uti: quiq; sedulo illud cogitant ac sequuntur, quod est sapienter à poëta dictum:


Flectitur obsequio curvatus ab arbore ramus:

Frangas, si vires experiare tuas.

*hoc est, qui omni diligentia ac circumspeditione cavent, ne inconsultius resistendo studiis & cupiditatibus ætatis primæ frangant magis quàm corrigant, quibus consulere volunt ac debent. Itaq; deinceps potius, quid mihi & hisce meis aequalibus spectandum sit in hoc symbolo proponā, nempe quod ad nos adolescentes potissimum pertineat. Neq; vero tantum oportet, ut magistris nobis opus esse agnoscamus, eosq; admittamus patienter, & promtè libenterq; jussis eorum accommodemus: sed etiam ipsi discamus affectuum malorum intemperias & agnoscere, & maturè cōcercere, prius quàm diffundantur in animum, eumq; ex omni parte penitus subigant. Insectus enim cupiditatibus animus (qualis est omnium eorum, qui non à teneris sese cultura accommodant) haud facillè virtutis & rationis freno regitur. Aversatur enim honestos & salubres monitus, & velut effrenus equus calcib. ac morsibus insultat, sessoremq; excutit & perturbat. Discamus ergò manum illam divinitus protensam, & jam blandè mulcendo, jam durius trahendo nos exercentem, patienter ferre, eiq; nos accommodare. Discamus inquā Rationem, & per eos qui nobis præsunt, & per nosmetipsos etiam, ad optima hortantem magni facere: igniculosq; illius nobis oblucentes exuscitare, excolere, inq; vita & moribus sequi. Affectus autem, quia eos eruere neq; nature humana conditio patitur, neq; fortasse expedit id fieri, ita habeamus, ut eos, cum ad alia fortè nos incitant, non mox tanquam clausis oculis sequamur: sed paulatim magis magisq; illis renitamur, eosq; assuefactione ad officium ita paremus, ne illos habeamus ratione valentiores. Ita futurum est, ut ad injusta & rationi contraria facinora perpetranda vel non excitemur, vel si quando excitemur, statim tamen illos motus rationis freno compscere possimus. Quo in studio, si esset hoc tempore in
omni*

omni etate major diligentia: major quoq̃, esse poterat virtutis
& pietatis proventus. Sed quia hac quoq̃, oratio mea atati
minus videtur convenire, ad pensum prius me revocabo: ad
illam dico, de leone eo, quem intra nos gerimus, in obsequium
disciplina adducendo considerationem. Et cum hoc, quod di-
co, humana ope sola effici non possit, sed majoribus omnino
opus sit presidii, Divini nempe Spiritus gratia, cujus unius
auxilio illa portenta expugnantur: DEVM precor & preca-
bor, ut me & alios aequales meos ita regat & gubernet, ne
pars animi melior deteriori succumbat: sed ut in etate hac lu-
brica cultura aurem patientem accommodemus, itaq̃, adolesca-
mus in eos homines, qui possint DEO grata dicere & facere.

D I X I.



GRATIARVM ACTIO,

R E C I T A T A

À

PAVLO SIDELMANNO

N O R I B E R G.

NVLLA res dignior est hac nostra etate no-
strisq̃, studiis, quàm ut cumpiis & castis Musis conjun-
gamus decentes Gratias, hoc est, ut & beneficio affecti agno-
scamus hoc, & ingenue fateamur: Et vero gratiam quoq̃,
quam sinit facultas, sedulo reddamus. Ea q̃, virtus est grata

T

DEO

DEO & hominibus: sicut è diverso ingratitudo capitalis est
pestis vita humana, DEO pariter & hominibus exosa. Quod
cum ita sit, & vitium hoc turpissimum nobis est omnibus mo-
dis vitandum, & virtus illi opposita solícite consecranda.
Quocirca ego & meo & horum commilitonum meorum nomi-
ne Tibi DEVS aterne, Pater Domini & Salvatoris nostri
IESU CHRISTI, cum Filio tuo unico & Spiritu
Sancto tuo, uni vero, immortalis, & soli sapienti DEO, ago gra-
tias, non quantas debeo, sed quantas possum animo meo conci-
pere maximas, quod hoc honestissimum bonarum literarum
domicilium nobis benignè aperuisti, & semel apertum conser-
vas, ut in eo possumus doctrinâ sapientia divina atq; humana
instrui, ad gloriam tuam, & nostram aliorumq; salutem. Teq;
rogo toto pectore, tuere & conserva nobis idem hoc bonum:
ut per nos & alios rectè institutos edoctosq; propagari possit in
genere humano noticia tui, & fiant hic & alibi, quæ sint tibi
grata. Ago deinde Amplissimo & prudentissimo Senatui
Noribergensi, & Nobilissimis Dominis Scholarchis, Domi-
no item Procancelario viro clarissimo, gratias, quas animus
meus capere potest, maximas: cum pro alijs præclaris & am-
plissimis in nos meritis, tum pro honorifica nobis ipsorum præ-
sentia. Vobis præterea celeberrimi Academia huius Docto-
res: Tibi Magnifice D. Rector, & cæteris clarissimis, reve-
rendis doctissimisq; dominis Professoribus & præceptoribus sum-
ma observantia dignissimis, gratias immortales ago: quod fi-
delitate & industriâ vestrà de nobis benè mereri non desinitis,
optimis artibus ac disciplinis nos instituentes, & ad virtutem
sedulo ducentes: absq; quo & hodierni dici honore, & multis
alijs commodis carere nos oporteret. Nos vicissim vobis, cla-
rissimi viri, præceptoresq; honorandissimi, honorem, cultum,
observantiam omnem, ut studiosis adolescentibus dignum est,
pollicemur ac præstabimus. Ago deniq; gratias Generosis
Dominis

Dominis Baronibus, Nobilibus & Studiosis hospitibus, universaq; huic literata societati: qui sua honorifica presentia & confesso gratissimo, actum hunc cohonestarunt & auxerunt. Quibus etiam ipsis promittimus obsequia & officia nostra, similiq; studia vel in consimili re, vel in alia quavis honesta: Ea, sedulo & libenter nos ipsis prestituros pollicemur. Postremo universam hanc coronam rogo atq; oro, ut si hac mea gratiarum actio verbis est tenuior, quàm pro amplissimi hujus confessus dignitate, potius ex animis nostris orationem, quàm ex oratione sententiam atq; officium nostrum asstimare velit.

D I X I.



T 2

PANE-

XIIII.
PANEGYRIS, ANNI
1590.

SVB R E C T O R A T U
D. D. EDONIS HILDERICI
THEOLOGI.

Oratio primæ classis, recitata

ab

ISAACO LVSSIO DORDRACENO
H O L L A N D O.



VI animantium caterarumq³ rerum
naturas investigant & perscrutantur, Auditores
optimi, ex omnium avium genere Lusciniam
maximè admirari solent: quod in tam exili cor-
pusculo vox tam varia, tam suavis, tam clara atq³ contenta in-
sit, quod

sit, quod verno tempore cum arbores frondent, herba pubescunt, quindecim diebus ac noctibus usq; & usq; liquidissimos cantus tenui gutture funditet, atq; intimos audientium sensus incredibili voluptate permulceat. Itaq; & Ovidius scitè canit:

Dulcis amica veni noctis solatia præstans,
Inter aves etenim nulla tibi similis.
Tu philomela potes vocum discrimina mille,
Mille potes varios ipsa referre modos.

Vnde quæso in avicula tam pertinax spiritus? unde vis illa animæ contenta tanta, ut una cantus continuatione geminata vocis & contentio & remissio audiatur? unde tam artificiosa, tamq; perfectæ Musica scientia? tam ingeniosa modulatio, tam dulcis gratusq; sonus? qui modo in longum continuo spiritu protrahatur, modo verè flectatur: nunc concisa voce distinguatur: nunc intorta copuletur. Quid? cum iterum vocem revocat, & integra comprehensione cantum edit? Quid? cum modulos præter opinionem repentè commutat? Quid? cum ipsa tacitè secum jucundè murmurat? nulla profecto tam difficilis, tam varia auditur cantio, quam non exprimat una luscinia: plenam, gravem, acutam, crebram, contractam, diffusam, attenuatam, inflatam, continenti aut intermisso spiritu emissam: summam, mediam, imam. Quid plura? tam parvulis in faucibus, tam in angusto gutture, omnia, quæ ars humana multo labore, variis instrumentis, cantionem genera excogitavit, plenè expressa reperiuntur.

Estne vero huic avicula, tam jucunde, tam innocenti suus etiam hostis, Auditores? Est profecto, id quod numisma quoq; nostrum, non obscurè indicat atq; innuit. Nam in eo expressa est imago Luscinie, viperam velut acerrimum hostem tanto studio & conatu à se propulsantis, ut vite periculum potius sub-

itura, quam hostem ad nidum admissura videatur. Est nimirum hoc natura imperium: hac vis & contraria affectio istis animalculis insita atq; ingenerata. Nam multis in rebus tum animatis, tum inanimatis, naturale quoddam dissidium notare & animadvertere licet: id quod exemplis nonnullis planum faciamus. Homini infestissimum animal est crocodilus, qui arte malitiam adjuvat, & hausta aqua semitas facit lubricas, in quibus homines è Nilo aquam petaturi, si collabantur, eos devorat, & trunco corporis absunto, caput lachrymis profusi macerat, & id quoq; tandem devorat. Equus adversatur urso, & hostem aggressurus eum transilit, saltuq; ipso posteriores calcēs capiti illius impingit: contra vero ursus equi ventrem ungibus petit & scalpit. Sic equus si in lupi vestigium pedem ponat, obtorpescit. Aquila dissidium est cum draconibus minoribus, itemq; cum Trochilo. Aquilarum penna ceterarum avium pennas comminuunt & absument. Araneus exitiosus est serpenti & bufoni, quos aculeo in frontem adactō interimit. Simius miris modis auersatur testudinem. Acanthis odit asinum, & audito eius clamore, ova è nido deiecit: aut pulli ejus metu decidunt. Vulpes abominatur milvos. Leo ad Gallicantum contremiscit. Pullus gallinacens vix ova exclusus, milvum aut accipitrem procul etiam visum exhorrescit: cum interim nec equum nec elephantem reformidet. Lupus solo obtutu homini vocem adimit: idemq; agnos tam crudeli odio prosequitur, ut pulsato tympano lupinus pellibus obducto, greges diffugiant: & vestimenta ex lana sive ex pellibus agnitis lupi morsu violatis confecta, incredibilem pediculi rum multitudinem procreent. Adeo horum inimicitia ne morte quidem extinguuntur. Cancer attractus herba Polypodio chelas abijcit. Vespertilio ex incense hedera suffumigatione moritur. Vultur ex unguentorum odore interit. Serpens, si ibis alā tangatur, commoveri non potest: si verò in eum querna folia conficiantur, emoritur.

ritur. Sic colores & aquila, corvus & chloris, cornix & noctua, cateraq; multa huius generis animalia, mutuas inter se exercent inimicitias. Sic porro in rebus inanimis quocunq; te animo & cogitatione converteris, exempla comperies. Quercus & Olea ita inter se dissident, ut altera in alterius scrobe reperta elanguescat atq; intereat. Sic Quercus à Iuglande discordat. Sic vitis brassica refugit, atq; in diversam partem sese reflectit. Similis inimicitia est inter cicutam & vinum: Cicuta quidem homini venenum est, cicuta verò vinum. Sed quis omnia exempla enumeret & persequatur? Hac pauca ex innumeris delibare placuit, ut intelligeremus, inter Viperam quoq; & Lusciniam nostram, non fortuitum atq; extrinsecus accersitum, sed naturale, idq; perpetuum esse dissidium. Nam ut norunt ij, qui serpentes ad venena paranda consecrantur & querunt, vipera plerunq; circa cubilia nidosq; lusciniarum reperiuntur: & observatum est, lusciniam conspectâ viperâ mox obmutescere, suamq; dulcissimam cantilenam in queribundam ac lamentabilem vocem commutare. Nec tamen interim nidum deserit & aufugit, sed alarum strepitu, & suis tanquam lamentis, hostem, quantum fieri potest, territare & propulsare conatur. Verum quando animadvertit, suos conatus fore irritos, nec ulla ratione hostem profligari posse: tunc celeris sagitta instar magno impetu in hiantes vipera fauces involat: ac si fortè lethali morsu faucietur, tunc vita sua interitu testatur, se pro viribus elaborasse, ut bestiam venenatam à se suisq; repelleret: maluisseq; mortem egregiam fortiter oppetere, quam in perpetuo insidiarum metu versari. Hoc insigne exemplum, Auditores, nobis ad imitandum propositum esse statuamus. Nam & homo suos & domesticos & externos insidiatores & hostes habet, à quibus pericula metuat necesse est. Corpus quidem hominis non modo senectuti & morti, mille de causis impendenti, sed insinuis

etiam

etiam morbis ac lesionibus est obnoxium, ad quæ partim prudenter vitanda, partim æquo animo perferenda, diligentipreparatione opus est: ut nimirum unusquisq; animum habeat DEO dicatum, ejusq; ope fretum, ut moderate & innocenter vivat: ut quantum fieri possit, ea quæ nocitura videantur, declinet & avertat. Sed de corpore nunc non est dicendi locus: Animum hominis intueamur, ejusq; hostes paulo accuratius dispiciamus. Attenti autem humana imprimis adversantur tetra inscitia atq; erroris caligo, & prava cupiditas. Caligo discutitur cognitione rerum divinarum & humanarum, quæ tanquam luce circumfusa mens facile cernit, quid verum, quid falsum, quid rectum, quid prævum, quid appetendum fugiendumve sit. Vt enim oculus cernere non potest, nisi res aspectabiles Solis luce collustrentur: ita nec mens suas functiones rectè obire potest, nisi doctrinarum lumen ei affulserit. Cupiditas autem prava variè mentem divexat & perturbat: cum videlicet animus aut voluptatum illecebris, aut dolorum facibus, aut divitiarum splendore, aut obscura paupertate, aut honorum siti, aut ignominie metu, aut mortis terrore variè afficitur, & veluti fluctibus perturbationum, in diversas partes agitur, ita ut neq; virtutis, neq; sapientie studiis vacare possit. Etenim ut de avaritia & de ambitione nunc nihil dicam: quanta quæso vis est & incitatio voluptatum atq; libidinum, quæ initio quidem velut blandissima pellices blandiuntur, sed cum animos occuparint atq; subegerint, dominantur ac tyrannidem exercent, & plurimos ad flagitia & scelera, indeq; in omne genus calamitatum præcipites agunt: ut in amatoribus, & ebriosis aleatoribus cernere licet: qui, ut Phædria Terentianus, prædentes scientes percunt, nec tamen perniciosum illud jugum suarum voluptatum ulla ratione excutere possunt. Vnde Cicero rectè ait: Nullam capitaliorem homini pestem esse quàm corporis voluptatem. Hac, hac est illa vipera atrocissima, quæ

Scholas

Scholas & Academias pervadit : & luscinjs, hoc est adolescentibus insidiatur, eosq; veneno suo inficere atq; corrumpere conatur. Qua cum ita se habeant audstores, neminem vestrum esse puto, qui non omni cura, summoq; studio adversus istos perniciosissimos humana societatis hostes, nimirum contra ignorantiam pro eruditione, & contra improbitatem pro virtute, acriter & fortiter, atq; etiam si res ita postulet, cum valetudinis & facultatum suarum periculo & jactura depugnandum esse statuatur. Voluntas certè, & honestus conatus, magnam habent vim, & quidem in virtutis studio tantam, ut facultas etiam plerunq; illam sequatur. Qui stadium currit (inquit Cicero) eviti & contendere debet, quàm maximè possit, ut vincat : sic qui in literarum curriculo versatur, omni opera & studio elaborare debet, ut eximiam sapientie & virtutis laudem consequatur. Quod si ea vis ingenij, ea subsidia facultatum, ea corporis vires, ea hominum studia non suppetunt, ut optatus labori respondeat eventus : non ideo animus remittendus est, aut abjecta hasta de statione decedendum. Nam (ut pereleganter Simplicius scribit : τὸ κατὰ φύσιν οὐκ ἐν τῇ ἀποδείξει, ἀλλ' ἐν τῇ προαίρεσι. Id est, Rei benè gesta laus, non ex eventu, sed è consilio & voluntate ponderanda est. Atq; ut nostrum symbolum habet :

Vt defint vires, tamen est laudanda voluntas.

D I X I.




V

ORA-

ORATIO SECVNDÆ
CLASSIS, RECITATA

A

HIERONYMO SCHALLERO
VVITEBERGENSI.



ITER *adolescētia non minus incertum esse,*
quā serpētis viam in rupē, & navis vestigiū in mari, &
avis volatū in aëre, nisi divinitus gubernetur, sapiens quidam
Hebraeus affirmavit. Cū enim autore Platone, & teste experi-
entia, homo sit animal natura mutabile: quid de adolescētia
sentiendū est? quæ & propter calorem ætatis, & humorum
mutationem, & importunos affectus, & rerum imperitiā, fa-
cilimè in hanc illamve partem impellitur: sed facilius in dete-
riorem. Est enim hæc ætas in primis prava cupiditati obnoxia,
quæ illecebra est turpitudinis & escam aliorum, quæ improvidus
adolescēns facilè capitur, nec tamen secaptum sentit, nisi cum
imprudētia pœnas luit. Atq; huius rei imago in Bræco no-
stro

firo proponitur, in quo leopodem spina confixum ostentans cernitur, cum hoc Emblemate: Saucius erro. Quod symbolum ut exactius intelligatur, opera pretium fuerit ex Aeliano & Gellio repetere historiam Androdi servi, quem fugitivum leo in Africa triennio aluisse, & postea feris obiectum (inter quas fortuito, idem leo tùm captus erat) adversus pantheram defendisse fertur. Cum à senatore Romano servus, cui nomen Androdus erat, aufugisset, ut tunc deinceps latere posset, in solitudines sese contulit: ubi cum solis ardores perferre non posset, in speluncam refrigerandi recreandiq; sui causa secessit. Erat autem specus iste latibulum leonis, qui tùm aberat, ferasq; persequabatur. Illic cum à venatu pede graviter sauciato, redisset, atq; in juvenem incidisset: ipsum blandè ac mansuete aspexit, & tanquam vulneris curationem ab eo flagitaturus, pedem sauciam ipsi porrexit. Servus etsi primùm toto pectore tremebat: tamen animadversa leonis comitate, cognitoq; pedis morbo, seipsum collegit, animoq; erectiore esse cepit: mox itaq; spinam, qua leo confixus erat, è pede extraxit, cruorem abstersit, omnemq; doloris acerbitem ita mitigavit, ut leo pede in manu Androdi posito, aliquantisper incubuerit ac conquieverit. Sed & scōpō seu premium curationis medico suo persolvit. Nam quascunq; feras cepit, eas cum Androdo communicavit; atq; ad eò tam gratus, acceptiq; beneficij tam memor fuit, ut & hospitium & victum homini benè de se merito prabuerit. Verùm Androdus triennio ita exacto, habitationis & solitudinis satietate atq; fastidio affectus est: Itaq; specum absente leone tandem reliquit ac demigravit. Sed cum vix tridui inter confecisset, à militibus captus & vinctus, Romamq; deductus est, ubi ab hero suo de admissio facinore reus factus, capite damnatus est, ut bestiis dilaniandus objiceretur.

Cumq; jam ad pugnam cum bestiis committendam intrudere-
tur, ecce leo quoq;, qui omnium atrocissimus ac ferissimus ha-
bebatur, hominis antehac hospes, & non ita pridem captus, cum
alijs immanissimis bestiis in theatrum immittitur. qui simulatq;
Androdi praesentiam animadvertit, primum velut admirati-
one obstupescens, substitit: sensim deinde ac pedetentim ad
hominem accedit, cauda blanditijs cum permulcet, & pedes
in unguibus leniter lambit, nihilq; prorsus praetermittit, quod
ad hominem metu propè exanimatum erigendum & confir-
mandum pertinere videatur. Androdus incredibili illa leo-
nis humanitate perspecta, respirat, atq; in spem meliorem indu-
ctus, leonem vicissim acrioribus oculis intuetur: atq; ita alter
alteri lato vultu de mutua recognitione quasi congratulatur.
Interim cum Panthera hominem invadere conaretur, Leo ho-
spitem suum non modo à laniatu defendit, verum etiam Parda-
lim discerpit atq; dilaniat. Hoc spectaculum summam admira-
tionem spectatōribus movit. Et Caesar (seu quis alius fuerit,
qui hoc spectaculum exhibuit) Androdum ad se accersivit, ex
eoq; rem universam penitus cognovit: qua cum passim deinceps
divulgaretur, universus populus acclamatione sua & servum &
leonem libertate donandum esse significavit. Itaq; Androdus
non solum crimine absolutus, & in libertatem vindicatus est;
sed etiam leo totius populi suffragiis ei donatus est: quem cum
postea tenai loro victum tota urbe circumduceret: homo qui-
dem aere cumulat, leo verò floribus liberalissimè conpersus
est, & obvij quicq; acclamarunt:

Hic est leo hospes hominis: hic est homo medicus leonis.
Hæc insignis historia, Auditores optimi, de duabus potissimum
rebus nos monet. Primum de vitis atq; erroribus nostris ma-
ture corrigendis: deinde de gratia bene meritis persolvenda.
Nemo quidem in hac mortali vita reperitur, qui in tanta inge-
nij caligine & imbecillitate virium ac pravitate voluntatis, in-

ser malorum insidias atq; iniurias, & multiplices fortuna procellas, non sepe numero erret, impingat, labatur: sed tamen omni cura providendum atq; enitendum nobis est, ut, si virtutem perfectam assequi non liceat, saltem sequamur, & ad eam aspiciamus. Et si enim humanum est errare, neminus tamen, nisi insipientis est, in errore perseverare. Quod si igitur nos errasse intelligamus, statim de erratis ac delictis etiam minimis corrigendis cogitandum est. Nam qui in parvis sibi ignoscit, paulatim ad maiora progreditur, donec in omnem turpitudinem prolapsus, nec decus nec honestatem curet. Quod si verò à nobismetipsis medicinam impetrare non liceat, tùm fidelis prudentisq; viri monitis opem querere debemus, à quo ad salutem reducamur. Quemadmodum enim leo noster saucius tantisper oberravit, dum in hominis conspectum incidit, atq; ab eo vulneris curationem efflagitavit: Ita adolescens, qui in vitiis & erroribus vulnus accepit, conquiescere non debet, donec in bonorum ac prudentum virorum consiliis & admonitionibus salutarem animi vulnerati medicinam inveniat, qua inventa omni studio cavere debet, ne denuo cupiditate victus in aliquam turpitudinem relabatur: atq; ne vulnus, quod consanuisse videbatur, maiori cum periculo recrudescat. Reliquum porrò est, Auditores, ut de altero historia nostræ fructu, qui ad gratiam benè meritis persolvendam pertinet, breviter dicam.

Hoc namq; nostrum potissimum munus atq; officium est, ut memoriam acceptorum beneficiorum perpetuò conservemus: & ijs qui de nobis benè meriti sunt, gratias debitas habeamus, & verò, quantum in nobis est persolvamus. Sic enim & accepta beneficia tuebimur, & amplioribus muneribus ac donis augebimur. Nam gratia parit gratiam, & animos alios aliis necessest, ac singulari inter se benevolentia devincit atq; conglutinat: adeo ut animus m. mer & gratus nunquam premio careat: sed eo-

rum genere bonorum ornetur ac cumuletur, quorum memori-
am in violatè pieq; conservat. Athenienses olim sanum Grati-
tis in media urbe dedicarunt: Quo indicarunt, omnem civilis
societatis rationem Gratiarum quasi quodam numine contine-
ri. Est enim in animis gratis magnum quoddam iustitia munus,
& firmum Reipublica prasidium. Nec enim ullum est majus
concordiæ vinculum gratiâ atq; remuneratione. Itaq; Deus in
primo Levitici cap. quod ad hominum convictum pertinet, pro-
posito premio mortales ad remunerationem allicit & invitat.
Idem ipsa natura docet, nosq; exemplo suo ad beneficij accepti fi-
delem gratamq; memoriam tacitè allecât. Nonne agri fertiles
multo plus afferunt, quàm acceperunt? Intueamur bestias, an
non in immanissimis quoq; tam eximia virtutis simulacra &
vestigia animadvertere licet? Vrbs fuit in Achaia, cui nomen
fuit Patre, in qua (ut Aelianus scribit lib. 13.) puer quidam Dra-
conem emerat & educarat: cum quo non aliter atq; cum intel-
ligente colloqui & lustrare, & unâ etiam dormire consuevit.
Cum verò Draco ad ingentem magnitudinem excrevisset, è ci-
vitate in solitudinem dimissus est. Aliquot annis post, cum
puer adolescens factus, & cum sodalibus suis è spectaculo rever-
sus in latrones incidisset, & clamores edidisset: ecce præter opi-
nionem draco præsto fuit, & alios in fugam vertit, alios inter-
emit: puerum verò salvum & incolumem conservavit. Sic
Panthera bestia truculentissima, cum forte (ut Demetrius phy-
sicus autor est) catulos suos in fossam delapsos, attollere non pos-
set, ad hominem tandem, quem è longinquo conspiciebat, sollici-
ta ac veluti supplex accurrit, eum toga leviter apprehensa ad
fossam adducit: & miris blanditijs nutuq; anxio, quid fieri cu-
peret, significat. Mox catulis eductis, hominem per deser-
tissimas valdeq; periculosas solitudines comitatur, à reliquis be-
stis cum defendit, nec ab ejus latere discedit, donec in locotuto
collocet, & nutu blandissimo tanquam gratis actus dimittat.

Quod

Quod si bestiarationis & orationis expertes erga benè de se meritos tam memores gratæ sunt : quanto magis homo imago divina mentis hanc pulcherrimam virtutem, quam vulgò Grati- tudinem vocant, colere atq; exercere debet? Quamobrem, A- dolescentes ornatissimi, quemadmodum leo noster, simul atq; sauciatus fuit, vulnere suo medicinam quasi vit, ac invenit; & verò medico curationis præmium liberalissimè persolvit: sic nos quoq; erroribus nostris remedia maturè comparemus, hoc est, prudentum & doctorum virorum consilia & monita admitta- mus: errores nobis eripi, mores depravatos nobis corrigi, non solum a quo animo feramus: sed etiam pro acceptis salutaris do- ctрина beneficiis gratias debitas habeamus, agamus, & quibus-
 ---ibus fieri possit, memori mente persolvamus.

D I X I.




ORA-

ORATIO TERTIAE
CLASSIS, RECITATA

CHRISTOPHORO CAMERARIO

N O R I B E R G.



In nomismate quod ego aliq^{ue} nonnulli ordinis
mei adolescentes accepimus, Auditores humanissimi, affabrè
expressa est rupes gladio præacuto transfixa: cui hoc lemma ad
iunctum est: Acuit ut penetret. Quo admonemur, nihil esse
tam altum, nihilq^{ue} tam durum & asperum, quò ingenij humani
vis & acumen penetrare non possit. Sed ut ferrum per se rupes
sive saxa incidere & insicare non potest, nisi prius acuatur: Ita
nec ingenium rude & incultum res subtiles atq^{ue} reconditas vi
sua perspicere, earumq^{ue} difficultatem superare potest, nisi doctri-
na & labore tanquam duabus coticulis probè exacuatur. Do-
ctrina autem appellatione nunc intelligo Grammaticam, Logi-
cam

cam & Rhetoricam, qua omnium scientiarum & disciplinarum quasi famula quaedam atq; ministrae sunt. Et quoniam earum usus tam longè lateq; patet, quam vitæ humanæ fines proferuntur: Idcirco cuiusq; naturam sigillatim inspiciamus, ut quantum unaquaq; ad adolescentum ingenia axacuenda valeat, perspicuum fiat. Ac primum quidem Grammatica cuiq; discenti maxime est necessaria, quæ pura & emendata orationis magistra, rudibus ad omnes doctrinas viam patefacit. Estq; reliquarum tanquã radix & fundamentum. Nam ut arbores absq; radice vigere & consistere non possunt: sic absq; hac arte nullâ aliâ doctrina adolescere & maturescere potest. Et quemadmodumq; substructionis fundamentum firmum ac stabile esse oportet, ceteroquin quicquid superstruxeris corruet: sic nemo ullam excellentis doctrinæ laudem assequetur, nisi prius Grammaticâ bene cognitâ gradum ad reliquas artes sibi premuni verit. Vnde apud antiquos tantum autoritatis fuit Grammaticis, ut de omni scriptorum genere liberè judicarint, ac proinde Criticorum nomen adepti fuerint: In quibus Aristarchus censoria severitate celebris, maximum jus habuisse dicitur.

Logica autem benè docendi ac disputandi rationem docet, quæ ex notis ignota, vel opinando, vel sciendo consequimur. Hac rem definiendo explicat, eamq; in partes exactè distribuit: argumentum ratione concludit: consequentia & repugnantia videt, ambigua distinguit, & in omni sermone quid verum, quid falsum, quid verisimile, quid absurdum sit, animadvertit. Itaq; non absq; causa ὄργανον ὀργανὸν καὶ χεὶρ τῆς φιλοσοφίας, hoc est, instrumentum excellentissimum & manus Philosophiæ inscribitur: Et autore Platone oculos humanos in barbarico cano defossos sensim attollit atq; abstergit, ut in iudicando acutius cernere queant. Ad hac Logica est fundamentum eloquentiæ. Nam bene dicendi finis est persuadere seu fidem facere. Fi-

des autem vi argumentorum & copia exemplorum sit. Logica verò docet, unde argumenta sumenda sint, quomodo concludenda, quo item artificio exempla tractanda, usq; adeo ut sine Dialectica prasidio omnis plerorumq; oratio inepta, jejuna, exanguis, enervata merito censeatur.

Quid porro de Rhetorica dicam? Cujus vis & dignitas tanta est, ut nihil pulchrius, nihil praeclarius, nihil utilius, nihil deniq; homine dignius esse videatur. Quid enim tam admirabile, tamq; jucundum auditu, quam gravibus sententiis ac splendidis verbis ornata & perpolita oratio? quid tam potens atq; magnificum, quam voluntates allicere, & animos in quamcunq; velis partem oratione permovere? quid ad scholas, ad Ecclesias, ad respublicas constituendas moderandasq; efficacius, quam sapientia comes Eloquentia? Hac enim jacentes excitat, afflictos recreat, languentes stimulat, vigilantes inflamat: bonis praemia constituit, improbis pericula denunciat: hac populi sive ad seditionem concitati, sive ad pravas opiniones, corruptosq; mores prolapsi, motus ad obedientiam, ad veras sententias, ad vitam probatam revocat. Quid enim aliud est, quam dicendi prudentia? Prudentia autem usus tum in verbis, tum in factis consistit, ut nimirum & prudenter dicamus, & prudenter agamus, quorum in utroq; olim omnis laudabilis disciplina posita erat, ut autor est Homerus, apud quem Phoenix ait: Achillem sibi à patre Peleo traditum fuisse, ut illum & verborum oratorem, & rerum actorem efficeret: μὲν γὰρ τε φητὶ καὶ ἔλκεται, πρηνέστερα τε ἔργον. Deinde Eloquentia praecipuum humani ingenij decus est & ornamentum, quo homo non solum ceteris animantibus praestat, sed etiam reliquis hominibus antecellit. Hinc rectè Cicero dixit: Ut hominis decus est ingenium, sic ipsius ingenij decus est Eloquentia. Itaq; apud veteres in summo honore atq; pretio fuit. Nam & summi principes, cum non minimū dignitatis sua prasidium in dicēdi facultate constitutum putarent, Elo-

que-

quentia operam dederunt. Certè constat, Philippum Macedo-
nia regem, ejusq; filium Alexandrum, dicendi laude floruisse. In
liberis autè populis ac civitatibus semper illa regnum obtinuit:
adco ut nemini princeps in ijs daretur locus, nisi eloquentia glo-
ria excelleret. Nam ut Athenas ceterasq; Græcia civitates nunc
præterea, Romæ profectò tantum valuit eloquentia, ut nemo .
quãvis nobilitate, rebuq; gestis clarus & insignis, consideret fa-
cilem sibi aditum ad summos honores patefactum iri, nisi dicen-
di laudè cum militari virtute conjunxisset. Hinc Claudij, Lelij,
Scipiones, Galba, Catones, alijq. multi in dicendo principes exti-
terunt, & tandè Cicero tam absolutũ eloquentia specimè dedit,
ut eam ob causam Romulus Arpinas in foro regnare diceretur.
Neg, verò, postquam Respub. regio dominatu gubernari capis, e-
loquentia studia interciderunt. Nam ut de Iulij Cesaris elegan-
tia nihil dicã, Octavianũ certè dicendi laude præstantè fuisse cõ-
stat. Imò ne tyranni, ut Caligula, Nero, Domitianus, & alij hac
dicendi facultate caruerunt. Verum & posterior ætas multos
eximios viros tulit, qui artem dicendi omni studio coluerũt: nec
nostra memoria desunt, qui in ea excolenda & locupletãda mul-
tũ opera studiũq; ponunt. Atq; adhuc unã coticulã, qua humani
ingenij vis acuatur, breviter adumbravi. Consequens nunc est,
ut de altera, hoc est, de labore & industria, quàm brevissimè di-
cã. Multũ quidè valet institutio; sed nisi labor rerũ effector o-
primus, accedat, finè nobis præstitutũ assequi non licebit. Labor
autè iste duobus potissimũ officijs constat, quorũ alterũ in audiẽ-
do, alterũ in cõmentando positũ est. Quicunq; igitur ad eruditio-
nis & virtutis laudè aspirat, is primũ quàm diligentissimè præ-
ceptores & professores audiat, & quæ memoria digna audierit,
ea vel scriptis mandet, vel, quod longè commodius est, memoria
imprimat atq; infigat, & frequenter repetat, assiduãq; medita-
tione ita confirmet, ut excidere ex animo, atque effluere non
facile queant. Neque enim memoria semper est fida

rerum perceptarum custodia. Itaq; sapientissimus Plato recte
monet: δὲ καὶ τοῖς τὸ καλὸν. hoc est, his aut ter, quod pulchrum
est, repetamus. Nihil enim in bonis ingenis diuturnum est,
nisi quod assidua commentatione nobis familiare, & quasi do-
mesticum efficiatur. Neq; enim ulla in nobis scientia inest, nisi
qua per habitum (ut philosophi loquuntur) hoc est, per diutur-
nam consuetudinem in animis nostris penitus infederit atq; in-
veterarit. Deinde (quod alterum laboris caput est) adolescens
scriptioni sese dedat: qua quantum utilitatis afferat, ostendit
Crassus apud Ciceronem his verbis: Caput est quod minimè faci-
mus (est enim magni laboris, quem pleriq; fugimus) quàm plu-
rimum scribere. Stylus optimus & prastantissimus dicendi
effector ac magister, neq; injuria. Nam si subitam & fortuitam
orationem commentatio & cogitatio facile vincit: hanc ipsam
profecto assidua ac diligens scriptura superabit. Quapropter
adolescens quotidie aliquot horas in scribendi exercitatione po-
nat: ita tamen, ne quicquid sub acumen stylo subierit, temerè
admittat: sed diligentem rerum atq; verborum delectum ha-
beat: detq; operam, ut oratione utatur pura, dilucida, aperta, e-
legante, distincta, ornata, qualis est Ciceronis, qui inter reliquos
oratores velut Hesperus inter stellas, aut velut inter ignes Luna
minores eminet: Itaque praeter ceteris etiam amandus, diligentissi-
mè evolendus, studiosissimè imitandus est. Atq; adhuc de
utraq; coticula, arte videlicet atq; labore, quibus rudia ingenia
ad philosophiam omnemq; liberalem disciplinam acui possint, à
me dictum est. Quod si igitur, adolescentes optimi, rupes sive
saxa infecare ac penetrare, hoc est, omnes difficultates, quibus
naturares magnas circumsepsit, superare, atq; sapientia & vir-
tutis laudem adipisci cupitis: necessum erit, ut gladios, hoc est,
vestra ingenia acuat, id est, artium dicendi cognitione & au-
scultationis scriptioisq; assiduitate exerceatis & perpoliatis,
planeq; vobis persvadeatis, nihil esse tam arduum ac difficile,
nilq;

*nilq; tam alte à natura positum, quò doctrina viam non mon-
stret atq; aperiat, & quò labor & industria eniti ac pervenire
non possit.*


D I X I.

ORATIO QVARTAE

CLASSIS, RECITATA

CHRISTOPHORO FVERERO

NORIBERG,



NEMINEM in hac amplissima corona, cate-
raq; circumfusa multitudine, esse puto, Rector Magnifice,
qui instituti nostrirationem ignoret, nec causas perspiciat, cur
nos quatuor adolescentes è reliquo grege discipulorum evocati,
atq; in hoc loco ad agendum amplissimo, ad dicendum ornatisi-
mo, collocati simus. Itaq; prolixiori officij nostri commemora-

X 3

sione &

ratione & commendatione prætermiffa, ad Emblemata noſtra ag-
grediemur, & quàm breviffimè ac planiffimè licebit, ea explica-
bimus. Iam modo, antequam ulterius prævehar, à vobis audito-
res humaniffimi, ſummòperè peto, contendòq; ut quādo omne
nobis perſugiam in veſtra humanitate ſitum eſt, tenuitatem no-
ſtram veſtro favore ſublevetis, atq; non aures modo, ſed men-
tes quoque attentas nobis pauliſper adhibeatis. Atq; ut ego
quidem hinc exordiar: In brabeo, quòd mihi jam Ampliſſimo-
rum Scholarcharum munere datum eſt, vomer inſignitus atq;
inpreſſus extat, cum hoc Emblemate: Splendefcit in uſu, Quo
nihil aliud innui & indicari videtur: quàm exercitatione u-
ſuq; res, unctas & meliores & ſplendidiores fieri. Nam ſive
animum, ſive corpus intuearis, & vel literarum ſtudia, vel vi-
tæ degenda rationem conſideres, exercitatio iſta ad ſingula iſta
tū augenda, tū exornanda, incredibilem vim & facultatem
habet. Animus quidem exercetur, & politior ſplendidiorq;
evadit, ſi aſidue aut aliquid doctrinæ & virtutis accedat, aut
aliquid vitiorum atq; inſcitie decedat. Hominis enim ſum-
mum decus & ornamentum eſt virtus & ſapientia, quæ utraq;
eum informat, & exornat, ut & intelligat, quæ in hoc mundo,
tanquam in ampliſſimo amphitheatro, ſummus rerum opifex
Deus intuenda cognoscendaq; propoſuit: & verò agat ea quæ
rectæ rationi ſunt conſentanea. Neq; verò ullum ingenium
tām excellens, tamq; perfectum reperitur, quin ceſſatione ac in-
termiſſione uſus & induſtria languſcat & minuat. Quic-
quid enim negligitur, aut parum curatur, quamvis per ſe opti-
mam pulcherrimūq; ſit, brevi temporis ſpacio obſoleſcit &
iſterit: ut cum in veſtibulis ac adificiis, tū verò ac multo
magis in adoleſcentum ingeniis animadvertere licet. Imò verò
etiam doctiſſimi homines, cum de ſuis ſtudiis remittunt, mul-
tarum rerum obliviſcuntur, atq; ad præſtanda doctrinæ officia,
ſive dicendo, ſive ſcribendo, & tardiores & ineptiores ſiunt.

Idem

Idem accidere solet bonis viris, quando probitate sua nimium freti paulo securiores esse cœperint: tum enim facile vel voluptatibus capiuntur, vel à pravis animi affectionibus superantur. Nam ut ager nisi colatur, sentibus & noxiis herbis obducitur: sic animus nisi virtutis doctrinæq; studiis assidue exerceatur, pravis opinionibus vitiosisq; cupiditatibus inficitur ac depravatur. Iam verò & corpus, cui arctissima cum anima necessitudo est, exercitatione opus habet. Hac enim incorruptam valetudinem tuetur, morbos propulsat, omnes nervos, omnia membra omnesq; sensus, vires & facultates corporis auget, confirmat, atq; expeditiores ad quævis negotia obversanda facit. Contrà vero ignavia ac desidia vires enervat, sensus debilitat, sanitatem affligit, & totum corpus morbis obnoxium, & ad omnes vitæ actiones languidum ac ineptum reddit. Id quod partim ex desidiosis, partim laboriosis hominibus cognoscere licet: quorum illi vitiosis humoribus pleni, calculosi, podagrici: hi verò integri, robusti, sicci & sani sunt, vitæq; diuturnitate illos plerumq; superant. Quod cum prudentissimus Cicero prospiceret, valetudinis suæ infirmitatem certo passuum numero correxit ac confirmavit. Sic Demosthenes quoq; in subterraneo conclavi, semiraso capite meditatus est, gestus corporis ad speculum ingens formavit, & strictum gladium de lacunari supra humeros suspendit, Satyro histriani se erudientem tradidit, lapillis linguæ subjectis balbutientem emendavit, imbecillitatem spiritus arduo ascensu ingrediendo & aliquid recitando correxit: ad fluctuum murmur ventorumq; turbines declamitans concionis procellas, hoc est, tumultuantem & obstrepentem populum atq; exhibilantem contemnere didicit. Quæ mirabiles ac propè incredibiles exercitationes Demostheni non ad eloquentiam duntaxat, sed etiam

ad

ad firmitatem ac vires corporis haud dubiè profuerunt. Apud
 Græcos oportebat adolescentes ante pratoria excubare, ac magi-
 stratibus præsto esse in omnibus ijs, quæ mandarentur, exequen-
 dis. Ad hæc exercebantur sagittis iaculisq; mittendis, pane,
 nasturcio, & aque potu contenti, quæ victus ratio adèd erat te-
 nuis, ut & anhelare, & expuere & emungi publicè turpissimum
 haberetur. Apud Græcos Lycurgi legibus sancitum erat, ut
 perpetuis laboribus iuventus exercebatur. Lex Draconis capi-
 talis pœna otiosos mulctabat: Solon ignominia eos notabat. Sed
 & Romani sua habuerunt Gymnasia, quibus iuventus exerce-
 retur, atq; ad bellicos labores, quibus patriæ fines longè lateq;
 proferri possent, institueretur & assuesceret. Sed quorsum hæc
 commemorantur? quorsum? ut intelligamus, sapientissimas
 gentes omnem adolescentiæ rectè instituendæ rationem in labo-
 re perussisse: & nihile esse tam rude ac impolitum, quod usu & ex-
 ercitationis assiduitate non expoliatur & splendescat. Nam ut
 vomer sulcis imprimendis attritus splendescit: sic ingenij cor-
 porisq; vigor negotiis tractandis excitatur, augetur ac enitescit.
 Contra verò, ut ferrum, si eo non utaris, rubigine obducitur, atq;
 exeditur: sic ingenia quoq; ignavo inertiq; otio hebescent &
 pervertuntur. Quæ, cum ita sint, Auditores optimi, communi
 certè sensu carere videbimur, si non otium atq; desidiam, tan-
 quam animi corporisq; pestem, omniumq; vitiorum nutriculum,
 vitemus ac detestemur, omninq; studio elaboremus, ut usu atq;
 exercitatione splendescere, hoc est, virtutis & doctrinæ nitore
 ac splendorem vel in foro & iudicio, vel in magistratu &
 curia, vel in scholis & Ecclesiis Christi, vel deniq; in aliis Reip.
 locis obtinere atq; tueri possimus.

D I X I.

P A N E.

PANEGYRIS ANNI

1591.

SVB RECTORATU


D. D. EDONIS HILDERICI,

gerentis vicem D. Indenij.

Oratio prima classis, recitata

IOHANNÉ VVOLFGANGO

ab ELRICHSMANN.



CVM Academia huius consuetudo & institutum, Rector Magnifice, jubeat adolescentes, qui tunc è classe prima ad publicas Acroases, tum ex inferioribus ad superiores reliquarum classium ordines ascenderunt.

Y

ratio-

rationem aliquam sui profectus publice reddere: idq̃, pro tuo ju-
re nunc nobis imperes: parebo & consuetudini & voluntati
tua: & quidem tanto libentius, quanto magis optata atq̃, ido-
nea ad dicendum materia mihi proposita est. Explicandum est
enim Emblemata Brabei, amplissimorum Scholarcharum munere
mihi liberaliter tributi: quod etsi eiusmodi sit, ut copiosam ora-
tionem requirere videatur: tamen, quia temporis habenda est
ratio, quam brevissimè planissimeq̃, potero, id exponam, in spem
certissimam adductus, fore, ut quicquid tùm à me, tùm à reli-
quis meis condiscipulis hoc in loco dicetur, si minus ela-
boratum ac perpolitum, at certè non ingratum, vobis videat-
ur.

In altera itaq̃, nomismatis mei parte effigies atq̃, imago
arboris procera extat, in cujus cacumine corona cernitur, ad
quam adolescens arduo difficiliq̃, ascensu contendit, eamq̃, ma-
nu prehendere & auferre studet. Ad radices arboris serpens
eminentibus oculis, inflato collo, tumida cervice sese attollit,
qui adolescentem sibilo morsuq̃, ab ascensu retardare conatur.
Hac imago adjunctum habet ejusmodi Emblemata: Virtutis glo-
ria merces. Quo, ut puto, admonemur, veram gloriam, vera vir-
tutis & eruditionis fructum, in excelsis & illustri loco esse posi-
tum, ad quam nullus absq̃, labore cuiquam aditus patefiat. Ar-
bor itaque in nomismate nostro efficta est liberalium artium
ac disciplinarum: procera admodum, aspectu horrida, cortice
aspero, radice amara, ascensu difficilis: sed fructibus uberrimis
& suavissimis maxime insignis: sapientia nimirum & virtu-
te, cujus utriusq̃, comes ac veluti merces est Gloria, corona si-
mulachro notata atq̃, expressa. Etenim ut labori merces: sic
virtuti nullum justius premium persolvi potest, quam Honor &
pervagata consentiensq̃, laus bonorum, & incorrupta vox
rectè judicantium.

Et quemadmodum in Olympicis certa-
mi-

minibus corona ijs duntaxat decernebatur, qui aut cursu, aut pugilatu, aut luctatione, aut saltu, aut alio certationis genere victoriam obtinuissent: sic gloria & honos ijs solum debetur, qui in sapientie ac virtutis curriculo laudabiliter versati sunt, atq; vel ad homines inter se iustitie munere conciliandos, vel ad Rempub. virtute, consilio, industriaq; defendendam, aut ingenij opibus illustrandam sese contulerunt. Ex quo perspicuum est, virtutem antecedere, honorem verò subsequi debere, quemadmodum olim pontificum Romanorum memorabili decreto cautum est. Cum enim M. Marcellus, is, qui quadraginta novem victorias de hostibus reportavit, Templum Honori ac Virtuti dicare vellet, pontifices intercesserunt, cum negarent ullam cellam amplius, quam uni deo rectè consecrari: quoniam si de cælo tacta esset, difficilis procuratio foret, utri deo res divina fieret. Templum itaque medio pariete sic dividerunt, ut nemini pateret ad templum Honoris aditus, nisi prius patefacta Virtutis porta. Quicumque igitur gloriam & dignitatem expetit, necesse habet, omnem suam curam atque operam in virtute desigere: in qua una stabilem sedem ac sempiternum domicilium ipsa sibi collocavit. Esse autem eam magnoperè expetendam, nemo, opinor, inficiabitur, qui modò rationem, in qua ipsa consistat, atque ejus incredibiles utilitates secum accuratè cogitarit. Neque enim gloria in errante opinione, sed in ipsa natura sita est: id quod admirabile ipsius desiderium omnibus insitum & ingeneratum maximè declarat. Quæ enim gens & natio est tanta humanitate prædita, aut tam agrestis & inhumana, aut tantis honoribus insignis, aut tam obscura & ignota: aut tot virtutum ornamentis exculpta, aut tam multis flagitiis cooperta, quæ glo-

rie & laudis studio non trahatur? Quantam verò illius cupiditatem natura nobis ingeneravit, ex eo facile apparet, quod omnes pueri, simul atq; sentire aliquid incipiunt, laude mirificè capiuntur. Mirum est enim, quanta certamina inceant, quanto vincendi studio flagrent: quantus in victis pudor insit. Ut autem quisq; præstantissima indole natus est: ita maximè cupiditatis huius significationem dat. Refert Xenophon, Cyrum illum Persarum regem, cum esset adhuc puer, adeo ad cupiditatem laudis exarsisse, ut illius causa jam in ea ætate omnia pericula subeunda duceret. Facile igitur tum fuit ex illo motu animi futuram Cyri virtutem augurari. Nemo enim unquam res magnas animo magno aggressus est, qui non in ipsius ætatis primordio insignia dederit documenta, quanti gloriam aestimaret. Non est hic necesse, Pyrrhos, Scipiones, Alexandros enumerare: cum constet, omnes summos imperatores hoc tantum signo magnam spem futura virtutis civibus suis attulisse. Quid de insigni ad præclaras disciplinas indole? Num parum liquet, optimam de illis spem concipiendam esse, qui omnem conatum animi ad laudem referunt? Mihi, inquit Fabius Quintilianus, ille desur puer, quem laus excitet, quem gloria juvet, qui victus fleat. Hic erit alendus ambitu: hunc mordebit objurgatio, hunc honor excitabit: in hoc desidiâ nunquam verebor. His verbis optimus ille Magister indicia ingenij excellentis explicat. Quid, postquam pueri ætate progressi, quatenus quidq; ipsos attingat dispicere incipiunt: num alio genere clarius orationis à languore desidiâq; citius avocantur, quàm summorum hominum commemoratione? Videte quibus verbis Pallas apud Homerum Telemachum incendat ad pœnas de procorum petulantia repetendas. Sic enim ait:

Nec jam restractes puerili mente, restractes.
Nonne vides, quantum nomen sit adeptus Orestes,

Cum

Cum patrem ulciscens *vita* spoliaverit illum,
 Qui scelere infando patrem demiserat Orco?
 Te decus eximium præstanti in corpore tandem
 Excitet, ut magno laudum capiaris amore.

Illa igitur oratione sic videmus incensum Telemachum, ut nihil aliud quam de virtute cogitaret. Quid philosophi? nonne spe clari nominis inducti, seipsos ad sapientia studium contulere? Ut enim antiquiores præferam, Plato certè quantum nominis claritatem amaret, apertè declaravit. Nam & laudem esse bonum quoddam cæleste censet, & omnibus eam rectè factus quasi præmium divinum proponit, ipseque maximarum rerum instrumentum, & illud admirabile genus Eloquentia in gloriam suam maxima ex parte transtulit. Aristoteles autem cum esset philosophia gloriâ præstantissimus, minimè contentus illo splendore, quem erat sapientia studiis assecutus, Eloquentia laudem incredibili animi contentione quasivit. Infinitum esset, si vellem eos, qui ab his orti sunt, enumerare, quos omnes constat fuisse gloria stimulis acriter incitatos. Quod si aliqui se gloriam despicere gloriati sunt, id fecerunt, ut ea ipsa gloria contemtionem maximè nobilitarentur. Quod declarat eorum studium in suis nominibus inscribendis, cogitationumque suarum memoria propaganda. Quid de poetis dicam? Non enim solum sibi ipsis, sed omnibus in quorum studium propensi sunt, nominis immortalitatem pollicentur. Hoc enim sibi divinitus concessum existimant, ut è tenebris, quos velint, eripiant, atque seculis innumerabilibus in hominum luce constituent. Cæleste profecto munus, res ad laudem insignes ab oblivionis injuria vindicare, mortemque ipsam omnia delentem ingenio comprimere. Sed quid poetas admiramur, cum agricolas & opifices, cum barbaros etiam homines, & ab omni cultu humanitatis abhorrentes, laudis dulcedine moveri videamus? Nullus enim est agrico-
la, nul-

Nullus artifex, nullus operarius, qui non laudari valde cupiat, & inter sui ordinis homines princeps haberi. Ergo cum pueri, senes, adolefcentes, laudem ardentè expetant; cum omnes siue principes, siue plebei, siue intelligentes & docti, siue rudes & imperiti, ad eam enitantur: possumus ne dubitare, quin ea cupiditas humanam naturam maximè attingat. Nunquam enim esset tantus omnium gentium consensus & conspiratio in gloria consecranda, si ea moribus & opinione desiderata, & non potius vi & impetu natura expetita esset.

Qua enim moribus, aut legibus & institutis continentur, nec sunt eadem apud omnes, nec ullam constantiam habent: sed varias pro temporum ratione mutationes subeunt. Ex eo igitur, quod omnes mortales laudari concupierint, facile cernitur, hunc appetitum laudis & gloriae esse naturam, & non opinionem nostris animis infixum. Quod si natura nos non ad flagitium sed ad honestatem genuit, ob idq; omnes sapientes eam tanquam vitæ ducem sequendam statuunt; & perspicuum est, nos impetu naturæ ad laudem contendere: efficitur, nos gloria cupiditate, ad virtutem & honestatem dirigi. Atq; adhuc ostensum est, gloria rationem & ortum ab ipsa natura proficisci. Consequens nunc est, ut breviter, quantum fructum illius studium rebus humanis afferat, explicemus. Incredibile enim est, quantam ipsa habeat vim ad animos amore virtutis incendendos ac inflammandos. Omnes enim qui præstanti ingenio præditi sint, stimulis gloriae concitati res præclaras aggrediuntur. Tolle gloriae cupiditatem, & omne studium virtutis extingues. Nemo enim unquam sese pro Reipublicæ salute in discrimen intulisset, nemo publicam utilitatem emolumentis proprijs antetulisset, nemo deniq; omnibus rebus posthabitis, sapientia studia coluisset, nisi primum fuisset ad spem quandam immortalitatis excitatus. Ut enim hic Themistoclem, Epaminondam, Scipionem, Carolum Magnum, ceterosq; im-

pera-

peratores rerum gestarum gloria florentes omittam: quis dubitat Solonem, Lycurgum, Charondam, Zaleucum, incensos sempiterna gloria cupiditate, leges, instituta, Respublicas condidisse? Quis nescit, Platonem, Aristotelem, Xenophontem, Theophrastum, & omnes denique, qui monumentis philosophiam illustrarunt suis, gloria suavitatis fuisse in sapientiae studium incitatos? Quis ad artem aliquam praeclarum animum adjunxit? quis virtutem studiosè colendam putavit, qui non prius in egregij nominis celebritatem aciem mentis intenderet? Quod si igitur praestantium hominum ingenia multis laboribus & vigiliis lucem aliquam rebus humanis attulerunt; si viri fortes & magnanimi, ut patria consulerent, vita non pepercerunt; si denique multi etatem in clarissimis studiis consumentes sapientiam affecuti, beneque de hominibus meriti sunt: id cerie studio & cupiditati laudis & gloriae adscribendum est. Ex quo facile constat, quantus sit splendor & utilitas verae gloriae, quod eam omnes, qui excellenti sunt ingenio, ardentè expetunt, & illius causa non inviti res honestissimas & difficilissimas aggrediuntur. Verum ut cetera bonorum genera invidia telis sunt exposita: sic gloria quoque invidos & obrectatores habet. Nam ut ignis exoriens fumum: ita gloria effulgens invidiam excitare solet. Itaque Themistocles, cum adolescens esset, dixisse fertur: se ex eo intelligere, nihil dum à se splendidum gestum, quoniam nondum invidia de te peteretur. Est enim malum tetrum, detestabile, execrandum, omnibus bonis infestum, rebus humanis pestilens ac mortiferum. Neque enim quicquam est tam sanctum, tam omni religione munitum, quod non invidiam tentare consueverit. Itaque in nomismate nostro serpens effictus cernitur, qui adolescentem ad coronam gloriae contendentem infestare, cumque à proposito suo abster-

vere videtur. At frustra. Nam arboris ascensu adolescens insidias ictusq; illius effugisse fingitur. Quo figmento significatur, verã & confirmatam gloriam tam altè esse positam, ut invidia incurso ei amplius nocere non possit. Nam à vera virtute pender, cujus tanta est vis, ut omnem maculam, omnem infamiam sive hominum scelere, sive errore conflatam deleat atq; extinguat: non aliter ac ignis jam auctus fumum dissipare solet. Quamobrem cum vera gloria non ab errore vulgi, sed ab ipsa natura, & à lumine virtutis oriatur; & infinitas humano generi afferat utilitates; & vero tam stabilis ac firma sit, ut neq; invidia detestabilis immanitas, neq; imperita multitudinis amentia eam obscurare aut abolere queat: reliquam est, ut eam omnibus votis expetendam esse statuamus. Agite igitur adolescentes & commilitones optatissimi, omni ope & opera conntamur, atq; elaboremus, ut mentem sapientia, animum virtute, linguam eloquentiâ sic instruamus atq; ornemus, ut aliquando & parentibus honori, & amicis utilitati, & Reipublicæ emolumento simus: & deniq; suavissimum virtutis & doctrina fructum ac mercedem Gloriam consequamur.

D I X I.




ORA-

89

O R A T I O S E C U N D A E

C L A S S I S, R E C I T A T A

PAVLO SIDELMANNO
N O R I B E R G.



Qui malorum escam dixit esse voluptatem,
 Quis profecto & dixisse verè, & praeclare sensisse mihi vide-
 ri solet, Auditores ornatissimi. Quemadmodum enim bruti
 mutiq; pisces esca, sub qua lethalis hamus delitescit, impruden-
 tes capiuntur ac percunt: sic multi adolescentes blande volupta-
 tis, cujus initium suave, finis teterrimus est, illecebris deliniti
 constringuntur, atq; ut Phaedria Terentianus prudentes scien-
 tes in exitum ruunt voluntarium: ut in amatoribus, ebrio-
 sis, aleatoribus, & id genus aliis corruptissimis hominibus cer-
 nere licet. Cujus quidem rei simulachrum in nostro Brabeo ex-
 pressum est ad hunc modum: In ameno loca inter herbas flo-
 resq;

Z

resq; recumbit bestia quadrupes, superne quidem formosa virgo: sed quæ in atrum ac venenatum serpentem desinat. Cui idcirco hoc Emblemata additum est: Procul hinc; latet anguis. Caterum ut imago ista plenius cognoscatur, opera precium fuerit audire lepidam fabellam, quam ex Dione Chysostomo Pierius in Hieroglyphicis repetit lib. 14. Est (inquit) in Libya ferarum genus, ex promiscua bestiarum plurium, diversorumq; generum propagatione procreatum. Id immane admodum, ferum ac ferocissimum, circa Syrtis plurimum versatur: & cibi gratiatum feras reliquas, tum humanum pasum conquirat avidissime. Ejus vero monstri natura faciesq; hujusmodi formæ est conspicua: Corpus quidem muliebri, idq; admodum formosum: lascivè tumentes papilla, totumq; pectus ac cervix pulcherrima: colore cutis nitidissimo: mira ab oculis ejus profluit hilaritas, qua intuentem quemlibet facile in amorem illicere queat. Reliquum autem corpus horridum, & squamarum scabritie asperum & intractabile. Infernè demum in oblongum anguem desinit: cujus caput in extrema parte situm acre admodum sit, & mordacissimum. Alis preditum non est, sed sphingis instar factum: neq; tamen loquitur, ut illa facit: sed Draconum more sibilum tantum edit acutissimum. Hujus generis fera in Libya sunt plurima, tamq; veloces, ut nemo, quantumvis expeditus ac celer, earum insultus se effugisse gloriari possit. Reliqua animalia, quotquot nanciscuntur, pernicitate ac robore, per vim opprimunt: sed solum hominem dolo blanditiisq; adoriuntur & superant. nullo enim impetu eum invadunt, nec quicquam hostile præ se ferunt: sed ostentatis pulchris nitidisq; pectoribus, tanquam amoris tendiculis positæ, oculisq; modeste in terram dejectis, instar venustæ lepidæq; feminae, ad colloquium congressumq; eum invitant, variisq; lenociniis alliciunt. Simulatq; verò propius homo (ut voluptarij
sunt

sunt impudentes) ad eas accesserit: protinus cum invadant, & injectis (quas tantisper dum occasio praeda offeratur, occultant) aduncis manuum unguibus arripiunt. Mox serpens à tergo insurgit, arreptumq; hominem virulento morsu ulcerat, immissoq; veneno necat. Tandem fera ejusq; cauda serpens, tanquam conjuratione facta, miserandum hominis cadaver laniant ac devorant. Caterùm cum aliquando Hercules Libycus illuc iter faciens, fortè eas è longinquò conspexisset, propius non accessit: sed velocissimo cursu sese in fugam conjecit. Ille verò cum diu & acriter cum insecta fuissent, nec tamen prædam nancisci potuissent: tandem irâ inflammata omnem crudelitatem in semetipsas converterunt: & sese mutuo sædissimè dilaniarunt. Hæc ferè Pierius. Iam porro quid aliud hæc fabula monet? quam turpes voluptates esse blandissimas dominas, quæ venusto aspectu homines ad se alliciant: sed ubi semel eorum animos occuparint atq; subegerint, præcipites in omne flagitiorum & calamitatum genus conjiciant. Ideoq; eas tanquam venenatas bestias cavendas ac fugiendas esse. Nulla enim nocentior hominum pestis est, quam feda voluptas, hoc est, gula & libidinis intemperantia. Vtraq; enim & animo & corpori, & fortunis plurimum nocet. Nam crapula non corpus duntaxat vitiosis humoribus replet, & omnes nervos, omnia membra omnesq; sensus labefacit: sed etiam densis vaporibus in cerebrum exhalantibus, ipsam mentem præstantissimam hominis partem, illam inquam divina particulam auræ, humi affligit, obtundit atq; evertit: inprimisq; memoriam doctrinæ thesaurum, graviter vulnerat. Nec minus libidinis intemperantia sanitatem debilitat: quippe quæ fons sit gravissimorum sædissimorumq; morborum, quos nullus seplasiarius, nullus coquus, nullus chymicus (quamvis hic tantum non aureos montes polliceatur) curare

possit. Quod ex naturali vigore, siue volens, siue invitus perdidit, id quocumq; artificio restituere velis, prorsus est Glauci & Diomedis permutatio. Itaq; Cicero recte dixit: Virtutum ventris & gutturis non modo minuit aetatem hominibus, sed etiam aufert. Quod porro multi luxu & amore rei familiaris naufragium fecerint, plus satis notum est. Sed quid de pecunia mentionem facio: cum multiplicitas in rabiem & exitium agantur: multi capitis periculum adeant, si si in amulos, aut alioque ebriosos ac contentiosos incidant. Exempla pro dolor, communis vita plura suppeditat, quàm opus est, aut expedit. Quid multa? Ex turpium voluptatum studio nascuntur supra, adulteria, caedes, rei familiaris iactura, infamia, conscientiae labes, proditioes, disciplinae perturbatio, rei publicae everio: nec deniq; ullum tam immane scelus est, ad quod suscipiendum non libido voluptatis impellat. Quae cum ita se habeant, Auditores optimi repetamus, nostrisq; animis penitus imprimamus Emblema illud, Procul hinc: latet anguis: & proponamus nobis imitandum Herculem Libycum, qui bestiam virulentissimam fugiendo superavit: Sic nos fadas voluptates caene pejus & angue aversemur & fugiamur. Multi quidem castè sobriegq; viverent, nisi perditorum hominum gregi associarent. Itaq; non tantum voluptates, sed etiam occasiones earum vitandae sunt: & quantum fieri potest, declinandus est hominum mollium, obscenorum ac libidinosorum congressus & consuetudo, quae contagione sua etiam rectos animos inficere ac depravare solet. Quocirca Pythagoras prudenter vetuit γένειναι τῶν μελανόρων, Id est, gustare ex iis, quae nigram habent caudam. Quo nomine perditorum hominum familiaritas intelligitur, cujus principium blandum plerumq; tetro fine concluditur. Sed temporis decursus postulat, ut finem dicendi faciam. Itaq; Epilogi loco vobis recitabo pulcherrimam Musonij philosophi sententiam: ἀν τι παρ' ἑξης καλὸν μετὰ πάντας, ὁ μὲν πάντας οἰ-

91

χετα, τὸ δὲ καλὸν μένει. ἄν τι ποιήσης αἰσχρὸν μεθ' ἡδονῆς, τὸ μὲν
 ἡδ' οὐοίχεται, τὸ δὲ αἰσχρὸν μένει. Hoc est: si quid per laborem rectè
 feceris, labor citò abibit, rectè factum nunquam abscedit. Si
 quid rursus per voluptatem nequiter feceris, voluptas citò abi-
 bit, nequiter factum semper manebit.

D I X I.

O R A T I O T E R T I A E


C L A S S I S, R E C I T A T A

ab

Illustri & generoso Domino, Domino

IOHANNE ALBINO SCHLICK,

Comite in Passaun & Weiskirchen.



V TINAM par desiderio meo suppeteret inge-
 nij doctrinae, facultas, Rector Magnifice: equidem vo-
 luntati tuae non modo lubens satisfacerem, sed etiam congiari-
 Z 3. um,

um, quod mihi datum est, eleganti oratione celebrarem atq; ornarem. Verum quoniam id ætatis jam sum, ut de facultate mea nihil polliceri queam: operam dabo ut vel solam voluntatem atq; studium auditoribus probare possim. Brabei autem nostri Emblemata est: Paulatim: cui adjuncta est imago certaminis, quod de certo quodam spacio conficiendo testudo cum aquila suscepisse fingitur, atq; ut fabula fert, definitus tum fuit & temporis & loci terminus, ad quem uter prior venisset, victoriam obtineret. Aquila idcirco tarditate testudinis animadversa & contempta, prior provolat, atq; velut aliud agens hinc inde vagatur, ac sæpiusculè desidet: noctes integras conquiescit: nec tempore matutino satis maturè evolat: quippè quæ pernicitate sua freta putaret, se uno impetu omnes testudinis conatus facile anteversuram esse. Sed interim testudo nunquam cessat, ac potius dies noctesq; rectis itineribus ad locum præstitutum contendit, tandemq; aquilam, avem velocissimam, laboris assiduitate vincit. Hæc fabula Auditores, duo potissimum nobis considerata proponere videtur. Alterum: Aemulationem concertationemq; esse utilem ac propè necessariam. At aemulationem hinc intelligo eam, quæ in laude ponitur, & gloriæ stimulis excitatur, virtute perficitur. Hujus enim verò quanta sit vis, ostendit fabula, quæ extat apud Alexandrum Aphrodisæum philosophum præstantissimum. Venus in lucem ediderat Cupidinem. Mirabatur dea, quod filius multis mensibus à natali die præterlapsis, nihilo auctior atq; præcior factus esset. Cumq; nec causas ejus rei intelligeret, nec quæ ratione huic incommodo mederi posset, prospiceret: ad fatidicam animum Themis adiit, eam consuluit, atq; responsum accepit: Non ante ullo corporis incremento Cupidinem auctum iri, quàm Venus alterum filium peperisset, in cujus aemulationem prior ille succresceret. Venus igitur responso accepto, ivit in complexum Martis: alterum filium concepit ac peperit:

cui nomen *Anteroti* imposuit, quasi tu dixeris, *Anticupidinus*. Tum verò mirum dictu, subito quàm feliciter adoleverit *Cupido*; non aliter ac si cum fratre certamen grave inisset, uter pulchrior atq; præstantior evaderet. Mirabantur tum dñ reliqui, tum imprimis parentes, tam egregiam prolem emulationis beneficio extitisse. Hinc colligere licet, præclara ingenia magnos progressus facere non posse, nisi habeant antagonistas (ut *Græci* vocant) cum quibus decertare queant. Certe nullus stimulus acrius currentem urget, quàm si amulus ac rivalis nobis opponatur, cum quo nobile certamen ad famam, ad gloriam, ad æternitatem, ineatur. Friget enim omnis, quantumvis excellens actio, nisi contentionem quandam adjunctam habeat. Muliercularum mos est ijs, quos in amore retinere cupiunt, rivalem aliquem opponere. Hinc illud apud Comicum: *Ubi nominaverit Phædriam, tu Pamphilam continuo*. Si quando illa dicet: *Phædriam intromittamus comessatum*: tu, *Pamphilam cantatum provocemus*, dic. Si laudabit hæc illius formam, tu hujus contrà: Deniq; par pari referto, quod eam mordeat. Atq; hoc est, quod *Aristophanes* dixit, magnam nos plerunq; ex inimicitiiis utilitatem capere. Ceterum exempla emulationis honestissimæ plurima in medium proferri possent, nisi temporis angustia vetarent. Veruntamen unum atq; alterum ex infinita copia decerpere liceat. *Franciscus Philelphus* in *Græcis* literis exercitatusissimus, cum *Timotheo* quodam *Græco* de vi *Syllaba* contendens, barbam victo (ut *Jovius* scribit) inexorabili superbia derafit. Sic enim inter eos convenerat, ut victus barbâ multaretur. *Philippus Melanchthon* *Germania* nostra decus, cum in convivio quodam assideret *Sabino* & *Stigelio* pœtis *Germanis*

cla-

claviſſimis, eos ut inter ſe verſibus certarent, monuit. Sabinus
etate & dignitate prior ſic cepit:

Carmina conſcribant alij diſtante Lyxo,
Multa ſit in verſu cura laborque meo.

Stigelius ſcitè excepit, ac carmen invertit:

Carmina componant alij ſudante cerebro,
Nulla ſit in vetſu cura laborque meo.

Quid Philippus? pro ea, qua erat, facilitate & humanitate, utrumq; vitula dignum (ut Poëta inquit) judicavit. Sed tempus plura non admittit. Reliquum eſt igitur, ut alteram noſtri Emblematis ſententiam perquiramus, qua, niſi fallor, hæc eſt: Tarditatem ingenij cum modestia & industria aſſiduitate conjunctam plus valere, quàm vagam, ſuperbam ac negligentem celeritatem. Apparet id certè tum in cæteris vita negotiis, tum maximè in ſtudiis literarum. Mittuntur ad ſcholam duo adoleſcentes ex eadem civitate: alter eximium habet ingenium, ſed abſq; industria: alter industria valet, ſed ingenio eſt tardiore. Ille ingenij viribus conſiſus, nugatur, ociatur, in eam adductus opinionem, fore, ut ſimul atq; velit, alterum illum vel ſuperet, vel certè aſſequatur: Hic verò magno labore totoq; animo in literarum ſtudia incumbit, nugæ & otium velut ingeniorum peſtem odit atq; fugit. Quid ergo? Aliquot annis poſt ambo domum revocantur: alter laboribus perſuſctus, doctrinâ & virtute excultus domum hilaris revertitur, magna cum lætitia ac honore à ſuis parentibus & propinquis excipitur: Alter vero tempore & nummis malè conſumptis, cum probro ac damno, aut certè abſq; fructu & laude triftis redit, ſuiſq; domeſticis nil niſi dolorem atq; moleſtias adfert. Vter igitur palmam feret, præmioq; decorandus eſt? Non utiq; is, qui celeres ingenij motus habet ad diſcendum, claudicantem verò induſtriam: ſed alter potius, qui tardus ad intelligendum ſubſidio ſibi

sibi diligentiam comparavit. Quamobrem adolescentes, sic nobis persuadeamus, Ingenium absq; industria parum, industriam sine ingenij præstantia multum: sed utrumq; coniunctim plurimum valere. Qui igitur ingenio excellit, adjungat industriam, & tardiores ne despiciat. Qui parum habet ingenij, adhibeat diligentiam, qua ut Cicero ait, omnia potest, nec quicquam est, quod non assequatur. Caterum Emblemata nostrum etiam in consiliis locum habet, in quibus non velocior, ut sit in cursu, sed tardior vincere solet. Deliberandum est enim diu quod statuendum est semel. Plurimos videas ex inconsulta & temeraria festinatione in ipso statim operis limine collabi: alios nonnihil progressos maximis involvi difficultatibus, & vel nunquam, vel tardissimè ad exitum pervenire: alios etiam adeò nihil efficere, ut rei absq; maturo consilio attentata onere opprimantur. Sed tempus admonet, ut finem orationi imponam. Quapropter, Auditores humanissimi, etiam atq; etiam Emblemata illud nostrum (Paulatim, quò pertinet, Festina lentè) considerare, ejusq; prudentissimum consilium semper & ubiq; in omni rerum ac negotiorum vel privatorum vel publicorum aggreSSIONE sequi debemus.


D I X I.



Aa

ORA-

ORATIO QVARTAE
CLASSIS, RECITATA
CONRADO MVLLERO
HERIPOLENSIS.




IN nomismate meo, Auditores humanissimi,
duæ manus sunt effictæ, quarum altera calamus corollæ cir-
cumplexum: altera tribulum tenet, cum hoc Emblemate:
Ad rastra vel astra. Constituitur autem nobis ob oculos duplex
vita genus: alterum clarum & honoratum, quod astris nota-
tur: alterum obscurum & inglorium, quod rastris exprimitur.
Ad rastra quidem proclivis patet via, eorum vestigiis trita
& notata, qui somno, ludis, nugis, ignavo turpiq; ocio sese dedi-
derunt, & literas omnesq; honestas artes ac labores oderunt
atq; fugerunt. His merito præmiy loco assignatur tribulum,
hoc est, vita abjecta, agrestis, dura, laboriosa. Ignavia enim
atq; inscitia comites sunt egestas atq; contentus. Hinc illud:

φεύγει μύλον ἀλφίτα φεύγει. Et praeclare Cicero: Mihi quidem, inquit, qui nihil agit, esse omnino non videtur. Qua voce nil abjectius aut conemptius de ignavis dici potuit. Sed o mittamus tribula & rastra, quae hunc locum nec armant, nec ornant: & convertamus nos ad astra, hoc est, ad vitam honoratam & jucundam: cujus omnis & dignitas & jucunditas in literis, quae coronati calami imagine significantur, posita est. Nihil etenim in rebus humanis praestantius, nihil salutaris, nihil jucundius est eruditione ac literis. Harum namq; ope omnia, quae homines in vita expetunt, comparari, conservari, amplificari possunt. Atq; ut de opibus & copiis, ceterisq; id genus bonis, ad quae paranda litera accommodata sunt, nunc taceam: nonne earum subsidio tanquam alii homines ad astra, hoc est, ad summas dignitates & honores evehuntur, atq; in clarissima hominum luce collocantur? Si repetamus paulisper antiquitatis memoriam, videbimus omnes, qui doctrinā & sapientiā excelsuerunt, amplissimis honoribus usos. Quid Lycurgus, nonne sapientiae admiratione tantū est auctoritatis consecutus, ut civitatē luxuria disfluentē legū severitate devinceret? Quid septem sapientes, nonne in suis civitatibus principatum obtinuerunt, & Graciā universam bonāq; Asia partē sapientiae nomine cōmoverunt? Quid hic referam amplissima laudis ornamenta, quibus Gorgias, Plato, Aristoteles, Xenocrates, Theophrastus, & omnes deniq; excellentes philosophi decorati sunt? Apud Persas autem Magi in tanta admiratione fuerunt, ut nemini regnare liceret, qui non fuisset prius eorū disciplinis institutus. Apud Aegyptios quantus honos fuerit habitus sacerdotibus, explicari vix potest. Apud Romanos nonne eruditi homines egregiā laudē & eximios honores consecuti sunt? Quid commemorē Africanū illū, qui Carthaginē & Numantiā delevit? Quid Lelium, sapientē cognominatū? a quo Terentij fabula ob elegantiā cōscribi putabatur. Quid Scævola & Brutū, atq; postremo, ut alios innumcrabiles

omittam, M. T. Ciceronem, eloquentia parentem, qui gloriam
Romani imperij doctrina præstantissimis muneribus illustra-
vit? Nec Romani solum, sed etiam externi, doctrina commen-
datione in eam civitatem accepti, summisq; honoribus aucti
fuerunt, qualis fuit Plutarchus Cheronæus, Dionysius Halicar-
nassæus, Strabo, Aelianus, Arrianus, Dio, Seneca, alijsq; per
multi, quos esset infinitum enumerare? Druidas autem apud
Gallos, Brachmanes & Gymnosophiste Indos, in quanto precio
& honore fuerint habiti, est satis exploratum. Exponam vo-
bis rem admirabilem & auditu fortasse non injucundam. Sine
populi, quos & Chinas appellant, regionem incolunt latissimam
in extremis Orientis oris, de quibus historia non ita pridem è
Lusitanico sermone in Latinum conversa referunt, vix esse ul-
lam nationem, siue urbium magnitudine, siue adificiorum pul-
chritudine, siue victu cultuq; civili, siue flagranti artium stu-
dio, cum Sinarum natione comparandam. In libris autem scri-
bendis & excudendis, æneis formis, quæ non ita pridem apud
nos in usu sunt, illi infinitis propè seculis utuntur. Tantumq;
ajunt apud illos tribui disciplinis, ut nullo modo liceat summum
imperium committi, nisi illi, qui se probaverit omni liberali do-
ctrina ac disciplina excultum ac perpolitum. Nec enim in man-
datis honoribus aut generis, aut fortune rationem habent, sed
tantum disciplina ac eruditionis. Omnes igitur, qui principa-
tum expetunt, in artium studia incumbunt. Vbi autem cre-
dunt, se non pœnitendam progressionem fecisse: ad certos judi-
ces huic muneri destinatos accedunt. Horum suffragio, aut ut
indocti repelluntur, aut ut docti certis honoribus insignibus or-
nantur. Ex ijs deliguntur, qui minores jurisdictiones ad-
ministrant. Qui autem diutius in studiorum curriculo
versari, & sublimiores disciplinas persequi cupiunt, ubi cer-
tum judicium absolverint, aliud gravius judicium subeunt. Iu-
dicantur enim à viris multo doctioribus, quibus si satis fecerint,
ad altio-

ad altiore[m] honoris gradum ascendunt. Sic etiam licet ijs qui ampliore[m] honoris spem sibi proponunt, plures annos in studiis consumere, & ordinatim alia atq; alia doctorum hominum iudicia subire. Sunt enim plures ordines hominum de ingenio atq; doctrina iudicantium. Hinc igitur apparet, quantum apud Sinas valeat opinio doctrinae & eruditionis: cum eos duntaxat honoribus cumulent, & imperio praeficiant, quos iudicant esse doctrina laude praecellentes. Quod si igitur adolescentes suavisimi, doctrinae studium non solum apud Gracos & Romanos, sed etiam apud barbaras nationes, tantam vim obtinet, ut hominem variis bonis cumulare atq; ornare, & ad astra, hoc est, ad magnos honores evehere possit: cur ex animis nostris torporem atq; ignaviam non excutimus? Cur oblatam tot tantaq; bona consequendi opportunitatem non amplectimur? Cur non totis animis ac studiis ad laudandarum doctrinarum studia incumbimus. Non enim ex plano & facili gloria petitur: sed (ut Poeta inquit) per ardua progreditur. Ἡ ἀρετὴ βαίνει διὰ μόχθου. Deus Opt. Max. cui, quaecumq; hic acta dictaq; sunt, grata esse cupio, nobis adolescentibus & voluntatem & facultatem largiatur, ut ea, ad qua nostra cohortatio spectat, expedito cursu assequamur.

D I X I.



Aa 3

PA-

XVI.

PANEGYRIS ANNI

1592.

SVB RECTORATV

D.D. NICOLAI TAVRELLI

Medici.

Oratio prima classis, recitata

PAVLO FEZERO

NORIMBERG.



SI mea sponte in hanc concionem ascendissem,
Auditores humanissimi, in temeritatis ac impudentiae cri-
men merito vocarer. Nam locus hic amplissimus & splendidis-
simus non imperitis ac indisertis adolescentibus: sed viris pra-
clara

clara doctrina eximiaq; dicendi facultate praeclatis destinatus
 ac consecratus est. Verum, quum Mag. D. Rectoris jussu & au-
 thoritate evocatus huc pervenerim: spero me non solum crimi-
 ne, sed criminis quoq; suspitione cariturum esse. Longiore itaq;
 excusatione praetermissa, rectâ ad id, quod mihi propositum est,
 aggrediar, idq; quàm brevissima fieri poterit oratione percur-
 ram. Vos interim oro & obtestor, ut mihi ceterisq; condiscipulis
 meis ex hoc loco deinceps verba facturis benevolentia & atten-
 tionem humanitate vestra dignam tribuatis. Atq; ut hinc ex-
 ordiar: In hocce Brabeo nostro Promethei ad montem religati,
 & aquila jecur illius assidue dilanantis imago cernitur: cui ad-
 scriptum est una voce expressum Emblemata: Conscientia. Cete-
 rum, ut res melius intelligatur, ex antiquorum scriptis explica-
 tio ejus repetenda est. Memoria litterisq; proditum est, Iovē ira-
 tum mandasse Mercurio, ut Prometheū ob surreptum ignem & di-
 vini muneris Pandora contemptum ad Caucasum religaret. Causa
 verò tanti supplicij tres praecipue cōmemorantur, fraus, furtum &
 contemptus. Cū enim in sacrificijs olim mos esset integras hostias
 immolare, neq; idcirco pauperes ob sumptuum magnitudinē sa-
 crificare possent: Prometheus cum Iove egit, ut dimidia dunta-
 xat hostiae pars deinceps ad sacrificiū praberetur: altera vero ho-
 minum usui reservaretur. Quod cum Iupiter concessisset: Pro-
 metheus homo callidus & veterator binos tauros mactavit, &
 utriusq; ossa, à carnibus separata accumularis, corioq; obtexit,
 carnes itidem seorsim ab ossibus positas reliquo corio operuit:
 atq; ita Iovi alterutram hostiam eligendi optionem dedit. In-
 piter nil fraudis suspicatus, ossam victimam prope se locatam
 elegit. Sed fraude animadvertens graviter excanduit, atq; ho-
 minibus ignem, ne sacrificia amplius facitare possent, eripuit.
 Verum callidissimus Prometheus auxilio Minerva in ca-
 lum ascendit, ferulaq; ad currum solis admoda, ignem

furri.

surripuit, eumq; in terras delatum cum mortalibus denuo communicavit. Quod cum Iupiter rescivisset, Vulcano imperavit, ut sceminam è luto fingeret : quæ quod omni artium genere à dijs instructa ornatag; esset, Pandora dicebatur. Hac primum una cum pyxide belle depicta, cunctisq; malis calamitatibus referta, ad Prometheus missa fuit, à quo spreta & metu insidiarum repudiata, ad Epimetheam contendit : qui pyxidem ab ea acceptam quùm aperuisset, omnisq; generis mala evolare sentiret, solam Spem in fundo harentem occlusit: eamq; cum vasculo retinuit. Iupiter verò muneris sui contemptum ægerimè ferens, Mercurio mandavit, ut Prometheus ad Caucasum montem deduceret, eumq; humistratum, quatuor catenis tam arcte astringeret, ut nullo pacto sese movere posset. Adjunxit & aquilam, quæ jecur illius assiduè tundens laniaret atq; exederet, nec tamè penitus id cõficeret & absumeret. Nā quantū jecinoris interdū depascitur, tātundē noctū renascebatur, adeo, ut nulla unquā dolori materia deesse posset. Hoc figmentū, Auditores, non tanquā inane auriū oblectamentū accipere debemus: sed ex eo discere, In omnibus consiliis & actionibus diligentē conscientia rationem habendam esse. Est enim conscientia veluti prætor in uniuscujusq; animo constitutus, qui & quid, & quale, & quantum quidq; sit, clare perspicit recteq; judicat: & virtutes commendat & approbat, vitia improbat & damnat: atq; his pœnas, illis præmia statuit atq; decernit. Estq; permagna illi vis in utraq; partem, ut neq; timeant, qui nihil commiserint & pœnam semper ante oculos versari putent, qui peccarunt. Nam qui rectè factorum memoria sustentantur, q; sive domi sive foris versentur, & sive prosperis rerum successibus utantur, sive adversis afflictentur, semper placida & tranquilla mente consistunt. Contrà qui omni sceleris & improbitatis contagione se contaminarunt, incredibili dolore & molestia afficiantur & excruciantur. Nam & malefactorum conscientia

eos perterret, & judiciorum metus exanimat, & suppliciorum formido de mente deducit. Neq; enim conscclerati deorum impulsu (ut Cicero ait) furiarum radis ardentibus terrentur, sed sua quemq; fraus, suum facinus, suum scelus, sua audacia, de sanitate ac mente deturbat. Hæ sunt impiorum furia, hæ flammæ, hæ faces. Nullum enim scelus (ut Seneca scribit) licet illud fortuna exornet muneribus suis, impunitum est, quoniam in scelere sceleris supplicium est, timere semper & expavescere, etiam securitati diffidere. Multos fortuna liberat pænâ, neminem metu. Tutum res aliqua in mala conscientia præstat, nulla securum. Putat enim se etiam si non deprehenditur, posse deprehendi, & inter somnos movetur, & quoties alicujus scelus loquitur, de suo cogitat. Hæc Seneca in epistolis sanè quàm verè ac sapienter. Conscientia enim per omnes nationes & gentes peragrat, atq; in animis omnium tam est insita ac ingenerata, ut nemo, ne si solus quidem ferarum more vixerit, vim ejus ignorare, nec ullius hominis, si quid mali designarit, calliditas aut violentia angores illius & cruciatus effugere possit. Hinc perpetuus languor, hinc tristis & atrox vultus, hinc pavor & trepidatio; adeo ut facinorosi ad omnia fulgura & tonitrua expallescant, ad quosvis rumores trepidens, atq; etiam folij volantis strepitu perterriti contremiscant. Nullum enim habent in rebus angustiis & adversis levamentum, nullum in mœrore solatium, nullum in calamitatis imminenti metu perfugium. Ut enim si quis telo venenato confixus esset, quod è corpore extrahi non posset, nullum temporis momentum dolore vacuum haberet: Sic ubi venenum turpitudinis animum occupavit, & altius penetrans mortiferum ei vulnus infixit, nihil est quod miserum hominem ab angoribus & dolorum acerbitate liberare possit. Ex quo fit, ut neq; domi, neq; foris, neq; publicè, neq; privatim, neq; inter diu neq; noctu, neq; in ocio, neq; in

negotio ullam quietem inveniatur. Etenim nec domus, nec ci-
vitas, nec frequentia nec solitudo, nec lux nec tenebra, nec la-
bor, nec requies illis jucunda esse potest, qui animum scelerum
ac flagitiorum vulneribus concisum gerunt. Testis est Impera-
tor Nero, qui interfecta matre, aliisque sceleribus admissis so-
mnium amplius capere non potuit: sed agitated furiis de lustra-
tione cogitavit: tandemque gladio mortem sibi ipse conscivit. Te-
stis est Bessus quidam (ut Plutarchus scribit) qui cum patrem su-
um clam trucidasset, posteaque complures annos absque ulla crimi-
nis suspitione exegisset: quodam die ad cenam quam amicis
condixerat, proficiscens, forte incidit in nidum hirundinum,
quem baculo diruit, pullosque inde exturbatos crudeliter omnes
obterit & conculcat. Reprehensus vero à comitibus de im-
manitate, quam in aviculas innocentes nulla de causa exercuis-
set: Nimis diu (inquit) me paterna cadis falso accusarunt.
Quod responsum comites ad regem detulerunt, qui re diligen-
ter explorata cognitaque, Bessum merito supplicio affici iussit. At
ille non hirundinum, sed ipsius naturae voces erant: quae insta-
bant, quae urgebant, quae Besso haec duo verba, Quid fecisti, idem
idem in mentem revocabant, adeo, ut nec unquam nec usquam
metu vacare, animoque tranquillo esse potuerit. Verum exempla
plura nec res proposita desiderat, nec temporis brevitās admit-
tit. Perspicuum igitur est, Auditores ornatissimi, constatque
inter omnes, in conscientia & felicitatem & miseriam nostram
esse positam: utpote quae si pura integraque sit, animum sanat, men-
tem illustrat, securitatem praestat, voluptatem parit, ad beatitu-
dinem deducit, cum Deo beatisque mentibus nos coniungit, ac
sempiterna societate devincit: Contrà vero, si impura sit, scele-
reg, constricta teneatur, animum affligat & perturbat, men-
tem oecocat, molestias creat, terrores injicit, dolores affert, ca-
lamitates importat, tandemque hominem acerbissimis cruciati-
bus confectum in sempiternas miseriae conjicit. Quae cum ita
se ha-

se habeant, neminem vestrum esse puto, qui mecum non consentiat, planeq; statuat, in id studium unice incumbendum esse, ut, quantum in nobis est, vitia declinemus & fugiamus, & virtutem amplectamur, atq; colamus: vitamq; nostram prorsus sic instituamus, ut siue soli simus, siue inter homines agamus, nihil admittamus, cujus nos aliquando vel pudere vel pœnitere queat: & verò ad extremum decurso in his terris vita spacio, bonaq; fama inter homines relictâ, conscientiam puram omniq; labe carentem ad Deum Opt. Max. supremum humani generis judicem afferamus.

D I X I.




Bb 2

O R A-

ORATIO SECVNDÆ
CLASSIS, RECITATA

ab

Illustri & generoso Domino, Domino
IOHANNE ALBINO SCHLICK,
Comite in Passau & Veiskirchen.



DVPLEX animorum atq; natura humana
vis est: una in ratione posita, qua doceat atq; explanet,
quid faciendum fugiendumq; sit: altera in appetitu, sequi gra-
cè: qua hominem huc & illuc rapiat. Ambae ea lege inter se
iunctae sunt, ut appetitus rationi pareat. Ratio enim nil nisi
prudens, iustum forte, temperans, praescribit, unde omnia officia,
laus, decus, honor, gloria, promanant. Appetitus contra te-
meritatis, libidinis, iracundia, injuria, ignavia, vel autor vel
minister est. Cui ne obsequamur, admonet nos Brabeum no-
strum, in quo imago cernitur Minerva Achillem iratum à
crude-

crudeli facinore quod animo conceperat, revocantis ac prohibentis, subjecto hoc Emblemate: Vince animos. Nam ut Homerus lib. 1. Iliados scribit: Cum Achilles dux fortissimus, optimeq; de rege suo Agamemnone meritis, videret, se in nullo apud eum esse loco: incredibili dolore exarsit. Sic enim conqueritur (autore Homero, interprete Minturno:)

Namque loco nullo numerat me Rex Agamemnon.

Ipse habet id quo despectum me munere privat.

Noverit Atrides, quorum sit causa malorum,

Contemsisse virum, quo non prastantior alter.

Itaq; tandem iracundia victus, stricto gladio regem ad-
ritur: sed à tergo astans Minerva eum subito capillis apprehen-
sum retrahit, ejusq; furorem ac impetum reprimit ac retardat.
Quo insigni exemplo sapientissimus Poëta docet, Iram nihil aliud esse, quàm furorem quendam brevem, atq; ut Seneca ait, consultorem pessimum: qua idcirco Minerva, hoc est, rationis imperio refrenari omniq; studio coerceri debeat. Est enim hæc affectio omnium turbulentissima, atq; etiam nisi cohibeatur, nocentissima. Etenim tam ipsis iratis, quàm aliis hominibus vim ac detrimentum asferre solet. Primum enim perturbat animum, omnemq; rationis usum pervertit, ut mens neq; quid æquum, neq; quid iniquum sit, amplius cognoscere atq; statuere possit. Nam ut fumus offendit oculos, eisq; tenebras offundit, quo minus viam propositam, quaq; in ea se obviam ferunt pericula & incommoda, cernere atq; evitare possint: sic ira impetui mentem, quæ oculus quidam animi dicitur, quasi caligine quadam circumfundit & obscurat, ut nec decus, nec probum, nec emolumentum, nec detrimentum perspicere queat. Veram non animum duntaxat affligit, sed in corpus quoq; suam vim exercet. Nam sanguine in pectus confluyente, & quodam quasi aestu effervescente, cor intumescit & palpitât, & calor in cerebrum


ac reliqua membra repente diffunditur. Hinc teter & horribilis aspectus: celer & truculentus oculorum motus: color aut pallidus aut igneus: tremor totius corporis: lingua aut hasitans & velut interclusa: aut ad convitia valde praeceps & expedita: clamor insanus: impetus furens ac violentus. Non raro manus antevertit verba, tum pro telo est vel pugnus, vel ungues, vel calces, vel morsus, vel sputum ipsum, & denique quicquid primum manibus obtingit: furor nempe (ut quidam ait) arma ministrat. Hinc plaga, vulnera, caedes, atque id genus alia mala, quae ex ira tanquam ex venenato fonte promanant. Liceat ex innumeris exemplis unum & alterum in medium proferre. Alexander Rex Macedonum, cognomento magnus, nutricis suae filium Clytum amicum singularem & innocentem, per iram interfecit: pauloque post sese recolligens, telum à Clyti vulnere extractum in seipsum convertisset, nisi amicorum interventu prohibitus fuisset. L. Sylla turbo & procella Reipub. Romanae, irarum furis agitatatus universam urbem, omnes Italiae partes atrocissimis civium cadibus ac sanguine cruentavit. Commodus Imperator irā incitatus balneatorem in fornacem ardentem coniecit, quod balneum ingressurus, tepidiusculum id invenisset. Tamberlanes Scytharum rex, cum videret, pueros & puellas candidis vestibus amictos, oleaque sertis redimitos, pacis exoranda causa, sibi obviam mitti, rabiosam iram inflammatus equitatum in eos immisit, omnesque miserè protrivit & conculcavit, & reprehensus ab amico: Cave, inquit, ne iram atque furorem DEI temerè accuses. Sed quid longinqua ex veterum annalibus exempla repeto? Convertamus nos ad propinqua, quae atas nostra vidit, ac etiam nunc non absque ingenti dolore videt. Quis nescit, quam exitiosa atque funesta irarum fax, in Belgio & Galliae regno multis ab hinc annis accensa, adhuc ardeat? Quis ignoret tyrannidem Hispanicam? cuius furore multa hominum milia in Belgio, omnibusque fortune despoliata, bonis omnibus ex-

uta, carcere, vinculis, equuleo, ferro, cruce, flamma, defossionibus, mersionibus, indicta causa, atq; etiam non raro intempesta nocte, contra usitatam judiciorum formam, contrucidata sunt. Quis absq; luctu & horrore carnificinam Gallicam recordari queat? in qua circiter triginta hominum millia, paucorum dierum spacio interfecta sunt: non in praelio sed in summa quiete: non armati, sed partim nudi, atq; in lectulis dormientes; partim supplices, atq; sicariorum misericordiam implorantes: non unum in locum coacti, sed suis quiq; in civitatibus ac domiciliis constituti: non per iudicium ac legitimam questionem, sed rabieq; impetuq; furentis populi: atq; in eo numero quàm plurimi morbis affecti: multi senes, multæ nobiles matrone, generosæ virgines, mulieres pragnantes, pueri infantesq; complures, viri deniq; permulti eruditissimi clarissimiq;, & ab omni armorum & tumultus suspicione remotissimi, fuerunt. Ex his exemplis facile constare arbitror, nullam esse bestiam truculentiorē, humanog; generi magis perniciosam, quàm iram: quippe qua non solum animū uniuscujusq; intestino bello vexat: sed foras quoq; prorumpens, turbulentas dissensiones, insidias, cades, hominum strages, civitatum ac imperiorum everisiones, atq; adēdō omnis generis tumprivatas tum publicas calamitates importat. Verum hanc nostram admonitionem non de quavis ira accipi velim. Nam ea qua rationem in consilium adhibet, bonumq; finem sibi propositum habet, tantum abest, ut vitiosa videri debeat, ut etiam in laude ponenda sit. Est enim naturalis affectio, ad injurias propulsandas homini attributa: itaq; & Philosophi ejus mediocritatem laudant, eamq; fortitudini tanquam rerum magnarum administram adjungunt. Quam ob causam veteres Academici, teste Cicerone, irā *ἀννῆν τῆς ἀνδρείας*, id est, cotem fortitudinis appellaverunt. Immo vero & sacra litera iram moderatam probare videntur nec enim vetant irasci, sed per iram peccare vetant.

Sic

Sic enim scriptum est: Ita irascimini, ut ne peccetis. Quocirca irasci licet, sed impietati, injustitia, ceterisque vitiis: sed moderate, & cum tempus ac locus postulant. Quæcum ita sint, Auditores optimi, omni studio connitendum nobis est, ut iram rationis imperio coercemus, diligenterque caveamus, ne per eam in aliquam turpitudinem prolabamur. Audiamus Aristotelem, qui iram comparat militi, præ alacritate etiam injussu imperatoris ante aciem excurrenti, qui statim revocandus sit. Audiamus Senecam, qui monet, maximum iræ remedium esse dilationem, ut primum ejus fervor relanguescat, & caligo quæ mentem premit, discutiatur. Audiamus Athenodorum philosophum, qui ab Augusto tempore discessurus hoc ei præceptum μὴν μὸς οὐ ποὶ reliquit: Ne quidquam iratus aut diceret, aut faceret, nisi viginti quatuor Græcorum literis prius recitatis. Audiamus denique Socratem, qui, Non utimur (inquit) aqua turbata, nisi constiterit: multo minus utendum est animo commoto, antequam ad se redierit. Sic fecisse scribitur Archytas, qui servo, à quo graviter offensus fuerat, dixerit: Quo te modo accepissem, nisi iratus essem. Quapropter & nos demus operam, ut iram, quantum in nobis est, devitemus, aut si omnino vitari non queat, eam moderemur, & intra rationis doctrinæ gyrum contineamus, atque adeò Achillis Minervam audientis exemplum imitemur.

D I X I.




ORA-

O R A T I O T E R T I A E

C L A S S I S, R E C I T A T A

CHRISTOPHORO SCHLAVDETSBACH

N O R I B E R G.



PRAECLARE *Epicharmus* Deum labore omnia bona hominibus venalia proposuisse ait. Nec minus verè ac sapienter poetarum rex *Virgilius*, Labor (inquit) omnia vincit improbus. Nihil est enim in rebus humanis tam magnam atq; praeclarum, nihil tam arduum atq; difficile, quod virtutis studio, labore & contentione superari ac obtineri non queat. Atq; hujus quidem rei exemplum illustre nobis propositum est in *Hercule*, cujus cum Centauro dimicantis cumq; vincentis simulachrum in numismate nostro impressum effictumq; habemus, cum hoc Emblemate: Gaudet certamine virtus. Fuit autem *Hercules* *Iovis* & *Alcmenae* filius, qui quum

Cc primum

primum adolefceret, fingitur exiisse in solitudinem, ibiq; velut
 in Bivio Pythagorico hasitasse ac deliberasse, utram vita viam
 ingredi, & voluptatemne an virtutem consecrari deberet. Tunc
 ei duas feminas obviam venisse ajunt, quarum una pretioso
 splendidoq; vestitu ornata, & nitore fucato illita viam volu-
 ptatis monstravit; vitamq; ei suavem omniq; deliciarum genere
 circumfluentem, promiserit: altera autem veste vili candidaq;
 amicta, & vultu liberali praeclata virtutis viam, sed laboriosam,
 cum perenni tamen felicitate & gloria conjunctam, ostenderit
 & commendavit. Adolescens itaq; utriusq; oratione accuratè
 perpensa, tandem virtutis viam sibi ingrediendam existima-
 vit. Itaq; duce virtute, comite labore, multa pulcherrima & pra-
 clarissima facinora edidit, quæ à Diodoro, à Livio, à Dionysio, à
 Virgilio, Ovidio, Theocrito alijsq; scriptoribus commemoran-
 tur. Atq; ut de innumeris pauca delibemus: Quum Hercules
 adhuc in curis vagiret, duos ingentes angues utraq; manu pre-
 hensos constrictosq; interemit. Adultus hydram virulentissi-
 mam multisq; capitibus & colubris insignem interfecit. Leo-
 nem immanissimum nudis manibus apprehensum discepit, eiq;
 pellem detraxit. Bufiridem Aegypti regem, advenas suos ma-
 ctare & immolare solitum, obtruncavit. Anteaum Gigantem
 secum colluctantem compressit ac suffocavit. Cacus Vulcani fi-
 lium, Italiam nefandis atrociniis ac incendiis infestantem de
 medio sustulit. Centauros fregit & subegit. Geryonem Hispan-
 nia regem tricorporeo bello superavit, ejusq; boves abegit. Dra-
 conem in hortis Hesperidum aurea mala custodientem interse-
 cit. Cerberum tricipitem ab inferis extractum necavit. Quid
 multa? Homines maleficos, immanes bestias, horrenda monstra
 propè infinita confecit atq; oppressit. Ideoq; monstrorum domi-
 tor, & κακῶν ἀλεξάνων, i. e. egregius victor & malorum
 depulsor appellatus est. Tandem verò multiplicis laboris ac sudo-
 ris spacio decurso, pyram in monte Octa extructam & incensam

conscendit, & quod mortale habebat, combussit: quod divinum, id in caeleste domicilium secum evexit. Verum sub his fabularum involucris latet aliquid gravius, quod explicandum atq; excutiendum videtur. Sic enim nunc statuamus, Herculem nostrum nil aliud esse, quàm ideam quandam omnium virtutum à sapiente vetustate posteris ad imitandum propositam. Nam primò id ipsum varia ipsius nomina indicare videntur. Primum enim appellatus fuit Alcides, à græca voce ἄλκις, qua excellens animi vis, & corporis robur, præsidium virtutum & remedium vitiorum significatur. Deinde dictus est Hercules, quasi ἥρως ἀνδρός, id est, heroum gloria: vel quòd ille inter ceteros heroum, velut Hesperus inter stellas eluxerit: vel quia gloria non ignavos, sed fortes heroës beneq; de humano genere meritos imprimis comitetur. Et quoniam non solum natura doctrinæq; adjuvantis, verum etiam singulari divini numinis afflatu ad res præclare gerendas opus est: idcirco fingitur Iovis satù procreatus: susceptus ex matre Alcmena, id est, ex constantia & perseverantia in laboribus, difficultatibus & periculis, virtutis & gloriæ causa subeundis ac perferendis. Deinde secessus ejus, atq; solitaria cum duabus mulierculis collocutio, nil aliud significat, quàm maturam & tacitam quandam de vita institucnda deliberationem: cui intervenerit ratio & appetitus, cum quibus adolescens aliquandiu quidem victoria contenderit, ad extremum tamen rationem ducem secutus, viam virtutis iniverit, in eaq; ita perrexerit, ut nulla eum neq; animi mollietis, neque extrinsecus objecta voluptatis species, neque laborum difficultas, neque periculorum terror revocare ac depellere potuerit. Deinde non monstra & beluas, sed vel latrones & tyrannos (ut quidam putant) vel (ut nos interpretamur) pravas cupiditates ac vitia, quæ ferè insensissimè humani generis hostes censentur, oppugnavit & superavit. Neq; etiam clavam nodosam, gravem duroq; ex robore constantē gestavit: sed labores immensos, sum-

mas difficultates, maxima pericula, qua clava figmento notatur, in vitiorum monstris expugnandis conterendisq; subiit atq; sustinuit. Quod vero nunquam è manibus clavam deposuisse fingitur, id vigilantiam & constantiam ipsius indicat. Pro- viderat nimirum hoc genus belli non uno alterove anno confici posse: sed perpetuum id esse, multasq; habere vicissitudines, atq; ancipiti victoria sæpenumero pugnari. Exuvium porro leonis, quod illi velut paludamentum affingitur, victoria ex hostibus devictis reportatæ signum est. Regus deniq; ardens quem conscenderit, indicat ardentissimum vitæ melioris desiderium, quo incensus ac inflammatus, se ab hac mortali concre- tione, segregavit, atq; ad æthereas illas sedes, ubi virtutis bra- beum repositum erat, evolavit. Neq; enim mors est interi- tus omnia tollens atq; delens: sed quedam quasi migratio com- mutatioq; vitæ, quæ claris viris ac sæminis dux in cælum esse solet. Quemadmodum chorus apud Senecam de Hercule Oeteo eleganter canit:

20 Nunquam Stygias fertur ad umbras
 20 Inclyta virtus. vivite fortes,
 20 Nec Letheos sæva per amnes
 20 Vos fata trahent: sed cum summas
 20 Exiget horas consumta dies,
 20 Iter ad superos gloria pandet.

Hoc pulcherrimū Hercules exemplum, Auditores, de tribus gravissimis rebus nos admonet. Nam primū homini in hanc vitā ingresso duplicē actionū viā proponit: alterā virtutis, principio fortasse difficile atq; asperam; exitu certè salutarē atq; gloriosam: alteram vitæ, initio planam, facilem, oculisq; jucundam; sed in fine precipitem, ac deviam, atq; in extremum salutis & famæ discrimen nos adducentem. Deinde reliquum vitæ cursum multis laboribus, difficultatibus atq; periculis desinit, adeoq; ostendit nostram in his terris vitam esse perpetuam quandam mili-

militiam, in qua cum pravitate animi, cum tetra mentis caligine, cum vitiorum turpitudine, tanquam cum hostibus continenter nobis confligendum sit. Postremo egressum quoque ex hac mortali vita describit, atque animorum à corpore migrationem itidem duplicem nobis ob oculos ponit: quarum una ad pramia, altera ad pœnas sempiternas deducat. Quæ cum ita sint, Adolescentes studiosè, exemplum Herculis secuti, primum maturè de vita instituto cogitemus, & pro viribus enitamur, ut à fallaci & exitiosa voluptatis via aversi, semitam virtutis, proborum hominum vestigiis notatâ ingrediamur, ab eaque nulla omnino re nos deterri aut avocari patiamur. Quia verò maxima atati nostræ est imbecillitas, & imperitia atque temeritas, qua fit, ut in delecturæ sape fallamur, & errore mentis res noxias tanquam salutes confectemur & amplectamur: idcirco non nostris iudiciis solis niti debemus: sed viros bonos, prudentes, eruditos, nobisque benevolos in consilium adhibere, eisque tantisper obtemperare, dum ipsi rationibus nostris prospicere & consulere possimus. Deinde quia non satis est, laudabiliter capisse, nisi perseveremus: & verò cum hostium nostrorum magna sit vis atque calliditas: ideo singularis & vigilantia & constantia adhibenda nobis est: & quoties res postulat, legitimè dimicandum, hoc est, pravæ cupiditatibus, perversis improborum consiliis, pessimis equalium exemplis, insidiosis voluptatum illecebris, variis denique adversæ fortune telis fortiter resistendum est: omnesque cogitationes nostræ, omnia dicta & facta ad voluntatem divinam conformanda: donec tandem laborum ac vitæ cursu confecti à Deo agonotheta summo ad pramia evocemur, atque perennis felicitatis coronâ ornati ævo sempiterno fruamur.

D I X I.


Cc 3

ORA-

ORATIO QVARTAE
CLASSIS, RECITATA

A

IOHANNES VASTER
NORIBERG.



In nomismate nostro, Auditores humanissimi,
Expressus est cervus arrectis attentisque auri-
bus. Estque hoc Em-
blema additum: Arrecta attentior aure. Quod ut planius ac
plenius intelligatur: breviter tum de auditu, tum de auditoris
officio dicendum videtur. Inter reliquos sensus, quos summus
ille rerum opifex Deus animantibus, tum salutis quarendae &
conservandae, tum exitij cavendi & avertendi causa tribuit,
principatum obtinent visus & auditus: quae propterea eadem de-
signatae ab antiquis ab Aristotele appellantur. Ex his vero duo-
bus uter sit praestantior, dubitari fortasse possit. Nam si vita
commoda atque disciplinarum inventionem spectemus, Aspectui:
sive-

si verò artes atq. scientias jam quasitas & inventas, quæ opini-
onum sententiarumq. communicatione indies augeri, & magis
magisq. perfici possunt, consideremus, Auditui prima deferenda
videntur. Nec sanè immeritò. Nam & Aristoteles auditum
αὐδῆσις τῆς τοῦ λόγου λέξεως, id est, disciplina sensum appellat: quasi in-
strumentum disciplinis & tradendis & percipiendis imprimis
accommodatum. Deinde experientia docet, cacos mutis sur-
disq. plerumq. prudentiores esse: quia aures ad scientiam plus ad-
jumenti quam oculi conferre soleant. Atq. hac causa fuit (in-
quit Plutarchus) ut parentes liberos suas amanter complexi, eo-
rum aures inprimis exoscularentur. Sic enim illos ea parte ma-
ximè proficere posse significabant. Sed de præstantiâ hujus sen-
sus aliàs commodior erit dicendi locus. Iam instrumentum au-
ditionis paulisper aspiciamus. Aurium introitus extrâ sibi
appositas habet auriculas, quæ & externas injurias arcere, &
appulsas voces commodius excipere ac retinere queant. Atq.
hæ quidem homini ferè sunt immobiles, quùm quoties libet aut
opus est, eas obtegere atq. vestire possit. Cæteris animanti-
bus, ratione & instrumento rationis, hoc est, manu carentibus
mobiles auriculæ, quæ faciliè & deprimi & attolli possent, à na-
tura tributæ sunt. De cervis memoria proditum est, eos demis-
sis auribus tardioris & hebetioris auditus esse, siquidem exter-
ni aeris appulsus obstantibus auriculis, in aures influere neque-
at: sed arrectis auribus acerrimè audire. Hujus animantis
imago & exemplum, Adolescentes suavisissimi, admonet nos de
officio attentis auditoris: quod quidem in eo positum est, ut men-
tem erectam & aures attentas ad præceptorum explanatio-
nes, ad eruditæ disputationes & orationes, secum asserat. Ni-
hil enim homini studioso utilius & fructuosius, quàm multa
discere: nihil facilius & jucundius, quàm multa audire.

Magna

Magna quidem varia lectionis videtur esse utilitas & voluptas: sed auscultationum jucunditas multo major, fructusq; longè uberior est. Nam ut proverbio dicitur, ῥῶς ης φωνῆς μαζωρ ἐστὶ πέλους, id est, viva vocis longè major est vis. Hac enim penetrat in animum, eumq; magis excitat, atq; etiā ab aliis cogitationibus, quæ legenti plerumq; obstrepere solent, avocat. Itaq; & facilius menti adherescunt, & firmitus imprimuntur, & diutius retinentur, quæ attentè audiveris, quàm quæ legeris. Deinde magis animos exempla quàm præcepta movent, longèq; gravior viventium quàm mortuorum est autoritas. Contra verò lectio est muta, nec mentem satis penetrat: quin immò, si pertinacius continuetur, legenti languorem affert. Nec sanè studiosis adolescentibus quidquam tam incommodat, quàm assidua inter libros delitescendi consuetudo, & publicarum auscultationum & congressuum neglectio. Nam interim jacet rerum usus, solertissimus vita humana magister, qui multa monet, multa docet, quæ nec in scholis & Academiis, neq; in privatis & solitariis Museis satis agnoscì possunt. Quod cum M. Tullij Ciceronis pater intelligeret, maturè filium (ut ipse lib. 1. de oratore testatur) ad Scævola deduxit, ut quoad posset ac liceret, à senis latere nunquam discederet. Itaq; multa ab eo prudenter disputata, multa breviter & commodè dicta memoria mandavit, ejusq; colloquiis ac consuetudine & melior & doctior evasit. Verum quid hac nostrà sit ætate? Pleriq; adolescentes, quamprimum ad publicas acroases admittuntur, statim falsa doctrinæ persuasionem insolent, studium atq; industriam remittunt, monitores ac præceptores spernunt. Quo fit, ut quemadmodum Bion dixit, ἡ οὐσία sit ἐχνοὴ τῆς τροφῆς, id est, opinatio sit profectus progressionisq; retardatio & impedimentum. Sic inanis ista arrogantia facit, ut idè ad sapientiam non perveniant, quia jam se pervenisse eò existimant. Hinc tanta est bonorum ac eruditorum virorum penuria, tantus sophistarum & inuti-

*inutilium terra ponderum proventus, tantum deniq. fidelium
praeceptorum odium atq. contemptus. Quae cum ita se habe-
ant, adolescentes charissimi, etiam atq. etiam vos moneo, ut &
vestros praeceptores diligenter attenteq. audiatís: & hominum
eruditorum familiaritati & congressibus, quibus & ingenia a-
cuuntur, & mores corriguntur, & doctrina miris modis au-
getur, operam detis: atq. tandiu à praeceptoribus discendum pu-
tetis, quoad vos (ut Cicero ait) quantum proficiatis, non pe-
nitebit.*

D I X I.



Dd

GRA-



GRATIARVM ACTIO, RECITATA

ab

ANTONIO HVEBNERO
VVURTZBURG.

QUANQVAM pro beneficiis, quibus & Deo
Opt. Max. & ornatissima huic corona obstricti tenemur,
pares gratias referre haud quaquam possumus: quantas tamen
animus capere potest maximas & agere & habere debemus.

Primum igitur tibi, eterne, ac prapotens omnium rerum
moderator Deus, gratias agimus, & habemus immortales, quod
hanc regionem, hocq; virtutum & doctrinarum domicilium,
ejusq; autores & patronos, ab omnibus bellorum, incendiorum,
morborum ac tempestatum periculis, & calamitatibus, haec-
tenus defenderis: & vero, quacunq; ad studia literarum, ad com-
munem usum, vitaeq; cultum pertinebant, liberaliter, ac abun-
dè sup.

de suppeditariis. Da hoc queso bonitati tua, ut in posterum quoque inter horribiles procellas, sevasque tempestates, quibus orbis Christianus jactatur, hanc literarum sedem tuearis, & pro tua in nos benignitate, efficias, ut muneribus & officiis nostris quietè fungamur: atque ita vivamus, ut vite rationem tibi simul & hominibus aliquando reddere possimus.


Deinde vobis, amplissimi ac prudentissimi Domini Scholarcha, vosque reliqui Academia hujus patroni nobiliss. & clariss. vobis, inquam, gratias maximas agimus, non solum pro eximia in nos totamque hanc Academiam liberalitate & munificentia: verum etiam pro honorifica vestra presentia, qua hanc panegyrim exornare atque illustrare haud gravati estis. Et quoniam in rebus humanis nihil est tam bene constitutum, quod non vel temporis longinquitate, vel hominum iniquitate deterius fiat, nisi assiduâ curâ atque diligentia sustentetur ac cõservetur: idcirco quemadmodum nauta ad verso flumine, ac vento, navim remis impellens, nihil de sua industria summaque contentione unquam remittit: sed ibi vehementissime brachia contendit, ubi cursum amnis incitatissimum, ventumque violentissimum animadvertit: ne videlicet impetu illius abreptus, eò quò nolit, deferatur: Sic vos, patroni summi, quibus in tutanda Academia vestra dignitate, cum humana conditionis perenni mutabilitate, contraque improbos invidie conatus contendendum est, providere & cavere debetis, ne de studio, sollicitudine, industria, qua hactenus usi estis, quicquam relaxetis: sed in eam rem omni cogitatione, curaque incumbatis, ut schola vestra, equabilem dignitatis cursum, perpetuò teneat, eumque ad divini nominis gloriam, ad Reipublicæ vestræ decus, ad commune humani generis emolumentum dirigat, atque accomodet.

Deinde gratias vobis agimus, Rector Magnifice, vosque ceteri

Da 2 pro-

professores clarissimi, praeceptores summè observandi : pro singulari vestro studio, labore, fide, & industria, quam in nobis erudiendis, & ad omnem laudem confirmandis, effingendisq; adhibuistis. Oramus porro & obtestamur vos, ut deinceps quoq; pari amore ac benevolentia nos complectamini: & verò mentes nostras sapientiâ, animos virtute, linguas eloquentiâ instruere, & ornare pergatis. Nos vicissim pro viribus connitimur, ut neq; diligentiam, neq; observantiam & honorem, neq; gratiam vobis debitam in nobis desiderare possitis. Ad extremum gratias agimus vobis, Illustris D. Comes, Inclyti & generosi D. Barones, vosq; reliqui tum nobilissimi, ac ornatissimi adolescentes: tum hospites, quotquot adestis, longè gratissimi, vobis, inquam, universis gratias agimus singulares, quod Academiae nostrae Encania vestro jucundissimo conspectu, & praesentiâ amplificare, & condecorare volueritis. Nos vicissim studia, officia, & obsequia nostra singulis pollicemur ac deferimus: & etiam atq; etiam à vobis petimus, ut orationis brevitatem & tenuitatem in bonam partem accipiatis.

D I X I.



PAN-



XVII.

PANEGYRIS ANNI

1593.

SVB RECTORATU

D. M. IOHANNIS PRAETORII

*Mathematici.**Oratio prima classis, recitata**ab**Illustri & generoso Domino, Domino**IOHANNE ALBINO SCHLICK,**Comite in Passau & VVeiskirchen.*

NEMINEM vestrum esse arbitror, Auditores
ornatissimi, qui non breuere & planum potius, quàm lon-

Dd 3

gam

gam' & futilitatis plenam orationem à me expectet. Sic enim mihi persuasum est, nihil eruditis auribus molestius, atq; odiosius accidere posse, quàm verbosam rerumq; inanem concionem. Ne igitur molestiam audiendiq; fastidium vobis afferat oratio mea, quàm brevissimè planissimeq; potero, Emblemata à Magnifico Rectore nostro mihi impositum, interpretabor: atq; ut olim in vindiciarum lite, in una gleba ad prætorem allata, tanquam in toto agro vindicare solebant: sic ego, cum paucissima attulerò, in ijs tamen pertractandis ita versabor, ut rem universam ob oculos posuisse, atq; explicasse videar. A vobis auditores humanissimi, peto quoq; ut vestra humanitatis fontes, qui cæteris adolescentibus antehac maximè patuerunt, mihi quoq; aperiantis, meq; attentè bonaq; cum venia audiatu.

Quanta sit vis, quàm multiplex utilitas honesta disciplina, & institutionis, id scitè atq; eleganter docet Nomisma sive Brabeum nostrum, in quo effigies cernitur avicula, quæ è cavea sua elapsa, fortè incidit in ramos visco illitos, quibus inherescens amplius se extricare non potuit: habetq; adjunctum hoc Emblemata: Effugiens pereò, seu Damposa libertas. Quid enim aliud est disciplina, quàm veluti septum quoddam quo adolescentē contineantur, atq; tùm laudandarum doctrinarum studiis, tanquam suavissimo saluberrimoq; animorum pastu alantur, tùm legibus & salutaribus institutis, ad officium, omnemq; honestatem informantur, & erudiantur. Ex quo jam illud perspicuum est primum præcipuumq; boni, & ingenui adolescentis officium esse, amare disciplinam, & parentibus, atq; magistratibus, Ecclesiasticis, politicis, & scholasticis obtemperare. Est enim eximia quedam virtus, & singulare bonum, obedientia, quippe, sine qua, nec cælestia, nec terrena, nec publica, nec privata munera, atq; officia rectè administrari possint. Nam, quo pacto, Solis, & Lune, cæterorumq; siderum perennis, atque perpetua motio, naturas inferiores moveret, cunctisq; vim saluta-

lutarem, maximeq; vitalem largiretur, & qua ratione signorū ortus, obitusq; definitum quendam ordinem servarent, & dierum & noctium, mensum & annorum spatia, ad usus humanos, aptè & accommodatè distinguerent, nisi universa natura opifici, ac moderatori obtemperarent? Quod regnum, qui principatus, quæ civitas, qui pagus, rectè gubernari, diuq; constare posset, si non cives ac subditi, legibus, & institutis & jussis Magistratuum parerent, honestamq; disciplinam morum probitate tuerentur? Quæ domus rectè constitui, regiq; posset, nisi uxor, liberi, servi, cateriq; domestici, patrisfamilias voluntati obsequerentur, ejusq; mandatis obedirent? Quod bellum feliciter suscipi, & geri, quod prælium iniri, quæ victoria obtineri posset, nisi milites Imperatoris, siue ducis auctoritatem siue imperium sequerentur? Quid de scholis atq; Ecclesiis dicam? num absq; disciplina conservatione statum suum integrum tenere poterunt? Minime omnium. Nisi enim auditores, vitam moresq; suos ad Doctōris siue Magistri salutarem doctrinam instituunt, atq; conforment, unà cum disciplina interitu Scholarum, & Ecclesiæ statum turbari & labefactari necessum erit. Relinquitur ergo, nullam omnino esse multitudinem, nullum cætum jure sociatum, qui absq; disciplina, & obedientia praesidiis salutem ac dignitatem suam tueri, & conservare possit. Itaq; non absq; causa Stenius exclamat:

Quid enim terrisque poloque parendi. — Sine lege manet?

Et Solon interrogatus, quæ ratione Respublica florens, & beata servari posset? Respondit: Si cives Magistratibus; Magistratus vero legibus obtemperent. Nec minus verè & eleganter Aeschylus: τῆρ πεδᾶρχ' ἰατρ τῆς εὐπραξίας μητέρα, καὶ σωτήρος γυνῆκα, h. e. obedientiā felicitatis matrē, & Servatoris conjugē appellavit. E contrario autē, quā multa mala publicæ disciplina contectus reb; humanis importet, Imperiorū ruina, rerū

publicarum commutationes, civitatum tumultus ac seditiones, scholarum turbe ac dissidia, Ecclesiarum denique distractiones & dissipationes declarant. Quæ enim natio quantumvis florentissima, illiusmodi morbo, tanquam occulto quodam veneno non infecta debilitataque fuit? Legite historias tum sacras, tum profanas, tam veteres, quam recentes: videbitis profecto, plerasque gentes contemptæ abjectæque disciplinae pœnas dedisse. Sed de his alias commodior forsasse dabitur dicendi opportunitas. Iam temporis ratio postulat, ut quantum privata disciplina valeat, dispiciamus. Privatam verò disciplinam hic appello, pulcherrimam illam morum reginam, qua duce adolescentes parentum ac praeceptorum imperio obtemperant, atque ex eorum præscripto, consilia actionesque suas dirigunt, & conformant. Atque hac quidem magistrâ, nihil adolescentiæ melius, nihil fructuosius magisque necessarium est. Nisi enim ad ingenium adolescentis diligens institutio accommodetur, non facile ullum virtutis ac doctrinae fructum feret. Nam ut ager, nisi probe colatur, sentibus ac tribulis obducitur: sic animus tenellus, nisi rectè instituatur, facilimè vitiis occupatur, atque corrumpitur. Quemadmodum verò industrius agricola, agrum noxiis herbis repurgare solet: sic recta disciplina animis adolescentum, pravæ opinioniones, & vitiosas cupiditates eripit, omneque animi desiderium, ad virtutem & sapientiam traducit & assuefacit. Sic igitur statuamus, suavissimi condiscipuli, disciplinam nihil aliud esse, nisi culturam quandam fructuosissimam, qua animi nostri probe subacti, conceptis virtutum ac doctrinarum seminibus, uberriam sapientiæ ac felicitatis segetem præferant, atque tum sibi, tum cæteris usui, & ornamento esse possint. Ex his jam consequitur & illud, parentum ac praeceptorum consiliis, monitisque singulari studio obtemperandum esse. Quæ egregia virtus, non solum nos probiores & eruditiores, verum etiam fortunatiores facit. Obedientiam enim, vita à plerisque vitiis flagitiisque
immu-

immuni, benevolentia divina & humana, prosperi optatq;
 rerum successus, & verò lucis hujus usura maximè diuturna,
 tanquam fructus pramiæ divinitus promissa, plerunq; comi-
 tantur. Contrà verò nihil turpius, ac perniciosius est, quàm
 contumacia, omnis honestæ disciplinæ neglectio, atq; contemptio.
 Nam qui rectæ institutioni parere recusat, & parentum ac ma-
 gistrorum jussu contemnit, ac præcepta negligit, is effrenata li-
 bidois plerunq; fit mancipium, suaq; dementiâ præceps in omnis
 generis flagitia, & quæ horum pœnæ sunt, calamitates & mis-
 erias incidit. Cujus rei exempla propè infinita in omnibus Aca-
 demiis, non absq; magno multorum parentum & amicorum
 dolore, animadvertere licet. Nam quotusquisq; adolescens,
 quavis domi probè institutus, in Academiis mittitur, qui inge-
 nium suum non mutet, ac potius aperiat, suisq; cupiditatibus
 frenum laxet, & quicquid libeat sibi licere putet? Et verò qui
 in multitudine, & pravitate exemplorum, in errorem & frau-
 dem capitalem, non inducatur? Quodcumq; enim exemplo fit,
 id vulgò rectè fieri putatur. Tantaq; prava consuetudinis vis
 est; ut etiam bona ingenia, & à flagitiis abhorrentia, sæpè nume-
 ro corrumpantur. Neq; ulla est Academia, in qua non reperi-
 antur amatores, aleatores, potatores, gladiatores, aliq; id genus
 voluptatum ministri, qui adolescentulis facem, ad omnem libi-
 dinem & turpitudinem præferunt, eosq; contagione sua infe-
 ctos, ac depravatos, in maximum probitatis, sanitatis, & fortu-
 narum periculum & discrimen adducunt. Nam adolescens,
 talem ducem & signiferum secutus, à conspectu & consuetudi-
 ne doctorum & benorum virorum abhorret: disciplinam fa-
 stidiosè respuit, leges contumaciter aspernatur, Magistratum
 superbè contemnit, per potationes conjeçatur, genio & libidi-
 nibus indulget, turbas rixasq; concitat, nocturnis adium oppu-
 gnationibus, & insanis clamoribus hominum quietem turbat

puerperas, ceteramq; imbecilem feminarum & puerorum, itemq;
agrotantium multitudinem perterret. Ad hac pecunias, teme-
re in res aut non necessarias, aut turpes, ac perniciosas profun-
dit, grande es alienum contrahit, iniquas solutionis moras in-
terponit, vanusq; promissis creditores ducit, datam fidem violat,
vadimonium deserit, in fugam turpissimam se conficit, ac cre-
ditoribus damnum, Academiæ molestias relinquit. Ad ex-
tremum redit domum, quàm abierat indoctior, aut nihilo, quàm
venerat, cruditor, pecuniâ per ignaviam profusâ, ætatis flore
nequiter contrito, ore vuluq; impudenti, halitu fetido, facie ci-
carricibus deformata, maxillis & faucibus meretricia scabie ad-
esis, nasoresecto aut decurtato, manu mutilata, membris tre-
mentibus: cujus conspectu parentibus mœrorem, propinquis lus-
tiam, amicis dolorem affert: & Magistratui offensionem, ci-
vibus risum commovet. Hac nimirum sunt damnose liberta-
tis premia, his prete contemptaq; disciplina fructus. Quapropter
adolescentes ornatissimi, si salus vestra & incolumitas vobis
cura est: si conscientia labem, infamia dedecus, patrimonij
naufragium evitare cupitis: si parentibus honori, amicis jucun-
ditati, Reipublicæ & Ecclesiæ emolumento esse pulchrum puta-
tis: aviculam brabeis vestris impressam crebrò aspiciite, eiq; ad-
iunctum Emblemata, etiam atq; etiam cum animis vestris cogita-
te. Ut enim avicula, quàm diu in caveis inclusa tenetur, à peri-
culis tuta & tecta est: at simul atq; evola verit, insidiarum telis
 sese proponit, atq; vel ceteris volucris prada sit, vel ab aucupi-
bus capitur, & obtorto collo necatur: sic adolescens, dum hone-
sta disciplina finibus coercetur, à vitiis plerisq; & flagitiis absti-
net: Quamprimum vero convulsis disciplina officijq; repagulis
solute liberèq; versari caperit: statim corruptelarum illicebus
irretitur, variis erroribus flagitiis & periculis implicatur.
felicis igitur & fortunatos vos adolescentes, si parentum ac præ-
ceptorum imperio, & institutioni vos totos comittatis, si disci-
plina

plina iugum, damnoſa libertati anteponaeis, idq̃, tam diu equo-
feratis animo, dum errorum & cupiditatum ſcopulos præterve-
ſti, virtutis ſapientiæq̃, portum aſſequamini, & mores vitamq̃
veſtram ex rationis præſcripto ipſi regere ac moderari poſſi-
tis.


D I X I.

O R A T I O S E C U N D A E

C L A S S I S, R E C I T A T A

ab
H E C T O R E K O R N F A I L

in V Vutmla Au-
ſtriaco.



IN Brabeo noſtro, Auditores Humaniffimi,
Imago hominis ritè ſacrificantis, ob oculos ponitur, eſtq̃ ad-
ſcriptum hoc Emblemata: Mente manuque Quod ut melius in-
telligatur, opera præcium fuerit de Sacrificiorum ritu & u-
ſu nonnihil è ſacris Bibliis delibatum in medium proferre.

Sacrificiorum originem antiquissimam esse, inter omnes constat. Nam statim ab initio mundi homines partim natura duce, partim oraculis divinis admoniti, DEO aeterno & præpotenti, rem sacram facere cæperunt. Duo autem summa sacrificandi fuerunt genera: ἱλαστικὸν & εὐχαριστικὸν. ἱλαστικὸν latine expiatorium, in quo animantibus ritè mactatis, sanguineq; fuso, hominum delicta, & errata expiabantur. Quod genus sacrificij amplius in usu non est: quippe quod Typus duntaxat fuerit vera illius hostie Christi Iesu, qui in ara crucis immolatus, iram Patris placavit, omniaq; perfecit, quæ ad gratiam, & salutem mortalibus restituendam, requirebantur. Εὐχαριστικὸν verò animi grati, acceptorumq; beneficiorum memoris testificandi causa institutum fuit: idq; vel animantibus, vel rebus inanimatis, ut thure, vino, aliisq; terra fructibus constabat. Nam aut pecudes mactabantur, aut frumentum terebatur, aut similia oleo conspersa & in sartagine frixa offerebatur, aut vinum fundebatur, quod libamen dicebatur, aut thus atque odores incendebantur, atq; adèd quibuscunq; tum mortales poterant rationibus Iehova magnificentiam celebrabant, eiq; & aëris salubritatem, & terra sæcunditatem, cæterorumq; bonorum copiam & ubertatem acceptam ferebant. Etsi autem hoc quoq; sacrificij genus obsolevisse videatur: tamen ejus expressam quandam imaginem intueri licet in novi fœderis sacrificiis, inter quæ principem locum tenet illud sacrosanctum epulum, quod εὐχαριστία & Cœnam Domini appellamus, in quo corporis & sanguinis Christi communicatione factâ, beneficia ejus morte nobis parta commemorantur, animisq; gratis celebrantur. Huc deinde pertinent preces, & gratiarum actiones, quæ pro cæteris beneficiis fieri debent. Sic enim ipse Deus Psal. 50. repudiatis antiquis sacrificiis, hunc novum sacrificandi ritum nobis commendat. Num, inquit, taurina carne vescar, aut hircinum sanguinem bibam? Fac Deo sacrificium laudis: tum rerum ad-

ver-

versarum tempore, me invoca, & te eripiam. Idem plane D. Paulus in Epistola ad Hebræos à nobis requirit : ut nempe aspiduum laudationis sacrificium, hoc est, laborum fructum, nomen ipsius celebrantium, libemus. Est porro sacrificij Christiani genus, Beneficentia & liberalitas in pauperes. Quicquid enim in homines egenos & inopes erogatur, id Christus sibi tributum ait, vicissimq; ejus amplissimam remunerationem pollicetur. Quò pertinet & sui ipsius consecratio, qua nosmetipsos Deo totos offerimus, & consecramus. Quod quæ ratione fieri debeat, docet Apostolus, ut membra necemus, nostraq; corpora, hostiam sanctam Deoq; acceptam præstemus, hoc est, acripeccatorum sensu fracti, & prostrati, ad misericordiam divinam confugiamus : naturam nostram vitiosam agnoscamus, & quantum fieri queas corrigamus, ab omni maleficio temperemus, pravas cupiditates comprimamus, & verò totum nostrum animum à sensu studioq; corporis abductum, ad nutum & imperium divini Spiritus convertamus ac conformemus. Sed longiorem de Sacrificiorum generibus orationem, neq; hic locus, nec temporis brevitās admittit. Caterum hoc imprimis attendendum est, Deum in omni sacrificio non tam externas actiones, quàm bonam mentem & puritatem spiritus spectare & approbare. Neq; enim mens illa beatissima, & purissima, omnisq; concretionis expers, vel strage pecudum, vel carniū nidore, vel odoribus & unguentis, humano artificio confectis, ducitur ac tenetur : Nec item cantibus, & precibus inaniter & sine mente fufis delectatur. Sic enim Iehova ipse apud Esaïam : Quid, inquit, mihi cum tot vestris sacrificiis ? ne deinceps inane fertum admoveate : à suffitu abhorreo. Et apud Hieremiam negat, se quicquam de sacrificiis præcepisse. At cur tandem negat, cum videamus illa tanto studio fuisse ex illius imperio præscripta ? Ut ostendas, nulla sacrificia, nullas ceremonias, nullum

omnino honoris cultum sibi probavi, qui non ex pura mente, veraq; fide proficiatur. Atq; huc spectat & simulacrum in Brabeo nostro effictum, & expressum, in quo cernitur ara, eiq; impositus ignis ad sacrificia paratus, in quem homo propè astant, oculosq; in cælum attollens, dextra manu thus inspicere, sinistra vero pectus tundere videtur. Nam primum ara symbolum est cordis humani: ignis verò mentis, quæ instar flammæ sursum exititur, atq; ad ipsum VNVM, hoc est, verum universitatis parentem Deum sese extollit. Vt enim pyramis (quæ figura igni tribuitur) ima sui parie latior paulatim in acutum tendit: sic animus humanus Dei amore inflammatus, sursum à terra fertur, suaq; acumine infinitum illum divinitatis orbem, cuius centrum ubiq; peripheria nusquam est, attingere, seseq; cum suprema sanctissimi numinis Vnitate conjungere conatur. At quoniam cum ea conjungi nequeat, nisi illi sit amicus, nec illi amicus esse possit, nisi ad ejus similitudinem sese conformet; similitudo autem illa in pietatis & sanctitatis studio, & exercitatione tota consistat: Idcirco oculis ad cælum conversis, thus incendendum, lavaq; manu pectus tundendum est. Quod pietatis symbolum, quia obscurum est, paulo distinctius & planius explicandum videtur. Perspicuum est, constat atq; inter omnes, thuris vim atq; naturam hanc esse, ut facillimè inflammetur, & odorem suavissimum emittat. Itaq; prisci sacrorum antistites, illud sacrificiis adhibuerunt, ac pietatis nostriq; erga Deum amoris symbolum esse voluerunt. Vt enim thuris fumus, ab igni & ardore excitatur: sic pietas, omnisq; cultus divinus, ab interna amoris divini flammâ suscitetur necesse est. Deus enim non lachrymam arboris, aut externi odoris suavitatem, sed animum rerum cælestium amore flagrantem postulat. Lava deinde manus, pectus tundens, nihil aliud indicat, & innuit, quàm fletu, atq; suspiriis, veraq; animorum ad Deum conversione flagitia concepta expurganda, atq; deridenda, omniq; studio con-

ten-

rendum esse, ut animus à corporis contagio avocatus, in terris
 cœlestem vitam meditetur, atq; imitetur. *Que cum ita sint*
Auditores humanissimi, etiam atq; etiam elaborare nos decet,
ut mente manuq; hoc est, non externis, duntaxat gestibus, sed
multò magis animo à vitiis, pravisq; cupiditatibus repurgato,
& pietatis atq; amoris divini sacbis inflammato, ad religionis
nostra sacra accedamus. eaq; oculis mentis nostre in cœlum sub-
latis, obeamus, & peragamus, ut tandem Dei Opt. Max. grati-
am & amorem, hujusq; comitem sempiternam beatitudinem
consequamur.


D I X I.



OP. A.

ORATIO TERTIAE CLASSIS, RECITATA

à
GENEROSO DOMINO
HENRICO BARONE
à VVildenfels.



IN nostro congiario, *Auditores*, expressa est
effigies & imago *Pantheræ*, cum hoc Emblemate: Allicit ut
perimat. Est autem *Panthera* bestia, à feritate & immanitate
sic appellata, facie truculentâ & terribili, pelle maculosâ, no-
tisq; orbiculatis, ac nitentibus tanquam ocellis distincta ac
variata: quæ odorem de se mittit longè suavissimum, quo reli-
quas feras ad se allicit, arreptasq; dilaniat, atq; devorat. Quo
simulacro voluptas, domina blandissima, depingitur: quippe
quæ simili modo homines illecebris suis delinitos, toto impetu ad
se rapere soleat. Neq; verò omnis voluptas in vitio ponenda,
fugiendaq; est. Sunt enim quedam animi delectationes, quæ

ex scientia, & contemplatione rerum, atq; ex virtute recteq; factorum conscientia capiuntur: quæ tantum abest, ut sint aspernanda, ut omnibus modis expetenda esse videantur. Quædam verò corporis sunt oblectationes, quæ à sensibus oriuntur. His quatenus frui liceat, quæ non diligenter nobis cogitandum est. Quæ enim ex aspectu, odoratu, & auditu hauriuntur, minus sunt obnoxie turpitudini: dum modo in his certa ratio, moderatioq; adhibeatur. Nam qui perpetuo niter unguentis, aut ambrosios odores sumtuosius consecratur, aut oculos picturarum & imaginum varietate impensius oblectat, aut musicis concentibus, neglecto præsertim officio, nimio perè vacat, is in vitio est, gravemq; reprehensionem merito incurrit. At quæ gustatu, tactuq; percipiuntur voluptates, omnium sunt importunissimæ: quæ nisi rationis imperio, quantum fieri possit, coercantur, hominem sæpenumero in omne scelerum & calamitatum genus concipiunt. Itaq; cum omni ætate, tum adolescentiæ in primis huiusmodi voluptates fugienda sunt. Hæc enim ætas ob sanguinis fervorem, & humorum mutationem, & importunos animi motus ad luxum, & libidinem maxime propendet, ideoq; in maximo, & probitatis, & valetudinis periculo versatur. Nam qui turpes voluptates consecratur, is primò Deum, qui ubiq; pari intervallo à nobis distat, atq; acutis scelerumq; vindicibus oculis omnia lustrat, gravissimè offendit. Deinde, animi sui statum labefactat, tantasq; menti tenebras offundit, ut nec modum à Deo, & naturæ præscriptum, nec ullum, sive decus, sive probum, sive emolumentum, sive detrimentum perspicere queat. Præterea corpori multa mala invehit: cerebrum ledit: vitales spiritus absument, nervosq; debilitat, coloris fæditatem, omniumq; virium debilitatem inducit, tandemq; præmaturum etq; acerbum vitæ interitum affert. Rarissime enim voluptuarij ad senectutem perveniunt, quippe quibus idem ferè, quod

Esf vernis

Vernis arborum floribus accidere solet: quorum pleriq; ante
 maturitatem vel erosionem vermium, vel tempestatibus pereant.
 Ad hac fama & existimationi sua labem aspergit: rem fami-
 liarem dissipat & perdit, conscientiam vulnerat, atq; ad ex-
 tremum nihil præter inustum & impressum dedecus, & gravis-
 simam pœnitendi causam, & doloris materiam uberrimam sibi
 reliquam facit. Hac nimirum est illa venefica, quæ venenum
 melle oblitum propinat: hæc est illa pulchra, belleq; depicta pyxis,
 quæ salutaris medicinae loco cicutam & aconitum continet. Hac
 est illa bestia μελανδρος, quæ blandissimo principio tetrum exi-
 tum subtexere solet: Hac deniq; est truculenta & immanis illa
 Panthera, quæ adolescentes, odoris suauitate ad se invitat, atq;
 dilaniat, hoc est, in exitium præcipites agit, & brevem oblecta-
 tionem perpetuis miseriis, & cruciatibus compensat. Quæ cum
 ita sint, Adolescentes optimi, etiam atq; etiam providete, ut fa-
 das voluptates non modo ne consecemini: sed ultrò quoq; aut
 ab impuris & improbis sodalibus oblatas prudenter declinetis
 & avertatis. Illudq; idcirco perpetuò animis vestris infixum
 habete: Allicit ut perimat, & turpi, breviquè, voluptati, decus
 virtutis sempiternum anteponite: conscientiam bonam cum bo-
 na fama conjungite: atq; adco, quantum fieri potest, cavete, ne
 turpium voluptatum vinculis constricti cò incidatis, unde aut
 nunquam, aut non absq; summa difficultate evadere possitis.
 Quin potius imitamini Demosthenem, à quo cum Laïs iniquum
 pretium postulasset, & Πειραιαι τοσότῳ, inquit, μεταμέλειαι, id
 est, tanti non emopœnitere. Cavete contra exemplum Lysi-
 machi, qui cum in Thracia, siti coactus deditionem fecisset, hau-
 stâ aquâ: ob quantillam, inquit, voluptatem, quantum decus a-
 misimus, quantam cladem accepimus!


D I X I.

ORA-

114

ORATIO QVARTAE
CLASSIS, RECITATA

GEORGIO CARLICK DE
Nezctitz, Bohemo.



INTER reliquas virtutes, quæ hominibus plurimum & commodi, & ornamenti afferunt, Auditores Ornatisissimi, non postremum locum obtinet ea modestiæ pars, quæ Græcis ταπεινότης, latinis humilitas appellatur. Hæc enim præclara est, atq; laudabilis animi affectio, seu virtus, quæ, qui præditus est, is suo se modulo metitur, atq; nec opinione, nec dictis, nec factis sibi plus tribuit, quàm aequitas postulet, ratio præcipiat, conscientia proponat. Ceteros verò siue doctrina, siue honore, aut dignitate aliquâ præcellentes, suspicit ac reveretur. Et si autem Humilitas omni ætati convenit: tamen in primis


adolescentiam decet, atq; commendat. Pleriq; enim adole-
scentes, ob sanguinis calorem, qui audaces facit, & propter im-
peritiam, temeritatemq; affectuum, sibi omnium sapientissimi
videntur, atq; ut ait Aristoteles, ne summa quidem ac diffici-
lima quaq; desperanda sibi censent: qui morbus etiam bonis in-
geniis familiaris esse solet. Quamobrem, adolescentes studio-
si, sic nobis planè persuadeamus, nullam esse virtutem, quæ ma-
jorem laudem, fructumq; uberiores afferat, quàm Humilita-
tem. Hac enim cupiditates nostras coercet ac comprimit, easq;
rationi obediens facit: hac animos à vitiis, quæ ex arrogan-
tiâ, tanquam à fonte promanant, abducit: hac amorem, & be-
nevolentiam tum à Deo, tum ab hominibus conciliat, nobisq;
ad omnem laudem, ac felicitatem aditum præmunit ac patefa-
cit. Contrà vero nihil intolerabilius, nihil Deo & homini-
bus odiosius, nihil bonis ingeniis nocentius, ac turpius est, quàm
Arrogantia. Nam qui arroganter de se sentit, ac loquitur,
suosq; unius judicio fretus, ceteros despicit, ac pro nihilo putat:
is in gravissimum divini numinis, & bonorum virorum odium,
offensionemq; incurrit, & nisi maturè resipiscat, meritas pœ-
nas superbia divinitus constitutas, tandem subire, ac perferre
cogitur. Deinde falsa persuasio, & inanis arrogantia, omnem
industriam infringit, ac labefactat. Nam qui prematuram
doctrinam, & sapientiam, opinionis errore sibi fingit: is ple-
runq; omnem curam, & diligentiam remittit, atq; vel in primo
studiorum ingressu tanquam in salebra hæret, vel certè in me-
dio cursu desicit, nec ad veram, solidamq; eruditionis & virtu-
tis laudem unquam facile progreditur. E contrariò autem qui
humiliter, ac demissè de se sentit, atq; vel nihil, vel parum se sci-
re arbitratur, is quotidie magis ad scientiæ cupiditatem exarde-
scit, & preceptorum, aliorumq; bonorum virorum ope & opera
adjutus ad altiora paulatim emergit. Atq; id ipsum Nomis-
matis quoq; nostri effigies proponit, atq; demonstrat, in qua a-
qua è

qua è fistularum latebris in altum erumpens cernitur, addito hoc
Emblemate:

Fortior è latebris emergit ad æthera virtus.

Quemadmodum enim aqua, ex longo intervallo, per latentes fistulas dimanans, cum primum nacta est exitum, magno cum impetu exilit, atq; ad varios hominum usus longè latèq; diffunditur: Ita adolescens, qui virtuti doctrinæq; de diis submisit, humiliterq; diu vixit, tandem maturitatem adeptus, è tenebris in lucem evocatur, atq; ad munera publica administrandum, obcundumq; magna cum laude adhibetur. Quæ cum ita habeant, Adolescentes suavisissimi, omni studio in eam curam, cogitationemq; incumbere debemus, ut, si nani doctrina opinione tentemur, ea animum nostrum ne invadat, & occupet: aut si jam invaserit, ut quamprimum inde ejiciatur. Nam ut vasa liquores non admittunt, antequam aer ex ijs emigret: sic quoq; nec animus noster salutaribus doctrinis imbui potest, nisi vana persuasio prius expurgetur, ac dimoveatur. Quapropter cum morbus tam pestilens, commodius depelli non possit, quam in fractione quadam animi, ac demissione: communem profectò sensum amisse videbimur, si non humilitatem omni studio colendam: arrogantiam contrà veluti pestem fugiendam, atq; vitandam esse statuamus.

D I X I.



Ff 3

PAN-

PANEGYRIS ANNI

1594.

SVB RECTORATU

D. M. GEORGII SIGELII,


Pastoris Ecclesiae Altor-
phiana.

Oratio prima classis, recitata

à

CHRISTOPHORO SCHLAVDERSPACH

N O R I B E R G.



Quamquam officium, ac munus quod mihi
nunc assignatum est, Auditores praestantissimi & huma-
nissimi, satis commode, satisq; graviter, atq; ex animi mei sen-
tentia ac voluntate sustinere me posse diffidam: Quippe com-
modi.

modisati ingenium, gravitati atas, voluntati imperitia, rei-
 proposita difficultas, itemq; metus, quem partim natura, partim
 amplissimus hic confessus mihi adfert, & auget, impedimento
 sunt: animo tamen non deficiam, aut debilitabor: nec quod cer-
 taratione & consilio mihi impositum est, id inconsulta temeri-
 tate recusabo, ac deprecabor. Nemo enim, ut opinor, tam ini-
 quus suscepti muneris mei aestimator erit, qui si quantum pos-
 sum, praestitero, quod quaedam non possim, idcirco me reprehen-
 dendum existimet. Quin sic mihi persuadeo, me in vestra
 humanitate, haud modiocrem oneris mei levationem inventu-
 rum esse: quam meam de vobis spem & expectationem ut exi-
 gui temporis attentione sublevetis, bonaq; cum venia, me
 meosq; condiscipulos audiat, majorem in modum vos oro, &
 obtestor. In congiario seu premio, Auditores, quo Amplissimi
 Domini Scholarcha me ceterosq; primi ordinis adolescentes jam
 donarunt, atq; decorarunt, viri cujusdam in sella confidentis, ac
 duorum susurrorum ad aures ejus assistentium; itemq; pueri, fle-
 xus genibus nitentis, manusq; supplices sursum tendentis, simu-
 lacrum conficitur: idq; totam ad Apellis pictoris nobilissimi,
 picturam expressum & conformatum est. Hic enim calumniam
 depicturus, primò virum quendam praelongis auribus, & duas fa-
 minas, Ignorantiã videlicet, ac Suspicionem, ad latera illius ad-
 stantes figurabat. Deinde Calumniã egregiè quidem splendideq;
 comtã: sed vultu gestuq; corporis terribile, & truculentã, quip-
 pe, qua manu sinistra faciem ardentem vibrabat, dextra verò adole-
 scentem capillis prehensum. Deiq; immortalis fide obstantem secum
 raptabat. Eã anteibat vir quidã pallidus, & macilentus: sed acriter
 attentosq; oculorum sensu præditus, qui Liuvor dicebatur. Ade-
 rant præterea in comitatu, alia quaedam muliercula, nimi-
 rum, Insidia, Dolus, Fraus, Proditio, quarum hortatu
 domina, ad quidvis audendum incitabatur. Ad
 extre-

extremum pœnitentia, virgo, pulla veste induta, habituq; planè lugubri & capite reflexo, veritatem è longinquo venientem cum lachrymis ac pudore excipiebat. Ecce tibi veram expressamq; calumnia effigiem: ex qua facile perspicias, nullum hominum genus, ut detestabilius, ac perniciosius, ita nec frequentius, aut acceptius esse, quàm Sycophantas & calumniatores: & nihil esse tam sanctum, atq; sincerrum, quod calumnia telis non sit propositum. Ceterum ut hujus criminis turpitudine penitus pernoscatur, opera pretium est, quidnam illud sit, & unde existat, & quam latè pateat, breviter perquirere, & investigare. Calumnia quidem variis modis describitur. Nonio, est mendax, & malitiosa infamatio. Ciceroni, est nimis callida, & malitiosa juris interpretatio. Et Martino Iurisconsulto autore, calumniari dicitur, qui falsum crimen intendit. A Luciano calumnia definitur accusatio, quæ reo absente, & ignorante, facta, alteraq; tantum parte audita, contradicente nemine, creditur. Verùm vox διαβάτης latius patere videtur, quàm ut harum descriptionum angustis comprehendatur. Nam in genere significat criminari, seu verè, seu falso, seu palam, seu clanculum maledicere, obrectare, in odium atq; invidiam adducere. Itaq; rectè Calumniator (ut puto) non solum appellabitur is, qui alterum falsò accusat, aut leges malitiosa interpretatione ad privatum commodum, & adversarij incommodum detorquet: sed etiam qui quacunq; alterius scripta, dicta, & facta, de industria pervertit, atq; in deteriorem partem interpretatur: quiq; maledictis tam absentes, quàm præsentis, nocendi causa figit & vexat. Sed undenam tam effrenata calumniandi libido? Qui hujus turpitudinis ortum è sacris literis repetunt, ejus autorem statuunt principem illum omnium scelerum architectum Diabolum, qui omnem veritatis, justiciæq; amorem, ac studium in hominum animis opprimit, & extinguit: atq; nefarias mentiendi calumniandiq; cupiditates excitat & in-

& inflammat. Verùm qui propiores indagant caussas, Calumniam *φιλονεικία* & invidia filiam esse ajunt.

Qua duo vitia longè turpissima sunt, maximisq; incommodis omnem vitæ rationem perturbant. Etenim insanus amor sui, & qua ex aliena, quam tibi potius censeas debere, felicitate percipitur agritudo, animum hominis non solum teterribus tenebris circumfundunt, ut neq; ad verum videndum, neq; ad rectè agendum, vires efficaces habere possit: sed etiam eum ad aliorum hominum perniciem armant, & instigant. Nam qui aliis antecellere cupit, sibiq; plus, quàm par sit arrogat, is ceteros non modo contemnit & pro nihilo putat: verùm etiam de existimatione eorum præsertim qui aliqua re vulgo præstant, detrabere, & vero virtutem, ac felicitatem ipsorum opprimere, aut certè imminuere & obscurare conatur: usq; adèò, ut neque familiaritas, neq; propinquitas, nec ulla deniq; conjunctio à tam immani ac detestabili scelere eum avocare possit. Hinc odia, inimicitia, insidia, omnisq; generis scelera, quæq; horum comites sunt, infinitæ calamitates. Quod si igitur procreatrices istæ, tot mala rebus humanis important, quid de earum sobole Calumnia, quæ suam nativam labem multiplici improbitatis accessione cumulat, sperare liceat? Nam reliqua duæ pestes non infinite feruntur, nec quosvis sine discrimine invadunt: & deniq; si non alio remedio, saltem fuga declinari, & evitari possunt: At Calumnia nullis regionibus, ac finibus sese continet; sed in omnes terrarum oras, virus acerbitalis suæ longè lateq; diffundit. Maledictum enim simul atq; jaectum est, instar sagittæ evolat, & absentem, in quem mittitur, antè vulnerat atque occidit, quàm sentiat: neq; ulla medicina morsibus ejus præcavendis, & avertendis inveniri potest. Itaq; Medius Alexandri Magni Parasitus, sectatores suos monebat, ut audacter quemvis morderent, quod, tamen si vulnus consanasset,

vulneris tamen vestigium cicatrix esset remansura. Qued si
hec immanis bellua inter privatos duntaxat, & plebeios homi-
nes politioris humanitatis literarumq; rudes versarentur, mi-
nus fortasse mirandum foret. At eam in Politias, & Scholas
& Ecclesias irrepsisse suaq; tabifica lue homines etiam eruditos,
& publica autoritate pradtos inficere, id verò maximopere &
admirandum & dolendum est. Etenim (ut singulos ordines bre-
viter, atq; exæcis operulustremus) an non in aulis principum
Sycephanta frequentissimi reperiuntur, qui ut principibus sese
insinuent, & opes atq; honores, quos furentur appetunt, facilius
consequantur, falsis criminationibus bonos viros in invidiam,
& odium adducunt? In foro deinde, & judiciis, quanta sit Ca-
lumnia vis, quanta accusationum, & criminationum acerbitas,
quàm crebro iudex vel gratiâ delinitus, vel potentia fractus,
vel pecuniâ adulteratus falsum decernat, quàm sæpè falsi fictiq;
testes subornentur, nemo est, qui ignoret. Sed neq; Schola & A-
cademia, in quibus mansuetiores Musa florere debebant, nesa-
ria ista turpitudine vacant. Quàm immoderata enim maledi-
cendi libido, hac nostra tempestate animos quorundam velut
morbus quidam persuasit, argumento sunt virulenta eorum
scripta & dicta, qui conviciis, & contumeliis sese mutuo lacer-
sunt, & lacerant, & alter in alterum non tanquam in hominem
literis deditum, sed velut in barbarum immanissimum, ac te-
rerrimum hostem acerbissime invehitur: quasi nulla opinionum
contentio, & comparatio, nulla veritatis investigatio, absq;
alterius dedecore & ignominia fieri possit. Inter Theologos deniq;
tantus ubiq; nunc furor exarsit, tanta odiorum acerbitas inter-
cessit, ut alius alium, quem vel dogmate, vel ritu aliquo externo
leviter disidentem animadvertit, contumeliosissime stylo, &
voce persequatur: eūq; nō conversum, sed eversū non emendatū,
atq; etiā funditus de medio sublatum cupiat. Quæ immanitas,
quàm calamitosa, ac funesta pleriq; Ecclesiis accidat, id mani-
festi-

festius est, quam ut rationibus, aut exemplis demonstrari deberat.

Adq; adhuc, quàm longè lateq; Calumniæ dominatus pateat, breviter ostendimus. Reliquum jam est, ut qua ratione tam truculenta bestia coercenda, aut cavenda & evitanda videatur, difficiamus. Nulla, ut opinor, gens & natio unquam fuit, quæ Calumniæ leviter ferendam, ac non potius acriter vindicandum, reprimendumq; existimarit. Itaq; tam varia, & diversæ pœnarum genera in eam, à variis constituta reperiuntur. Calumniatores enim vel talionis pœna affectos, vel in insulas amandatos, vel grandi pecunia mulctatos, vel in crucem sublatos, vel loris casos, atq; per urbem circumductos, in exilium pulsos esse, ve eis linguam exactam, vel caput abscissum fuisse, partim historici, tam sacri quam prophani, partim Iurisconsulti literis prodiderunt. Sed præter hanc severitatem, quam leges postulant, philosophia leniores quasdam Calumniæ effugiendæ, rationes commonstrat, è quibus nonnulla per quam breviter perstringenda videntur. Ac primum quidem magnopere nobis elaborandum est, ut vitam honestam, omniq; turpitudinis expertem agamus, & verò cum bona conscientia, bonâ quoq; famam jungamus. Sic nimirum aut nulla, aut certè leviora atq; hebetiora Calumniæ tela, in nos conficiuntur, quæ quidem animo benè conscio foriter contemnenda, & pro nihilo ducenda sunt. Pusilli namq; est animi, ut inquit Socrates, maledicos & nugatores & eos, qui illis aures præbent, curare præsertim si tibi sis nullius delicti conscius. Deinde moderandum est lingua, ne ad Calumnias & obrectationes præceptus feratur. Nam qui ferociter maledictis in alios irruit, mutua convicia, & contumelias expectet, necesse est, *ἐπὶ τοῦ κ' ἔτι καὶ ἄλλος τοῦ κ' ἐπαυεῖται*, ut Homerus ait.

Sic benè vis dici caveas maledicere: qualis

Clamor adit sylvas, talis & inde redit.

In primis verò cavendum, ne absentibus detrahendi causa maledicè, contumelioseq; dicamus. Nam qui adsunt, & audiunt, non solum pejus de nobis existimant, sed plerumq; etiam qua audiverunt, spargunt, atq; disseminant, aut ad illos ipsos, quibus maledixeris, deferunt, & vel σοφιστικῶς ea mutilant ac diminuunt, aut συνοφρυτικῶς exaggerant atq; amplificant. Quibus rationibus non solum in summum odium, sed etiam non raro in extremum honoris, ac salutis discrimen adducimur. Quamobrem de absentibus aut benè loquamur, aut si aliquorum vitio id non liceat, Demosthenicum illud usurpemus : ἐπαίνῳ μὲν ὁ δύνάμει, καὶ γὰρ δ' ὁ βέλομαι, Laudare non possum, vituperare nolo. Ad extremum summo studio providendum nobis est, ne criminationibus, & calumniis temerè fidem adhibeamus. Nam istiusmodi credulitas, non solum in vitio est, ac, perquam affinis stultitiæ, hominum vanitatem, fraudes, & insidias, non attendentis, verùm etiam sæpenumero perniciem & exitium affert : id quod plurimis exemplis, si tempus ferret, probari possit. Itaq; in audiendis criminationibus primò etiam atq; etiam considerandum est, quis dicat ? num vir bonus, prudens, amicus, atq; id genus alia. Deinde quid dicat, utrum id cum honestate, rectaq; ratione consentiat. Tum, cur dicat, utrum suum, suorumq; commodum, an aliorum incommodum spectet. Sed longiorem rei propositæ explanationem temporis brevitās non admittit. Cum igitur & calumniari, & calumniis aures præbere fidemq; adjungere, æquè vitiosum atq; perniciosum sit : danda nobis est opera, ut utrumq; pariter fugiamus, ac devitemus, atq; ad eò non solum linguam refrenemus, ac contineamus, sed etiam animos nostros prudentiæ, atq; innocentie præsidio, ita muniamus, ut nullum calumnie virus aures, mentesq; nostras occupare, atq; pervertere possit. Obsignabo hanc orationem memorabilis sententia Herodoti, quam & Basilii Magni usurpavit in epistolis. Detractio (inquit apud Herodotum in


Polymnia (Atabanius) res est deterrima: in qua duo sunt, qui injuriam faciunt: unus cui injuria fit. Qui enim calumniatur, in eo est injurius quod non accusat praesentem: Qui detrahenti credit, is eo est injurius, quod prius credit, quam habeat rem compertam: Et cui detrahitur absenti, huic ob id fit injuria, quod ab altero, ut malus infimulatur, ab altero talis esse putatur.

D I X I.

O R A T I O S E C V N D A E C L A S S I S, R E C I T A T A

A

C H R I S T O P H O R O F V R E R O
N O R I B E R G.



Q*uanquam natura brutis animantibus
rationem, & orationem denegasse videatur, eaq; idcirco*
Gg 3 αλφ.

ἄλογα dicantur: tamen simulachra quædam rationes, memoria ac providentia ipsi inesse, nemo, ut opinor, facile negaverit. Quis enim ignores, quanta solertia, & quàm multiplex virtutum ac virtutum imago, non solum grandioribus bestiis, ut Elephantis, Leonibus, Equis, Canibus atq; id genus aliis, verum etiam parvis animantibus, ut apibus, araneis, bombycibus, ac similibus insit? Itaq; natura genus Aristoteles lib. 8. de historia animalium: Sunt in plerisque (inquit) animalibus vestigia morum, animi humani inest humanitas, immanitas: Clementia, acerbitas: fortitudo, ignavia: metus, fidentia: ira, malitia: atq; etiam prudentia imago inest in multis. Inter cetera verò, insigne virtutis vestigium, in Aquila, nostro brabeo impressa, cernitur, de qua Crates Pergamenus, & Stesichorus Poëta hoc exemplum memorialiterq; prodiderunt. Cum aliquando complures messoris sit, ut sit, laborarent: quendam è suo grege aqua haurienda causa ablegarunt: qui cum ad fontem pervenisset, fortuito incidit in aquilam, cum immani serpente acerrimè colluctantem cumq; animadverteret Aquilam artissimè circumplexatam de vita periclitari, intertrepidè accurrit, & falce messoria serpentem dissecuit, alitemq; ab interitu vindicavit. Tum è fonte vicino, aquam hausit, atq; ad suos reversus, potum singulis ministravit: cumq; jam & ipse libiturus, urceolum ori admooveret: ecce improvise advolavit Aquila, eiq; poculum è manibus excussit. Messor ira incensus, dum aversa velut ingratam, acceptiq; beneficii immemorem execratur: interim socios suos extremo spiritu exangues concidere, & mori videt. Ex quo, ille & fontem veneno à serpente infectum, & sibi gratias ab Aquila cumulatissimè relatus esse, intelligit. Hoc egregio exemplo, Adolescentes studiosi, admonemur de pulcherrima virtute, qua jucunda accepti beneficii memoria, cum remunerandi, referendiq; studio conjuncta continetur: & recenti, vocabulo Gratiitudo, a veteribus Gratia, & Gratus animus, itemq; Pietas appellat.

pellatur. Hac autem tū Deo Opt. Max. tū hominibus, bene de hominum genere meritis debetur. Et si enim nullam partem divina in nos liberalitatis non modo referendā, sed ne cogitandā quidem gratiā consequi possumus: tamen gratias ei persolvere dicimur, cum ipsius beneficia assidue in mentem revocamus: bonitatem ejus gratis, animis, verbisq; prosequimur: & vitam, moresq; nostros ad ipsius voluntatem conformamus, & deniq; ex bonis divinitus in nos collatis quosdam veluti rivulos ad reliquos homines dimanare patimur. Cujusmodi exempla in sacris literis, praesertim in hymnis Davidis vatis sanctissimi, Regisq; potentissimi, ad imitandum posteris relictā inveniantur. Quod verò ad gratiam hominibus persolvendam attinet: primus locus debetur parentibus: nam horum opera in hanc lucem suscipimur, singulari cura enutrimur, multiplici labore educamur, omniq; beneficiorum genere ab ijs afficimur, & cumulamur, quos propterea praecipuo quodam studio colere & observare, omniq; pietate prosequi debemus. Quod si enim Ciconia solā natura incitatione parentes suos senio confectos alit, & quoties migrandi postulat necessitas, eos humeris suis inter volandum sustinet: quod si Merops, quamprimum per aetatem volare potest parentibus suis in specu latentibus victum conquirat, ac subministrat: quanto magis homo, cujus animo, divina legis, atque rationis effigies impressa est, erga parentes suos gratum & piū sese praeberē debet? Atq; talis quidem fuit Atheniensis filia, qua patrem extrema aetate in carcerem conjectum fameq; necandum, uberibus suis diu lactavit & aluit. Et Roma (autore Plinio) puerpera quadam matrem suam vinculis constrictam, caputisq;

sup

supplicio afficiendam, lacte suo clam nutritum tantisper, dum custos carceris id resciceret ac patefaceret. Quod pietatis exemplum Magistratui tantam movit admirationem, ut non modo matrem e carcere dimiserit, verum etiam utriq; perpetua alimenta curaverit, atq; etiam locum illum Pietati consecrandum censuerit. Consimile est exemplum apud Lyncurgum, de duobus adolescentibus Catanais, qui ceteris bonis omnibus relictis, solum parentem suum per medias Aetnae flammis humeris suis extulerunt. Sed plura exempla persequi infinitum foret. Alter deinde gratiarum locus debetur cujusq; honestae disciplina magistris, ac praeceptoribus, qui salutaribus praeceptis, ac monitis animos nostros informant, atq; ad virtutem & sapientiam, omneq; officij munus instituunt & erudiunt, ac propterea animorum parentes à veteribus verè appellantur, qui tanto majorem gratiam ijs persolvendam existimarunt, quanto animus corpori praestat & antecellit. Et Aristoteles, τῆς φιλοσοφίας, inquit, κοινὴν πασι τιμὴν ἰσορροπὸς εὐκλὴν γένοιτο. Itaq; ut animum gratum erga Platonem praeceptorem testificaretur: aram ejus nomini exstruendam, statuamq; consecrandam curavit, in qua inscriptum erat, Hunc esse illum, quem merito omnes probi commendare atq; imitari debeant. Sed Græca audire praestat:

Βωμόν·ἀριστοτέλης ἰδεύσατο τήνδε πλάτωνος,
ἀνδρὸς ὃν εὖ δ' αἰνέειν τοῖσι κακοῖσι δέμῃς.

Hoc est:

Hæc ab Aristotele est diva ara locata Platoni,

Quem vel laude, nefas, si mala lingua vehat.

Alexander Magnus tam gratus in Aristotelem praeceptorem fuisse fertur, ut eum non minus, quam patrem Philippum amaverit, quod ab hoc vivendi, ab illo bene vivendi rationem accepisset. M. Tullius quam gratus erga praeceptorem A. Lici-
nium fuerit, testatur oratio, quam pro ipso habuit. Trajanus
Plutarchum in tanto honore habuit, ut eum Roma consulem cre-
arit.

arit. Marci Antonini optimi Imperatoris tam eximia in preceptores fuit pietas, ut ipsorum imagines aureas in larario reconditas asseruaret, eorumque sepulchra hostiis, ac floribus exornaret. Gratianus Cæsar Ausonium Gallum consulem fecit, aliisque beneficia maxima in eum liberalissime contulit. At quorsum hac exempla? quorsum? ut adolescentes intelligant, nulla merita pluris aestimanda esse, quam qua ad animi decus & honestatem pertinent: ac proinde, si non maiorem, atque æquè magnam preceptoribus atque parentibus gratiam deberi. Cum enim in rebus humanis nihil illustrius, nihil pulchrius & optabilius sapientiâ, & virtute, & qua utriusque comes esse solet, felicitate: consequitur profectò, nemini mortalium nos ætioribus vinculis ad gratias persolvendas, obstringi, quàm ijs, qui ad tam præclara animi bona adipiscendū duces atque autores nobis extiterunt. Iam sit præstātius, nihil porro in parentū numero habēdi quoque sunt Magistratus, qui Rerum publicarū, Scholarū atque Ecclesiarū salutem, & dignitatem consilio, ope, & operâ tuentur, amplificanti, atque conservant: Ideoque grata mente, singulari observantia, summoque studio colendi, & observandi sunt. Postremò grati animi officia ijs etiam præstanda sunt, qui aliis beneficiis, quibuscunque nos affecerunt & ornarunt; elaborandumque in primis est, ut munus siue donum acceptum pari & æquali, aut etiam maiori dono remuneremur. ὡς τὸ τὸ μέτερον καὶ λόγιον, ut est apud Hesiodum. Quod si enim (ut Cicero ait) agri fertiles multo plus afferunt, quàm acceperunt, quantò magis nos beneficio provocati, vicem rependere debemus? Et certè quo quisque honestiori est animo, eo cumulatiùs gratiam referre conatur. Ideoque veteres tres finxerunt Gratias, quarum una oculos aversos, reliqua adversos habeant: atque illa quidem de beneficio collato, hæc verò de duplici gratiâ referenda nos commonefaciunt. At quaret quispiam: Quid? Illi quibus aut nulla, aut pertenuis

sunt facultates, poterunt ne gratiam bene de se meritis referre?
Non difficile id quidem fuerit, si cogites, non uniusmodi ac simp-
plicem, sed variam atq; multiplicem beneficij referendi ratio-
nem esse: Neq; enim existimandum est, in remunerationibus
singularia quadam summaq; munera requiri: quale Darius Rex
Persarum Sylosoni, nempe pro veste olim donata, imperium Sa-
mini: Et Iulius Caesar pro aque haustu fertiles agros: Et Ludovicus
Imperator pro rapâ aureos nummos, dedisse fertur. Sunt enim
hæc $\chi\rho\varsigma$ ex $\chi\lambda\lambda\epsilon\tau\omega\mu$, ut est apud Homerum. Sed sic statuendum
est, virtutis huius amplitudinem anxio potius, ac voluntate
æstimandam, ac definiendam esse, quàm externis illis donis atq;
officiis, quæ gratitudinis quidem nota atq; iudicia sunt, ipsa ve-
rò gratitudo non sunt. Itaq; nemo tam tenuis & afflictæ con-
ditionis est, quin alterius benignitate provocatus gratum sese
præbere possit. Nam vel sine re voluntas à bonis viris proba-
tur, & grati memorisq; animi significatio; non minima remu-
nerationis pars existimatur. Quàm necessaria verò hæc vir-
tus sit, Athenienses olim optime mihi perspexisse videntur,
qui sanum Gratiis in media urbe dedicarunt, ut nempe signifi-
carent, omnem civilis societatis rationem, Gratiarū quasi quo-
dam numine contineri. Nullum enim firmitus concordia vin-
culum inter homines cogitari potest, quàm grata mentis remu-
neratio, & studiorum officiorumq; vicissitudo. Gratia namq;
gratiam parit, & animos alios ex aliis necit, & universos de-
niq; cives singulari quadam benevolentia, & charitate inter se
devincit, & conglutinat. Adhæc ipse Deus egregio premio
proposito, ad huius virtutis studium nos allicit & invitat. Nam
in primo Legis capite, quod hominum convictum ac societatem
spectat: Parentes (inquit) colito, ut diu vivas in terra, quam ti-
bi Dominus Deus attribuet. Par enim esse videbatur, ut, qui
gratus esset in eos, per quos vita communi frueretur, in ea ipsa
vita diutissimè permaneret. Unde colligitur hominibus gratis

nunquam deesse premia, sed eos plerumq; eodem bonorum genere divinitus cumulari, quorum memoriam & gratè, & piè conservarunt. Quæ cum ita sint, Auditores, omni studio commendandum nobis est, ut inprimis Deum, perennem atq; æternum omnium bonorum fontem, deinde parentes ac præceptores: tum Reipublica, Scholarum, & Ecclesiarum curatores: & deniq; cæteros mortales benè de nobis meritos, libenter diligenterq; colamus: beneficia eorum agnoscamus, ac prædicemus: & quacunq; ad gratiam singulis si minus referendam, certè habendam agendamq; pertinent, studiose faciamus: ut non minus verè, quàm honorificè illud Virgilij de nobis prædicari possit:

Et bene apud memores veteris stat gratia facti.

D I X I.



Hb 2 ORA-

ORATIO TERTIAE

CLASSIS, RECITATA

A

NICOLAO TAVRELLO.



Perspiciuum est constatq^{ue} inter omnes, Auditores humanissimi, omnem solidam, perfectamq^{ue} scientiam tribus potissimum rebus contineri: Naturâ, doctrinâ, & exercitatione. Naturam appello ingenium, hoc est, tum vim quandam à natura nobis insitam, atq^{ue} ingeneratam, quâ sumus idonei ad quidvis cognoscendum, ac percipiendum: tum incredibilem quandam sciendi cupiditatem, qua animus noster tanquam stimulo incitatus multa conatur, multa molitur, & quod mirandum est, singulari quadam solertia effingit, atq^{ue} perficit. Hinc videas passim, à rudibus nullaq^{ue} arte excultis hominibus in natura obscuritate, in vitâ & moribus, in numeris & sôis, in Geometria ceterisq^{ue} id genus rebus, ea sæpenumero animad-

verti

verti atq; notari, quæ alius nemo, quantumvis è scholâ politus, facile attenderit atq; perspexerit. Aratus Solensis (de quo Cicero lib. 1. de Orat. meminit) Astrologia ignarus, numero pœtico versûs, Astrologiam elegantissimè tractavit. Sic Nicander Colophonius ab agro remotissimus, solâ ingenij vi & industriâ excitatus, de rebus rusticis præclarissimè scripssisse fertur. Sed ne longius abeamus, intueamur pueros (nam in his natura indicia melius deprehendi possunt) an non perpetuò quodam agendi discendi ve desiderio incitantur? nonne rebus novis detinentur? spectaculis gaudent? colloquiis delectantur? argumentis facile ducuntur, atq; cum aliis disputant? idq; duce natura absq; ulla arte faciunt. Veruntamen quamvis hæc ita sint, animus tamen compagibus corporis inclusus, atq; errorum tenebris circumfusus, quid in quâq; re verum sincerumq; sit, planè atq; omninò perspicere non potest: Idcirco opus fuit lumine, quo oculus mentis illustratus & longius prospiceret, & penitus omnia pervideret atq; cognosceret. Atq; ad hanc rem viri summi maximòq; ingenio præditi omne suum studium, operam, laborem atq; industriam contulerunt: partim necessitate compulsi, partim admiratione adducti, partim deniq; utilitate, gloriaq; studio excitati, atq; inflammati. Cum igitur hi omnium rerum naturas incredibili mentis sagacitate, atq; solertia pervestigassent: quid in quoq; earum genere præstantissimum, quid cognitione dignissimum, quid usibus nostris commodissimum maximeq; necessarium videretur, diligenter annotarunt, & certa ratione præceptisq; ad usum vitæ accommodatis, conformarunt, posterisq; tradiderunt. Ejusmodi verò præceptiones, in unum collectas, methodoq; descriptas, appellarunt Artem, in qua si animus studiosè, attentèq; versetur, eam assiduâ exercitatione vel ad verum, vel ad adumbratum vitæ usum accommodet, sit tandem, ut certissimâ viâ, quò tendit perveniat: aut cer-

et ab eo, quodcumq; sibi proposuerit, minus aberret. Quod si igitur tria illa adjumenta ad uniuscuiusq; artis & scientia cognitionem requiruntur : quid faciendum erit ijs adolescentibus, quibus non discendi cupiditas, sed vel ingenij bonitas, vel institutionis commoditas deest? Id ipsum pulcherrima docet Brabeum nostrum, in quo Sycomorus Aegyptia cernitur, eiq; ascriptum hoc Emblemata : Defectum industria supplet. Est vero Sycomorus (ut à Dioscoride ac Plinio describitur) arbor procera, patulis diffusa ramis, ficui persimilis, & foliis moro proximi: abundans lacte: quaq; quotannis ter quaterve fructum ferat, non ramis sed caudici adnascentem, eumq; copiosum, sed immaturum & insipidum, quiq; non maturescit, nisi aut ungue aut ferro confricetur. Itaq; phyturgus ei appositus conspicitur, qui è pomis cultro incisus, lac eliciat, efficiatq;, ut citius maturitatem assequantur. Quorsum igitur hujus arboris effigies spectat? ut intelligamus, industriam cum ceteris in rebus, tum maxime in studiis literarum plurimum valere: nec ullius ingenium esse tam tardum, & infelix, quod diligentiae & laboris assiduitate, ex inscitia salebris eluctari, atq; ad aliquam doctrinae laudem pervenire non possit. Quanquam enim natura, quod in quoq; rerum genere praestantissimum habetur, id maximis pierunq; difficultatibus circumseperit: animo tamen forti, atq; industria nullaproprsus difficultas reformidanda, nullus labor, quantumvis durissimus fugiendus est. Nihil est enim tam obscurum tamq; difficile, quod curâ, attentione, studioq; inflammato pervestigari non queat. Hinc praeclare Philemon: Nihil est, inquit, quod invenire non possis, modo querendi molestiam perferre ne recuses. ἄπειρ δὲ τὸ ζητῆμα ὃ ἐξευρίσκειται, inquit ALEXIS, αὐτὸ μὴ προαποσῆς μηδὲ τὸν πόνον φύγῃς. Et Menander: τῆς ἐπιμελείας, inquit, δὲλα πάντα γίνεται. Nec sanè mirum, si quidem Deus ipse laudibiles conatus atq; labores juvare & allevare, suaeq; benignitatis aura ad optatum portum pervehere soleat.

leat. Id quod Ethnici quoque non ignorarunt. Sic enim Euripides: τῷ γὰρ πονέοντι καὶ θεὸς σὺν Μαχάδαει. Deus laboranti subvenit, & opitulatur. Huc accedunt uberrimi, suavisimique industria fructus. Non solum enim quod durum fuit pati (autore Seneca) meminisse dulce est: omnisque labor & molestia incredibili voluptate pensatur; verum etiam cognitio veritatis, virtutis usus, vita tranquillitas, opes, honores, gloria & auctoritas, praeemia laborum longè pulcherrima consequuntur. Quamobrem non continuo, si quis ingenio hebetiore praeclatus sit, spem suam infringi aut industriam languescere patiatur. Siquidem praeclarum semper fuerit habitum, si prima assequi nequeas, in secundis tertiusve consistere, ut Cicero ait, Atro ne illud ipsum, quod optimum censetur, desperandum est. An non Cleanthes & Xenocrates, cum ingenio admodum hebetes tardique essent, laboris assiduitate tandem perfecerunt, ut inter summos atatis suae philosophos numerarentur? Quis nescit Demosthenem plus cura & industria, quam natura & ingenij ad dicendum attulisse? Cum enim ita balbus esset, ut primam artis suae litteram dicere non posset, & humerum indecore moveret, & clamores populi ferre non posset, & spiritu esset infirmiori: an non omnia isthaec incommoda labore diligentiaque superavit? Nam & balbutientem, calculis lingua subiectis emendavit, & motum corporis stricto gladio de lacunari supra humerum suspensio correxit: & ad fluctuum murmur ventorumque turbines de clauitans, obstrepentes populi clamores contemnere didicit: & spiritus infirmitatem, arduo ascensu ingrediendo, atque aliquid recitando levavit. Et denique, tam fuit industrius, ut si quando antelucanà opificum industria victus esset, graviter molesteque ferret. Itaque tantam eloquentiae laudem consecutus est, ut non solum Demade naturam ingenioque superiorem, sed ceteros quoque totius Graeciae Oratores longo intervallo post se reliquerit: suoque exemplo prebarit, verissime dictum esse,

ἐμελέτης τῶν λόγων ἢ φύσεως ἀγαθοί, id est, Plures studio atq; ex-
 ercitatione quàm naturâ bonos fieri. Hoc igitur præclarissi-
 mum exemplum, Adolescentes optatissimi vobis ob oculos poni-
 te & imitamini, rectisq; studiis ad laudem & gloriam contem-
 dite: atq; si minus ingenio potestis, diligentiam vobis subsidio
 comparate: ac prorsus sic statuite, non dissimilem esse rationem
 humani ingenij ac stirpium, quæ diligenti culturâ & meliores
 & pulchriores efficiantur. Nam ut Sycomorus verberibus
 pulsata, & lacerata fructuosior evadit, ejusq; pomum cultro in-
 cisum, crudoq; succo levatum maturescit atq; dulcescit: Sic in-
 genium quantumvis hebes & obtusum, si laboribus acriter ex-
 erceatur, tandem eruditionis ac virtutis maturitatem quandâ
 consequitur, hominumq; generi fructus uberes, jucundos & sa-
 lutares affert.

D I X I.



ORA-


O R A T I O Q V A R T A E

C L A S S I S, R E C I T A T A

A

D A N I E L E N O T T E L I O

N O R I B E R G.



IN nostro congiario, Auditores humanissimi,
 impressa efficitur, cernuntur duae viperae, venereo complexu
 inter se vinclae, quarum altera femella, libidine astuans caput
 maris, ori suo insertum, praecidit, & amputat: tum ipsa quoque
 gravida facta, vicissim a catulis suis alvum maternam exceden-
 tibus interimitur. Qua de re, qui plenius & planius quid co-
 gnoscere cupit, cum Aristoteles, Theophrastus, & Plinius con-
 sultare poterunt. Nos quidem hoc in loco atque hac temporis bre-
 vitate, quod summo modo ista spectet, breviter duntaxat atque
 summum considerabimus. Inter reliqua autem vitia, quae no-

hæc in viperis ob oculos constituuntur, omnium teterrimum & atrocissimum est, quod animi ingratis crimen, vulgo ingratitude, itemq; impietas appellatur. Nam qui tam nefario scelere se astringit, is beneficia, quibus affectus est, aut se accepisse negat, aut dissimulat, aut eorum magnitudinem non ponderat, aut memoriam ipsorum deponit, aut nullam pro ijs gratiam persolvit, aut deniq; maleficium pro beneficio reponit. Quæ flagitio nil hominum societati perniciosius, ac funestius, nil Deo boniusq; viris odiosius, nil turpius ac fœdus cogitari potest. Cum enim Iustitia præcipuum humana consociationis vinculum sit ac firmamentum; nemo autem justus esse possit, nisi in Deum & homines bene de se meritos pius & gratus existat; consequitur, ut, quicunq; gratitudinis, & pietatis expertes sunt omne jus officiumq; pervertant, fidem violent, libertatem extinguant: amicitias dissolvant, atque ad eò omnem generis humani communitatem oppugnent & labefactent. Atque id quidem manifestius est, quàm ut multis rationibus atq; exemplis à me demonstrari debeat. Nam qui tam tetro animi morbo laborat, is nec divinam erga se benignitatem agnoscit ac celebrat, nec patriam grata mente prosequitur; nec parentes ac præceptores colit ac observat, neq; deniq; cuiquam mortalium ullam amoris aut studij, aut pietatis officium persolvit. Imò verò nonnulli in eam prolapsi sunt impietatem, ut prosperos ætationum suarum successus, non divine bonitati, sed suæ sapientiæ atq; industria acceptos referre, & Deum ab omni rerum humanarum administratione removere audeant. Deinde quàm multi cives patriam suam aut tyrannide oppræsserint, aut opprimendam aliis prodiderint, alias calamitates ei importarint, istis est historia, quæ Coriolani, Catilina, Sylla, nefaria adversus eam consilia, machinationes & facinora commemorat. Confamilisato fuerunt multi & parentes, & præceptores, qui à liberis atq; discipulis suis, vel crudeliter caesi, vel aliâ quavis ratio-
ne in-

ne injuriose tractati sunt. Manasses Rex Isaiam patrem, avum maternū, lignea ferra dissecandum curavit. Aristobulus Rex & Pontifex matrem squalore, inediaq. necavit: fratres verò partim in vinculis tenuit, partim insidiis oppressit. Domitius Nero Imperator matrem Agrippinam, & Senecam præceptorem interfecit. Philologus præceptorem Marcum Tullium trucidandum hostibus prodidit. Ioannes Scotus Academiæ Parisiensis restitutor percelebris, graphyci puerorum stylis compunctus perit. Sed plura exempla nec tempus admittit, nec res ipsa postulat: cum præsertim hac nostra ætate, maximè verò in scholis, & Academiis, magnus plerunq. sit eorum numerus, qui suis institutoribus, aut nullam, aut per exiguam, atque etiam interdum pessimam gratiam rependunt. Multi namq. reperiuntur, qui (quod Plato conqueflus est) pullos equorum imitantur, qui lacte materno exsaturati, matrem calcibus feriunt, hoc est, præceptoribus benè meritis obtrectant, & eorum doctrinā, & institutionem vel temerè exagitant, vel improbè extenuant, vel tam frigide laudant, ut vituperasse præstiterit. Nonnulli præmia, quæ Minervæ debebantur, vel non solvunt, vel ita dissipant, ut minorem partem Minervæ, maiorem Veneri, cæterisq. voluptatum ministris tribuant. Nec deniq. desunt, qui ob salutarem discipline severitatem, præceptoribus insidias struant, & calamitates machinantur. Quod genus omnium est ingratißimum, ac sceleratißimum, verum tamen Haud impune, ut Emblemata nostram monet. Nam primum Deus ipse tam immane scelus meritis suppliciiis coercet, & ulciscitur: id quod infinitus exemplis, si tempus ferret, notum & testatum facerem. Deinde neminem mortalium esse puto, qui hominem ingratum non edidit prosequatur. Quis enim diligat eum, qui patriam, parentes, præceptores violat? qui ingrati-

tudine sua ceteros ad benè merendum propensos, à libertate deterret, fonteq; benignitatis ita claudit & obstruit, ut nullus inde rivulus ad tenuiores dimanare possit. Adhuc antiquitas ingratitude tantis sceleris loco posuit, ut nullam pœnam ei parem legibus sanciri posse, ideoq; divine ultioni id committendum existimarit. Solon interrogatus, cur nullum statuisset supplicium in eum, qui parentem necasset? respondit, se non putasse, quenquam fore, qui tam immane facinus admitteret. Verum posterior ætas singulare supplicium excogitavit, ut nimirum parricida unâ cum cane, gailo gallinaceo, viperâ & simiâ in culcum infueretur, atq; ita in mare seu flumen dejiceretur. Sed præter hanc ceterasq; ingratitude pœnas à diversis populis constitutas, est etiam infamia. Nam qui semel ingratus vulgò usurpatur, is nunquam, aut' difficulter admodum, pietatis opinionem ac laudem recuperabit. Nulla enim turpitudinis labes & macula in hominis nomine & existimatione faciliùs inhaerescit ac difficiliùs eluitur, quàm quæ ab animo ingrato suscipitur. Quapropter, Adolescentes optatissimi, cum Ingratitudo, tam odiosa, detestabilis, & execranda, tam perniciofa ac calamitosa, & tanto deniq; cum dedecore & ignominia conjuncta sit: omni studio providendum & elaborandum nobis est, ut non modo tam nefarium crimen, sed criminis quoq; suspicionem, vitare, & effugere queamus.

D I X I

ORA-

XIX.

PANEGYRIS ANNI

1595.

SVB RECTORATV


D.D. PETRI VVESENÆCII

*Iurisconsulti.**Oratio primæ clâssis, recitata*

à

DANIELE KRETSCHMAIR

Bohemo.



*S*Ocrates in tempestivam sapientia persuasionem, in adolescente Alcibiade reprehensurus: ἡ τῆς διανοίας, inquit, ἀρχεται ὅψις οὐδὲ βλέπει, ὅταν ἡ τῆς ὁμιλίαν τῆς αἰμῆς

ἡ γὰρ ἐπεὶ ἔχει, id est, *Mentis oculus tunc clarè cernit, quando vigor corporalis aspectus decrevit.* Nam cum adolescentia propter ætatis, & judicij infirmitatem, rerumq; imperitiâ, acie mentis sue hebeti adhuc, & imbecilla assequi non possit, quæ vix demum in senectæ ætate ingeniosis & diligentibus patent: sapientissimus vir prudenter sanè juvenem illum à magnarum & arduarum rerum tractatione, quas expedire, si in discrimen ea venissent, & de quibus consilium ex tempore capere non potuisset, avocare voluit. Hujus ergo sententia Socraticæ recordatione ipse quoq; à præsentis negotio abstinere, nisi & scholæ nostræ consuetudinem vobis notam esse scirem, & M. D. Rectoris me huc impelleret observantia, atq; auctoritas.

Proinde cum nulli ingenij fiducia, neq; proprio judicio adductus in hunc locum prodierim, in q; hac spectatissima nobilissimorum & clarissimorum virorum corona aliquid mihi proferendum sit: veniam me à vestra benevolentia & humanitate, in qua omnia mihi constituta esse existimo, impetraturum, nec ullam mihi importunitatis, seu arrogantia notam pertimescendam, confido. Dicam igitur de re preposita, sed dicam quàm fieri poterit brevissimè, ut est in formula orationum veteri, quæ se iam poteroq; In Brabeo nostro, quod jam mihi Amplissimorum Scholarum munere datum est, expressa cernitur effigies, sicuti irruptentis, eaq; sedè devasiantis, cum hoc Emblemate: "cena comes f. ceteris.

Tradunt autem rerum naturalium scriptores, suillum genus in Arabia non posse vivere: eò, quod ea regio plena sit odoramentorum quæ porcis venena sunt, utpote qui fatidis solummodo, & sordidis rebus delectentur. Similiter scribunt, Suem, Amara cum ferre non posse. Est autem Amaracus herba generis, Siculorum lingua, à Cynara Cyprî regis ejusdem nominis filio dictum, quem in hanc herbam conversum fuisse poetarum

rarum fabulis proditum est. Dicitur eadem Græcis ἀμαράκινον, πικρὰ τὸ σάλειν ψυχῆν, reficit enim & recreat spiritus mirificè suavitatem temperati odoris. Vnde & Plinius inter unguenta nobilia, Amaraci quoque facit mentionem: & refert, quendam in Cò insula fuisse laudatissimum; ejus varia ostendit remedia, atque ex eo oleum quoque fieri, quod Amaracinum vocetur. Cum igitur hujusmodi sit Amaracinum; contrà sue nihil immundius, nihil sordium amantius; nihil profecto minus rostro suillo convenit, quàm delicia vnguentaria, quippe cui id demum suave olet, quod cœnum olet. Et testatur Lucretius, inter unguenta & odores, peculiari quadam naturæ proprietate, Amaracinum maximum inimicum esse suillo generi. Sic enim poëta ille:

Denique Amaracinum fugitat Sus, & timet omne
Vnguentum. Nam setigeris subus ac venenum est.

Hæc igitur antipathia illa est Suis cum rosifis & Amaraco, hæc disidium, cujus quidem consideratio duplex institui potest: una Theologica; Philosophica altera. Ac ut de priore primo loco dicamus: Bona fragrantia, inquit Apostolus, sumus Deo, in ijs qui salvi sunt, & in ijs qui pereunt: his quidam odor mortis ad mortem; illis vero odor vitæ ad vitam. Quo quidem maximam illam animorum diversitatem exprimit Apostolus, qua videmus Evangelium à Mundo variè recipi & judicari. Bonus Christi odor sunt Apostoli, atque omnes Evangelij ministri, & sancti viri, suave olentes Deo, dum gloriam ejus pravehant in omni loco, prædicatione verbi, bonis ac sanctis moribus, ac exemplis, ardent ad Deum precatione pro Regni Dei successu, & patientia in adversis rebus, dum quotidie pro Christo immolantur. His omnibus p̄j attrahuntur ceu unguentorum odore, ut cum sponsa Christum alacriter ad vitam immortalẽ sequantur.

sequantur, ubi sempiternum ejus amplexibus fruuntur. Contrà increduli, & hostes Evangelij, velut venenata quadam bestia & sues, bonos odores Ecclesie minimè ferentes, Christi odor enecantur, dum universum ejus regnum tanquam rosetum, & viridarium amœnissimum, cum omnibus hujus colonis, & hortulanis hostiliter oppugnant, illudq; funditus eversum esse cupiunt. Inter Iudeos enim quamprimum Christus se mundo manifestare capit, exorti sunt, qui illi contradicerent: & quidem non vulgares homines, sed Scribae, sed Sacerdotes, sed Pharisei, penes quos tùm summa erat in sacris autoritas, & qui summam doctrinae, & sanitatis existimationem sustinebant. Quod ut inter Iudeos fieri capit, sic idem postea inter gentes factitatum est, cùm inter has Christus manifestaretur. Tunc enim adversus Apostolos & horum successores, philosophi insurrexerunt, qui doctrinam de Christo suis strophis in contemptum, & dubium vocare conati sunt. Iunxerunt cum his operam suam Regum, & imperatorum ministri, qui falsa insuper crimina Christianis hominibus intentarunt: & nullum tam nefarium, tamq; inauditum scelus est, quod non illis fuerit objectum. Et ne exteri soli hunc amœnissimum hortum vastare viderentur: inter ipsos Christianos haeretici exorti sunt, qui portentosis siraul atq; impiis commentis, & plus quàm Diabolicà obtrectandi libidine linguas suas adversus Christum, & puriorem veritatis doctrinam solverunt. Et, quod olim factum est, hoc ipsum hodiè etiam fit passim. Pergunt enim Christo contradicere Iudei, & ne nunc quidem ejus manum agnoscunt, cujus iusto & gravi judicio sese premi, & in extremas misérias detrusos esse, sentiunt. Abscent cum his suas quoq; blasphemias Mahometani, qui longe maximam orbis terrarum partem occuparunt. Latrant quotidie adversus Dei Filium Servetianiscanes, & quotquot hodiè vel Arj, vel Marcionis, vel Eutychis, vel aliorum haereses postliminio revocant. Imo qui Ecclesie gubernacula sibi

ven.

vendicant, Pontifices & Episcopi se cum rebus suis non posse sal-
vos esse arbitrantur, nisi Christo per Evangelium nobiscum lo-
quenti contradicant, & illum è solio suo deficiant. Sub ho-
rum ductorum signis in lacunis suis grūniunt adversus eundem
sues verè Bæotica monachi, boant sacrificuli, crocitant Purga-
toriani corvi, noctuæ sepulchrales ululant; serpentum & angui-
um instar sibilant moniales & Begutte; rudunt deniq; asini &
muli Romanenses: Qui simul omnes undiq; tam nobilium,
quàm plebeiorum turmas atq; cohortes excitant, ut crabro-
num & muscarum instar vel oppugnent veres Christi præco-
nes: vel imbelli clamoso tantum stridore illis obstrepant. Hi
sunt ergo spumantes illi apri Christi rosetum & viridarium va-
stantes: Hi cornigeri tauri, Christi Ecclesiam incurstantes: quo-
rum impetus & furor, nisi divinitus coërceretur jam diu viri-
darium illud amœnissimum miserè deformatum in situ & squa-
lore jaceret. Sed Pœna comes sceleris est, ut Emblemata nostrum
habet: nec impunè ferunt, qui tanta impietate adversus Chri-
stum & sanctos ejus efferuntur. Constat enim & historiarum
monimentis, quàm potenter Deus superbiam illorum hostium
semper ulius sit, quando non graves modò, verum & ignomini-
osas pœnas superbis inflixit, ut illorum insolentes spiritus magis
coërceret. Ita Sennacherib in templo dei sui à tribus propriis
filiis miserè occiditur. Ita Antiochus, Herodes magnus, Syl-
la, & tandem Maximinus, enascentibus ex carne vermiculis,
qui viventes gravi simul & fædo dolore depascentes, afflixerunt,
sed è sunt consumti. Venio ad alteram, in qua philoso-
phicam Emblematis nostri explicationem afferre conabor.

Aceta Rex Colchorum, ad quem Iason cum sociis suis argo-
nauticâ expeditione institutâ, olim pervenit, hortum seu viri-
darium quoddam habuisse fingitur, omnis generis floribus, her-
bis, arboribus, fragrantissimum, & aspectu odoratūq; jucundis-

simum. Et addunt sapientes, tres fontes per viridarium illud deductos fuisse, quorum primus lacte, medius vino, extremus oleo redundarit.

Quid hoc horto, & fontibus in eo scaturientibus, aliud, quam Academiam adumbrare voluerunt veteres sapientes, in quam omnium liberalium artium redundarint flumina? Traduntur in scholis primum Logicarum, artium, qua lacteo illo fonte representantur, primordia, quibus teneri discipulorum animi ceu lacte imbuuntur & nutriuntur. Adduntur deinde sublimiores Ethicorum, Physicorum, & Mathematicorum discipline, quibus ceu vino studiosorum adolescentum ingenia magis roborantur, iudicia acuantur, memoria argentur, & ad summas illas facultates preparantur. Tandem tres ille suprema facultates, sacrosancta Theologia, sapientissima Iurisprudentia, & saluberrima Medicina proponuntur, quibus, qui ceu oleo inuncti sunt, ad omnia munera totius vite humane obcunda, promptiores, paratiores, & aptiores evadunt.

Scribunt historici, Tempe, montes Thessalia esse amenissimos, perpetui veris temperie gratissimos, arboribus refertos, volucrum concentibus argutos, fontibus irriguos. At quanto praestantiora sunt haec nostra Tempe, in quibus & jucunde, & utiliter, & sine flagitiis, & maxima cum laude viri potest? Vbi & omnis generis disciplina à doctissimis viris traduntur, & usus earum exercitatione disputationum & declamationum demonstratur, & cum theoria, praxis conjungitur? Adde quòd doctorum virorum consuetudo in magna parte felicitatis numeranda sit. Horum enim colloquutionibus, & ingenia adolescentum acuantur, mores corriguntur, & doctrina per ludum & jocum mirum in modum augetur. O felices eos, quibus in hoc amenissimo viridario datum est, inter studiosos & eruditos homines, eosdemque humanos & disertos, perpetuò versari, deq; ratione studiorum subinde cum illis conferre! Et taceam, quan-

ta de-

ea delectatio accedat variæ lectionis, & scriptiōis. Magna
 cerè res est, & plus quàm regie dignitatis, cum sapientissimis
 & maximis viris, qui ab orbe condito extiterunt familiariter,
 quoties libeat, posse colloqui, eorum consilia videre, præceptis ob-
 temperare. Hi sunt flores illi odoratissimi, quos ex viridario
 nostro Academico decerpere possumus.

Sed ô

— Pauci quos æquus amavit

Iupiter, atque aëreas exivit ad æthera virtus.

Dus geniti, cupide verumque bonumque tætantur :

Cætera turba lacerum petit : & te fæda voluptas,

Ambitione tumens, sequitur per fasque nefasque.

Habet enim hoc nostrum viridarium, suos quoq; pones,
 flores & rosas fæde devastantes. Mittuntur in Academi-
 am adolescentes, ut animi ipsorum rudes, bonis artibus infor-
 mentur & expoliantur : ad quam rem natura suppeditat vires
 ingenij & corporis, mentis ac sensuum integritatem : Parentes
 adiungunt victum cultumq; corporis, libros comparant, præce-
 ptos præficiunt, tranquillum ocium concedunt : Et quibus hæc
 retineantur, sumtus necessarios impendunt. Quid sit ? mul-
 tos proh dolor videas degeneres animos, qui etsi hunc hortum
 non ingressi modo; verùm etiam aliquo usq; feliciter in eo pro-
 gressi sunt, quin etiam rosas quasdam decerpserunt: quamprimum
 tamen harum spinis vel leviter sese confixos sentiunt, manum
 retrahunt, & discendi voluntatem unà cum spe per discendi sta-
 tim abijciunt. Hinc fit, ut quia se in Academia vivere sci-
 unt, sibi quod libeat, licere statim falso putant, remotis Ma-
 gistris, & repemimmemores, τὰ τῶδε γὰρ καὶ ἀποκοιδίου καὶ
 nonnulli etiā τὰ ἐν αὐτῷ ἀσπασσέντων symposia frequentent, cho-
 ras ducant, ac ambulationes interpesterivas repetant, variag. ludo-
 rum & inania oblectationū genera exquirant, non cogitantes, quā

totam rem interim gerant, si peregre profusa pecunia, aut nul-
los aut immaturos ex hoc horto fructus domum reportarint.
Vnde postea ex singulis facultatibus singula dedecora tanquam
abortum nasci videmus. Pro theologis enim post illatores qui-
dam exurgunt, qui praeclaros sese Theologos putant, si memori-
ter conciones ab aliis conscriptas recitent, & laxa toga, & inso-
lenti oratione atq; arrectis superciliis fucum rusticis faciant. Pro
Iuriconsultis doctis, rabulis famelicis provenire videmus, qui
pecuniae causa τὸν κῆλον λόγον καὶ τὴν ποίαν student, sordidum ho-
minum genus, omni studio in eo elaborans, ut lites ex litibus se-
rat, reos non expediat, sed potius expilet, nunquam quietos esse
sinat. Vnde paulatim honestissima professio, & reipublica fir-
mamentum, & pacis quasi nutricula, in Sycophantica & Sophisti-
cam conversa, sordidorum istorum porcorum vitio litium quod-
dam seminarium, & ars litigandi esse incipit. Pro Medicis
deniq; agyrtas, & circumforanes passim oberrare cernimus,
quales Venetis, Gedani & Francofurti in nundinis videntur,
qui theriacam & prius ignota semina sive pharmaca venum
exponunt, quorum vires & mirificos in efficiendis vermibus, a-
liisq; morbis curandis effectus magna vocis contentione, & in-
defessa linguae volubilitate predicant, ut rei novitate attonitos,
& hiantes simplicium rusticorum animos fallant, & eos pecu-
niis emungant. Aegyptij olim suemusque adeo spurcam belu-
am ducebant, ut si quis vel transiens contigisset, continuo pro-
peraret ad flumen, se pariter ac vestem abluturus. Quanto ma-
gis hi nostri Margite, omni virtute, omni industria carentes,
ut ἐπὶ τῶν ποταμῶν ἄλγος ἀπέχουσι fugiendi, & omnium contemptui & odio
relinquendi sunt? Nec id quidem immerito. Hac enim paena
illa est vastata ab ijs pulcherrimi roseti, ut non solum aliis sint
invisi, sed etiam sibi ipsis tandem vel maxime displiceant, donec
ad extremum sine honore in glorijs occumbentes, non aliter
quam sues exitiali rosarum odore interitum sibi accelerent. Sed
relictis

relictis illis porcis grandinosi, finem dicendi facio, vosq; commilitones optimi, Colophonis loco, sedulo moneo, & obtestor, ut cum jam ex obscuro clasicarum molestiarum vepreto in hanc clarissimam lucem, & amœnissimum publicarum auscultationum hortum translatis simus, omni studio in id mecum incumbatis, ut non tam vastatores, quàm cultores pulcherrimi hujus roseti, esse videamur, nec veneficis voluptatum illecebris in Circeos porcos nos transformari patiamur: sed potius ex clarissimis nostris præceptoribus ea audiamus, & discamus, per quæ animus virtute, ingenium sapientiâ, lingua eloquentiâ excolatur & adornetur. Sic enim fiet, ut optimarum literarum præsidijs muniti jucunditate harum perfruamur, commodis gaudeamus, ornamentis afficiamur.


D I X I.



ORA-

ORATIO SECVNDAE
CLASSIS, RECITATA

BALTHASARE PISTORIO.



Nihil unquam praeclari sine multo sudore
& labore extitisse, pleni omnes sunt libri, plena sapien-
tiae voces, plena exemplorum vetustas, Auditores optimi.
Nam

— nulli sine Marte triumpho,
Et nisi certanti nulla corona datur.

Scientiâ autem literarum quid praeclarius? quid gravius?
nam non modo omnibus bonis comparanda, sed etiam omnibus
anteponenda. Hoc dignitas, hoc utilitas, hoc suavitas tanquam
debitum exigit. Quis enim quæso urbes peperit? literarum
dignitas. Quis dissipatos homines in vitam societatem convoca-
vit? literarum dignitas. Quis eos primò domiciliis, deinde
con-

conjugiis, tum mercedem permutatione, & sermonis communione junxis? literarum dignitas. Hac nos ab omni contagione vitiorum reprimat, & revocat. Hac dubitare nos cogit, utrum sit efficacius ad recte vivendum, bene institui, aut feliciter nasci. Hac medicina est, quae medetur animis, solitudines detrahit, timores pellit, luctus levat. Hac hominum memoriam apud posteros aeterna donat recordatione; ut Tibullus canit:

Quem referent Musae, vivet dum roborat tellus,
Dum coelum stellas, dum vehit amnis aquas.

Quid in Philosophia est, quod cujusquam praedicatio vel transilire vel praeferri debeat? quae ars, quae artis questio aut utilitate sterilis, aut vacua suavitatem? In has nihil flammis, nihil senectuti, nihil furibus licet. Tanto itaque maiore consensu in venerationem horum omnes boni consurgere debent, quanto magis de his improbi silent. Quia ergo nulla bona studiis operabiliora, nulla praestantiora neque data sunt mortalium generi, neque dantur: nullum vestrum, quem non haec cogitatio subeat, esse puto: literarum scientiam non esse facilem, sed laboriosam, in qua multum opere ponendum, sudandum, vigilandum.

Nec solus tamen industria humana ad consequendam literarum prudentia laudem sufficit. Qui enim ad sua studia Deum non adhibet, saepe falsa quadam rerum humanarum specie decipitur. Nam ut in aliis rebus gravioribus, minime in fortuito situm, aut labore, cur res vel bene vel male geramus (Deus enim, ut pie Isocrates ait, τὰ θεῶν ἀνέγειρα ὁ δὲ νόμος ἐστὶν ἡμετέρος: Quod & Mardonius apud Herodotum testatur, dicens: ὅτι δὲ ἔργον δὲ αὐτὸν θεὸς ἀνέγειρα ὁ νόμος ἐστὶν ἡμετέρος) Ita divini numinis assensum, vel imprimis in auspicandis literis exoptandis, sine quo, hoc omne studium infeliciter succedit, nullumque fert fructum. Et hinc non

tam à parentibus & preceptoribus, quàm ab ipsis discipulis tris illa exclamatio auditur: O spes fallaces, o cogitationes inanes, frustra suscepti labores! Rectè igitur prudenterq; Senatus Noricus D. Scholarcha Ampliſſ & Magn. Academia noſtræ Patroni, brabeio noſtro, cui navis fluctuantis in aſtibus marinis nota inſculpta eſt, Deſuper auxilium, inſcripſerunt. Sine hoc enim conſtare dignitas artibus, virtutibus autoritas, non poteſt: hoc, hoc eſt quo favente omnia ſecunda fluunt. Quenam admodum enim navis, licet omnibus ornamentis & inſtrumētis, nautis etiam peritiſſimis exornata ſit: niſi curſum navigationis ad rationem tempeſtatum dirigat, portu facile viventiorum excluditur, & naufragium facit: ita ſtudia noſtra, niſi deſuper Spiritus ſancti flatu regantur, non ſolum vana, & inania ſunt, ſed etiam multorum malorum cauſſa exiſtunt.

Quod ut plenè perfectèq; intelligi poſſit, rem paulo aliùs repetam. In navigatione non tam navis, & nautarum, quàm tempeſtatis ratio habenda eſt. Non ſolum enim varius uſus, ſed & ipſa maria diverſa, diverſas navium formas exigunt. Aliæ enim oneri ferendo idoneæ, onerariæ & frumentariæ dicuntur: ad equites, ad pedites deportandos aliæ ſunt factæ, hæ ponto-nes, illæ hippagines appellantur. Remis vero quæ aguntur, ætuariæ nominantur. Aliæ ad præliandum militares inventæ ſunt, quibus explorandi cauſſa ſpeculatoriæ præmittuntur. Orariæ item & celoces ſuas habent formas, ut aliæ alias. Quorum omnium licet figura exquisitè ab artifice introducta ſit, tamen & reliquis inſtrumētis (ut ſunt fori, tra, anſtrantia, corbis, malus, antennæ, remi, clavus, anchora, apluſtra, vela) carere minimè poſſunt. Præterea πρὸς τὴν cæterosq; nautas, & remiges exactè ſcire oportet, quando ſolvendum: quando vela danda, deducenda, aut ſubſtringenda: quando curſus obliquandus: quando remis incumbendum: procellas item & tempeſtates providere futuras: latentes ſcopulos evitare: marinag,
mon-

*monstra arte eludere oportet. Tandem naves optime & nau-
se peritissimi, nisi tempestate secunda vela faciant: non solum
prospectantur statim à portu sparsa navigia, sed tota navigatio
infelix est. Deficientibus enim in totum ventis, navis in me-
dio cursu resistet; resstantibus rejicietur; vehementius autem se-
vientibus, tanquam tabula, motu & agitatione iratorum flu-
ctuum, tam diu errabit, donec scopulis allisa vel syrtibus infixa
hæreat, rimas agat & naufragium faciat. Ita in hoc nostro
scholastico pelago primo omnium sciendum, non quævis, sed ido-
nea, & apta ingenia admittere studia, & quidem primam eta-
tem tantum.*

*Quaquam enim nulla ætas ad discendum fera est, tamen
& multo aptior tenella quàm alia ad aliquid memorie insigen-
dum, & ut Diogenes dixit, νερόν ἰατρὲν αἰνὸν καὶ γέροντα νοθεύ-
ται τὸ πᾶν ἐστὶ. Vnde eleganter Vipianus: Præsumtum est (in-
quit) ea mancipia quæ rudia sunt, simpliciora esse, & ad mini-
steria aptiora & dociliora, & ad omne ministerium habilia: Tri-
ta verò mancipia, & veterana difficile est reformare, & ad suos
mores formare. Deinde inprimis necesse est, ut quisq. suum
modulum spectet, ut Pythagoras monet: ἡ πρὸς αὐτὸν αἰὲν ὀρί-
στος ὁρμή μετρεῖται. Quod Propertius eleganter reddidit:*

Turpe est, quod nequeas, capiti submittere pondus,

Et pressum inflexo mox dare terga genu.

*Quare ea tantum sequenda, ad qua natura & Deus nos i-
doneos esse voluit: summaq. dementia est, aliquid invita, quod
ajunt, Minerva suscipere & persequi. Constans præterea a-
nimus, & assiduus, ut etiam integer, totusq. requiritur. Etenim
nusquam est, qui ubiq. est, inquit Seneca. Qui philosophiæ das
operam, debet ei se totum committere. Ut enim in peregrinati-
one vitam degentibus hoc evenire solet, ut multis hospitiiis u-
tantur, nullis amicitiis: ita distrahit animum studiorum mul-*

ritude. Tandem prima illa tenera, ætas, corporis licet fortunaq; bonis omnibus, tanquam navis saburra ita onerata sit, ut stabilior sit in cursu; legum tamen bonarum magnetis opus habet, qui opiatum ex alto portum demonstret; præceptoribus deniq; fidelibus, qui adversam tempestatem, laboresq; maximos, qui in literas incumbendis perferendi sunt, monstrent: qui ludorum, & computationum fluctus frangere, qui ingruvia ventos domitare, qui superbiæ obstantia freta transire, qui quædæm scopulos & syrtes effugere doceant. Hac cuncta multum ad studia faciunt; sed ea non perficiunt. Nisi enim Desuper auxilium veniat, & aura illa divinitus mentibus nostris illapsa ignavia tenebras pellat, ambitionis ventos sedet, totūq; studiorum cursum devio vectore turbatum recipiat, rursumq; dirigat, omnis parentum cura, omnis discentium labor, omne docentium studium vanum & irritum est. Quis enim nostrum est, qui possit

— non quod ante pedes modò est
Videre, sed etiam illa quæ futura sunt.

Quare ut navigantes in longinquas terras maris se laboribus frangunt, tempestate autem secunda tantum solvunt: Ita prudentiss. Senatus Noricus, quia videt studia nostra tanquam in mari immenso vehi, varioq; rerum eventu perpetuo fluctuare, non solum septem ordinum navem, Academiam Altorfianam hanc septem liberalium artium remis instructam, è navalibus Noricis produxit: sociis navalibus defensoribusq; complevit: panem nauticum stipendiumq; militibus & remigibus præbuit: sed etiam omnes, & singulos tam remiges, quam nautas gubernatoresq; præsentis hoc Emblemate ad summam diligentiam & studium adhortari voluit, simulq; monere: laborandum quidem; Desuper tamen Auxilium & sperandum & exorandum esse. A solo enim Deo, ut & cætera bona, ita in primis veram salutaremq; eruditionem expectare debemus. His

enim solus est, qui precipitantem vitiorum tempestatem refrenat, studia fluitantia recipit, & sicubi adhuc tenebrarum aliqua obversatur obscuritas, aut residuus undarum infernalium pulsus murmurat, necesse est tamen ad huius natus dilucescat & sileat. Tu igitur, igitur generosa, nobilis, & ingenua juvenens, quae eandem mecum conscendisti navem, tu quisquis es,

— discere ergo quem te Deus esse

Insit, & humana qua parte locutus es ire:

Noli succumbere ignavia; assuesce laboribus. nam ut nauas tempestatum, & Medicos juvat meminisse morborum: sic delectus eris aliquando in studiis praeceptorum laborum recordatio. Morem itaq; averte omnem.

Et propera nec te venturas differ in horas:

Qui non est hodie, eras minus aptus erit.

In praeputium enim subvenire ne Deus quidem vult. noli de via quam tibi Spiritus sanctus, verus studiorum nostrorum Mercurius monstrabit, declinare. Sola enim ea pergendum via, ut Plato in Critone ait, qua Deus nos ducit. Hac rectum tenere clavum studeto. Omnibus quidem eruditionem liceri concessum; diligentibus tantum emere; possidere vero Dei est largitis & donum. Desuper ergo auxilium.


D I X I

LI 2 ORA-

ORATIO TERTIAE CLASSIS, RECITATA

4

SIGISMUNDO ORTELIO
N O R I D I A



IN brabeo nostro, Rector Magnifice, quod Ampliss. Scholarum munere, mihi ceterisq. tertij ordinis adolescentibus datum est, expressus extat Globus plenus latentis ignis, & sumum foras quacunq. licet, emittentis. Additum est hoc Emblemata: Qualicet erumpit. Quod et si varios atq. multiplices explicatus habere videatur: nos tamē de animi perturbationibus imprimis id accipiendum existimavimus. Ut enim ignis globo conclusus exasuat, & quacunq. parte potest, sumum & flammam emittit: Sic ira ceteraq. cupiditates, animo humano velut carcere quodam cohibita foras prorumpere, & menti caliginem offundere, omnemq. vitam temeritate sua perturbare

CONAN-

sonantur. Emblemate igitur nostro praeclare admonemur, cupiditates animi effuse proruentes refrenandas, atque rationis imperio diligenter coercendas esse. Animus namque humanus duabus veluti partibus distinguitur, quarum una mens sive ratio appellatur, cum mente divina & muneris similitudine, & caelesti, ut ita dicam, agnatione conjuncta. Altera corpori alligata: in qua tum irarum ardor, tum cupiditas seu voluptatis appetitio dominatur. Atque illius quidem est, & imperare & precipere, ut quilibet animi motus sive affectus sese intra regionem sibi à natura datam contineat, neque cancellos lege circumdatos egrediatur. Hujus autem est, parere & obedire, & ea omnia quae ratio praeceperit, summa vi persequi, Quod si jam ambae partes legitime consentiant (ut quidem ipsius natura ordine ac divina majestatis imperio fieri debet) summa hominis dignitas & admiranda honestatis pulchritudo, & incredibilis tum privata tum communis vita commoditas & tranquillitas exabit atque eminebit. Contrà verò simul atque animi commotiones, quadam quasi conspiratione inter se unita, seditionem movebunt, & ipsam rationem undique admotis machinis oppugnare, atque de omnistatu disturbare incipient: summa statim omnium rerum confusio & perturbatio consequatur, necesse est. Nam flagitiosa cupiditatis immanitas non solum animum cujusque intestino bello lacerat & conficit: verum etiam excurret foras, ut vel infinitis injuriis generis humani societatem violet, vel oculos hominum deformitate turpitudinis offendar, & odia maxima contra se concitet atque inflammet. Hinc igitur turbulenta dissidia, hinc caedes, & insidiae, hinc hominum strages, Rerum publicarum everSIONES, diraque rerum humanarum exitia nascuntur. Nullum enim tantum beliorum est incendi-um, quod non vel ambitio, vel avaritia, vel libido, vel iracundia, cum magna hominum perniciem plerumque excitare soleat. At

dixerit fortasse quispiā: Stoicos idcirco rectē docuisse, qui omnes affectus vitiosos ē natura hominū penitus evellēdos esse statuerūt. Minimē verō. Animi namq. motus (ut à sapientissimis existimatur est) utiliter nobis sunt insiti, ut videlicet cupiditatum stimulus incitati, salutaria appetereamus, & consecutemur: Iracundia verò ardore noxia & incommoda averteremus ac propulsaremur. Deinde fieri nequit, ut affectiones ex hominum animis extirpentur. Nam quod à natura nobis insitum, atq. ingeneratum est, id corrigi quidem, & emendaripotest; at radicitus evelli non potest. Ut enim nulla ratione cavere possum, quo minus a vicula supra caput meum volitent; sed ne in capillis nidulentur, id cavere possum & debeo: Ita natura nostra non fert, ut planē non irascamur, nullaq. cupiditate tangamur; Sed ne per iram, aut cupiditatem in aliquam turpitudinem prolabamur, id providere, atq. praeavere & possumus, & debemus. Ad hanc ne optabile quidem fuerit velexpetendum, nullas in nobis inesse cupiditates. Omnis namq. virtus frigida nimis & languida est, nisi affectuum stimulus excitetur. Quia enim omne efficiorū genus, ab animo cōformatur, nihil poterit fieri acriter, & animosē ab eo, cujus animus non aliquo ardore fuerit incensus & inflammatus. Ex his igitur omnibus perspicuum est, clarissimēq. constat, affectus seu cupiditates non quidem funditus ē natura hominum tollendas, ut Stoici senserunt, sed recta ratione atq. consilio frenandas & moderandas esse.

D I X I.

ORA-


O R A T I O Q V A R T A E

C L A S S I S, R E C I T A T A

2

IOHANNE CHRISTOPHORO

Busenreuth Aldorphanse.



IN congiario nostro Auditores humanissimi,
 Efficta impressaq, accipitris recta linea sursum volantis ima-
 go cernitur. Estq, ei adjunctum hoc Emblema: Tramite re-
 cto. Quod ut planè pleneq, intelligatur, sciendum est, eos qui
 animantium naturas per vestigarunt, in accipitre acerrimum o-
 culorum sensum, & summam alarum pernicitatem, & rectum
 minimeq, flexuosum volatum notasse. Quas ob causas Aegy-
 ptii cum multas res alias sum in primis hominem religiosum, &
 sapientia studiis deditum, illius imagine pingendum existima-
 runt. Et rectè quidem ac perquàm ingeniosè. Quemadmo-
 dum, enim accipiter rectis pennis, & contento celeriq, vo-
 latu

latu tam sublimè fertur, ut etiam nubes superes, ac splendidissimum Solis jubar fixis oculis intueatur: Sic animus humanus religionis, & sapientiæ studio inflammatus, sese à corporis contagione quoad licet sejungere & interitum cupiditatibus afferre debet, ut rerum divinarum, atq; æternarum contemplationi vacare, omniq; perturbatione solutus cœlestem in his terris vitam imitari possit. Quò & divinus Philosophus Plato respexisse videtur, qui hominis animo geminas alas affinxit, hoc est vim duplicem: unam ad verum inquirendum & cognoscendum; alteram ad bonum appetendum, & adipiscendum attribuit. Et in Phædone omnem sapientiæ paranda vim, & rationem in assidua mortis meditatione ponit: docetq; fieri non posse, ut quisquam sapientiæ consequatur, nisi prius mentem à corpore segregarit, & quasi necem corporis sensibus intulerit, ut nihil obstet, quo minùs animus è corpore tanquam vinculis exsolutus, vera & sempiterna, sine ullo impedimento perspicere & contemplari queat. Quapropter commilitones suavissimi, pulcherrimam accipitis simulacrum assiduè ob oculos ponere, atq; in id omni curâ & cogitatione incumbere debemus, ut à pravis cupiditatibus, omniq; turpitudine abducti, in cælum evolemus, hoc est, ad veram religionem & cœlestem sapientiæ contento cursu ardentiq; studio feramur. Atq; in primis DEVM æternum, infinitum, optimum, & quem ille mi sit CHRISTVM IESVM cognoscamus ejusq; sanctissimum numen integrà purâq; mente veneremur: omniaq; nostra studia, & labores ad illius gloriam, & humanæ societatis salutem dirigamus: donec tandem summi æterniq; Parentis beneficio in eum statum, unde nostrâ culpâ excidimus, cum amplificata dignitate restituamur: atq; ijs locupletemur opibus, quæ neq; insidiis eripi, neq; externâ vi comminui, neq; senio & vetustate corrumpi, neque ulla deniq; calamitate perverti possunt.

D I X I.

PAN-

IX.

PANEGYRIS ANNI

1596.

SVB RECTORATU


D. D. PHILIPPI SCHERBII

*Medici.**Oratio prima classis, recitata*

A

MICHAELE SCHMID

NORIBERG.



Quanam premia obedientia, & quae poena
 contumacia sint constituta, Auditores humanissimi, do-
 Min cet

cet effigies nostri nominis; in qua duo equi, columnis alligati cernuntur, quorum alter ferox, & indomitus, abruptis vinctulis, effrenate fertur, & caco impetu, ac furore praeceps in foveam incidit, sibiq; ipse exitium, atq; interitum accersit. Alter tractabilis est, freniq; patiens, ideoq; salvus & incolumis servatur. Estq; additum hoc Emblemata: Disciplina salubris, illorum autem imagine, nobis ob oculos constituntur duo adolescentes, quorum alter honestam disciplinam amat, & amplectitur: alter eam contumaciter respicit, & averfatur. Disciplina amantem appello eum, qui suam imperitiam & imbecillitatem agnoscens, sibiq; ipse dissidens, parentum ac praeceptorum auctoritate, judicioq; nititur, eiq; totum sese instituendum, erudiendumq; tradit, eos colit & observat: salutariis eorum monitis obtemperat, & necessarias objurgationes & castigationes a quo animo accipit: atq; adeo omnem vitae studiorumq; suorum cursum, ad illorum consilium & arbitrium dirigit, & accommodat. Contumacem verò & disciplina inimicum nomino, qui ingenii sui confidentia, & arrogantia nixus, ducemq; libidinem, non rationem secutus, parentibus ac praeceptoribus obedire recusat: immò verò eos deridet, contemnit, atq; etiam ob fortuitum aliquod verbum, aut acriorem aliquam admonitionem, summo odio prosequitur, & pro amore inimicitias, pro salutari doctrina, contumelias, & obreftationes: pro fide perfidiam, & insidias, & deniq; pro beneficio maleficia, impie, ac flagitiose reponit. Atq; ita quidem uterq; adolescens domi est affectus, & constitutus. Attendite porro Auditores, quemnam vitae actionumq; suarum cursum quisq; foris tenere, & qualis tandem eventus utrumq; excipere soleat. Ambo mittuntur in Academias: sed alter pietatem colit, & artibus atq; scientiis animum excolit, atq; exornat; sumit ac tempus bene collocat; castè, continenter sobrièq; vivit; cum bonis & eruditis viris amicitias jungit, eorumq; consuetudine & colloquiis ingenium suum

acuit, errores corrigit, mores conformat, & doctrinam mirum in modum auget: Tandem vero, omni difficultate, & labore levatus, omniq; liberali doctrina & morum elegantia perpolitus, domum revertitur; summa cum civium gratulatione, & singulari parentum ac propinquorum læticia excipitur; ab omnibus gratus charusq; habetur, tempestivo, & honesto matrimonio locupletatur; ad publica civitatis munera obcunda expetitur; prudentia & æquitas laude celebratur; atq; adeò firmo bona conscientia & præclara fame præsidio munitus, vitam degit felicissimam; & deniq; posteris perennem nominis sui memoriam: patriæ verò exemplum virtutis colenda & exercenda laudatissimum relinquit. Alter autem, impietatis scelere adstrictus, omnem religionem, omniaq; sacra negligit: virtutis & doctrinarum studia spernit, & pro nihilo putat: honestos viros hominesq; literatos odit, & fugit: sui similes impuros heluones, lusores, amatores, grassatores quarit, hisq; omnes vitæ rationes committit, cum his florentem suam ætatem nequiter consumit, patrimonium turpiter profundit: & ocio, nugis, luxui ac libidini deditus, in diem ita vivit, ut penè se hominem esse obliviscatur: nec deniq; tam miserum turpitudinis jugum excutere potest, usq; dum in summas difficultates & miseras conjectus, ut Phadria Terentianus, prudens sciens, vivus vidensq; pereat. Ad extremum verò, pecuniâ dissipatâ, occasione discendi amisâ, animo vitii & erroribus depravato, corporis valetudine afflictâ, pudoris omniq; honestatis jacturâ factâ, perditus iste nepos ad suos redit, estq; parentibus dolori, familia dedecori, alienis ludibrio, atq; despectui. Nullus patet ei ad præstantiũ virorũ amicitias aditus, nullus ad honores accessus, nulla deniq; ad optatas, ac fortunatas nuptias via, & opportunitas. Ex quo cõsequitur, ut vitâ miserrimâ & cū perpetuo dedecore & angore animi cõjunctâ agere cogatur. O fortunatos igitur atq; felices


ees vos adolescentes, qui parentum ac praeceptorum monitis, atq;
praeceptis, tanquam vinculis, vos alligandos, & salutaris disci-
plina freno tam diu regendos & instituendos praebeatis, dum ali-
quando mores & vitam vestram ipsi prudenter & laudabiliter
regere atq; moderari possitis? O perditos verò & miseros, qui
convulsis disciplinae omnis officii repagulis, solutè & effrenatè
vivitis, omnemq; institutionem & imperium contumaciter &
superbè contemnitis ac repudiatis.

D I X I.

ORATIO SECVNDÆ CLASSIS, RECITATA

A

NICOLAO VOGT
Vratislaviensi Silesio,



PVdet me Rector Magnifice, in tot prastan-
tissimorum virorum conspectu, concessoq; verba facere. sa-
men

men à me ipso impetrare possum, ut onus, quod mihi imposuisti, à me deprecet atq; recusem. Et si enim & loci hujus amplitudo, & ætatis meæ ingeniiq; imbecillitas, & rei proposita difficultas, magnum mihi reprehensionis metum incutiant: majorem tamen auctoritatis tuæ, quàm existimationis meæ rationem habendam esse existimo. Interim igitur, dum munere suscepto fungor, à vobis, Auditores, peto, contendoq; ut, quæ vestra est humanitas, benevolè attenteq; me audiat. Mihi vicissim erit cura, ne plus molestiæ quàm jucunditatis oratiuncula mea vobis attulisse videatur. Atq; hinc exordiar: In nomismate nostro efficta, atq; expressa sunt Sirenes, inter cadavera & ossa humana confidentes: itemq; adolescens, qui è longinquo eas conspicatus, pedetètim accedit: sed ossium conspectu metuq; perterritus, subito in fugam se conjicit, relicto hoc Emblemate: At me vestigia terrent. Sirenes autem (ut quidam scriptores literis prodiderunt) Regina fuerunt insularum Italia, quæ in sinu Cumano sita, & autoribus Ptolemæo & Strabone, Sirenûsa: itemq; ab aliis Sirenium saxa & scopuli nominantur. In his fuit promontorium Minerva, celebratum in primis ob literarum studia, quæ ibi primum excitari, atq; coli ceperunt. Nam in eo constructum fuit Athenæum, sive Gymnasium, Minervæ, sapientiæ artiumq; præsidii consecratum, in quo eloquentia, ceteraq; disciplina tanta fama celebritate floruerunt, ut inde fabula illa de Sirenium cantu extiterit. Atq; hujus quidem rei testis est Homerus, qui quæ Musis alioquin tribui solent, Sirenibus adscribere videtur. Nam libro *Odyssææ* xii. eas ad hunc ferè modum de se ipsis gloriosè loquentes, atq; *Vlyssæm* ad sese invitantes introducit: Huc huc contende, *Vlysses* laudatissime, tuamq; navem siste, ut nostram vocem auas. Nemo enim unquam prætervectus est, qui non prius cantus nostri, hoc est, eloquentiæ ac multiplicis doctrinæ suavitatem au-

diverit: quique non voluptate plenior, & eruditior à nobis dis-
cesserit. Nihil enim in orbe terrarum geritur aut gestum est,
nihil à doctis tam est reconditum, aut à natura abditum, aut a-
licubi tam abstrusum & neglectum jacet, quod nobis non sit co-
gnitum, & exploratum, quodq; tecum non liberaliter commu-
nicare velimus. Atq; hoc primum fuit Athenai illius institu-
tum, hac cantilena Sirenium suavis, hoc est, liberalis ad opti-
mas quasq; disciplinas & scientias perdiscendas invitatio. Ve-
rùm posteaquàm posteritas tanto bono (ut sit) adiners & igna-
vum otium, ad luxum & libidines abuti cepit, & adolescen-
tes neglectis Musis, comessationes, & scorta consecrati sunt,
& deniq; turpissimum valetudinis & patrimonii naufragium
fecerunt: Gymnasium illud ab exteris male audire cepit: in-
deq; fabella divulgata est de Sirenibus in monstra, supernè vir-
ginis, infernè volucris seu (ut alii volunt) piscis formam habentia
commutatis: quæ prætereuntes vocum dulcedine ad se alli-
cere, somnoq; consopitos dilaniare, ac devorare soleant. Quo
figmento antiquitas nil aliud, quàm turpium voluptatum, in
primis venerarum illecebras, ac pestes significare, & cum om-
nem utatem, tum maximè adolescentiam de iis cavendis, fugi-
endisq; admonere voluit. Quid enim tetra fœdaq; libidine no-
centius ac perniciosius cogitari potest? Hac, hac enim, corpori la-
bem, atq; perniciem inferi: hac si quid virium & roboris homini
inest, (quod certè maximum adolescentibus inprimis inesse so-
let (si quid igitur inest, id omne conficit atq; consumit. Hac
namq; & vires enervat, & sensus debilitat, & cerebrum labe-
factat, & fœdos morbos, acerbos dolores, multiplices molestias
parit. Et tamè hanc multi cupidè quarunt, & affectantur. asse-
ctantur verò imò in eâ sese penitus immergunt: cū non modo cor-
pori, sed etiam animo: nec animo tantum, sed etiam fama & ex-
istimationi noceat. Quid enim mentem, quæ in homine princi-
patum tenet, oppugnat & opprimit? Libido. Quid virtutis &
Sapi-

Sapientia studiū extinguit? Libido. Quid pudorem exterminat? Libido. Quid dedecus, & infamiam affert? Libido. Multū est turpitudinis in libidine; calamitatis quoq; in libidine multum, adeo, ut qui libidinem expetit, exitium & pestem expetere: vel potius qui exitium & pestē expetit, is libidinem expetere videatur. Nam hac ambo tam arctē inter se nexa coherent, ut nunquam divelli atq; distrahi possint, id quod perelegans Platonis in Phadone apologus de mutua doloris, ac voluptatis connexionē testatur. Socrates, n. cū aliquando ē compedibus, crura sua ex-misset, eaq; ex re incredibile voluptatem caperet, dixisse fertur: Quod si Aescopo aliquando in mentē venisset, quā propē molestiā atq; dolorem comitaretur voluptas, hujuscemodi fabulam comminisci potuisset: Deos aliquando multū elaborasse, ut dolorē, ac voluptatē, hostes acerrimos inter se cōciliarēt, atq; conjungerēt: sed eā fuisse utriusq; perviciā, ut id nullo modo nullaq; industria cōsequi potuerint. ideoq; eos excogitasse, ac decrevisse, quoniam naturarum illos unā esse nō pateretur, ut mutui saltē finibus & nexis quasi vestigiis ita cōvenirent, ut unius finis, alterius gradus efficeretur. Itaq; veniē mirū, si ab cūte voluptate rēpētē subeat dolor: & vicissim labore abscedēte, ē vestigiē succedat voluptas. An nō igitur insanire merito dicuntur, q. blanda tantū voluptatū initia, nec asperos etiā earū exitus considerāt? & ob exigui tēporis brevē delectatiunculā, tot tantaq; mala, qua evitare licebat, ulterō accersūt atq; attrahūt? Nā si furiosi rēcē existimātur, qui corpora moribus suis lacerāt, aut ferro vulnerant; quomodo sanos cōsebimus eos, qui (& multo gravius est) animis incisiātē libidine, mortiferū vulnus insigunt? O demētes igitur ac miseros, qui gula & inguinis voluptatibus cōstricti tenentur? O sapientes, atq; felices, qui cōpressa domitaq; corporis libidine omne suū studiū ad animū trāsferunt: & veras illas voluptates, quas virtus & doctrina pcreat, sequuntur? Quantū, n. animo ad similitudinē

divi-

divinitatis effectus, præstat corpori: tantum voluptas qua ex virtute & scientia promanans, animo percipitur, vincit illam, qua corporis sensu & agitatione continetur. Illa enim pernicioso opinionis errore appetitur: hæc sana mentis judicio exquiritur. Ad illam turbulento motu ac quodammodo inviti rapimur: ad hanc libera voluntate studioq; ducimur. Illa, cum maximè blanditur, evanescit: hæc animum nunquam illudit aut fallit. Illa semper fastidio adhærescit: Hæc satietate animum nunquam explet. Illa deniq; sempiternas infamiae notas, cum acerrimo conscientia morfu conjunctas, relinquit: Hæc decus & laudem perpetuò conservat, & perennem tranquillitatem, ac jucunditatem animo conciliat. Illa igitur falsa, fluxa & turpis atq; perniciosa est: hæc vera & constans, omnig; salutis & dignitatis præsidio firmata & communita. Quapropter Adolescentes jucundissimi, si honestum atq; jucundum vitam cursum tenere: si miseras & calamitates devitare; si bonam conscientiam, bonamq; famam tueri ac retinere: si placidâ aliquando leniq; senectute frui: si deniq; hujus vitam munere bonè beateq; perfungi cupitis: (omnes autem cupere debetis) atatis vestrae florem non Bacho, & Veneri, sed Minerva & Musis consecrate: cupiditates vestras Rationis imperio coercete: gulam, & ebrietatem, & inprimis Sirenes, hoc est, lascivas puellas, & impudicas mulierculas refugite: obscena colloquia & congressus declinate: atq; ut Vlysses navis malo sese alligasse, & ejus socii aures suas obstruxisse dicuntur, ne blandis & insidiosis Sirenum cantilenis in naufragium illicerentur: ita vos quoq; animos vestros sapientia & virtutis præceptis alligate: aures atq; oculos vestros cohibete, eisq; omnes ad libidinem vias intercludite: honestis occupationibus, & laboribus vos exercete: atque inprimis ad pietatis & optimarum doctrinarum studia omni cogitatione curaq; incumbite: & deniq; ita vivite, ut vitam rationem Deo simul, & hominibus aliquando reddere possitis.


ORATIO TERTIAE

CLASSIS, RECITATA

A

VITO HECTORB

à Streitberg,



IN congiario nostro, Nobilissimi & humanissimi Auditores, duo præcipuè effecta cernimus, quorum alterum navigii est species, in alto mari inter medios undarum motus, interq; immanium scopulorum infestis passim cacuminibus eminentium, pericula fluctuantis. Alterum verò Delphinus est, navem ipsam, ducis in modum prænatans, & commiseratione quasi imminentis hominibus periculi adductus, nam ille è scopulis evadendi, ductu suo demonstrans: hac inscriptione addita: Tivus ad portum. Cujus Emblematis interpretatio, quam vis eam ingenii & doctrina requirat copiam, à qua me longissime abesse vel primus aspectus mei cuilibet indicio esse possit: Ta-

Nn

men

men impostam mihi abs te M. D. Rector explanationis hujus provinciam, timide quidem, sed libenti tamen animo suscipiā. & quaecumq; hoc meum, parendi auctoritati tuae studium, apud lectissimam hanc auditorum ceronam me excusaturum esse, de humanitate & benevolentia illorum mihi pollicebor. Mare igitur hoc, ut ordine de singulis agam, ob terribilem fluctuum jactationem, metus & horror is plenum, Mundi hujus, & ejus imprimis in quam nostra vita incidit, etatis similitudinem gerit, quam similitudinem facile deprehensus est is, qui ad praesentem rerum humanarum statum oculos vel paululum reflexerit, quas non modo publicarum calamitatum centurbine quodam violento agitari, verum etiam impietatis & injustitia procellis adeo horrendum in modum exasluare, animadvertet: ut quilibet vel faviissimam concitati maris tempestatem, praehaude qua loquor, impietatis & injustitia tempestate merum lucum & jocum dicturus sit: maxime si illam quidem angustis tantum unius alicujus loci contineri terminis: hujus vero fluctus, omnes (proh dolor) totius orbis angulos inundari: Itemq; illam paucorum tantum bonis & facultatibus, aut ad summum corporibus, vitaeq; huic terrena interitum minari: hac vero animas hominum in sempiterni exitus voraginem absorberi cogitaverit.

Navis vero ibidem expressa species, vitae humanae conditionem & statum nobis ob oculos ponit: quae vita non modo inter vastissimos fluctus, interq; horribilia omnis generis calamitatum fulmina, & tonitrua: sed etiam inter periculosissimos ventorum scopulos, & in extremam, ac deploranda prorsus vitam, & morum corruptionem, ac depravationem cursum tenere cogitur. In quo cursu, heu, quam saepe optimum quemq; sublati ad sidera palam, exclamare audis: O terq; quaterq; beati, quis ante hasce vices rerum, atq; hac tempora dura, contigit oppetere.

Iste vero cursus, atq; hac navigatio cum omni etati periculosis-

loſiſſima eſt. cū in primis pueritia, atq; adoleſcentia tanto pericu-
 loſior eſſe ſolet, quanto minus illa ob atatu, & iudicii imbecilli-
 tatē ſcopulos iſtos p̄videre, h. e. vitia, virtutis plerunq; ſpecie ſu-
 cū hominibus facientia agnoſcere; vel ſi agnoveris etiam, volu-
 ptatū tamē, quas illa pollicentur, illecebris inefcata, reſiſtere illis
 non poteſt. Vnde ſimplicis & improvīda atatu partē multo ma-
 ximā, inſelicibus vitiorū laqueis, priusquā cavere eos poſſit, ir-
 retitā, in certiffimū animi & corporis exitium præcipiti ruere
 quotidie non ſine gemitu ac dolore aſpicias. Nā quanto expen-
 ſior ad omnē proſperitatē via in virtute cōvincitur: tāto certior
 etiā à viſio & improbitate in miſeriā & exitiū ruina eſt. Ac ut
 navis alicujus, concitatiſſimo fortē curſu in ſcopulū aliquem in-
 currentis, jam deſperata ſalus eſt: ita certē adoleſcentis quoq; ſa-
 lus, ſi ſi, vel uni vitiorū illorū ſeſe mancipaverit, in qua hæc po-
 tiſſimū propendere atas ſolet, vel omnino deſperata, vel certe tā
 præcipiti in loco cōſtituta eſt, ut ſi ex illis expedire illū vinculū,
 & ad frugē revocare meliorem coneris, exitium illi ſapenumero
 facilius accelereſ, quā feliciter & ex voto cogitata perficias.
 Vnus Dionis Syracuſani filius, miſerando interitu ſuo, hæc q̄ a me
 dicūtur veriſſima eſſe facile cōprobaverit. Illum cum pater (ut
 Cornelius Nepos auctor eſt) ab avunculo Dionyſio Sicilia tyrā-
 no, per ſummā omnis generis intēperantia & libidinis indul-
 gentiā educatum, turpiſſimūq; cupiditatibus imbutum, priſtino
 victu deducere conaretur: cōuſq; commutatu prioris vite ſtatū
 ferre filius non potuit, ut è ſuperiore adiūm parte præcipitem ſe-
 ſe dare, quā in virtutis & modēſtiae viam redire maluerit. Ma-
 ximus illorū numerus eſt, q̄ ad hoſce vitiorū ſcopulos illiſi ſalutis
 ſuae naufragiū faciunt: multo tamē major fuſurus, niſi p̄clarum
 & ſingulare cōtra peſtē illā remediū divina cōparaeſſet benigni-
 tas: la q̄ in fidelis & diligenti præceptorū educatione & inſtitu-
 tione ſitum eſt. Qui quidem in obeundo munere & officio ſuo,

aliud nihil, quàm Delphini huius in numismate nostro expressæ
partes agunt. Nam quemadmodum Delphinus, si historico-
rum monumentis credimus, pro celebratissimo suo in homines a-
more, nautis in mari periclitantibus a parere, viamq; per quam
si navem deducant, scopulos sine noxa præter vehantur, demon-
strare solet: ita bonus & fidelis doctor, non tantum rectam vir-
tutis & officii semitam gregi suo demonstrat, & Ulyssis exem-
plo, salutarium doctrinarum quasi cera, adversus Sirenum can-
tus, aures illius obstruens, contra perniciosas voluptatum illece-
bras animos eorum munit: sed hoc amplius etiam, admonendo,
urgendo, excitando, nonnunquam etiam objurgando & incre-
pando, viam illam capeßere eos cogit: optimus quisq; etiam illo-
rum doctrina & præceptorum suarum in seipso documenta dat:
& veluti quendam Polyclei canonem seipsum proponens, vi-
am, cuius ipse alius ingrediendi auctor est, primus ingreditur.
Hoc inquam præsentissimum illud est, adversus vitiorum pestem
remedium: quo qui usus fuerit, is contra venenum illorum opti-
mè se munitum intelliget. Nam quamvis apud plurimos, in
media optimorum Magistrorum copia, vitam nihilominus cor-
ruptissimam viuentes, remedium hoc minus videatur efficax:
non in ipsa tamen, sed in perversa hominum voluntate hanc
habere culpam, sciendum est, qui veluti eo recusant, vel saltem
venia illud concipi non patiuntur. Quos è vitiorum morbis ex-
plicare se non posse nihil mirum est, cum nec medicamentum
quidem ullum quantumvis pretiosum & salubre, nisi intra cor-
pus assumptum, & in venas diffusum, vim suam in sanitate re-
ducenda, ullo pacto exercere possit. Connitendam igitur etiam
nobis est, & non solum cupida præceptoribus aures accommo-
danda, sed vitia etiam & moribus, ea quæ traduntur, effin-
genda & exprimenda: Summi, nostro labore, conatu & dili-
gentiâ, horum medicorum fidelium, adjuvandus labor. Ut n.,
naviculatores ita demum è scopulis navem educunt, eamq; unâ
secum

*secum incolumem conservant : si monstratam ipsis à Delphino
viam persequantur : nō verò si cum à longe tantum spectantes,
quò ipsorum eos impellit libido, vela faciant : Ita etiam non qui
otiosis tantum auribus saluberrima praeceptorum monita exci-
piunt : sed qui ex inanis speculationis umbra in actum ea educe-
re, inq, vita & moribus ex praescripto illorum instituendis ex-
periri annituntur, y demum & à vitiorum contagio servari, &
verò solidam atq, constantem virtutis acquirere possessionem
solent.*


D I X I.



Nb 3 ORA-

ORATIO QVARTAE
CLASSIS, RECITATA

IOACHIMO STRASBURGERO
Lipsienſi.



I. Sebmacher sc.

IN numismate nostro ex amplissimi ordinis
liberalitate & munificentia nobis tributo, Nobilissimi & p-
stantissimi auditores, Vinitoris sive agricolae imaginem expres-
sam cernimus, vitis folia majuscula revellendo, superfluum illi-
us luxuriam depascentis : non solum ut radiis solaribus, nimia
pampinarum antea multitudine exclusis, ad viticulam ipsam
fovendam, animandosq; teneros uvarum illius foetus, conceda-
tur aditus : sed etiam ut succulentus viticulae ipsius vigor, per
folia & sarmenta inaniter dispersus, resectis iis contineatur, &
in fructum ipsum sese penetrando, cum maturitatem illius adju-
vet, tum etiam numerum atq; bonitatem reddat auctiorem:

Hæc

Hac adjecta inscriptione: Obstacles cedant. Quod Emblemata quamvis non unam recipere explicationem videatur, ego tamen aliis meatum atatis, tum ingenii vires haud parum superantibus pratermissis, unam duntaxat & instituto praesenti, & persona etiam mea magis convenientem asserere conabor. Primum ergo vititoris nostri imago, fidelis & diligentis praeceptoris personam nobis representat: vitis verò, juventutis praeceptorum informationi commissae picturam continet, cui & ipsi sua quadam haud sanè mediocris inest luxuries: quae ut in arbore aut vite, in stolonum & foliorum se effundit multitudinem: ita in juventute per varii generis ineptias, maxime verò turpium, aut saltem inanium voluptatum cupiditates erumpit: quae cupiditates non solum, quidquid melioris forte indolis ad producendos virtutum fructus aetati illi ingeneratum est, id totum in omnis generis vitiorum alimentum & pabulum convertunt: sed etiam doctrina & praeceptorum salutarium quasi radis omnem ad animum penetrandi, illumq; ad edendos virtutis normae congruentes fructus faciendos aditum & facultatem, intercludunt. Ut enim vepres atq; urtica, omnem agri, quem occupant, bonitatem atq; pinguedinem, utilioribus herbis, & graminea sementi interceptam exsugunt ipse, inq; sui augmentum & incrementum convertunt: unde purgamenta mera pro frugibus agrum illum producere necesse est. Itaprofecto voluptatum illicitarum amor & studium, insitum à natura teneris adolescentium animis virtutum atque indolis praeclara semina, veluti umbra sua premere & suffocare solet, & in omne vitiorum & flagitiorum genus degenerare cogit. Quibus quidem, si in veros virtutum fructus adolescendi suppeditari facultas debet, manibus ac pedibus illud agendum erit, quod rusticum hic noster exemplo

plō nobis suo demonstrat. Amputanda inquam juveniliū
ineptiarum & petulantiarum quæquiliæ: refrenandæq; admo-
nitionum & præceptorum salutarium habenis immoderate
voluptatum cupiditates, omnesq; adearum illecebras obstruen-
da viæ: pracidenda disturbandæq; occasiones: contemnenda
existantes inde in puerorum animis offensiones & querelæ. Hac
inquam, vera est hujus, ut ita dicam, agri purgandi, & latissi-
mæ virtutum mæssus obstaculæ removendi ratio: non solum com-
munibus omnium sapientum vocibus, & suffragiis approbata:
sed etiam rectæ rationis ipsius lumine demonstrata, utilitatem
potius eorum, quos instituendos susceperis, quàm voluntatem æ-
stimare jubentis. Nam ut agrotum nunquam sanaturus est me-
dicus, si morositatis fortè aut offensionis illius metu, amariora
illi aliquando miscere pharmaca noluerit: contrà verò, quicquid
flagrantis animi illius concupi-verit arder, illi indulserit: Ita
certè stultitia morbum, qui secundum divinæ sapientiæ vocem,
puerorum animos occupatos tenet, non modò nunquam curatu-
rus: sed omnes etiam tam corporis quàm animi illorum nervos
fracturus est, qui potio-rem declinandi præsentis discipulorum
odii, quàm solidæ & constantis eorundem olim comparandæ be-
nevolentie, rationem ducens, ad quamlibet illorum libidinem
connixerit, tenerosq; illorum animos vitiorum atq; voluptatū
veluti sentibus, adeo fedè occupari siverit, ut salutaribus do-
ctrinæ atq; institutionis seminibus, nullus vel in iis agendi, ne-
dum in molestiæ & liberalis eruditionis fructus excrescendi, lo-
cus relictus sit. Quibus quidem jure & merito ea tandem con-
tingere solet merces, ut ex levissima hac gratia puerilis aura,
in gravissimas postea, cum ipsorum illorum, tum omnium hono-
rum odii & indignationis tempestates incidant. Cum è diverso
puerilium animorū temere & in consultè suscepta odia, in favo-
rem & benevolentiam summam commutatam experiantur illi,
qui perniciosi illorum desideriiis, sapienter obviam eundo, disci-
plina

plinae suae habenas plusculum aliquando intenderint. Quapropter charissimi commilitones (ad vos enim finem jam spectans se convertit oratio) cum charissimos preceptores nostros in eam unice curam incumbere, res ipsa fateri nos cogat, ut doctrinae & morum honestorum laudissima quasi patrimonia nobis relinquunt, divina pariter & humana vicissim à nobis exigit ratio, ut indefessum illorum, in nobis erudiendis & ad veram omnis generis virtutum frugem perducendis studium & curam non modo agnoscamus: sed nostro quoque illis parendi, doctrinaeque illorum lucem obvisis ulnis excipiendi studio subsequamur: Quo facto ut non ipsi tantum perpetuo gavisi, sed etiam gaudij huius socios Deum & homines habituri sumus: Ita etiam è contrario, qui hoc neglexerint, & infami olim & tristitudo & vitiis squalore, infelicem aetatem acturi, & debitas contumaciae & perversitatis suae poenas daturi sunt.

D I X I.



GRATIARVM ACTIO, RECITATA

4

NICOLAO HIERONYMO
BAYMGARTNER NORIBERG.

M Ene jubes? ô Aoniæ clarissime pubis
Rector, & infirmas premis alto pondere vires?
Scilicet elinguem puerum tam clara corona
Ferre potest, ludumne facis, cui dona dedisti?
Non ita de tanto liceat sperare parente.
Ardua jussisti; nec cuiquam mollia: sed cum
Sit mandate tuum, parendi gloria nostra est.

D I O. O qui lactentes solitus non spernere linguas,
Spemq; bonis superas, præcurris vota juvando,
Magne pater rerum, ingenii sator unice nostri,
Te veneror, quæsoq;, ut nostris otia semper
Talia suppedient studiis: fera bella facessant,
Barbariesq; procul, sobolesq; impura Getarum
Caucasæas tepetat turpi formidine portas,
Strataq; Danubium numerosa cæde coloret.
Vincat id, vivatq; pius, regnetq; Rudolphus,
Priscæq; ad Augusti revirescat limina quercus
Servatam ob patriam, te te, **D E V S**, auxiliante.

SENATVI In terras cælo redeo, magnumq; Senatum
NORI. Appello patrus, submisso poplite civis,
Commendoq; suas (quando persolvere grates
Non potis est animus, nostræq; infantia lingua)
Has sedes, hæc Musarum celeberrima templa.
O decus Imperii eximium, sapientia cujus
Omnes per terras præclara est didita fama,
Te colimus, te suspicimus, sequimurq; volentes,
Proq; tua facimus solemnia vota salute.

SCHOLAR- Nec vos communi patiar sub nomine abire
CHIS Magnæ urbis procures, curatoresq; Lycei,

Cum

Cum vestra exornet nostram præsentia pompam,
 Si nostra est hæc pompa tamen, Vestri ista favoris
 Munera sunt, vestri hi ludi, vestraq; coronæ,
 At gratis servare animis hæc dona, diemq;
 Laus ea nostra manet, cœptis si arriserit æther,
 Ingentiq; aderit cum vet optabile nostri,
 Nempe etiam vobis texemus lucida festa,
 Qualia consuevêre bonæ contexere Musæ
 Ad juga Parnassi, vel doctæ flumina Cirrhes,

Nec minus ô quorum aspectu recreamur amico, **HOSPITIBVS**
 Partibus è variis faustum quicumq; tulistis
 Hæc in tecta pedem, multum salвете, mihiq;
 Atq; meis optate pios æqualibus auctus
 In rebus tam laudatis, morumq; decore.
 Nunc ad te, tuaq; hæc, **Rector**, benefacta revertor, **RICTORI**
 Te noster canet omnes amor te prospera fata
 Florentem nobisq; diu, Phœboq; reservent,
 Sæpius ut teneas hæc sceptrâ virentia lauro
 Auspiciis bis salva tuis animoque sagaci.

Quò, me quò fessum rapitis, tot clara per orbem **PROFESSOR-**
 Lumina doctrinæ? quo vos ego carmine dicam? **RIEVS.**
 Tantarum nam me obnubit incognita rerum
 Congeries, landumque sequacibus obruior undis.
 Præcipuè cum tot juvenes, lectissima corda
 Hic adsint, curâ vestrà, cultuque polita,
 A quibus & grates, & carmina digna Marone,
 Aut Colophoneo vobis debentur Homero.

His ego & his mecum sociorum turba meorum **STUDIOSIS**
 Officia & studia, & gratum sacramus amorem:
 Quodd nos illustri vultu, facieque benignâ
 Tantopere cohonestarint: cursusque secundos
 Museo in stadio præscripta ad candida calcis
 Exemplo præiêre suo, ne incitâ nostra
 Hæreat ad metas, hoc flexu ætatis, iniquas.

τῷ θεῷ δόξα.

Oo 2

PAN.


PANEGYRIS ANNI

1597.

RECTOR E D. M.
IOHANN E PRAETORIO,

Oratio prima clāssis, recitata

NICOLAO VOGT
Silcio.



Quod si par mea voluntati supereretur facultas, Auditores humanissimi, alacri certè animo partes dicendi à Magnifico D. Rectore mihi attributas susciperem:

ncq

neq; hujus loci auctoritatem, vestramq; presentiam, & gravissimum conspectum mihi magnopere metuendum existimarem. At non est, planè non est ingenii mei, tantum tamq; difficile onus atq; munus sustinere. Itaq; ut vestra de me opinioni atq; expectationi respondere, & dignum aliquid vestris pelitisimis auribus in medium afferre possim, id verò non mediocriter pertimesco. Verùm tamen haud leviter me reficit & recreat, tùm eximia vestra, erga studiosos adolescentes humanitas, hoc in loco sepè cognita atq; perspecta: tùm etiam obedientia ratio, cujus tanta vis est, ut neq; subterfugere laborem, aut recusare onus, nec quenquam in crimen & invidiam vocari patiatur. Quamobrem spero, atq; ut jubet me vester conspectus, etiam confido, me benignè attentèq; à vobis auditum iri.

Dicendum est autem de argenteo numo seu premio, quo ego meiq; ordinis adolescentes jam donati ac decorati sumus. Atq; ut hinc initium ducam: In numo nostro primum impressa cernitur effigies ferì indomitiq; tauri ad caprificum alligati, cujus arboris vi omnem feritatem & immanitatem exuere, & planè mansuetus ac propè immobilis consistere cogatur. Qua imago ut planius ac plenius cognoscatur & intelligatur, opera pretium fuerit, Caprifici vim & effectum, quatenus ad rem pertinere videbitur, perquirere & investigare.

Ceteris in rebus in quibus Dei omnium rerum creatoris infinita vis & sapientia, & bonitas elucet, nosq; in sui admirationem allicit & invitat, rectè ut opinor, caprificum quoq; numerabimus. Quid enim admirabilius, quam hujus arboris atq; tactu feras atq; immanes bestias domari & mitigari posse?


Cujus rei causa etsi per obscura & explicatu perdifficili sit, & verò ejus investigatio instituto nostro aliena videatur: justa tamen, ut spero, reprehensione carebo, si quas ex aliis ejus rei causas cognoverim, breviter commemorem. Repersuntur, qui

existiment caprisco vim quandam vnguentinā inesse, quæ tan-
rū corporem sive stuporem inserat, atq; ad eò omnem ferocitatem
cohibeat ac reprimat: similiter atq; torpedo limo submersa &
occultata pisces suprā natantes efficit torpidos, & Echneis na-
vem quantumvis magnam, & remis veliq; incitatam sistis &
inhibet. Alii verò arboris illius odore perquā acri & ad-
stringente tauros coerceri & mansuescere putant. Magna enim
& multiplex odorum vis est, quippe qui animantes partim mi-
rifice oblectent & recreent: partim earum vires graviter ladās
& labefactent. Vultures unguentorū, scarabcos rosarum odore
exanimari ajunt, Lucretius amaracinum suis acce venenum
esse scribit. Quin etiam sanguinis fluxionem odore efficacior ex-
citat, & sæpè homines ad furorē & insanīā adigit. Itaq; absur-
dū fortasse non fuerit, si taurus quoq; caprisci odore mitescere
existimetur. Alii deniq; aliis rationibus latentē in obscuro veri-
tatem quasi verunt, quam an invenerint, nec ne, id verò iū cogi-
tandum ac statuendum relinquo, qui rerum in natura abditariō
contemplationi & indagationi vacant. Quorsum autem ejus-
cemodi tū beluæ tū arboris imago spectet, id ipsum docet lē-
ma illud nostrum, Patiunt adversa salutem. Quemadmodum
enim caprisco tauro indomito omnem ferocitatem & immani-
tatem detrahit: sic res adversa homines effrenatos sibiq; prafi-
dentes comprimunt. Nam quos neq; ratio, neq; leges, nec discipli-
na, nec deniq; ullum remedium humana ratione excogitatum à
flagitiis avocare potest: eos calamitas avocat, atq; ad moderatio-
nem modestiamq; traducit. Hæc enim de fragili hominum natu-
ra de fluxa & caduca vita hujus conditione, de rerum humana-
rum varietate & inconstātia nos admonet, nobisq; varios homi-
num casus, ancipites eventus, diros & miserabiles exitus, ob ocu-
los ponit: atq; ad eò in eam mentē nos impellit, ut nobis nostrisq;
viribus planè diffidamus, ut ne quid remerē & inconsideratē
aggrediamur: ne officio nostro neglecto, alienum appetamus: ne

cuiquam vim inferamus, aut fraudē machinemur: ne quonquam insolēter spernamus, ac pro nihilo putemus: ne prosperis rebus atq; ad nostrā voluntatē fluentibus efferamur: ne voluptatibus nos constringēdos tradamus: ne falsa gloria umbras cōsectemur: ne deniq; humi defixas cogitationes habeamus, & terrestriatātum ac mortalia spectem9: Sed ut animos excelsos & invictos sursum attollamus, omni9 studio enitamur, ut calamitoso hujus vita cursu toleranter & moderatē cōsecto locum in cōlesti domicilio, omniū calamitatū experite inveniamus. Quantū igitur ad salutē cujuslibet valeāt, quāq; porro necessaria homini sint res adversae, verbis exprimi cōmodē non potest. Videmus qui p̄speris rerum successibus utuntur, omnibus copiis circumfluunt & abundant, quā difficulter mentis statū tenere queant, quā facile ab officio desciscant, & aestu cupiditatum in perniciē & exitium rapiantur nisi interdum rebus adversis tanquā freno qudā injecto, contineātur. Quod mihi videtur Philippus Macedo p̄bē intellexisse, q̄ cū tres optatissimos nuncios uno die accepisset, sublatis in cōlū manibus, Deos precatus est, ut se aliquo itē malo seu incōmodo afficerent. Significabas nimirum Rex sapientissimus, nihil ad cōprimendā insolentiā, ad refrenādas cupiditates, ad animi labes eluēdas, ad omnesq; deniq; vitiorū ac turpitudinis fibras exscindendas tām necessariū esse, quā rebus adversis exerceri. Quēadmodū. n. in mari Persico arbores nasci dicuntur, q̄ ab undis in litore de relictis sterilescant: siq̄ t̄ib. autē pulsata, atq; etiā tota a t̄ib. marinis opt̄e vigeant fructusq; ferant: Sic anim9 humanus ab omnibus curis & molestiis vacuus, nullis incōmodis vexatus, nullis malorum fluctibus jactatus, hebescit & languefcit, & pravus plerumq; cupiditates & vitia concipit: rebus autē adversis exercitatus, multiplices & uberes virtutum fructus ex se fundit. Et ut vitis multiplici lapsu & erratico, serpēs ferro amputatur, ne sylvescat sarmētis, atq; in omnes partes nimis fusas fructib. officiat: ita pravae opinionēs & vitiose cupiditates asperitate fortuna

ne tanquam culro circumciduntur & amputantur, ne profusa
vitiarum luxurie mentem opprimant, omneq; pietatis & hone-
statis studium extinguant. Et queso quid errores evellit, om-
nemq; levitatem & vanitatem tollit? nonne Calamitas? Quid
libidines refecat, & insolentiam ac superbiam comprimit? Quid
temeritatem & audaciam profligat? Calamitas. Quid vici-
orios conatus frangit? Quid impetus furentes revocat & refle-
ctit? Calamitas. Quid ceteras animi affectiones, suis quasq;
finibus coercet & continet? Calamitas. Quid deniq; animos
nostros beata & immortalis vita cupiditate incendit? Calami-
tas. O morum & disciplina magistra Calamitas! o errorum
emendatrix, cupiditatum moderatrix, vitiarum expultrix! Per
te ad sapientia omnisq; virtutis disciplinam mirabiliter institu-
imur & erudimur: per te ab omni maleficio temperamus: per
te placida & tranquilla mente consistimus: per te deniq; ad æ-
ternitatem & immortalitatem aspiramus atq; contendimus.
Prudentes igitur atque felices, qui rebus adversis ad salu-
tem sempiternam se exerceri intelligunt, easq; iccirco placide &
moderate ferunt: Dementes contra & miseros, qui vitam mol-
lem, nullisq; molestiis aut miseriis implicatam, turpem verò &
flagitiosam, acerbam, calamitosam, & moderatam, atq; honestam vitam
anteponunt.

D I X I.




ORA-

ORATIO SECVNDAE CLASSIS, RECITATA

à
GEORGIO FUCHS

à Schveinhaupten.



DVo sunt, quæ in nostro Brabeio potissimum
consideranda videantur: Imago seu effigies, & Emblemata:
De quo utroq; dum verba facio, rogo vos, Auditores optimi, ut
quam sodali meo tribatis benevolentiam atq; attentionem,
eam mihi ne denegetis. Imago autem est Apollinis, auream bul-
lam ad pectus appensam digito commonstrantis. Bulla verò au-
rea primum fuit ornamentum Regum Romanorum, ab Hetru-
scis acceptum: quod postea ad pueros nobiles ceterosq;, quorum
patres equo meruissent, translatum est. Cujus rei autor pri-
mus memoratur fuisse Tarquinius Priscus, qui aurea bulla, &
purpurea prætexta, filium suum annos quatuordecim natum, qui
in bello Sabino primus in hostes impetum fecerat, donavit, ut

P P

ais

ait Plinius lib. 33. cap. 1. Cujus exemplum secuti principes Romanī, prætexta, bullaq; liberos suos donaverunt, qua ad annum usq; decimum quartum uterentur. Erat hæc bulla ferè rotunda, in cordis humani figuram formata. Sic dicta (ut ajunt) à nomine *Εχλιδ* i. e. consilium, quod hæc ætas propter inscitiam atq; temeritatē alieno consilio maxime indigeat. Caterū ex collo ad pectus ea dependebat, ut pueri ejus aspectu admonerentur & intelligerent, ita demum se homines fore, si (ut Macrobius inquit) corde præstarent. Cor enim non solum vita atq; affectuum fons est: sed etiā anima, ratione, consilioq; prædita domicilium: id quod tum ex sacris literis, quibus traditur, homines habere legem in cordibus inscriptam: & de corde exire cogitationes: tum etiam philosophorum quorundam scriptis cognoscere licet, qui primariam præcipuamq; animæ sedem cor statuunt, eidemq; sapientiam attribuunt. Vnde homines vel cordati, id est, homines sapientes & prudentes: vel contrà vacordes, & excordes, hoc est, insipientes ac dementes nominantur. Et P. Scipio Nasica, quod sapientissimus esset, Corculum fuit appellatus. Verū longior hac de re sermo, à me (ut spero) non expectatur. Ad Emblemata nostrum quod attinet, duobus hisce verbis id expressum est: Pectore consilium.

Quod præclarè admonet, omnes actiones certo consilio moderandas, nec inconsultò ac temerè quidquam suscipiendum & agendum esse. Est namque cordati hominis, omnia quæ sibi suisq; accidere queant, accuratè præmeditari: cum præsertim vitam mortaliam, tot periculis & difficultatibus circumscripta, totq; fortune & naturæ telis proposita sit, ut sæpè medio in cursu obruatur & opprimatur. Videmus quàm perversè ac præposterè omnia agant, quantam ignominiam subeant, quamq; nefariam pestem sibi & Reipublica machinentur, qui sine consilio judicioq; præcipites feruntur. Cum enim rectus virtutum usus, prudentiæ, consiliiq; ratione contineatur, necesse est,

ut amoto prudentia lumine, nec justè ac liberaliter, nec fortiter, nec temperanter quicquam agere possit. Nam quomodo unicuique suum tribuet, aut injuriam à se depellet? quomodo pro honestate pugnabit, pericula propulsabit, fortunam adversam infracto animo, secundam moderate feret? quomodo modestiam, modum & decus tuebitur, turpes voluptates contemnet, honestis modicè fructur is qui nec quid, neque quare ratione & modo, neque cur aliquid facturum, ducturusve sit, intelligit? Adde quod nihil omnino in vita boni esse queat, si prudentia, consiliiq; moderatio sublata fuerit. Etenim, neque vires, neque pulchritudo, neque opes, nec imperium, nec aliud quid exis, quæ vulgo eximia bona habentur, salutem ac decus afferre possunt eis, qui illis temere & insipienter utuntur. Hinc Cicero, Nihil (inquit) sunt vires sine consilio. Et Salustius: Non viribus aut velocitate corporum res magna geruntur, sed consilio & auctoritate. In Scholis certè & Academiis (ut de cæteris vite generibus nunc taceam) quantum consilii gubernatio valeat, quamque ea necessaria sit, neminem nisi rudem ac imperitum esse puto, quæ non animadvertat. Magna in plerisque est vite licentia, multiplices sodalitates, multe depravationis occasiones, pessima exempla, infinita insidia atq; illecebra. Quotus quisq; adolescens in illis reperitur, qui inflammato studio ad eruditionem & virtutem incumbat, atq; in his duabus reb. omne studium, maximamq; temporis partem consumat? Nonne pleriq; ignavo otio, nugis, per potationibus & lusionibus magis, quàm literarum studiis sunt dediti? & leves scurras, lascivas puellas, impudicas mulierculas, cæterosq; id genus voluptatum ministros, potius, quàm parentes ac praeceptores sectantur? Sed non satis esse putat, si ipsi omni vitiorum labe fœdati sint, nisi alios quoque turpitudinis suæ contagione contaminent. Itaq; fit, ut qui domi modestè vixerunt, diligentèq; operâ literis navarunt simul

ac in Academiis ventum est, de priorē virtutis & industriae curriculo deflectant, atq; in omne vitiorum genus delabuntur. Si unquam fuerunt, nunc profectotalia sunt tempora, quibus adolescentia in summo probitatis & salutis discrimine & periculo versatur.

Quapropter o Adolescentes, auream bullam ab oculis constituite, nostrumq; Emblemā animis vestris insigite; atq; ad res quasq; agendas consilium & prudentiam adhibete. In primis verò circumspicite atq; cavete insidiosos improborum tendiculas, omnesq; voluptatum illecebras, ne earum blanditiis illecti, in omne flagitiorum & calamitatum genus precipites ruatis.


D I X I.

ORATIO TERTIAE CLASSIS, RECITATA

À

STEPHANO GEYGER

NORIBERG.



ETSI me quoq; R. M. tum pudor meus, tum
strennitatis mea conscientia, ad suscipiendā provinciam istā
tim-


timidiorem reddit : tamen cum multo gravius me crimen incursum videam, si ad declinandas hæc dicendi partes, plus timorem meum, quam ad easdem obedienter exsequendas, *M. T.* voluntatem apud me valere patiar : equidem eruditionem & facundiam, quam modestum magistratui meo obtemperandi studium, in me desiderari malo : & quæ de Emblematis in congiario nostro expressi significatione assequi divinando potui, summa quam potero brevitate explicare conabor. In numismate igitur nostro, Orna, audi, triplex nobis animalium representatur genus, Leo, Asellus & Porus : ipso corporum positu & gestu, summam indolis ingeniūq; inter eos diversitatem indicantes. Primum enim asellus, una cum porco, humi ambo jacentes, & ab omni opere & labore vacui, otii ignaviq; turpi voluptate saginantur. Leo verò in pedes posteriores erectus, anterioribus verò lanceam, gladiatoris animosi ritu sublatam, vilibus atq; inertibus animalibus illis intentans, à turpi veterno isto excitare ea nititur, hoc temmate apposito. Pungit inertes.

Quorum omnium significationem si scrutati fuerimus diligentius, ignavo & ignobili illo animalium pari, degenerem & inutilem illam discentium turbam, qui honestissimorum discendi laborum pertesi, infami otii atq; ignavia veterno putrescunt, nobis depingi : Leonis verò pictura, preceptoris boni & fidelis imaginem nobis representari animadvertemus. Priorum illorū maximā ubiq; copiam, & proventū nimis uberē experimur. Ut enim segetem sine lolio & Zizaniis vix invenire licet, ita omnibus, ubiq; locorum, discentium cætib; suum quoq; lolium, & veluti fucos quosdam ignavos perpetuè admixtos esse videas : quos etsi ex reliquo discentium cætu arcere aut ejicere in preceptoris manu non fit ; in eam tamen curam incumbere illū decet, ut quo modo leonem hūc erga ignava ista pecora compara-

rese videmus, ipse quoq; in suum illud ignavum pecus sese com-
paret, hoc est, omne remediorum genus, ad depellendum pern-
ciosam istum corporis & pigritia morbum adhibeat, nec proprie
tantum industria atq; alacritatis exemplo discitentibus praluce-
at, sed etiam admonitionum, exhortationum, itemq; increpa-
tionum omnes machinas illis admoveat, omne organorum ad
scholastica disciplina regimen pertinentium genus, in auxilium
advoces. Id enim nisi fecerit, ut misera & improvida juven-
tutis salutem & frugem contra officium & fidem proditurus,
ita graves olim, Deo & hominibus, neglecti officii sui rationes
reddaturus est: Quamquam, si verum satendum est, non iam in
praeceptoribus, quam in discipulis culpa isthac saepenumero ha-
rere deprehendatur, qui dulci quidem, at exitiali tamen, torpo-
ris & desidia veneno deliniti, non modo remediis nullis quic-
quam loci reliquunt, sed etiam pro maximo salutaris medele
hujus beneficio, pessimam saepenumero gratiam illis relata[m] cu-
piunt, & si aliud nequeant, vel parentes suos, aliosq; quos sui amā-
tiores norunt, indignissimo contra praeceptores optime meritos,
aut mereri certe cupientes, odio inflammant; non intelligentes
interim, quam praeceptoribus machinantur fraudem, in propria
ipsorum capita recidere. Dum enim indigna hac, quam prae-
ceptoribus referre parant, gratia, in hac officii parte cunctatior
illos reddunt, ipsimet sibi omnem ad frugem bonam pervenien-
di viam, malitia hac sua, pracludunt, & in scitia, morumq; pra-
vorum caeno perpetuo immergi herent, dedecus & infamiam,
& justissimum bonorum honestorumq; hominum contemptum,
ut meritisimam perversitatis & improbitatis suae mercedem
reportantes. Quod quidem, charissimi commilitones, ne nobis
quoq; usu veniat, duabus rebus, etiam atq; etiam nobis provi-
dendum est. Primum ut ipsimet otium atq; inertiam, quanta
possumus contentione fugiamus, & propter atram illius caudā,
qua nihil est aliud quam certiss. omnium bonarum rerum exitiū,
falla-

fallacissima faciei illius blandimenta, impuram & inancem voluptatem dico, excremur. Contrà verò laborem & industriam, ut virtutis & honestatis omnis nutriculum, identidem amplectamur & exosculemur. Deinde, si nos inter illos forte non esse intelligamus, qui singulari quadam natura bonitate, ad laboris & industrie amorem ipsi excitare sese norunt, in illorum saltē inveniamur numero, qui admonitionum, & castigationum stimulis, à magistris & preceptoribus juventutia dmo versis solitis, non recalcitrant, sed equissimo animo perferunt, illum egrotantium morem imitantes, qui bona valetudinis recuperanda desiderio, non modo amarissima quæq; deglutire pharmaca non recusant, sed unctiones etiam, & sectiones, aliæq; acerbissima medicantium tormenta, forti animo sustinent: hac interim spe certissima nos consolantes, amaritiem illam, quæ laboris & disciplina radicibus inesse animadvertitur, incredibili olim dulcissimorum fructuum suavitate, longè supra spem & opinionem nostram compensatum iri.

D I X I.




ORA-

ORATIO QVARTAE
CLASSIS, RECITATA

4

SIGISMUNDO KOZEL

à Reifental.




Quoniam in negotio hoc, M. D. R. ab
auctoritate tua mihi nunc imposito, justissima imbecilli-
tatis excusatione uti posse videar: tamen, cum me ad parendum
in omnibus rebus Magn. Tue quàm devinctissimum agnoscam:
non committendum mihi puto, ut demandatam mihi à Mag.
tua provinciam refugiendo, plus pudori meo indulgisse, quàm au-
thoritati tue paruisse videar: cum praesertim ea me spes erigat,
humanissimos Auditores balbutiem meam favore suo, erga
qualecunq; hoc Magistratui meo obtemperandi studium, beni-
gnè sublevaturos. Numisma igitur nostrum, Amplissimi Or-
dinis munificentia nobis tributum, Cedrum ardorem nobis ob-
oculos ponit, duabus tantum voculis hisce circumscriptam: Se-
rotina

retina præstant, Breve negotium, & paucarum syllabarum sono confectum, sed profectò rerum ad felicem nostri institutionem maximi momenti significationem sub obscura brevitate ista occultans. Quamut brevissimè perstringamus potius quam evolvamur, duo nobis ex rerum naturalium scriptoribus Cedri arboris observanda sunt genera. Vnum, quod flores quidem, fructum verò adfert nullum; alterum verò, quod flore caret, fructuum verò dulcissimi saporis ubertate et copia defectum illius abunde compensat. Quo duplici tamque diverso arboris istius genere, duplex quoq; discipulorum seu adolescentum, non minori indolis atq; ingenij diversitate inter se dissidentium genus designatur. Quorum priore illi continentur, qui simul ac doctrina & institutionis quasi auram persentiscunt, e vestigio in florum & foliorum copiam longè maximam effunduntur, hoc est, inanissima ostentationis & jactantiae quasi vento intumescunt, doctrinaq; & eruditionis penè singularis opinione dementati, fallaci illius fucò passim apud imperitos sese venditant; & præ se unis (ut veterum quidam loquitur) omnes divina & humana sapientia antistites, gentemq; omnem togatam, totumq; nomen latinum, rudes & agrestes esse, per summam stulticiam opinantur.

Verum enim verò ut cedrus illa, qua florum amenitate & fragrantia mirè initio superbiebat, hominū postea de fructibus suis spem turpiter destituit, ita istud discipulorum genus, postquam in spem maximorum fructuum, tam ad Ecclesiam, quam ad Rempublicam ex ipsorum olim studiis perventurorum animos hominum arrepperunt, tandem pro amplissimis eruditionis doctrinaq; thesauris, vilissimos opinionis & persuasionis inanis carbones proferunt. Alterum genus illorum est, qui dum in discendi versantur curriculo, diligentissimam modestia & pudoris rationem habent, ac ne vel minimam fastus aut in so-

*lentia suspicionem de se praebeant, omni ratione cavent, minimè
 solliciti, quo pacto ingenij sui opes studij assiduitate partas, aliis
 ostentent, sed potius quomodo vel citra hominum animadver-
 sionem eas adaugeant: & quemadmodum plantas crescere qui-
 dem non videmus, sed crevisse, ita isti quoque, unum illud operam
 dare solent, quo eruditionis & doctrinae opes jam possidere, ma-
 gis quam ad possessionem illarum sollicitè admodum aspirare
 videantur. De hoc ergo, charissimi commilitones (vestri enim
 compellatione finem orationi meae imponere placet) de hoc in-
 quam, duplici adolescentum in studiorum liberalium palaestra
 versantium genere, congiarj nostri intuitu admoniti, in eam
 curam nos excumbere decet, ut à priore illo genere quàm lon-
 gissimè nos sejungentes, posteriorum istorum similes esse stude-
 amus, hoc est, fastum omnem, & inanem de nobis ipsis persua-
 sionem, omni contentione fugiamus, intra verecundiae & mo-
 destiae fines, summa cura nos contineamus. Id enim si feceri-
 mus, ut certissimam studiorum pestem, ejusque individuum comi-
 tem justissimum bonorum omnium odium, effugiemus: ita è di-
 verso non modo felicius in studiis progressum magnum adju-
 mentum & praesidium, sed etiam veri amoris & benevo-
 lentiae hominum conciliatricem no-
 bis comparabimus.*

DIXI.



EMBLE.

EMBLEMATVM IN HOC LIBRO EXPOSITVRVM

CATALOGVS.

A Cuit ut penetret. 80. b.	Pax aurea secli 16. b.
Ad astra vel castra. 93.	Pectore consilium 149. b.
Adde parum parvo. 49	Perfer & obdura. 50. b.
Allicit ut perimat. 112. b.	Pietas tutiss. virtus. 46.
Amat victoria curam. 4. 40.	Procul hinc, latet anguis. 91.
Arrecta attentior aure. 103. b.	Pungit inertes. 511.
Ans regula vitæ 34	Qua licet erumpit. 134.
Cælesti numine vincor. 26.	Stat gratia lacti. 119.
Conscientia. 95. b.	Saucius erro. 77. b.
Damnosa libertas 107.	Serotina præstant. 153.
Defectum industria supplet 122. b.	Sobrietas victrix veneris. 11.
Desuper auxilium 132. b.	Studio & perseverantia. 56.
Disciplina salubris. 137.	Stultus amor nostri. 30. b.
Et labor & virtus. 60.	Splendescit in usu. 83.
Fortior è latebris. 114.	Tolle moras. 32. b.
Gaudet certamine virtus. 101.	Tramite recto. 136.
Haud impune feret. 125.	Tutius ad portum, 141.
Improb. tas pœna sui. 17.	Vanitas. 69
In se contexta recurrit. 44.	Veritas premitur nō opprimit.
Ingenium superat vires. 13	Vestigia terrent. 139.
Mentis Venus improba clades, 28.	Vigiliis ac moderatione. 55. b.
Nobilitatis virtus non stemma character. 6.	Vince animos. 98. b.
Nulla salus bello 23.	Virtus post fata superstes. 20. b.
Nullis fraus tuta latebris. 42. b.	Virtutem doctrina parat. 1. 61. b.
Obstacula cedant. 144.	Virtutis merces sudore parat- tur. 64. b.
Officium natura docet. 38.	Virtutis gloria merces. 66.
Pœna comes sceleris. 127.	Virus aurib. haurit. 115. b.
Pariunt adversa salutem. 147. b.	Vivitur ingento. 9.
Paulatim 71. b. 91	Vt desint vires. 74. b.
	Vtroq; clarescere pulchrū . 77

INDEX ALPHABETICVS

R E R V M E T V E R B O R V M

memorabilium.

A Damas ab ignis flamma non leditur. 51.	Calumnia descriptio. 119. b.
Adolesiens pulcher, nobilis sed rudis, à Carolo. V. vocatur pulchra statua. 7.	Eius magna vis. ib.
Æmulationis honesta utilitates. 92.	Contra illam remedia. ib.
Alexander Magnus multum delecta- tus lectione Homeri. 1. b.	Cervi proprietates al quot. 43.
Alexander Magnus noctes ad officia tripartita dividebat. 40.	Cervi simplicis & serpentis calidi naturale odium. ib.
Androdes servus à Leone quodam de- fenditur. 78.	Cervi arrectis auribus. acrius audiunt. 105.
Animalium quorundam mira inter se inimicitia. 75. b.	Ciconia multarum virtutum simu- lachrum. 47.
Apellis de calumnia pictura explica- tur. 116.	In primis veropietatis. ib.
Aquila pullos qui radios solis perse- runt, pro legitimis agnoscit. 7.	Chinenses populi doctiss. viros aliis omnib. in gubernationib. praeferunt. 95.
Ardea cum falcone pugna. 23.	Civitas sine consilio, est corpus sine anima. 13. b.
Cadmea illarum victoria. ib.	Cleantes lucerna proverbium. 39. b.
Aristophanis lucerna proverbium 39. b.	Columba in Arca Noë typus Ecclesie. 16.
Armis & consiliis orbis terrarum de- fenditur. 61. b.	Concupiscentia laxis habenis auri- gatur.
Arrogantia nihil turpius. 114. b.	Corporum nostrorum figura nos ad pacem non bellum factos in- dicat. 23. b.
Athenienses quare Gratiis sanum medea urbe consecrarint. 121. b.	Conscientia vis. 97.
Autores enumerantur qui de reb. ge- stu Herculis scripserunt. 101. b.	Critici unde dicti. 81.
Basilisci historia adhuc incerta. 17. b.	Demothenes abstemius & vigilans. 39. b.
Eius acerrimum venenum. ib.	Demothenis ad mirabilis & sermo incredibilis exercitatio. 84.
Belli calamitates. 23. b.	Discipline in omni genere vita ma- xima utilitas. 108.
	Est quasi


Est quasi quoddam septum iu-
ventatis 107. b.
Disciplina privata quæ? 108.
Doctus ab indocto differt quantum
dies à nocte. 1. b.
Doctrina & studia in utraq; fortuna
inftar fortiss. clypei. 34. b.
Draco puerum servavit. 79. b.
Eloquentia præcipuum ingenii de-
cus. 81.
Epiæcteti lucernula post mortem ma-
gno precio divendita. 39. b.
Fabula de certamine Aquila & te-
studinis expositio. 91. b.
Friderici Oenobarbi vigilantia ad
divinas laudes celebrandas. 40.
Fridericus II. scripsit de Aucupio: qui
liber nuper impressus est.
Galenus se Basiliæcum nunquam vi-
disse fatetur. 18.
Gratitudinis commendatio. 120.
Gratia & remuneratio vinculum
Concordiæ. 79. b.
Gratiæ à brutis quoq; reddita. ib.
Grues observant excubias noctur-
nas. 38.
Proprietates & ordo in volando. 39.
Hercules quos representet. 65.
Herculis varia nomina. 102.
Herculis colloquium cum virtute &
voluptate: et illius allegoria ib.
Hesperidum horti quales fuerint. 65.
Homines universi laudis cupidi. 87. b.
Ignavia comites egestas & contem-
tus. 93. b.

Imperatorum erga præceptores gra-
titudo & veneratio. 121
Improbitas nocentiss. ferro ac igne
violentior. 19. b.
Ingenium parit doctrinam, hæc vir-
tutum, virtus gloriæ, inde im-
mortalitas. 10.
Ingratus ut v. pera detestandus.
126. b.
Ira impotentis exempla memora-
lia. 99.
Ira remedium potiss. mora & dilatio.
100. b.
Labore omnia bona veneunt. 66.
Libertatis damno præmia. 109. b.
Lingua latina & græca fores omnis
eruditionis. 59.
Litteris & eruditione nihil præstan-
tius. 94.
Luscinia luculenta descriptio. 73.
Maximilianus. I. scripsit Sylvam ex-
perientiarum, teste Iacobo Spic-
gelo. 3.
Maximilianus. II. dicitur in suis the-
sauris habuisse extitatum Basili-
æum. 18.
Mendacium nullum senescit. 14. b.
Moderationis fama iuvenib. imprim-
is observanda. 37.
Musarum sectatores tres hostes ha-
bent, ventrem somnum & concupis-
centiam. 4.
Musella naturalis hostis serpentis.
4.
Ruta se munis contra eum ante
pugnam. 16.

Narcissus ex nimio amore in florem mut. <i>Luc.</i> 31	Puerorum institutio quam sit labo- riosa. 51.
Naturalium rerum omnium mira vicissitudo. 45. b.	Pueris duo maxime necessaria, laudis studium, & modestia. 70. b.
Natura humana duplex vis. 98. b.	Pueri ingenium quale laudet Quin- tilianus. 86. b.
Neglectio etiam optima corrumpit, exercitatio confirmat. 83.	Quatuor impediunt homines ne ma- gnas ac praeclares res consequan- tur. 57.
Nihil flagitiosius aut nocentius im- puris libidinibus 19.	Res magna ut plurimum non tam viribus quam consilio geruntur. 13.
Nobilitas generis & pulchritudo corporis sine virtute ac doctrina nihil sunt. 7.	Rhinocerotis cū Elephanto pugna. 4.
Nobilitas malis & improbis plane inutilis. 7. b.	Rosa elegans descriptio. 20.
Obediencia singulare bonum. Occasio diligenter observanda. 33.	Rosa centifolia Theoph. 22.
Apud veteres quomodo pingatur. 15.	Rosa in siccis locis odoratior quam humidis. 21. b.
Olea pacis signum. 16.	Sapientes septem in civitatib. suis gubernationem obtinuerunt. 94.
Panthera descriptio. 182. b.	Scientia trib. completur. Natura Doctrina & exercitatione. 122. b.
Peregrinationes unde tam grata sint hominib. 59.	Scribendi Cacoëthes nostro tempore nocentiss. ac frequentiss. 31.
Philantia ingens malum Ecclesia & Reip. 31.	Semper fieri est nunquam secundum Platonem. 45.
Philantia omnium malorum fons secundum Platonem. 32.	Serpens hieroglyphicum signum an- ni. 44. b.
Philosophia laus. 26.	Serpens salivam hominis ieiunii fugis & illi in os immissa moritur. 11.
Qualis illius summa perfectio in hac vita. 27.	Socrates natura stupidus labore & assiduitate plurimum profecit. 52.
Plato vult potentiam cum sapientia coniungi. 2.	Stephanus Rex Polonorum sapientiss. ac fortissimus Moschos devicit. 4. b.
Platonis specus plenum opinionum spectris. 7.	Suillum genus in Arabia ob odores non vivit. 127. b.
Principes docti aliis preferendi. 2.	Sua amaracum non fert. 15.
Plures eorum nominatim recensentur. bi.	Sycomori descriptio. 123.
Promethei fabula ethico explicatur. 96. b.	Tardior

<i>Tardior saepe celeriore</i> vincit. 92.	<i>Virtus & ars circa difficilia versan-</i> <i>tur.</i> 61.
<i>Theologia omnium scientiarum re-</i> <i>gina.</i> 27.	<i>Virtus duplex, moralis & intellec-</i> <i>tu.</i> 65.
<i>Tigris quanto opere amet foetum.</i> 93.	<i>Virtus affectuum stimulis excitatur.</i> 136. b.
<i>Venerem vincit sobrietas & illius an-</i> <i>tidotus temperantia.</i> 11. b.	<i>Visus & auditus inter sensus prae-</i> <i>pui.</i> 103. b.
<i>Veritatis & vanitatis descriptio.</i> 79.	<i>Visus an auditus praestantior.</i> ib.
<i>Veritatis radins contra mendacia in</i> <i>victus.</i> 14. b.	<i>Vita sine libris obscura & imperfe-</i> <i>cta.</i> 60. b.
<i>Veteres sua scripta diu & studie se</i> <i>emendarunt.</i> 35. b.	<i>Vita apud Celiium ferro confertur.</i> 66. b.
<i>Victorian nulla expers cura & laboris.</i> 4. b.	<i>Vita vigilia secundum Plinium.</i> 5. b.
<i>Vigilia decent bonarum Artium stu-</i> <i>diosos.</i> 37.	<i>Vita voluptaria detrimenta plurima.</i> 11. b.
<i>Vipera acerrimus hostis lusciniæ.</i> 75	<i>Voluptatum turpium descriptio.</i> 90.
<i>Virtus excellens sine litteris & eru-</i> <i>ditione parari nequit.</i> 1. b.	<i>Voluptates ex gustu & tactu impor-</i> <i>tunissima.</i> 113.
<i>Virtus & doctrina cum homine non</i> <i>intereunt.</i> 9. b.	<i>Voluptas vipera confertur.</i> 76. b.

F I N I S.



N O R I B E R G Æ.

Excudebat Christophorus Lochnerus.

ANNO MD LXXVII.



ILa
61749

14 16

SPECIAL

87-B

6389

THE GETTY CENTER
LIBRARY

